



*Roho Mtakatifu akunaye ndani yangu*

**Njia ya tahadhari kwako  
katika kumpokea  
Roho Mtakatifu**

**PAUL C. JONG**

# **Hebu tuondoe pazia la kazi ya shetani ambaye amekuwa akilaghai Walimwengu kwa muda mrefu.**

Mwandishi wa kitabu hiki kwa muda mrefu yeye binafsi amejitolea kubadilisha ulaghai wa kazi ya shetani ambayo bado amejificha kwa takribani muda mrefu.

Kwa kujigeuza na kujifanya yeye kuwa ndiye Roho Mtakatifu, shetani ameweza kuwalaghai watu moja kwa moja kutokana na kutoelewa kwao juu ya Injili iliyo halisi. Hivyo basi yatupasa kuwa na ufahamu sahihi wa Injili ya maji na Roho na kuamini kwa mioyo yetu yote.

Shetani ametumia kafara za Kikristo, mafundisho na kazi za kishetani ili kuwalaghai watu na kuwaongoza katika uharibifu. Hata sasa shetani anawadanganya watu kwa kutumia njia hizi kuwakwamisha katika kumpokea Roho Mtakatifu.

Kwa njia ile ambayo pia watu wameshindwa kuelewa haki ya Mungu na hata kuwa na imani isiyokuwa sahihi kwa maelfu ya miaka toka kipindi cha miaka ya kati, ndivyo ilivyo hata kwa Wakristo wa nyakati hizi wamo katika mazingira ya kutoelewa kazi za shetani na zile za Roho Mtakatifu. Watu hawana ufahamu kwamba wanafanya kazi wakiwa watumwa wa shetani.

Katika kitabu hiki, Mwandishi amejaribu kufafanua ukweli wa kuweza kukomboa roho kwa kuondoa pazia lililowekwa kwa kazi za shetani zilizofichika kwa muda mrefu.

**Njia ya tahadhari kwako katika kumpokea Roho Mtakatifu**



**Hephzibah**

**Njia ya tahadhari kwako  
katika kumpokea  
Roho Mtakatifu**

Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

**Njia ya tahadhari kwako  
katika kumpokea  
Roho Mtakatifu**

**PAUL C. JONG**



**Hephzibah Publishing House**

**A Ministry of THE NEW LIFE MISSION  
SEOUL, KOREA**

Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

**Roho Mtakatifu akaaye ndani yangu**

***Njia ya tahadhari kwako katika kumpokea Roho Mtakatifu***

Hakimiliki © 2012 na Hephzibah Publishing House.

Haki zote zimehifadhiwa. Hairuhusiwi kunakiri kubadili sehemu ya kitabu hiki kwa njia yoyote ile ikiwa ni pamoja na kunakiri, kurekodi, au kukidurufu bila ya ridhaa ya maandishi toka kwa mmiliki wa kitabu hiki.

Nukuu za Maandiko ya Biblia zinatoka katika Tafsiri ya Ushirikiano wa Makanisa – Kenya (Nairobi) na Tanzania (Dodoma).

(Swahili Union version)

ISBN 978-89-282-0247-8

Usanifu wa jalada na Min-soo Kim

Vielelezo vya picha na Young-ae Kim

Kimechapishwa Korea

## **Hephzibah Publishing House**

A Ministry of THE NEW LIFE MISSION

Seoul, Korea

- ♠ Website: <https://www.nlmission.com>  
<https://www.bjnewlife.org>  
<https://www.nlmbookcafe.com>
- ♠ E-mail: [newlife@bjnewlife.org](mailto:newlife@bjnewlife.org)

Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# SHUKRANI

Nampa Bwana shukrani, aliyetuokoa kutokana na minong'ono na misukumo ya shetani, na pia ningependa kutoa shukrani zangu za moyoni kwa watumishi nilio waorodhesha hapo chini, watenda kazi wenzangu na watakatifu wote waliojitolea nafsi zao katika kukichapisha kitabu hiki.

Mch. John Shin  
Hyun - ah Choi  
Sang - min Lee  
Ross Wallance  
Anthony Banks.

Kitabu hiki ni sehemu ya mfululizo uliopita wa vitabu vyangu viwili vilivyochapishwa. Kwa mara nyingine nimejaribu kuthibitisha kazi ya Roho Mtakatifu na kubainisha ile iliyokuwa ya shetani kwa uwazi zaidi na kwa utafiti wa kina na kwa mtazamo wa Kibiblia. Natumaini kwamba kitabu hiki kitasomwa na Wakristo walio wengi ulimwenguni pote na pia hata kwa wale wanoteseka na kujutia baada ya kudanganywa na shetani. Natumaini pia watumishi wa Mungu na watu wa kawaida watarejea katika ufahamu mkuu wa kwamba kazi ya shetani bado inaendelea katika Ukristo hadi nyakati hizi.

Hapo mwanzo nami niliwahi kuteseka sana baada ya kudanganywa na pepo ajifanyaye kuwa ni Yesu. Lakini Bwana aliniokoa toka katika ulaghai na maateso ya pepo huyo kwa Injili ya mji na Roho. Hivyo nampa shukrani Bwana aliyenipa kibali cha kufanya kazi yake kwa kunibainishia jinsi ile shetani anavyotumia jina la Yesu kwa kufanya kazi zake. Kitabu hiki ni mahususi kwa wale wote wanaoteseka kwa imani potofu kama nilivyokuwa kwangu hapo mwanzo. Mpe Mungu utukufu wote..... ☒

**PAUL C. JONG**

Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Mwanzo

Imani ya Kristo hapa ulimwenguni inapaswa kubadilika. Katika Ukristo, mjadala mkuu wa siku zote ni juu ya “Wokovu toka dhambini” na “Kuwa na Roho Mtakatifu”. Hata hivyo wachache walio na ufahamu juu ya mambo haya mawili, ingawa ukweli ni kwamba ndiyo mambo yaliyo muhimu katika Ukristo. Watu huthubutu hata kusema kuwa wanamwamini Yesu Kristo huku wakiwa hawana ufahamu juu ya mambo ya kimsingi Kibiblia katika kufahamu juu ya Ukombozi na Roho Mtakatifu. Hivyo Mungu ametuita sisi tulio mpokea Roho Mtakatifu ili aweze kuandika kitabu hiki kinachohusu kumpokea Roho Mtakatifu ili watu wote waweze kugundua majibu ya maswali yao.

Niliteseka hapo mwanzo kutokana na hisia za kufungwa na sheria ingawa nilikuwa muumini wa Yesu Kristo. Hata hivyo, Mungu alinifanya nielewe Injili nzuri ya maji na Roho na kunipatia kipawa cha Roho Mtakatifu. Sayansi na teknolojia vimekuwa kwa kasi kubwa kwa miaka sasa, lakini bado watu wanaofahamu namna ya kumpokea Roho Mtakatifu ni wachache na ndio maana nimeamua kuandika juu ya njia sahihi ya kuweza kumpokea Roho Mtakatifu kulingana na maandiko.

Katika Kitabu hiki, Injili nzuri inamaanisha ni ile Injili ya maji na Roho inayotupatia uwepo wa Roho Mtakatifu.

Je, unaifahamu Injili ya maji na Roho inayoweza kukupatia Roho Mtakatifu? Ikiwa unatamani kweli kumpokea Roho Mtakatifu yakupasa kwanza ufahamu halisi na sahihi juu ya hili. Je unafahamu juu ya Injili iwezayo kukupatia Roho Mtakatifu? Ikiwa unataka kumwomba Mungu kumpokea Roho Mtakatifu, ndipo basi kwanza yakupasa kupata ufahamu halisi

juu ya hili na kuwa na imani nalo. Sasa basi, nini kilicho muhimu katika kuhitimu kumpokea Roho Mtakatifu? Ni kutakaswa dhambi zako zote kupitia Injili njema ya maji na Roho. Kwa kukusaidia kuweza kufanya hivyo nitapenda kukupatia ufahamu halisi wa Injili ya maji na Roho. Ni pale tu utakapokubali juu ya ufahamu huo, ndipo utatakapompokea Roho Mtakatifu.

Injili ya maji na Roho kama ilivyoielezwa katika Biblia, ina nguvu kama ya mlio wa baruti unapolipuka ikiwa kama ni ndani ya jengo basi lote hubomoka kabisa. Ndivyo ilivyo pia Injili hubomolea mbali dhambi za mwenye kuamini mara moja na kwawakati wote. Ninyi wenye kuamini ukweli huu hakika mtapokea Roho Mtakatifu. Ufahamu wa Injili ya maji na Roho ambayo Bwana wetu ametupatia sisi wanadamu wote unatuletea baraka ya Roho Mtakatifu. Utajifunza zaidi juu Injili hii njema katika masomo nitakayo toa hapo mbeleni. Kwa nyongeza, kuwa na Roho Mtakatifu ndani yako kunakufanya uwe mwanafunzi wa Yesu. Ninyi mnao amini Injili ya maji na Roho, mtaishi kwa amani na furaha ya maishani kwa kushukuru katika yale maji ya uzima yanayo bubujika ndani ya uwepo wa Roho Mtakatifu.

Katika jamii ya kileo, watu wengi hawaelewi ukweli wa Injili ya maji na Roho, na wanateseka chini ya makosa ya kihisia wanayo pandikizwa na walimu waongo. Watu hao hukusanyika katika kile kinachoitwa mikutano ya uamsho huku kupiga makofi kwa furaha ya mashamushamu. Mhubiri anapokuwa jukwaani akiimbisha mapambio huku akiwaasa watu kutubu katika Mikutano ya aina hii ambayo mara nyingine huwa katika hali ya mashamushamu, watu hupiga makelele na kuita “Bwana!” na kurudia hata zaidi ya mara tatu wakimwomba Mungu ujazo wa Roho Mtakatifu hadi sauti kukauka.



Wale wote wenye kuhudhuria mikutano kama hii hujifanya kulia wakati wote badala ya kufanya maombi. Hali inapo fikia kilele katika tafrani hii watu hupiga makelele na mayowe hadi kuzimia. Hata hivyo mhubiri aliye jukwaani au madhabauni huweka kipaza sauti karibu kabisa na mdomo wake na kufanya sauti kama upepo upulizao huku akiwaongoza watu katika kina cha mashamshamu ya kidini. Ndipo huaza kuomba kwa kunena kwa lugha huku akiruka ruka na kuanza kuwaweka mikono watu juu ya vichwa vyao. Baadhi yao huanza kunena kwa lugha nao, na wengine huanguka kwa nguvu ghafla sakafuni na kuzimia.

Ndipo katikati ya mashamshamu na tafrani hii umati wote huanzia kusali kwa lugha isiyo fahamika (huitwa kunena kwa lugha) hadi kuchoka. Hupatwa na mfadhaiko wa mwili kama vile mapepo yameingia katika miili yao. Aina hii ya mashamshamu na taharuki humfanya mtu kuwa chakaramu. Tunaweza kuita hali hii ni ugonjwa wa mfadhaiko.

Watu wengi huvutiwa na uchakaramu huu wa kidini huku wakitumaini kumpokea Roho Mtakatifu. Huamini kwamba wataweza kumpokea Roho Mtakaatifu kwa kufikia hali ya kiwango cha juu cha mfadhaiko na uchakaramu wao. Lakini haya yote hutokana na shetani.

Watu chakaramu wa kidini hawatilii maanani Neno la Mungu katika kumpokea Roho Mtakatifu, bali wao huamini hisia za milii yao na mafundisho ya walimu waongo.

Kwa kuchunguza mambo haya na mengine ya aina hii tunaweza kuwaona wakristo wa nyakati hizi wamepatwa na ugonjwa ambao utaweza kuelezeka kuwa ni “Uamsho wa Wapentekoste” (the pentecostal-Charismatic Movement) au Upentekoste wa kileo (Neo Pentecostalism) ambao umetokana na dini ya Kishama (shamanism). Kwanini basi wanapatwa na ugonjwa huu wa uchakaramu? Kwa sababu wamekataa ukweli

ambao hunena kwamba, imewapasa kumpokea Roho Mtakatifu kwa kuamini injili njema ya maji na Roho tu.

Injili ya maji na Roho imekamilishwa kwa kupitia ubatizo wa Yesu alioupokea toka kwa Yohana na damu yake pale msalabani. Wale ambao imani zao zimetokana na uchakaramu wa aina hii, watakuwa kwenye makosa kwa kudhani wataweza kumpokea Roho Mtakatifu pasipo kuamini Injili ya maji na Roho. Aina hii ya imani iliyo yao ndiyo ifanyayo Ukristo kuonekana kuwa ni mojawapo ya imani za kishirikina kama ilivyo uchawi. Aina hii ya mavuguvugu ya uamsho katika dini za nyakati hizi yametapakaa duniani potena na Wakristo walio wengi wamechanganyikiwa kwa sababu hawawezi kujua ni ipi kazi ya Roho Mtakatifu na ile ya mapepo.

“Roho Mtakatifu yupo ndani ya nani?” ni swali ambalo limekuwa likisubiriwa jibu lake toka kwa watumishi na watafitiwa mambo ya kidini duniani pote. Matokeo yake watu wengi wamejaribu kuleta ujuzi wao na kuelewa kwao ambapo kumewaacha watu wachanganyikiwe na kujikuta wakiingia katika imani za mazingaombwe na uchawi. Tatizo hili limeanza wakati wa kukua kwa vuguvugu la Uamsho wa Wapentekoste (Pentecostal Charismatic Movement) takribani karne 19 iliyo pita. Vuguvugu hili liliikumba dunia yote. Lakini hii ilikuwa ni kazi ya roho za shetani na kuwanasa wale wote wanaojiona kuwa ni Wakristo.

Wakristo wote ulimwenguni lazima warudi katika neno la Mungu na katafuta jibu la maswali yao katika injili ya maji na Roho. Ili kusaidia wale wakristo halisi, nitaeleza kazi za Roho Mtakatifu kwa nyakati za kanisa la mwanzo na pia kutaja uhusiano kati ya “Injili ya maji na Roho na kumpokea Roho Mtakatifu”.

Juu ya yote nitaelezea kwa uwazi swala la kumpokea Roho Mtakatifu kwa wale wanao amini ubatizo wa “Yesu” na

damu yake msalabani.

Leo hii wakristo walio wengi wanaelewa visivyo juu ya swala hili muhimu la kumpokea Roho Mtakatifu. Kwa msimamo wao huamini kwamba mtu ambaye hajasamehewa dhambi zake ataweza kumpokea Roho Mtakatifu. Kulingana na Biblia hakuna Roho Mtakatifu pasipo kuamini maneno ya Injili ya maji na Roho. Hata hivyo, watu wengi hudhani kwamba kumwamini Yesu tu pasipo imani ya Injili ya majina Roho, kutawezesha kumpokea Roho Mtakatifu.

Yatupasa kujifunza maneno ya Mungu ili tutambue kwamba ndani yetu yupo Roho Mtakatifu au roho za mapepo na pia kuchunguza ikiwa Roho Mtakatifu ataweza kukaa ndani ya mwenye dhambi pia. Wewe unafikiri nini? Ikiwa unadhambi huku ukiwamini Yesu unadhani Roho Mtakatifu ataweza kukaa ndani yako? Unahakika roho iliyo ndani yako ni Roho Mtakatifu?

Lazima ujue ukweli kwamba Mungu ameruhusu Roho Mtakatifu kuwa ndani yako ikiwa tu unaimani katika injili ya maji na Roho. Hivyo ili uweze kumpokea Roho Mtakatifu yakupasa ujue na kuamini kwa moyo wako wote injili ya maji na Roho. Bila shaka naweza kukwambia kuwa hili ni la kweli. Ikiwa utakubali ukweli huu wa kibiblia ambao ninao kuainishia, hakika Roho Mtakatifu atakuwa juu yako.

Napenda kukueleza kuwa, iamini Injili ya maji na Roho kwa moyo wako wote. Hapo ndipo utakapo kutana na Bwana na hata kubarikiwa na ujazo wa Roho Mtakatifu ndani yako. Wale wote wanaoamini Injili ya maji na Roho ndiyo walio bariikiwa na kipawa cha Roho Mtakatifu. Bwana ametupatia karama zote za kiroho katika baraka za Mbinguni. Bwana awabariki kwa ujazo wa Roho Mtakatifu! ☒



# YALIYOMO

## SEHEMU YA KWANZA-MAHUBIRI

1. Roho Mtakatifu Hufanya kazi kupitia ahadi ya  
Neno la Mungu (Matendo 1:4-8) ----- 17
2. Je, inawezekana mtu kumnunua Roho Mtakatifu  
kwa uwezo wake? (Matendo 8:14-24) ----- 27
3. Mlmpokea Roho Mtakatifu mlipoamini?  
(Matendo 19:1-3) ----- 57
4. Wale walio na imani sawa na Mitume  
(Matendo 3:19)----- 69
5. Je, unataka kuwa na Ushirika na Roho Mtakatifu?  
(1 Yohana 1:1-10) ----- 73
6. Amini ili Roho Mtakatifu akae ndani yako  
(Mathayo 25:1-12) ----- 103
7. Injili iliyo njema inayowezesha Roho Mtakatifu  
kukaa ndani ya wanao amini (Isaya 9:6-7) ----- 119
8. Kupitia nani maji ya uzima ya Roho Mtakatifu  
hutiririka? (Yohana 7:37-38) ----- 147
9. Injili ya ubatizo wake iliyo tutakasa  
(Waefeso 2:14-22)----- 169
10. Tembea katika Roho!  
(Wagalatia 5:16-26, 6:6-18) ----- 183

11. Kutunza maisha yaliyo na ujazo wa Roho Mtakatifu ndani yako (Waefeso 5:6-18) -----	203
12. Kuishi Maisha ya Ujazo wa Roho Mtakatifu (Tito 3:1-8) -----	223
13. Kazi na vipawa vya Roho Mtakatifu (Yohana 16:5-11) -----	245
14. Ipi toba ya kweli katika kumpokea Roho Mtakatifu? (Matendo 2:38) -----	261
15. Utaweza kupokea ujazo wa Roho Mtakatifu pale utakapo elewa kweli tu (Yohana 8:31-36) -----	271
16. Mikakati ya wanao mpokea Roho Mtakatifu (Isaya 61:1-11) -----	277
17. Yatupasa tuwe na imani na tumaini katika Roho Mtakatifu (Warumi 8:16-25) -----	289
18. Ukweli uongozao wanao amini kujazwa Roho Mtakatifu (Yoshua 4:23) -----	299
19. Injili njema Iliyo pasua pazia la Hekalu (Mathayo 27:45-54) -----	313
20. Mtu aliye na uwepo wa Roho Mtakatifu ndani yake ndiye aongozaye wengine katika kumpokea Roho Mtakatifu (Yohana 20:21-23) -----	327

## **SEHEMU YA PILI-MAELEZO YA ZIADA**

1. Shuhuda za Wokovu -----	347
2. Maswali na Majibu -----	357

# MAHUBIRI 1


**Roho Mtakatifu Hufanya**

---

**kazi kupitia ahadi ya**

---

**Neno la Mungu**



Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri



# Roho Mtakatifu Hufanya kazi kupitia ahadi ya Neno la Mungu

< Matendo 1:4-8 >

“Hata alipokuwa amekutana nao aliwaagiza wasitoke Yerusalemu, bali waingoje ahadi ya Baba ambayo mlisikia habari zake kwangu ya kwamba Yohana aliwabatiza kwa maji, basi ninyi mtabatizwa katika Roho Mtakatifu baada siku hizi chache. Basi walipokutanika, wakamwuliza, wakisema Je? Bwana wakati huu ndipo unapowarudishia Israeli ufalme? Akawaambia si kazi yenu kujua nyakati wala majira Baba aliyokuwa katika mamlaka yake mwenyewe. Lakini mtapokea nguvu, akisha kuwajilia juu yenu Roho Mtakatifu nanyi mtakuwa mashahidi wangu katika Yerusalemu na katika Uyahudi yote, na Samaria na hata mwisho wa nchi.”

*Je, uwepo wa Roho Mtakatifu  
ndani ya mtu ni kipawa cha Mungu  
au ni juhudi ya mtu binafsi?*

*Ni kipawa kitolewacho kwa mtu aliyepokea  
msamaha wa dhambi, na imejumuisha  
maana ya utimilifu wa  
ahadi ya Mungu.*

Hapo mwanzo nilipatwa na tukio la kujiwa na miale

Omba kitabu cha bure katika tovuti ya [www.bjnewlife.org](http://www.bjnewlife.org)

ifananayo kama Roho Mtakatifu wakati wa maombi. Lakini miale hii haikudumu kwa muda, hivyo punde ilitoweka mbele ya kitita cha dhambi. Ingawa leo napenda kukuonyesha ukweli kuhusu Roho Mtakatifu ambaye atakaye kaa ndani yetu hata milele, si kwakupitia roho zidanganyazo ambazo hutambulika kwa dhambi, bali kupitia injili ya kweli. Roho Mtakatifu nitakaye mtambulisha kwako kwa kupitia ujumbe huu si kitu fulani unacho weza kupokea kwa maombi bali kupitia imani katika injili ya majina Roho tu.

Napenda kukuongoza katika kupokea **<sup>1</sup>uwepo wa Roho Mtakatifu ndani yako** kupitia kitabu hiki. Utagundua kwamba Roho Mtakatifu atakuhamasisha kwa ujumbe huu nitakao kupatia. Ni hamu kubwa ya Mungu kwetu kumpokea Roho Mtakatifu ndani yetu katika nyakati hizi. Utaweza kujifunza kuwa na Roho Mtakatifu ndani yako na kumpokea kupitia kitabu hiki. Ikiwa kama kitabu hiki hakitoweza kukidhi haja yako kikamilifu, nakushauri usome vitabu viwili vilivyo chapishwa nami hapo nyuma. Utaweza kupokea imani sahihi mbele ya Mungu kwa kupitia vitabu hivi.

Wakristo walio wengi hujaribu kumpokea Roho Mtakatifu kwa namna ile alivyo washukia wafuasi wa Yesu katika siku ile ya Pentekoste. Wapo baadhi ya watu wamepata vitita vya fedha kwa kutumia njia hii. Hujidai kwamba Roho Mtakatifu ni kitu fulani kinachoweza kupatikana kupitia juhudi ya mtu binafsi. Hutamani kuona maono, kutenda miujiza, kuisikia

---

<sup>1</sup> Roho Mtakatifu hukaa ndani ya moyo ya walio zaliwa upya ambao dhambi zao zote zimesamehewa kwa kuamini Injili ya maji na Roho. Punde, anapo kuja juu ya mtakatifu, hufanya makazi ndani yake milele na kamwe hatomwacha peke yake kadiri atakapo endelea kuamini Injili. Humpa ushawishi mtakatifu huyo, katika kumwongoza kuelekea mapenzi ya Mungu, kumwongoza katika Biblia, humpatia nguvu ili kushinda majaribu na taabu anazokutana nazo hapa ulimwenguni, na humfanya azae matunda ya Roho kwa wingi. Mungu huutukuza mwili wa mtakatifu ukiwa ni hekalu lake kupitia kuweka makazi ya Roho Mtakatifu (Matendo 2:38-39, Yohana 14:16, 16:8-10, 1 Korintho 3:16, 6:19, Wagalatia 5:22-23).

sauti ya Yesu, kunena kwa lugha, kuponya magonjwa na kukemea mapepo. Hata hivyo ndani yao huwa na dhambi mioyoni na wapo katika msukumo wa roho za shetani (Waefeso 2:1-2). Hata leo hii watu wengi bado wanaendelea kuishi pasipo kujua kwamba wapo chini ya nguvu za roho wa shetani. Hiki ndicho chombo na ulaghai wa shetani anao tumia dhidi ya watu kwa kutumia kila aina ya njia kama vile miujiza na maajabu ambayo hakika ni kiini macho tu.

Yesu aliwatuma wafuasi wake wasitoke Yerusalamu, bali waingoje ahadi ya Baba (Matendo 1:4). Kupokewa kwa Roho Mtakatifu kunakofunuliwa katika Matendo si kwakupitia “mazoea”, “kujitoa” au “sala za toba” bali kupitia kungojea ahadi ya Baba kumleta Roho Mtakatifu kwao. Kile tunacho paswa kujifunza kutoka katika ujumbe huu ni kwamba, uwepo wa Roho Mtakatifu ndani ya mtu hautegemei kupitia maombi ya dhati afanyayo. Hii ni karama ya Mungu ambayo itaweza kupatikana pale tu kupitia imani kamili katika Injili njema ya maji na Roho ambayo Baba Mungu na Yesu Kristo aliyowapa wanadamu. Uwepo wa Roho Mtakatifu ndani ya mtu hutokea kupitia imani ya Injili ambayo Yesu Kristo ametupatia. Mungu ametupa ukweli wa maji na Roho ili kwamba tuweze kumpokea Roho Mtakatifu ndani yetu (1 Yohana 3:3-5).

Neno “ahadi ya Roho Mtakatifu” hutokea mara nyingi katika Agano Jipya. Petro anaongelea katika mahubiri yake (Matendo 2:38-39) juu ya ubatizo wa Roho Mtakatifu katika siku ya Pentekoste. “Ni ahadi ya Mungu kutupatia Roho mtakatifu kwa wale walio pokea msamaha wa dhambi kutokana na kuamini injili njema.”

Roho Mtakatifu ni kipawa kilichomo ndani ya wale wote walio pokea msamaha wa dhambi zao na kujumuisha maana ya kutimia kwa ahadi ya Mungu. Roho Mtakatifu katika Agano Jipya si kitu kinachoweza kupatikana kupitia makubaliano kati

ya Mungu na watu bali ni ahadi ya zawadi toka kwa Mungu. Hivyo Roho Mtakatifu ndani ya mtu kama ilivyoanishwa katika matendo sio kitu kinachoweza kupatikana kupitia maombi (Matendo 8:19-20).

Roho Mtakatifu huja juu ya wale wote wanaoamini Injili ya maji na Roho ambayo Yesu aliyotupatia. Yesu aliwaahidi Wanafunzi wake kumtuma Roho Mtakatifu ili kwamba waweze kuwa naye ndani yao. *“Yohana aliwabatiza kwa maji bali ninyi mtabatizwa katika Roho Mtakatifu baada ya siku hizi chache” (Matendo 1:5).* Hivyo Mitume wake walisubiri kutimia kwa ahadi ya Mungu.

Kwa kuangalia imani za hawa walio katika Biblia ambao walipokea uwepo wa Roho Mtakatifu ndani yao, tunagundua kwamba haya yalitokea si kwa kupitia juhudi zao bali kwa mapenzi ya Mungu. Uwepo wa Roho Mtakatifu ndani ya wafuasi hao katika Matendo haukutokea kwa msingi wa juhudi za kibinamu au maendeleo ya kiroho.

Kuja kwa Roho Mtakatifu punde juu ya wafuasi wa Kristo kama ilivyoandikwa katika Matendo kulitokea kweli. Kulikuwa kama vile Yesu alivyosema “siyo siku chache kuanzia sasa”. Hii ndiyo iliyokuwa baraka ya kwanza katika kipindi cha Kanisa la kwanza. Kwa kuchunguza maandiko tunaweza kuona ahadi ya Mungu iliweza kutimia si kwa kupitia kufunga, maombi au kujitolea nafsi bali kupitia imani katika Kristo Yesu. Baada ya Yesu kupaa, waumini walimpokea Roho Mtakatifu kwa wakati mmoja.

## **Roho Mtakatifu aliwashukia Wafuasi wa Yesu ghafla toka Mbinguni!**

*“Hata ilipotimia siku ya Pentekoste walikuwako wote*

*mahali pamoja” (Matendo 2:1). Wafuasi wa Yesu walikusanyika wakisubiri kutimia kwa ahadi ya Mungu kumtuma Roho Mtakatifu. Ndipo Roho Mtakatifu alipokuja juu yao.*

*“Kukaja ghafla kutoka mbinguni uvumi kama uvumi wa upepo wa nguvu ukienda kwa kasi ukaijaza nyumba yote waliokuwa wameketi. Kukawatokea ndimi za moto uliwakalia kila mmoja wao. Wote wakajazwa Roho Mtakatifu wakaanza kusema kwa lugha nyingi kama Roho alivyowajalia kutamka” (Matendo 2:2-4).*

Roho Mtakatifu alishuka “ghafla kutoka mbinguni” hapo neno “ghafla” maana yake kulifanyika si kwa kupitia mapenzi ya Mwanadamu. Kwa nyongeza tafsiri ya “toka Mbinguni” inaweza kuelezwa mahali Roho Mtakatifu alipotoka, na pia kuondoa mawazo kwamba ujazo wa Roho Mtakatifu ndani ya mtu hutoka na mapenzi yake au juhudi. Tafsiri “Toka mbinguni” inatuonyesha kwamba, kusema Roho Mtakatifu anaweza kupatikana kwa kupitia maombi ni hoja za kitapeli.

Kwa maneno mengine, kusema kwamba Roho Mtakatifu alishuka ghafla toka mbinguni maana yake kuwa na Roho Mtakatifu ndani hakutokei kwa kupitia namna za kidunia kama vile kunena kwa lugha au kujitoa nafsi. Wafuasi wa Yesu walinena kwa lugha hapo awali katika kuhubiri Injili njema kwa watu wa mataifa yote. Sababu ya hili ni kuwa aliwawezesha kuhubiri Injili kwa lugha za kigeni toka ile ya Kiyahudi kwa msaada wake. Watu toka Mataifa yote waliweza kusikia wafuasi hao wakinena kwa lugha zao ingawa wengi wa wafuasi hawa walitokea Galilaya.

*“Kukawatokea ndimi za moto uliowakalia kila mmoja wao. Wote wakajazwa Roho Mtakatifu wakaanza kusema kwa lugha nyingine kama Roho alivyowajalia kutamka...” (Matendo 2:3-4). Hapa ni lazima kuwa makini zaidi tunapoona*

tafsiri, Roho Mtakatifu “kuwakalia kila mmoja wao”. Wafuasi walisubiri kuja kwa Roho Mtakatifu mahali pamoja wakiwa tayari wamekwisha kuamini Injili ya kuzaliwa upya mara ya pili katika maji na Roho.

Wakristo wengi nyakati hizi huelewa vibaya sehemu hii ya kifungu, wakiamini ya kwamba ujio wa Roho Mtakatifu hutokea kwa sauti kama ya upepo uvumao wanapokuwa kwenye maombi. Hata hivyo hili ni jambo potofu kuhusiana na Roho Mtakatifu litokanalo na upumbavu na kuchanganyikiwa. Je, Roho Mtakatifu hufanya sauti pindi anaposhuka juu ya watu? Hapana, hakika hafanyi.

Kile watu wanachosikia ni sauti ya shetani afanyayo pale anaposhambulia roho za watu. Hufanya sauti hizi pale anapofanya mazingaombwe, sauti za kunongoneza na miujiza ya uongo katika juhudi za kuwaingiza watu katika kuchanganyikiwa kwa kusingizia kuwa ni Roho Mtakatifu. Watu wengi hupokea kwa kudhani mambo haya yote ni ishara na ushuhuda wa kushuka kwa Roho Mtakatifu. Pia hudhani kwamba Roho Mtakatifu huja kwa sauti kama ya “Shwuihhh...” Kama ya upepo mkuu. Wanadanganyika na mapepo. Kuja kwa Roho Mtakatifu kama ilivyoandikwa katika Matendo kuliwezesha kwa kupitia imani katika Injili njema tu.

## **Imani ya Petro (1 Petro 3:21) ilikuwa ni sahihi kumwezesha kupokea Roho Mtakatifu ndani yake.**

Kwa kuweka bayana tukio la kwanza la Pentekoste katika Matendo 2, Mungu anataka kuweka msisitizo wa ukweli kuwa Roho Mtakatifu alishuka juu yao kwa sababu walikuwa tayari wamekwisha amini Injili ya maji na Roho. Lakini watu mara nyingi hudhani Pentekoste ni wakati ule Roho Mtakatifu

anaposhuka toka mbinguni kwa ishara zisizo za kawaida na tafrani za makelele.

Na ndiyo maana nyakati hizi katika mikutano ya uamsho inaaminika kwamba mtu aweza kupokea Roho Mtakatifu kupitia sala za kurudia rudia, kufunga kula au kuwekewa mikono. Matukio yasiyo ya kawaida kama vile kuwa na mapepo, kuanguka bila fahamu, kukosa fahamu kwa siku kadhaa au kutetemeka bila kujizuia hizi si kazi za Roho Mtakatifu.

Roho Mtakatifu ni nafsi iliyo na utashi kamili na kamwe haidharau utu wa mwanadamu. Roho Mtakatifu hana tabia ya kumdhalilisha mtu kwa sababu yeye ni nafsi ya Mungu aliye na utashi akili na hisia. Huja juu ya watu pale tu wanapoamini maneno ya Injili ya maji na Roho (Matendo 2:38).

Petro alishuhudia kwamba Roho Mtakatifu alikuja juu ya wafuasi kama ilivyo tabiriwa na Nabii Joeli. Ilikuwa ni kutimizwa kwa ahadi ya Mungu iliyo sema kwamba Roho Mtakatifu atawashukia wale wote watakao pokea ondoleo la dhambi. Kwa maneno mengine kuwa na Roho Mtakatifu ndani huja kwa wale wanaoamini ukweli kuwa Yesu alibatizwa na Yohana na kusulubiwa ili kuwaokoa wanadamu na dhambi zao. Hotuba ya Petro ukijumuisha na unabii wa Yoeli, hutuonyesha kwamba yatupasa kujua kwanini Yesu alibatizwa, na kwa nini imetulazimu kuamini hili. Kwa kujua ukweli huu ndipo kunako pelekea Wakristo kumpokea Roho Mtakatifu.

Je, unaamini Injili hii njema ambayo Petro anayoshuhudia? (1 Petro 3:21) au bado wewe unaamini upuuzi na mazingaombwe ya imani zisizo na umuhimu kinyume na Injili njema? Je, unajaribu kumpokea Roho Mtakatifu kwa kupitia juhudi zako kwa kuweka kando mpangilio wa Mungu? Hata ikiwa mtu atamwamini Mungu na kufanya maombi ya toba kwa matumaini ya kutakaswa dhambi zake hakuna njia

nyingine ya kuweza kumpokea Roho Mtakatifu zaidi ya kuamini injili ya majina Roho.

Je, bado unasubiri kumpata Roho Mtakatifu ndani yako huku ukiwa huna ufahamu wa injili ya maji na Roho? Je, wajua maana halisi ya ubatizo wa Yesu na damu yake msalabani ambayo hupelekea Roho Mtakatifu kuja ndani ya moyo wako? Ni lazima ujue kwamba Roho Mtakatifu kuweza kuwa ndani yako inawezakana ikiwa tu unapoamini injili ya maji na Roho. Ukweli wa Roho Mtakatifu kuwa ndani yako unawezekana kwa wote wale watakaoamini Injili ya maji na Roho. Tunamshukuru Mungu kwa kutupatia Injili yake ya maji na Roho ambayo ndiyo pekee ituwezeshayo kumpokea Roho Mtakatifu ndani yetu. ☒



# MAHUBIRI 2

**Je, inawezekana mtu**  

---

**kumnunua Roho Mtakatifu**  

---

**kwa uwezo wake?**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# **Je, inawezekana mtu kumnunua Roho Mtakatifu kwa uwezo wake?**

**< Metendo 8:14–24 >**

**“Na Mitume waliokuwako Yesuramu, waliposikia ya kwamba Samaria imelikubali neno la Mungu wakawaombea wampokee Roho Mtakatifu kwa maana bado hawajawashukia hata mmoja wao ila wamebatizwa tu kwa jina lake Bwana Yesu. Ndipo wakaweka mikono yao juu yao, nao wakampokea Roho Mtakatifu. Hata Simoni alipoona ya kuwa watu wanapewa Roho Mtakatifu kwa kuwekewa mikono ya Mitume akataka kuwapa fedha akisema, nipeni na mimi uwezo huu ili kila mtu nitakaye mwekea mikono yangu apokee Roho Mtakatifu. Lakini Petro akamwambia fedha na ipotelee mbali pamoja nawe kwa kuwa umedhanja ya kuwa karama ya Mungu yapatikana kwa mali. Huna fungu wala huna sehemu katika jambo hili, kwa kuwa moyo wako si mnyofu mbele za Mungu. Basi, tubia uovu wako huu ukamwombe Bwana ili kama yamkini usamehewe fikira hii ya moyo wako. Kwa maana nakuona u katika uchungu kama nyongo, na tena u katika kifungo cha uovu. Simon akajibu akasema, niombeeni ninyi kwa Bwana yasinifike mambo haya mliosema hata moja.”**



Husika na somo kuu katika kifungu hiki, napenda kuleta ujumbe huu iwapo “mtu anaweza kumpokea Roho Mtakatifu ndani yake kwa kupitia juhudi binafsi”. Mitume katika nyakati hizo za Kanisa la kwanza waliweza kupokea nguvu toka kwa Mungu na kutumwa sehemu kadhaa naye. Yapo matendo ya miujiza kadhaa katika Kitabu cha Matendo, mojawapo likiwa kushuka kwa Roho Mtakatifu juu ya waumini pale Mitume walipowawekea mikono. Biblia inasema “*Mitume walipowawekea mikono wale ambao hawakuwa wamempokea Roho Mtakatifu ingawa walikwisha mwamini Yesu, walipokea Roho Mtakatifu.*”

Sasa basi, ni kwa namna gani walimpokea Roho Mtakatifu kwa kuwekewa mikono? Kwa wakati huo maneno ya Mungu bado yalikuwa yakiendelea kuandikwa na hivyo basi kazi ilikuwa bado haijakamilika hivyo Mungu aliwapa Mitume nguvu za pekee kuweza kufanya kazi zake. Alikuwa pamoja na Mitume na kuweza kuleta miujiza mingi na maajabu kupitia kwao. Kilikuwa ni kipindi pekee, wakati Mungu alipofanya maajabu na miujiza ambayo iliweza kuonekana kwa macho ya wanadamu ili kuweza kuwafanya watu waweze kumwamini Yesu Kristo kuwa kweli ni mwana wa Mungu na ndiye mwokozi. Palikuwepo na umuhimu kwa Mungu pamoja na Mitume kwa nguvu za ajabu kuweza kuonyesha kazi ya Roho Mtakatifu ili kuthibitisha kwamba Yesu Kristo ndiye Mungu na

kwamba ndiye Mwana wa Mungu Mwokozi. Ikiwa Roho Mtakatifu asingefanya kazi kupitia miujiza na maajabu kwa nyakati hizo za kanisa la kwanza hakika pasingekuwepo na yeyote awezaye kumwamini Yesu kuwa ni Mwokozi.

Hata hivyo hakuna umuhimu tena kwetu sisi leo hii kumpokea Roho Mtakatifu kupitia miujiza na maajabu ya kuonekana kwa macho ya kawaida kwa sababu Biblia imekamilika. Badala yake sasa, kuwa na Roho Mtakatifu ndani yetu kunategemea imani zetu zaidi. Kwa maneno mengine ni kuamini Injili ya kweli. Mungu ametupatia Roho Mtakatifu awe ndani yetu kwa wale tu watakao kuwa na imani ya Injili ya kweli mbele ya Mungu. Kuwa na Roho Mtakatifu ndani hutokea kwa wale tu wanao amini maneno ya Mungu kama ilivyo timia kwa kuja kwake Yesu hapa ulimwenguni na kwa ubatizo wake na damu yake.

Nyakati hizi wachungaji wengi hufundisha waumini wao kwamba matendo yasiyo ya kawaida yawezayo kuonekana kwa macho ndiyo ishara tosha ya kuwa na Roho Mtakatifu. Hivyo kuwaongoza waumini kumpokea Roho Mtakatifu kwa njia hiyo. Huwapotosha watu kwa kuwapa mafundisho ya uongo kama yale ya kunena kwa lugha kuwa ndiyo ishara ya kushukiwa na Roho Mtakatifu. Wachungaji hawa hujiona kuwa wao ndiyo mitume watendao miujiza na maajabu makuu na hivyo kuvutia washabiki wa kidini ambao hutaka kumjua Mungu kwa hisia zao.

Ushabiki huu umeenea kwa Wakristo walio wengi duniani pote na wengi wao hufuata imani hizo na hatimaye kupatwa na roho za kishetani kwa kupitia njia za nguvu za giza. Hata leo, watu hao waliokumbwa na ushabiki wa aina hii hudhani kuwa nao wataweza kuwafanya wenzao kuweza kumpokea Roho Mtakatifu kupitia kuwekewa mikono.

Hata hivyo kwa jinsi Simoni alivyo potoka, nao huwa

kama wachawi wanaonekana katika kifungu hicho. Wameharibiwa kwa kujikonga nafsi zao na tamaa ya mwili lakini matendo yao yote huleta tafrani katikati ya watu. Aina hii ya mafundisho ya uongo hupindisha njia ya kweli katika kupokea uwepo wa Roho Mtakatifu mbele ya Mungu.

Hata leo, wengi wa mitume waongo hufanya kazi za ibilisi kupitia mambo yasiyo sahihi ya kidini, wakijifanya kutenda kazi za Roho Mtakatifu. Wakristo walio wa kweli ni lazima walishike neno la Mungu ambalo ndiyo ufahamu pekee wa kuweza kupokea uwepo wa Roho Mtakatifu ndani. Wale wote wanaojifanya kuwa ni Wapentekoste, ambao husisitizia mwonekano wa nje kimwili nilazima waache imani hizi potofu wayarejee maneno ya Mungu na kuamini ukweli ambao kwa hakika utawaongoza katika kumpokea Roho Mtakatifu ndani yao.

Simoni alikuwa mchawi maarufu Samaria katika nyakati hizo. Baada ya kuwaona mitume wa Yesu wakisababisha watu kumpokea Roho Mtakatifu, alitamani kumnunua Roho Mtakatifu kwa fedha. Watu wa imani ya aina hii bila shaka huishia kuwa watumwa wa ibilisi wakitumiwa kutenda kazi zake. Simoni alitaka kumpokea Roho Mtakatifu lakini tamaa zake zilikuwa si nyingine bali ni kujipatia kipato binafsi. Tunaweza kuona aina hii ya imani siyo yakupelekea kumpokea Roho.

Simoni alijaribu kumnunua Roho Mtakatifu kwa fedha kwasababu ya uchoyo ulio tokana na kutamani nguvu za Roho Mtakatifu. Alikemewa vikali na mtumishi wa Mungu Petro. Ingawa ilisemekana kwamba Simoni alikuwa akimwamini Yesu hakuwa ni mtu kamwe aliyekuwa amempokea Roho Mtakatifu kupitia ondoleo la dhambi. Kwa maneno mengine yeye alidhani ya kwamba angeweza kupokea uwepo wa Roho Mtakatifu ndani yake kwa kutoa mali za kidunia kwa Mungu.

Ingawa muonekano wake wa nje ulionyesha kwamba alikuwa akimwamini Yesu, mawazo yake halisi ndani yalikuwa hayawiani na maneno ya Yesu. Badala yake alijawa na tamaa za kimwili. Petro aliye yagundua mawazo ya Simoni alimkemea kwa kuwa alijaribu kutaka kumpokea Roho Mtakatifu ambaye ni zawadi ya Mungu kwa fedha. Alimtaadharisha Simoni kwamba angeweza kuangamia na fedha zake.

Nyakati hizi mitume waongo walio tawaliwa na roho za ibilisi hunena kwa kuwalaghai watu kwa kuwafanya kudhani kwamba miujiza na maajabu yote ni kazi za Roho Mtakatifu. Tunaweza kuona mara nyingi watu wakifurahia aina hizi za nguvu na kuomba kwa dhati nao waweze kumpokea Roho Mtakatifu. Hata hivyo mtu imempasa kuwa makini kwamba hapana yeyote atakaye mpokea Roho Mtakatifu ndani yake kupitia maombi yaliyo na tamaa za kidunia.

Je, wapo pia watu wa uamsho wa vipawa (karismatiki) kati yako kwa nafasi yoyote? Imekupasa uwe mwangalifu dhidi ya watu wa aina hii. Huwafata watu kwa imani hizi za mashamshamu na kishabiki. Husema kwamba wanaweza kukemea mapepo na hata kuweza kuwafanya watu kumpokea Roho Mtakatifu kupitia kuwawekea mikono. Hata hivyo watu hawa huwa na nguvu ambazo si za Roho Mtakatifu bali ni nguvu za pepo wachafu. Wale wanaodai kumpokea Roho Mtakatifu kwa njia ya kuwekewa mikono hujiongoza wao binafsi na wengie katika kupokea roho chafu.

Kupokea uwepo wa Roho Mtakatifu huja kwa sisi wote tu naoamini maneno ya maji na Roho (1 Yohana 5:3-7). Ingawa injili ya majina Roho imeandikwa kwa uwazi katika Biblia, bado watu walio wengi hudhani mioyoni mwao kwamba wataweza jaribu kumfikia Mungu kwa kupitia nguvu za miujiza na kwa hali za kupumbaza, kunena kwa lugha, maono

na kukemea pepo. Na ndiyo maana manabii waongo wameweza kuwadanganya watu wengi katika kuamini mazingaombwe ya Kikristo yatokanayo na ibilisi mwovu.

Petro alimkemea Simoni kwa kumwambia, *“Fedha yako na ipotee mbali pamoja nawe, kwa kuwa umedhania kuwa karama ya Mungu yapatikana kwa mali. Huna fungu wala huna sehemu katika jambo hili. Basi tubia uovu wako huu ukamwombe Bwana ili kama yamkini usamehewe fikra hii ya moyo wako. Kwa maana nakuona u katika uchungu kama nyongo na tena u katika kifungo cha uovu.”* Yatupasa kujawa na simanzi kwa sababu leo hii wapo watumishi wa aina hii. Wengi wao ni wale wajiitao wenye vipawa au wakarismatiki. Hudai fedha kwa makundi yao. Tuwe mbali sana nao na watu wa imani hizi na tumpokee Roho Mtakatifu ndani yetu kwa Injili ya kweli katika maji na Roho (Mathayo 3:15, 1 Petro 3:21, Yohana 1:29, Yohana 19:21-23).

## **Watu wa vipawa hutenda kazi kwa kuwekea mikono!**

Yatupasa kuwa mbali na imani ya aina hii. Baadhi ya watu siku hizi wanaimani potofu kwamba wataweza kumpokea Roho Mtakatifu ikiwa watawekewa mikono na wale waliokwisha kupokea nguvu hizo. Wao hudhani kwamba kwakuwa maandiko yanasema kuwa watu wengi walimpokea Roho Mtakatifu waliposhuhudia kuwekewa mikono na Mitume, hivyo nao wataweza kufanya namna hiyo pia. Baadhi yao wanajisingizia kwa imani potofu za aina hii, wanadhani kuwa wataweza kuwapa wengine Roho Mtakatifu kwa kupitia kuwawekea mikono juu yao. Yatupasa kuwa makini na kuwepo kwa watu wa aina hii.



Hata hivyo yatupasa kuweka akilini kwamba imani za watu hawa zinautofauti mkubwa na zile za Mitume wakati wa kipindi cha Kanisa la mwanzo. Siku hizi jambo kuu lenye kuleta ubishani mkali katika imani za baadhi ya Wakristo ni kwasababu hawana imani katika Injili ya kweli ya maji na Roho kati yao. Wengi husema kwamba wanamwamini Mungu lakini hawakumweshimu na hivyo badala yake hujidanga nafsi zao na zawenzao. Hata hivyo wenye dhambi kamwe hawatoweza kudanganya swala la kumpokea Roho Mtakatifu au hata kufanya wengine wadanganyike. Ikiwa mtu fulani atasema kwamba Roho amekuja juu yake yeye mwenye dhambi basi roho huyo hakuwa ni yule Roho Mtakatifu kweli, bali badala yake ni roho wa shetani ajifanyaye kuwa Roho wa kweli.

Mitume wakati wa Kanisa la mwanzo walikuwa ni watu waliomjua na kumuamini Yesu Kristo kuwa ndiye mwokozi aliyechukua dhambi zote za wanadamu kupitia ubatizo wake alioupokea kwa Yohana na kifo chake msalabani. Waliweza kupokea Roho Mtakatifu kwa sababu waliamini ukweli juu ya ubatizo wa Yesu na damu yake pale msalabani. Pia walihubiri Injili ya maji na Roho kwa wengine hivyo kuweza kuwasaidia katika kuwaongoza kumpokea Roho Mtakatifu.

Lakini siku hizi Wakristo wengi wamempokea katika imani za kishabiki. Je ni kweli mwenye dhambi katika nyakati hizi ataweza kumpokea Roho Mtakatifu kupitia kuwekewa mikono toka kwa mhudumu mwingine aliye na dhambi? Hakika hili halifikiriki. Wapo watu wanaosema kwamba ingawa wanadhambi moyoni, wamempokea Roho Mtakatifu ndani yao. Hata ikiwa mtu anaonekana ni mchungaji mzuri machoni pa kundi lake kamwe hawawezi kumsababisha yeyote kumpokea Roho Mtakatifu ndani ikiwa yeye mwenyewe anadhambi moyoni.

Hii ndiyo sababu Manabii wengi wa uongo wameweza kuwaongoza watu kuelekea motoni. Yakupasa uelewe ukweli kwamba wale wote wenye kufundisha aina hii ya imani ni manabii wa uongo. Hawa ni watu ambao tayari wameshikiliwa na mapepo.

Ikiwa mtu anadhambi moyoni, je, Roho Mtakatifu ataweza kukaa ndani yake? Jibu ni hapana. Jingine, je, itawezekana kwa mtu aliye na dhambi kuweza kusababisha mtu mwingine aweze kupokea Roho Mtakatifu? Kwa mara nyingine jibu ni hapana. Sasa basi nini kinacho sababisha watu wanao semekana kuwa na vipawa (karismatiki) katika nyakati hizi kuweza kufanya miujiza na maajabu katika ukristo huku wakiwa bado wanadhambi moyoni mwao? Mapepo au roho chafu hufanya hivyo. Roho Mtakatifu kamwe hawezi kuishi ndani ya mwenye dhambi. Yeye hukaa ndani ya wale tu walio na imani katika Injili ya maji na Roho. Je? wewe nawe unauhakika roho aliye ndani yako ni Roho Mtakatifu?

Katika Yohana 3:5 Yesu alisema “*Mtu asipozaliwa kwa maji na kwa Roho, hawezi kuingia ufalme wa Mungu.*” Kwa namna hii basi Roho Mtakatifu kuweka makazi ndani kutawezekana kwa wale tu watakao amini injili ya maji na Roho. Kosa ambalo wakristo wengi wafanyalo nyakati hizi nikwamba, huamini kwamba mtu ataweza pia kumpokea Roho Mtakatifu ndani yake kwa kuwekewa mikono na mtumishi mwenye dhambi. Hili nikosa kubwa na la hatari. Nyakati hizi, wakristo wengi na watumishi wao wanaimani na dhamiri zao kwamba, kuwa na Roho Mtakatifu ndani ya mtu huja kwa kupitia kuwekewa mikono.

## **Uhusiano kati ya ondoleo la dhambi la kweli na tendo la kuwekea mikono.**

“Kuwekea mikono” ni namna ambayo mtu huweza kutwika au kutoa kitu alichonacho juu ya kitu kingine. Kwa mfano, ikiwa tutazungumza katika kipaza sauti, sauti hiyo husafiri kupitia waya toka kipaza sauti na kutokea upande wa pili kwa sauti kubwa zaidi katika spika ili kila mtu aweze kusikia. Ndivyo pia katika Agano la kale pale mwenye dhambi alipoweka mikono yake juu kichwa cha mnyama wa sadaka na hivyo kusamehewa. Kwanjia hiyo pia, nguvu ya Mungu huwekwa juu ya mtu kwa mtu kwa tendo la kuwekewa mikono toka kwa mtumishi wake. Hivyo tendo la kuwekea mikono limechukua maana ya “kuhamisha, kutwika”.

Watu wanaojiita ni wenye vipawa (wanakarismatiki) hawawezi kamwe kusababisha mtu kuweza kuwa na Roho Mtakatifu ndani yake kwa njia ya kuwekea mikono, badala yake kusababisha watu hao kupokea roho chafu. Lazima ukumbuke kwamba mtu aliye na nguvu za roho chafu huamisha roho hizo kwa wengine kupitia tendo la kuwekea mikono. Mtu aliye tawaliwa na mapepo anapoweka mikono juu ya kichwa cha mwingine, pepo lililomo ndani yake huingia ndani ya mtu huyo kwa sababu shetani hutenda kazi kupitia wenye dhambi. Kwasababu hiyo basi kila mtu imemlazimu kuamini injili ya maji na Roho ikiwa anataka kupokea Roho Mtakatifu ndani yake. Shetani hutawala wale wote walio na dhambi hata ikiwa wanamwamini Yesu, huku wakiwa wameshindwa kupokea ondoleo la dhambi.

Ikiwa mtu atapokea tendo la kuwekewa mikono toka kwa mtu aliye na mapepo, mapepo hayo yatahamia juu yake mtu huyo, hivyo naye pia moja kwa moja ataweza kufanya miujiza ya uongo. Yatupasa kujua kwamba mapepo huja na kufanya

makazi ndani ya mtu kwa kupitia tendo la kuwekewa mikono. Na kumpokea Roho Mtakatifu ndani huwezakana tu kwa imani katika injili ya maji na Roho.

Tendo la kuwekea mikono ni njia mahususi iliyo wekwa na Mungu katika kutwika kitu juu ya kingine. Lakini shetani husababisha watu wengi kupokea roho chafu kwa kupitia tendo hilo. Ukweli ni kwamba watu wengi nyakati hizi hujaribu kununua nguvu za Roho Mtakatifu kwa fedha na hivyo kufanya tatizo hili kuwa kubwa zaidi.

## **Wakristo wengi wanaufahamu wa kimakosa juu ya ukweli wa kuwa na Roho Mtakatifu ndani.**

Tulipouliza kwa namna gani wataweza kumpokea Roho Mtakatifu ndani yao, wengi wa watu hujibu kwamba inawezekana kwa kupitia sala za toba na kufunga. Hili si kweli kabisa. Je, nikweli Roho Mtakatifu huja juu yako pale unapo fanya maombi maalumu kwa Mungu? Hapana kuweza kuwa na Roho Mtakatifu ndani yako huja kwa wale tu wanao amini injili ya maji na Roho.

Kwa kuwa Mungu ni kweli ameweka sheria kwa ajili ya kuweza kupokea Roho Mtakatifu ndani. Je, Roho Mtakatifu ataweza kuwa ndani ya mtu aliye na dhambi moyoni? Jibu bila shaka hapana. Mtu hawezi kumpokea Roho Mtakatifu kupitia tendo la kuwekewa mikono. Hata ikiwa mtu atahudhuria mikutano ya uamsho na maombi ya uchungu kwa Mungu ili aweze kupokea nguvu ya Roho Mtakatifu, Roho Mtakatifu atabaki kuwa mbali naye. Wenye dhambi hakika hawatoweza kupokea kipawa cha Roho Mtakatifu ndani yao. Wenye dhambi wataweza kupokea kipawa hicho cha Roho Mtakatifu

ikiwa tu watapokea ondoleo la dhambi kwa kuamini Injili ya maji na Roho.

Yeyote asiweifahamu injili ya maji na Roho, kamwe hatoweza kumpokea Roho Mtakatifu. Siku hizi injili ya maji na Roho imeenea kwa kasi kupitia vitabu, mikutano ya makanisa, tovuti na hata vitabu vya kielektronikali ulimwenguni pote. Hivyo, yeyote anayetafuta ukweli wa injili, ataweza kuamini hili na kuweza kumpokea Roho Mtakatifu ndani yake. Ikiwa bado hujampokea, yakupasa uelewe kwamba ili uweze kumpokea ni lazima uamini injili ya maji na Roho.

## **Mfano muhimu wa imani potofu.**

Wakati tunapo pima dalili za watu wale wote waliompokea roho potofu tunaweza kuona kuwepo kwa mapepo dhahiri ndani yao. “Mikutano ya Uamisho wa Roho Mtakatifu” ni mojawapo ya mikusanyiko ambayo ni watu wanao taka kumpokea Roho Mtakatifu kwa kiu kubwa. Katika mikutano hii tunaona watu wakipiga makofi na kufanya maombi ya toba huku wakilia na kufunga. Mhubiri huwaelekeza kufanya maombi ya kishabiki kwa kuwaambia kwamba Roho Mtakatifu hatoweza kuja juu yao hadi pale watakapo piga makelele. Ndipo watu huita kwa kelele za ajabu “Bwana” na kuanza kuomba kwa jazba.

Je, watu wa aina hii wataweza kweli kumpokea Roho Mtakatifu kwa njia hii? Hapana. Utaweza kuona watu wakiangua kilio na kelele huku wakianguka kifudufudi na kuanza kutetemeka, huku wakifanya kelele za ajabu katika mikutano ya aina hii. Wengine huangukia mgongo na kuanza kutetemeka wakiwa chini hapa na pale na tunaweza kuwaona wakipiga kelele na kuanza kunena kwa lugha. Wengine

wataweza kulia kwa sauti wakati wote na ndipo umati wote unaingiwa na hisia. Wengine hupatwa na mfadhaiko wa kimawazo wakitetemeka mwili mzima huku wakinena kwa lugha. Watu husema mambo haya yasiyo ya kawaida ndiyo ushaidi kwamba Roho Mtakatifu amewashukia na kuwa ndani yao. Lakini hebu fikiriri nini kinacho tokea pale pepo anapo fanya haya?

## **Shetani ana wadanganya Wakristo wengi**

Shetani huwalaghai wakristo wengi nyakati hizi. Wakristo wengi huishi maisha ya aina hii ya kidini, ambayo ndiyo shetani apendayo. Shetani hudanganya watu kwa kuwambia kwamba imewapasa kupokea tendo la kuwekewa mikono toka kwa mtumishi mwenye nguvu ili waweze kumpokea Roho Mtakatifu, na hapo ndipo wakristo wengi huingia katika kuamini hili kama fundisho la msingi. Naye shetani hupandikiza wazo hili akilini mwa watu kwamba watapokea Roho Mtakatifu ikiwa watafanya maombi zaidi. Shetani amekuwa akijaribu kuzidisha mara mbili na zaidi, hata mara tatu idadi ya watu walio na imani ya aina hii.

Hivyo watu wengi hawajui, na hata hawajaribu kujifunza juu ya injili ya maji na Roho. Lazima tujishughulishe ili kuzuia mawazo ya shetani anayo weka katika vichwa vyetu na kuweza kufahamu na kuamini injili ya maji na Roho. Kuwa na Roho Mtakatifu ndani yako huja pale tu kwa wale wote watakao amini injili ya maji na Roho. Lazima uamini hili.

## **Upotofu wa wakristo juu ya kuwa na Roho Mtakatifu.**

Kwanza kabisa, upo upotofu mkubwa katika imani ya wafuasi wa vipawa vya Kikristo (Wanakarismatiki). Wao hujaribu kumpokea Roho Mtakatifu wakiwa na dhambi moyoni mwao. Huamini kimakosa kwamba japokuwa wanadhambi mioyoni wataweza kumpokea Roho Mtakatifu ndani yao. Hata hivyo mtu asiye na imani ya injili ya maji na Roho hatoweza kupokea ujazo wa Roho Mtakatifu.

Pili, inasemekana kwamba upumbavu wa watu ndiyo unaowazuia kupokea uwepo wa Roho Mtakatifu. Sasa basi je, hii inamaana kwamba mtu ataweza kumpokea Roho Mtakatifu ikiwa hato onyesha tabia ya kiburi? Je hakuna yeyote ulimwenguni asiye onyesha tabia ya kuburi hata kidogo? Mwenye kiburi asiyeweza kusamehewa na Mungu ni yule aongezaye mawazo binafsi katika neno la Mungu. Watu wengi wanao jaribu kumpokea Roho Mtakatifu ndani yao kwa kupitia njia zao binafsi, hudharau ukweli au Injili ya maji na Roho. Ingawa kuwa na Roho Mtakatifu ndani huja kwa wale tu wanao amini injili ya maji na Roho.

Tatu, inasemekana kwamba, kuwana Roho Mtakatifu ndani huja wakati mtu anapokiri dhambi zake zote kwa uaminifu mbele ya Mungu. Lakini kumbuka kwamba kuwa na Roho Mtakatifu ndani hakuji pale mtu anapo kiri dhambi tu. Wakristo wengi nyakati hizi, hutamani kuwa na Roho Mtakatifu ndani yao na kujazwa tele lakini inashindikana kwasababu bado wanadhambi mioyoni mwao. Hivyo basi mtu aliye na matamanio haya ya haraka huishia kutekwa nyara na mapepo.

Nne, baadhi husema kwamba, kuwa na Roho Mtakatifu ndani kutawezekana pale Mungu anapo shawishiwa kwa dhati

ili kutupatia baraka hiyo. Lakini kipawa hiki hakiwezi kamwe kupatikana kwa kuomba, hii ni makosa.

Tano, baadhi hudhihirisha kuwa na Roho Mtakatifu ndani kwa nguvu za kiroho. Kunena kwa lugha huchukuliwa kuwa ni udhihirisho wa kumpokea Roho Mtakatifu. Lakini Roho Mtakatifu hakai ndani ya mioyo ya watu kwasababu tu ameweza kukemea pepo katika jina la Yesu au kunena kwa lugha. Dhambi ni ya shetani. Je, itawezekana kweli mtu aliye na dhambi moyoni kuweza kusema kuwa amempokea Roho Mtakatifu ndani yake kwasababu tu ameweza kuwa na nguvu za maajabu? Kwa maana nyingine, tabia hii ya ufedhuli hufanywa na mapepo.

Injili ya majina na Roho ambayo Yesu ametupatia ndiyo ukweli pekee ambao utakao tuongoza katika kumpokea Roho Mtakatifu ndani yetu. Ikiwa bado unadhani kwamba ataweza kumpokea Roho Mtakatifu na ondoleo la dhambi kwa kupitia njia nyingine basi hakika utakuwa umepotoka. Upo uwezekano kwako kujiweka huru toka imani potofu na hivyo basi uweze kuwa na mawazo ya kiroho na imani halisi.

Si jambo la uzushi pale inaposemekana kwamba wengi wa Wakristo katika nyakati hizi wametawaliwa na pepo. Wakristo wengi ulimwenguni hujikuta wakiwa chini ya pepo kwasababu hujaribu kuwa na Roho Mtakatifu ndani yao kwa kupitia mikutano maalumu ya uamsho au kwa kuwekewa mikono. Huwafuata watu fulani maalumu kama vile wasimamizi wa nyumba za maombi, mashemasi wakuu, wanauamsho au wachungaji wanaosemekana kuwa na nguvu za upako wa Roho Mtakatifu ndani kupitia aina hii ya imani huku wakiwa wana mwamini Yesu kwa dhati. Kwa maneno mengine hakuna yeyote zaidi ya Mungu awezavyo kusababisha mtu kupokea Roho Mtakatifu ndani.

Kama ilivyo kuwa kwa Simoni, watu wengi nyakati hizi



hujaribu kumnunua Roho Mtakatifu. Hujaribu kumpokea Roho Mtakatifu ndani yao kwa kuamini mafundisho ya kidunia na siyo injili. Wakristo wengi duniani pote wamekwama katika mtazamo huu. Roho Mtakatifu huja kwa wale tu walio na viwango muhimu katika kumpokea. Njia pekee ya kumpokea Roho Mtakatifu ni kwa kuamini Injili ya maji na Roho, na hili ndilo jibu la ukweli (Matendo 2:38).

Kumpokea Roho Mtakatifu kwa njia ya kuwekewa mikono kuliwezekana kwa muda mfupi na maalumu wakati wa kanisa la mwanzo. Baada ya hapo kumpokea Roho Mtakatifu ndani, huja juu ya watu katika muda huo huo pale mtu anapo jua na kuanini Injili ya maji na Roho. Hivyo, zaidi ya kazi ya Roho Mtakatifu itokanayo na imani ya neno la Mungu kazi nyingine ni za shetani. Mungu alisema kwamba mapepo ni watumishi wa shetani, naye anafanya ujanja kwa namna ya kwamba watu hawatoweza kupokea ondoleo la dhambi hata ikiwa wanamwamini Yesu. Shetani hulaghai watu kwa kuwaambia kwamba atawapatia Roho Mtakatifu kwa kuwekewa mikono. Shetani hupanua ufalme wake duniani pote kwa njia ya ujanja.

Tuangelie dalili za wale wote waliokumbwa na pepo. Kwanza, tunapo chunguza dalili za kupagawa na mapepo kwa wapiga bao au “shama” tunaona kwamba huwa na tabia za kutetemeka, kuzimia na hata kuanguka. Pia ndimi zao huanza kucheza cheza na huku maneno yasiyo ya kawaida huwatoka kinywani pasipo kujielewa. Hunena kwa lugha ngeni.

Wote, wachawi na wanaojiita Wakristo walio pagawa na mapepo kupitia kuwekewa mikono wote kwa pamoja hupatwa na mambo haya. Wale watu wa uamsho walio na vile viitwavyo vipawa utawakuta wakishika vipaza sauti na kupiga kelele, “Kwa moto, kwa moto, kwa moto” ndipo waumini huanza kupanda mori na kupoteza fahamu. Wale wote wenye

kupenda kuwekewa mikono na watu wa aina hii hukimbilia haraka sana mbele. Hukumbwa na hali ya kutetemeka na kunena kwa lugha. Dalili hizi ni kazi ya pepo ajifanyaye kuwa ndiye Roho Mtakatifu akifanya kazi.

Watu walio kumbwa na roho za shetani ambazo zinaweza kuaguliwa na “shama” au wapiga ramli toka katika kila aina za dini za kifukara, huonyesha dalili kama zile za Wakristo walio na mapepo kupitia tendo la kuwekewa mikono. Hata hivyo watu hawaelewi juu ya hili ingawa upo ushahidi kama huu. Wakristo hawa wamejipachika katika lindi la kuchanganyikiwa kwasababu wao hudhani kuwa wamempokea Roho Mtakatifu pale walipo patwa na aina fulani ya dalili za hisia na matendo ya nje.

## **Shetani hutenda kazi kwa kupitia Wakristo kama mpiga ramli.**

Shetani humwezesha mtu aliye kumbwa na pepo kufanya maombi ya kinabii. Watu hawa hutoa unabii wakati mwingine kwa kusema “utakuwa Kiongozi mzuri maelfu ya kondoo watachungwa nawe Mungu utakufundisha hapo mbeleni na kukufanya kuwa kiongozi mzuri”. Kwa wengine huwaeleza maneno ya kilaghai “Utakuwa mtumishi mzuri wa Mungu utaheshimika sana na Mungu” yote haya ni kumpa moyo mtu kuweza kuyafuatilia na kuishi akiwa kama mtumishi wa mapepo maishani mwote.

Watabiri pia hutoa unabii juu ya siku za mbeleni katika maisha ya watu “Inakubidi uwe mwangalifu sana na maji”, au “siku zijazo utapata fedha nyingi” “Mtu wa heshima ata kujia akitoka mashariki ili kukusaidia” Hii ni mifano ya mambo ambayo watabiri husema. Dalili zinazo jitokeza kwa mtu aliye

kumbwa au kutawaliwa na mapepo ni kutoa unabii wa uongo.

Ndipo hunena kwa lugha kiasi cha kushindwa hata wao wenyewe kujitambua. Hupatwa na hali ya kutetemeka ambayo ni dalili ya kukosa kujitawala. Ukimwona mtu aliye wa “shama” au mpiga ramli (mtabiri), je ataweza kung’amua juu yao kuwa na utu? Mara nyingine huwa na maneno ya hasira kwa watu walio wakubwa kiumri zaidi yao.

Hata hivyo, watu walio na Roho Mtakatifu ndani yao ndiyo ambao wamempokea kwa kuamini ukweli wa Kibiblia unaosema kwamba Yesu amesafisha dhambi kwa kupitia ubatizo wake na kifo chake msalabani. Watu hawa pia husaidia wengine kujua na kuamini Injili ya maji na Roho ambayo huwasaidia kupokea ondoleo la dhambi na kipawa cha Roho Mtakatifu. Wao binafsi hujaribu kuishi katika njia za haki na utu wao ni wa kuridhisha na kuonekana. Huwaongoza wengine katika baraka ya imani ya Mungu na katika aina ya maisha Mungu anayo waitaji. Hata sasa au baadaye Mungu huwarudisha kwa upole ili wawe wateule pale akili zao zinapojaribu kurudi ulemwenguni.

Wenye haki ambao wamepokea ondoleo la dhambi kwa hakika huwa ni tofauti na watu ambao utu wao umeharibiwa na roho za shetani. Utu wa kweli hujitokeza kwa mara nyingine, ikiwa mtu atapokea ondoleo la dhambi na hivyo kumpokea Roho Mtakatifu ndani yake. Kwa nyongeza wenye haki hupatwa na wasi wasi mkubwa juu ya wengine wasio na mazingira mazuri ya kile wanacho hitaji katika neno la Mungu, kuwaombea na hata kujitoa nafsi zao kwa kuwasaidia.


Kwa upande mwingine, tunaweza kuona kwamba utu wa yule aliye kumbwa na mapepo unakuwa umeharibiwa vibaya. Shetani hushika hatamu na hata kuwalazimisha watu wa aina hii kufuata mapenzi yake kwa sababu hudhani mambo kama kutetemeka na kunena kwa lugha ni vipawa vya Roho

Mtakatifu. Hata hivyo hali ya kupatwa na mambo kama haya na mengine ama kwa hakika si vipawa vya Roho Mtakatifu.

Wapo watumishi wengi wanao jivunia juu nguvu au upako kama vile kutoa unabii kwa jina la Mungu, kuwa na uwezo wa kufanya miujiza na kunena kwa lugha. Lakini haya yote ni bure ikiwa ndani yao wanaendelea kuwa na dhambi moyoni, ni ushuhuda wa ulaghai wao na uhakika kuwa wanapepo ndani yao. Hivyo basi kamwe hawawezi kumwongoza yeyote kuweza kumpokea Roho Mtakatifu bali zaidi atawezesha kuwapa pepo wachafu ndani yao. Pia kwa kuwa shetani ni mlaghai miujiza wanayofanya huisha mara moja katika muda mfupi.

Ipo tafauti ya wazi kati ya kazi ya Roho Mtakatifu na pepo. Ingawa inaweza kuonekana kwamba kazi ya Roho Mtakatifu haina aina fulani ya mwonekana wa nje au karama ya ajabu kwa awali, kwa kadiri muda unavyo kwenda nguvu ya Mungu hukua ndani ya moyo wa mwenye haki kama machweo ya jua wakati wa asubuhi.

## Wakristo walio na mapepo



Cha ajabu, tunaweza kuona wengi wa wanao mwamini Yesu ambao miili yao na roho zao huangamia kwasababu hupokea

mapepo kwa kupitia tendo la kuwekewa mikono toka kwa manabii wa uongo. Watu wa aina hii hawana maana mbele za Mungu kwani imani zao haziendi sambamba na maneneo ya biblia. Hujishughulisha na kutumia nguvu zao bila ya kujua kwamba huduma yao inasababisha watu wengi kuwa watumishi wa shetani. Kwanini basi watu hawa hujishughulisha sana kuonyesha nguvu zao katika Ukristo? Kwasababu hiki kinachoitwa nguvu baada ya muda kitakwisha ikiwa wataacha kutumia. Na ndiyo maana huwa katika hali ya kushughulika sana.

Huendelea kufanya maombi na kufanya miujiza na ishara kwa jina la Yesu. Watu wanaosema “nimepokea karama ya kuhubiri injili” ndipo inapo walazimu kuendelea kuhuburi injili kwasababu kwa kutofanya hivyo, furaha yao bandia itaweza kuyeyuka. Ikiwa watu wa aina hii hawawezi kuwa waaminifu kwa karama hizo za pepo za kunena kwa lugha na uponyaji au unabii kwa maneno mengine siyo waaminifu kwa kazi za shetani na hivyo wakati mwingine huwafanya kuwa wadhaifu kwa maradhi pale wanapo acha utumishi wa shetani. Ndiyo maana inawasababisha kutumia vipawa wanavyo pokea kwa shetani kwa dhati kabisa ili wasije kukumbwa na balaa baada ya kuzoea kutumikia nguvu hizo.

Zamani nilimfahamu mtu fulani aliyekuwa muumini mzuri tu wa Yesu na alikuwa kama mwenye nguvu nyingi za Mungu. Aliwaasa watu kupokea uwepo wa Roho Mtakatifu na aliongoza mikutano ya uamsho ambamo alikemea mapepo kwa kuwekea mikono watu na pia kufanya miujiza kama vile kunena kwa lugha na uponyaji. Alionewa wivu sana na kuheshimiwa kwa kazi zake za miujiza. Maelfu ya umati wa waumini walimfuata. Hata hivyo punde alipo anza kumkana Yesu kwa kusema “Yesu Kristo ameshindwa si Mwana wa Mungu.” Alimtusi Yesu Kristo hata kudai kuwa yeye binafsi ni Mungu. Mwishowe alimuua Yesu Kristo moyoni mwake na

katika mioyo ya Wakristo wengi.

Watu kama hawa hupinga Injili ya maji na Roho kwa sababu, shetani huwaongoza. Hutokea kwamba wamekuwa na imani potofu toka mwanzo kwa kuwa wana maono potofu kwa kujiona kuwa wana nguvu sawa na Mitume kwa kujiona uwezo wao wa kufanya watu kunena kwa lugha, kukemea pepo kwa kuwawekea mikono, basi wanaamini kwa dhati kuwa Roho Mtakatifu yupo juu yao.

Huwafundisha watu juu ya kanuni na njia za kuweza kumpokea Roho Mtakatifu wakidhani kuwa inawezekana kumpokea kwa kufanya sala za toba. Hata hivyo njia hii za kumpokea Roho Mtakatifu haziko katika msingi wa neno la Mungu. Badala yake husema kwamba ikiwa wanao mwamini Yesu wakinena kwa lugha na kufanya unabii basi huo ndiyo ushahidi wa kumpokea Roho Mtakatifu katikati yao. Kwa sababu hiyo watu wengi hawaelewi ile kweli juu ya kumpokea Roho Mtakatifu ndani, hivyo kupelekea kuamini kwamba wataweza kumpokea kwa tendo la kuwekewa mikono na kufuata mafundisho ya manabii waongo. Hivyo ndivyo shetani ameweza kuwajaza Wakristo wengi na roho za pepo na hata kuwatawala watu hao. Njia hizi zote ni mitego ya shetani.

Idadi ya watu wengi wanaweza kupatwa na pepo kwa kupitia mafundisho ya mitume hawa waongo. Waumini wa kawaida huishi maisha ya kupumbaa kidini nahivyo kutumia nguvu za roho za shetani hata kuonekana kuwa na upenzi wa maisha ya kidini. Je huonyesha uwezo gani? Wanauwezo wa kuponya, kunena kwa lugha na hata kuongoza wengine katika kupokea mapopo ndani yao kwa kuwawekea mikono. Yatupasa kuelewa kuwa tendo la kuwekea mikono ni njia mahususi katika kugawia au kuwekea kitu juu ya kingine, na katika mamlaka za kipepo njia hii imekuwa ndiyo pekee katika kupanua mamlaka yao.

## Roho za shetani hutenda kazi kwa kupitia tamaa za watu!

Shetani hutenda kazi ndani ya watu kama Simoni katika kurasa iliyopita. Watu hawa husema kuwa wamempokea Roho Mtakatifu kwa kupitia tendo la kuwekewa mikono wakiachilia mbali imani katika Injili ya majina Roho. Nyakati hizi watu wengi wamedanganyika na shetani na kujaribu kumpokea Roho Mtakatifu kwa kupitia sala za toba kufunga, kujitolea nafsi au kuwekewa mikono. Hata hivyo wanakuwa wamekumbwa na mapepo na hata kuishi maisha ya kivita wakati wote.

Yatupasa kuelewa vyema viunganishi hivi kama vile tendo la kuwekewa mikono ambalo Wakristo hupokea duniani pote hufanikisha kazi za shetani. Watu hawa walio na mwelekeo sawa na Simoni ni manabii waongo mbele ya Mungu. Hata wale waumini wa Yesu ikiwa nao watakuwa na dhambi moyoni ni rahisi kwao kukumbwa na mapepo. Watu hawa wataweza pia nao kutenda miujiza kupitia kazi za shetani kwa kuwafanya watu wengine kupokea roho za pepo kwa tendo la kuwekea mikono na hivyo kupanua ufalme washetani duniani pote. Nyakati hizi Makanisa ya Vuguvugu la Karama za Kipentekoste <sup>2</sup>**pentecostal –Charismaatic Movement** ya

---

<sup>2</sup> Ukristo wa Magharibi ulianza kuyumba kwa kutumaini mafanikio ya kimali na matumizi yake mwanzoni mwa nusu ya karne ya 20. Kwa wakati huo pia, matokeo haya, Wakristo wengi waliokuwa wakitafuta njia ya kutembea karibu na Yesu hawakuridhika na ukame uliomo ndani ya Makanisa yao ya awali, Wengine waliteseka kwa kukosa au kuwa na amani ya Kiroho inayokuwa kwa taratibu, na pia wengine walichanganyikiwa kwa kushindwa kutafsiri Imani yao katika upendo kibinafsi na Yesu. Vuguvugu lijulikanalo kama Karama za Kipentekoste – Pentecostal – Christimatic Movement, lilichipuka katika mazingira haya. Wale wote waliojihusisha na vuguvugu hili walitafuta kuwa na tabia ya ushabiki na kufanya mambo kama vile kunena kwa lugha, kutoa unabii, kufanya miujiza na maajabu wakitamani tukio lile la Pentekoste ya kwanza. Kwa ushabiki huo wao walikuwa radhi kujitoa katika mamlaka iliyodhaniwa kuwa ni ya Roho Mtakatifu, lakini kwa kusema kweli mafundisho yao mengi na nyendo zao hazikuhusika katika biblia.

metambulika rasmi kama ni moja wapo ya madhehebu ya Kikristo duniani pote.

Ulimwengu huu unafikia kikomo taratibu. Ikiwa tunataka kuzaliwa upya mara ya pili katika nyakati hizi za mwisho, yatupasa kuelewa ni kwa namna gani shetani anafanya kazi na kusimama kidete dhidi ya mbinu zake. Pia yatupasa kuokolewa toka dhambini mara moja na kwa wakati wote hata kuweza kumpokea Roho Mtakatifu ndani ikiwa ni zawadi kwa kuamini Injili ya maji na Roho. Lazima turudi katika ile kweli kwa maarifa yaliyo kamili namna Roho wa Mungu anavyoweza kuwa ndani yetu.

Kama Mungu alivyosema *“Watu wangu wanaangamia kwa kukosa maarifa”* (Hosea 4:6) siku hizi wanaotafuta ukweli huangamia kutokana na upumbavu wao, ambapo watu wenye kujiita wanavipawa (Charismatic) huwapotosha. Watu husema kwamba hata Makanisa yanayoitwa ya kiroho - ya karama za Kipentekoste yakianzishwa jangwani bado watu watakusanyika. Kwa nini iwe hivyo? Watu wanaojiita wenye karama hutumia makanisa yao kwa kuwachanganya wengine kwa nguvu au upako wao wa bandia hata kuwafanya wapatwe na mapepo kwa kuwawekea mikono. Moja ya karama zao mahususi ni kwamba, punde mtu anapopatwa na mapepo kwa kuwawekea mikono, huishia kuwa na ushabiki wa kupenda kuishi maisha ya kidini.

Dalili nyingine za watu wanaojiita wenye vipawa na upako ni kwamba huchangia kiasi kikubwa cha fedha katika makanisa yao na bila sababu hata hufikia hatua ya kuwa

---

Katika nchi za mataifa yalioendelea, vuguvugu hili lilikuwa kwa kasi kulingana na mahitaji ya watu. Viongozi wa watu hawa aliwavyutia Wakristo katika nchi zinazoendelea kwa baraka za utajiri wa mali na afya pamoja na ushabiki wa kidini. Vuguvugu nyingine zilizojitenga kama vile Upentekoste wa Kisasa (Neo-Pentecoste) imesikika kuwa wana uhusiano wa mafundisho na Vuguvugu la Nyakati za Kisasa (New Age Movement).



muumini mkereketwa. Hata baadhi ya wakristo ni wakereketwa katika Uinjilisti kwa nguvu za mapepo, lakini bila shaka nao watakwenda motoni pasipo kuelewa mwisho wao. Watu hawa, kwa dhati huamini nguvu za shetani kama ushuhuda wa wokovu wao, na hutarajia kwenda mbinguni, pasipo shaka hata kidogo. Hata hivyo wanadhambi mioyoni mwao na wataangamia.

Ikiwa wataulizwa swali lifuatalo “Je, bado unadhambi moyoni mwako, ingawa unamwamini Mungu?” kwa uhakika watajibu kwamba ni kawaida kwao kuwa na dhambi. Hudhani kwamba haiwezekani kwa mtu kutokuwa na dhambi moyoni, hata ikiwa unamwamini Yesu.

Watu hudhani kwamba wanastahili kuingia Ufalme wa Mbinguni hata kama bado wana dhambi mioyoni mwao, kwa sababu huwa na hisia ya amani katika kumwamini Yesu kwa kuwa wana ushuhuda wa nguvu ambazo ni za bandia.

Ama kweli tumaini hili ni la kipuuzi kabisa! Sababu ya msimamo wa imani yao ni kwamba wana aina fulani ya nguvu za miujiza ndani yao. Wamekwisha jiona kuwa wanauwezo wa kunena kwa lugha, kuwa na maono na kuponya wagonjwa na hivyo kudhani na kuamini kwa msimamo juu ya mambo haya kuwa ni kazi ya Roho Mtakatifu. Hivyo hujiambia nafsi mwao kwamba bila shaka wamempokea Roho Mtakatifu pamoja na Mkombozi.

Kutokana na kupatwa na mambo hayo kwa watu hawa wana maarifa yasiyo kamili juu ya maneno ya wokovu, hawana uhakika katika wokovu wao endapo hawaoni uwezo wowote kwa macho ndani yao. Hivyo watu wa aina hii hujaribu kwa bidii hatimaye huishia kutumiwa na shetani katika kazi zake. Kwa sababu watu hawa huangaika kutafuta majibu ya Mungu kupitia sala za toba au kujitolea nafsi zao badala ya kuamini Injili ya maji na Roho, ghafla kuishia kupokea roho za shetani

badala ya Roho Mtakatifu.

Shetani hushitaki watu kwa kuwanongoneza katika masikio yao “umetenda dhambi, je si kweli?” na kuwafanya waanguke katika kujihukumu. Yupo mtu fulani niliye mfahamu ambaye kwa sasa amepokea ondoleo la dhambi na Roho Mtakatifu. Hili ni jambo lililomtokea kabla ya kuzaliwa upya mara ya pili alipo kuwa muumini wa dhati kwa Yesu lakini alikuwa si mwangelifu. Mtu huyu alifikia hata kunena kwa lugha na kufanya miujiza. Ingawa alipaza sauti huku akifanya sala za toba usiku kucha. Ingawa alimwamini Yesu dhambi zilizomo moyoni mwake ziliendelea kumtesa. “Hapa umetenda dhambi hivyo ni vyema ufe kuliko kuishi”. Shetani mara nyingine alimjia na kumhukumu, kumtesa na hata kumkumbushia dhambi zake za nyuma. Shetani alimwingiza katika hali ya kujishutumu na kujihukumu. Hata hivyo alichoweza kukifanya ni kukiri dhambi moyoni mwake. Hakuweza kujiweka huru tokana na hukumu hizo za shetani hadi pale alipokuja kusikia na kuamini injili njema.

Yakupasa ujue kwamba wale wasiyo amini injili ya maji na Roho huwa mara zote ni mawindo ya shetani. Je unadhani yeyote ambaye hajapokea ondoleo la dhambi anaweza kuwa na nguvu ya kumkataa shetani? Yeyote asiye kumbatia ukweli wa injili ya maji na Roho ataweza kukamatwa na kuteswa na shetani. Injili ya maji na Roho ambayo ni ya Mungu hakika ndiyo muhimu kuweza kumkemea na kumwondoa shetani. Hivyo yeyote anayeamini juu ya Yesu ni lazima aweze kuamini Injili hii ya maji na Roho na pia kuihubiri kwa watu wote ulimwengu. Wale wote wanao sikia hili imewapasa kutii na kuamini.

## **Maajabu ya mtenda uovu tayari yapo ulimwenguni yakitenda kazi!**

Ulimwengu wote leo hii umegubikwa na shughuli za mapepo. Ikiwa tunataka kuhubiri Injili ambayo itawaongoza watu kumpokea Roho Mtakatifu yatupasa kuondoa kabisa kina cha upotofu juu ya kumpokea Roho Mtakatifu ndani.

Kabla ya yote yatupasa kuweka bayana kwamba ni uongo mkubwa kusema kwamba Roho Mtakatifu huja kwa kupitia tendo la kuwekewa mikono, yatupasa kuthibisha kwa awali kwamba matukio kama yale ya “kunena kwa lugha baada ya kuwekewa mikono, kuhisi joto kwa kupitia kutubu na kufunga na kusikia ujumbe wa moja kwa moja toka kwa Yesu” ni kazi za shetani. Ni kwa imani tu katika Injili ya maji na Roho ndipo watu wataweza kukombolewa toka katika mitego ya shetani. Ni kwa imani tu ndipo tutakapo okolewa kwa dhambi zetu kupitia Injili ya maji na Roho.

Ni lazima tumshinde shetani “baba wa uongo” kwa Injili ya maji na Roho. Shetani amewafunga watu wengi ulimwenguni kwa kongwa la kujihukumu, hivyo inatupasa kuwarudisha watu hawa kwenye ukweli kwa kuwafanya wagundue na kuelewa kwamba matukio ya udanganyifu pamoja na hisia zao ni mojawapo ya uongo wa shetani.

Nyakati hizi watu walio kama Simoni Msamaria aliyetamani kumnunua Roho Mtakatifu kwa fedha ndiyo hao wanahudumia makanisani. Ni vipofu wanaongoza vipofu. Kamwe hawawezi kuwaonyesha watu juu ya wokovu wa kweli na ulio kamili kwa sababu hawaifahamu Injili ya maji na Roho na bado ndani ya mioyo yao wana dhambi. Hivyo wanachofanya ni kusababisha shetani kuweka makazi ndani ya mioyo ya wafuasi wao kwa kushikilia maombi ya usiku kucha kuitisha sala za kutubu na kutumia tendo la kuweka mikono

watu. Watu hawa kusema kweli wamekuwa na mapepo ndani yao, na ikiwa tunahitaji wao warudi katika neno la Mungu yatubidi tuziharibu kazi za shetani kwa kuwahubiria habari ya kweli juu ya maji na Roho. Ikiwa watu hawaelewi juu ya mikakati ya shetani hapatokuwa na jinsi zaidi ya kuteseka pasipo msaada wowote.

Kama nilivyosema hapo awali, kufanya miujiza kama vile kunena kwa lugha na kutumia unabii baada ya kuwekewa mikono hizi zote ni kazi za shetani. Kwa maneno mengine, nguvu walizonazo watu anaojiona ni wenye vipawa (Karismatiki) hujionyesha kwa kupitia kazi za shetani. Yatupasa kuwaelekeza kwa upole “Ni shetani ndiye atendaye kazi yako ikiwa bado unadhambi moyoni. Kama unadhani Roho Mtakatifu yumo ndani yako, hata kama unadhambi ndani ya moyo wako, basi umedanganyika ndugu”.

Imani za Mitume na za watu wale wote waliopokea tendo la kuwekewa mikono katika ujumbe mkuu wa Matendo 8 imewekwa katika tabaka moja, kwa kuwa wote hawa walikuwa wamekwishajuwa Injili ya Yesu Kristo, Injili ya maji na Roho. Lakini Imani ya Mitume ilikuwa ni tofauti kabisa na hii ya Wakristo wengi wa nyakati hizi ambao wao huamini tendo la kuwekewa mikono ndilo linalowasabisha kuweza kumpoke Roho Mtakatifu.

Je, mtu humpokea Roho Mtakatifu, kwa kupitia tendo la kuwekewa mikono na mtu ambaye amepokea ondoleo la dhambi? Kamwe Biblia inasema kwamba “Roho ya Mungu ikatulia juu ya uso wa maji” (Mwanzo 1:2). Hii ina maana kwamba ili mtu aweze kupata ondoleo la dhambi na Roho Mtakatifu, ni lazima aisikie na kuiami Injili ya Maji na Roho. Mungu amemtuma Roho Mtakatifu kama kipawa kwa Wakristo walio zaliwa upya mara ya pili, ambao wanaamini Injili ya Maji na Roho.

Yatupasa kukumbuka kwamba itakuwa nisawa na kupinga Injili ya maji Roho, ambayo Mungu aliikusudia katika kutuokoa sote toka dhambini ikiwa tutawafundisha watu juu ya kutafuta kuwekewa mikono ili kupokea Roho Mtakatifu. Kwa kudhani kwamba mtu ataweza kumpa mwingine karama hii ni sawa na kumpinga Mungu, na watu walio na aina hii ya imani ni rahisi kwao kunaswa na mtego wa shetani. Jambo hili lisiruhusiwe kabisa.

Dhambi zetu zote husamehewa pale tunapoiamini Injili ya maji na Roho, na ndipo basi Roho Mtakatifu hushuhudia juu ya hili kwa wale ambao wanaoamini Injili ya maji na Roho kuwa hawana tena dhambi mioyoni mwao. Hii haina maana kwamba hatotenda dhambi tena, lakini badala yake ni kwa sababu anaamini nguvu iliyo katika Injili ya maji na Roho. Injili ya maji na Roho hushuhudia kwamba yeye hana tena dhambi moyoni, naye Roho Mtakatifu hushuhudia hili pia. Mtu hawezi kumwita Yesu kuwa ni mwokozi wake pasipo kuwa na Roho wa Mungu ndani yake.

Watu walio na mapepo hawajui lolote juu ya Injili ya maji na Roho, na kamwe hawawezi kuiweka Injili kuwa ndiyo mazungumzo yao rasmi. Hawajui kamwe juu ya Injili ya maji na Roho, na cha zaidi hawawezi kuwa na utambuzi wa ukweli. Husema kwamba Roho Mtakatifu huja juu yao pale tu wanapofanya na kupokea tendo la kuwekewa mikono. Hata hivyo Roho Mtakatifu kamwe haji kwa kupitia tendo la kuwekea mikono. Yakupasa uelewe kwamba kazi za shetani nyakati hizi hufanyika kwa ushawishi mkubwa juu ya watu makanisani ulimwenguni pote kupitia mafundisho ya uongo kama haya. Kwa sababu hiyo, ni muhimu kumpokea Roho Mtakatifu ndani kwa kuamini Injili ya maji na Rohotu. ☒



# MAHUBIRI 3

**Mlimpokea Roho**

---

**Mtakatifu mlipoamini?**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri



# Mlimpokea Roho Mtakatifu mlipoamini?

< Matendo 19:1–3 >

**“Ikiwa Apolo alipokuwa Korintho, Paulo, akiisha kupita kati ya nchi za juu alifika Efeso, akakutana na Wanafunzi kadhaa wa kadha huko akawauliza Je, mlimpokea Roho Mtakatifu mlipo amini? Wakajibu la, hata kusikia kwamba huna Roho Mtakatifu hatakusikia. Akawauliza basi mlibatizwa kwa ubatizo gani? Wakasema kwa ubatizo wa Yohana.”**



*Kwa nini Biblia inasema “Tangu siku za Yohana Mbatizaji hata sasa Ufalme wa Mbinguni hupatikana kwa nguvu, nao wenye nguvu wauteka?”*

*Kwa sababu watu wanaweza kuupata ufalme wa Mbinguni kwa Injili njema inayosema kwamba Yesu alifuta dhambi zote za ulimwengu kupitia ubatizo wake kwa Yohana na damu yake msalabani.*

Aina gani ya Injili Paulo alihubiri? Alihubiri Injili ya ubatizo wa Yesu na damu yake. Matendo 19:1-2 inasema “Ikiwa, Apolo alipokuwa Korintho, Paulo akiisha kupita kati ya nchi za juu akafika Efeso, akakutana na Wanafunzi kadhaa wa kadha huko akawauliza, Je, mlimpokea Roho Mtakatifu mlipoamini?”

Hata hivyo watu hawa walikuwa wamekwisha mwamini Yesu huku wakiwa wameweka kando maana ya ubatizo wa Yesu. Hawakujua juu ya Injili njema ambayo hupelekea kumpokea Roho Mtakatifu ndani. Na hii kupelekea Paulo kuuliza “*Je, mlimpokea Roho Mtakatifu mlipoamini?*” lilikuwa swali geni kwa baadhi ya wafuasi. Watu wengine wangeliweza kuuliza “Je, una mwamini Yesu?” Lakini Paulo aliuliza swali katika njia isiyokuwa ya kawaida ili kwamba waweze kumpokea Roho Mtakatifu, ndani yao kwa kufanya upya imani zao katika Injili njema. Huduma ya Paulo ilikuwa ni kuhubiri Injili njema ya ubatizo wa Yesu kwa Yohana Mbatizaji.

Hebu tuone ushuhuda wa Mitume katika Injili ya ubatizo. Kwanza Paulo alishuhudia “*Hasha sisi tuliiofia dhambi tutaishije tena katika dhambi? Hamfahamu ya kuwa sisi sote tuliobatzwa katika Kristo Yesu tulibatzwa katika mauti yake?*” (Warumi 6:2-3). “*Maana ninyi nyote mliobatzwa katika Kristo mmemvaa Kristo*” (Wagalatia 3:27).

Mtume Petro naye pia alishuhudia Injili ya ubatizo wa Yesu katika 1 Petro 3:21–22 akisema “*Mfano wa mambo hayo ni ubatizo, unawaokoa ninyi pia siku hizi (siyo kuweka mbali uchafu wa mwili, bali jibu la dhamira safi mbele za Mungu) kwa kufufuka kwake Yesu Kristo. Naye yupo mkono wa kuume wa Mungu amekwenda zake mbinguni, malaika na enzi na nguvu zikiisha kutiishwa chini yake.*”

Mtume Yohana pia alishuhudia hii Injili njema katika 1 Yohana 5:5-9 “*Mwenye kuushinda ulimwenguni ni nani isipokuwa ni yeye aminiye ya kwamba Yesu ni mwana wa Mungu. Huyu ndiye aliye kuja kwa maji na damu. Naye Roho ndiye ashuhudiaye kwa sababu Roho ndiye kweli. Kwa maana wako watatu washuhudiao mbinguni Baba na Neno na Roho Mtakatifu na watatu hawa ni umoja. Kisha wako watatu washuhudiao duniani, Roho na maji na damu na watatu hawa*

*hupatana kwa habari moja”.*

Yohana Mbatizaji alichukua nafasi muhimu, katika kukamilisha Injili njema. Biblia inazungumzia yafuatayo juu ya Yohana Mbatizaji katika Malaki 3:1-3 na Mathayo 11:10-11. Yohana Mbatizaji alikuwa mwakilishi wa wanadamu na alikuwa ni nabii Eliya ajaye kama alivyoandikwa katika Agano la Kale. Katika Agano la Kale, sadaka ya dhambi ilichinjwa ili kumwaga damu baada ya kubeba dhambi za mtu kwa tendo la kuwekewa mikono. Katika Agano Jipya, hata hivyo Yesu ndiye aliyesimama kama sadaka ya dhambi kwa kubeba dhambi ya ulimwengu kwa njia ya ubatizo na kifo chake Msalabani kulipa mshahara wa dhambi. Ubatizo wa Yesu kwa Yohana Mbatizaji pale Yordani ndiyo uliokoa wanadamu wote.

Mungu alipanga aina mbili za matukio ili kuweza kuwaokoa wanadamu tokana na dhambi zao na kuweza kutimiza yote. Tukio la kwanza lilikuwa ni kumfanya Yesu aje ulimwenguni kupitia mwili wa mwanamwali Bikira Mariam, na kuwezesha abatizwe na kusulubiwa ili kuondoa dhambi za ulimwengu. Tukio la pili ni kuwepo kwa Yohana Mbatizaji duniani kupitia Elizabeti mama yake. Mungu alisababisha matukio haya mawili yatokee ili wanadamu waweze kuokolewa kwa dhambi zao zote. Hii ni kazi ambayo Mungu aliipanga katika utatu. Mungu alimtuma Yohana Mbatizaji ulimwenguni miezi sita kabla ya Yesu, ndipo akatumwa Yesu Kristo mwokozi wa wanadamu hapa duniani kuwaweka huru wanadamu tokana na hukumu ya dhambi zao.

Yesu alishuhudia juu ya Yohana Mbatizaji katika Mathayo 11:9 *“Lakini kwa nini mlitoka? Ni kuona Nabii? Naam, nawaambia na aliye mkuu zaidi ya Nabii”.* Zaidi ya yote, pale Yohana Mbatizaji aliyemtika dhambi zote za ulimwengu Yesu, alipo mwona tena siku aliyofuata yeye mwenyewe alishuhudia kwa kusema *“Tazama! mwana kondoo*

*aichukuaye dhambi ya ulimwengu” (Yohana 1:29).*

Biblia ina taarifa nyingi za Yohana, aliye mbatiza Yesu na inatupasa kupekuwa na kutafuta ili kuweza kuwa na ufahamu mzuri juu yake. Yohana Mbatizaji alikuja ulimwenguni kabla ya Yesu jukumu lake likiwa kutimiza Injili njema ambayo ndiyo mpango wa Mungu. Biblia inasema kwamba Yesu alikubali dhambi zote za ulimwengu juu yake toka kwa Yohana naye Yohana alimtwika dhambi hizo juu yake ili kutimiza mapenzi ya Mungu.

Tunamwita kuwa ni Yohana Mbatizaji kwa sababu alimbatiza Yesu. Ubatizo wa Yesu una maana gani? Neno “ubatizo” linamaanisha “kuoshwa” kwa kuwa dhambi zote zimekwisha kutwikwa juu ya Yesu kwa kupitia ubatizo wake, hivyo basi zimekwisha kuoshwa. Ubatizo wa Yesu una maana sawa na tendo la “kuwekea mikono” ambalo ile sadaka ya dhambi ilipokea katika Agano la Kale. Maana ya kiroho ya tendo la ubatizo ni “kutwika, kuoshwa au kuzikwa”. Ubatizo wa Yesu kwa Yohana ulikuwa ni tendo la ukombozi katika kuondoa dhambi zote za watu wa ulimwengu.

Ubatizo wa Yesu unaumuhimu sawa kama ilivyo tendo la kuwekea mikono, ambapo ni njia ya kutwika dhambi juu ya sadaka ya dhambi katika Agano la Kale. Kwa maneno mengine, watu wa Israeli walitwika dhambi zao za mwaka mzima juu ya sadaka ya dhambi katika siku ya Upatanisho kwa kupitia tendo la kuwekea mikono ya kuhani mkuu. Sadaka hii katika Agano la Kale ilikuwa na dhambi sawa na ubatizo wa Yesu na kifo chake msalabani.

Mungu aliiteuwa siku ya Upatanisho kuwa ni muda wa kuondoa dhambi za wana wa Israeli. Katika siku ya kumi ya mwezi wa saba, kuhani mkuu alitwika dhambi za mwaka za watu wake juu ya kichwa cha sadaka ya dhambi kwa kuwekea mikono juu ya sadaka kwa upatanisho wa dhambi za watu. Na

huu ndio mpangilio wa utoaji wa sadaka ambao Mungu aliuweka. Ilikuwa ndio njia pekee katika kutwika dhambi za watu juu ya sadaka ya dhambi na alifanya hivyo kwa tendo la kuwekea mikono ambalo ndiyo sheria ya milele Mungu aliyoweka.

*“Na Haruni ataweka mikono yake miwili juu ya kichwa cha yule mbuzi aliye hai, na kuungama juu yake uovu wote wa wana wa Israeli na makosa yao, naam dhambi zao zote, naye ataziweka juu ya kichwa chake yule mbuzi kisha atampeleka aende jangwani kwa mkono wa mtu aliye tayari na yule mbuzi atachukua juu yake uovu wao wote, mpaka nchi isiyo watu, naye atamwacha mbuzi jangwani” (Walawi 16:21-22).*

Katika Agano la Kale, mwenye dhambi aliweka mikono juu ya kichwa cha sadaka ya dhambi na kutwika dhambi zake juu yake ili aweze kusamehewa. Na siku ya Upatanisho Haruni Kuhani Mkuu akiwa mwakilishi wa Waisrael wote, aliweka mikono yake juu ya kichwa cha sadaka ya dhambi ili kutwika sadaka hiyo dhambi zote za Waisraeli. Ndipo sadaka hiyo huchinjwa baada ya kubeba dhambi hizo.

Tendo hilo linamaana sawa ya kiroho kwa ubatizo (“Baptisma” ni Kigiriki, maana yake “kusafisha kuzikwa kutwikwa”) ambapo Yesu aliupokea toka kwa Yohana katika Agano Jipya. Kama alivyokuwa Kuhani Mkuu katika Agano la Kale alipoweka mikono yake juu ya sadaka ya dhambi ili kutwika dhambi za watu wa Israel, ndivyo hivyo dhambi zote za wanadamu zilitwikwa juu ya Yesu kupitia ubatizo wake na Yohana Mbatizaji. Ndivyo Yesu alivyokufa Msalabani katika kutupatanisha kwa dhambi zetu. Hii ni Injili njema.

Kama ilivyo Haruni kuhani Mkuu alivyotoa sadaka ya Upatanisho kwa niaba ya watu wa Israeli, Yohana Mbatizaji naye aliye uzao wa Kuhani Haruni alichukua jukumu hilo akiwa mwakilishi wa wanadamu juu yake Yesu. Mungu

anaeleza mpango huu ulio mzuri wa ajabu kuhusiana na upendo wake katika Biblia kama ifuatavyo katika kitabu cha Zaburi 50:4-5 *“Ataziita mbingu zilizo juu na Nchi pia wahukumu watu wake. Nikusanyieni wacha Mungu wangu waliofanya Agano nami kwa dhabihu”* Amen, Haleluyah.

Historia ya Kanisa inasema kwamba hapakuwepo na Krismasi kwa karne mbili za mwanzo katika kuanzishwa kwake. Kanisa la Wakristo wa mwanzo pamoja na Mitume wa Yesu waliadhimisha January 6 kama “Siku ya Ubatizo wa Yesu” tu, uliofanyika katika mto Yordani na Yohana Mbatizaji. Kwa nini waliweka msisitizo zaidi katika hilo, yaani ubatizo wa Yesu katika imani yao? Jibu lake ndilo ufunguo halisi wa Ukristo wa desturi ya Kitume. Lakini natumaini hamtochanganya ubatizo wa waumini na ule ubatizo wa Yesu.

Ubatizo wa waumini kama ilivyo siku hizi una maana tofauti na ule ubatizo wa Yesu alioupokea katika mto Yordani. Hivyo imetupasa sisi sote kupokea uwepo wa Roho Mtakatifu kwa kuamini ubatizo wa Yesu Kristo ambao alioupokea toka kwa Yohana na pia damu yake Msalabani.

Ikiwa mtazamo wa Kanisa la kwanza uliweka kipaumbele juu ya hili kuwa ndilo Sakramenti muhimu, basi hili kwao waliona ndiyo egemeo la imani katika ubatizo wa Yesu na hivyo hata sisi leo hii tuchukulie ubatizo wa Yesu kwa Yohana kuwa ni sehemu isiyo epukika katika wokovu wetu. Zaidi ya yote ni lazima tuufikie na kuikumbatia imani iliyo sahihi yenye ufahamu kamili ambayo husema kwamba Yesu ilimbidi asulubiwe kutokana na kubatizwa kwake na Yohana. Imetupasa kuelewa kwamba Roho Mtakatifu huanza kuweka makazi ndani yetu pale tu tunapoamini ubatizo wa Yesu, kufa kwake msalabani na kufufuka kwake ili awe Mwokozi wetu. Ubatizo wa Yesu kwa Yohana na damu yake msalabani vyote vinamaana ya pakee katika Injili njema.

Njia ya tahadhari kwako katika kumpokea Roho Mtakatifu ni kuamini Injili njema ya ubatizo wa Yesu na damu yake. Ubatizo wa Yesu ulitakasa dhambi zote za wanadamu mara moja. Ulikuwa ni ubatizo wa ukombozi uliopo kwenye kwetu kumpokea Roho Mtakatifu. Kwa kuwa baadhi ya watu hawajagundua nguvu iliyomo katika ubatizo wa Yesu, basi wao huelewa hili kuwa ni kama sherehe ya kawaida.

Ubatizo wa Yesu hufanya sehemu muhimu katika Injili njema ambayo hutueleza namna ile Yesu alivyobeba dhambi zote za ulimwengu juu yake na hata kuikubali hukumu yake kwa kumwaga damu yake msalabani. Yeyote anayeamini maneno ya Injili hii iliyo njema hufanywa kuwa msharika wa Kanisa ambalo linamilikiwa na Bwana, na kufurahiya baraka ya Roho Mtakatifu. Roho Mtakatifu ni karama toka kwa Mungu kwa wale wote waliokwisha kusamehewa dhambi zao.

Kwa ubatizo wake, Yesu alikuwa *“Mwanakondoo wa Mungu aichukuaye dhambi ya ulimwengu”* kwa namna iliyotosha (Yohana 1:29). Katika Yohana 1:6-7 inasema *“Palitokea mtu ametumwa kutoka kwa Mungu jina lake Yohana. Huyo alikuja kwa ushuhuda ili ashuhudie ile nuru, wote wapate kuamini kwa yeye”*. Ili kumwamini Yesu kuwa ni mwokozi wetu aliyechukua dhambi zetu zote ni lazima tuelewe juu ya huduma ya Yohana na ushuhuda kama ilivyo andikwa katika Biblia. Ndipo tutaweza kumwamini Yesu Kristo kama Mwokozi wetu. Ili kuweza kumpokea Roho Mtakatifu pia tunahitajika kuwa na imani madhubuti iliyoshuhudiwa moyoni. Hivyo kukamilisha Injili ya kweli iliyo njema ni lazima kuamini ubatizo wa Yesu kwa Yohana na damu yake pale msalabani.

Katika Mathayo 11:12 imeandikwa *“Tangu siku za Yohana Mbatizaji hata sasa Ufalme wa mbinguni hupatikana kwa nguvu na wenye nguvu wauteka”*. Kifungu hiki husemekana kuwa ndicho kifungu kigumu kueleweka kati ya

vifungu kadhaa katika Biblia. Hata hivyo imetupasa kuwa makini kwa sehemu isemayo “Tangu siku za Yohana Mbatizaji”. Hakika hapa inatangaza kwamba huduma ya Yohana ilikuwa iimeunganika moja kwa moja na huduma ya Yesu kwa wokovu wetu.

Yesu anatumia tuingie katika Ufalme kwa ujasiri wa imani kama ulivyo ujasiri wa mwenye nguvu. Tunatenda dhambi kila leo, sisi ni dhaifu lakini ameruhusu tuweze kuingia katika Ufalme wake kwa imani, kifua mbele bila ya kujali udhaifu wetu. Hivyo kifungu hiki kina maana kwamba watu wataweza kuuteka Ufalme wa mbingu kwa imani katika Injili njema isemayo kwamba Yesu amefuta dhambi zote za ulimwengu kwa kupitia ubatizo wake kwa Yohana na damu yake msalabani. Kwa maneno mengine ina maana kwamba mbingu inawezwa kutekwa kwa imani madhubuti katika Injili hii njema ya ubatizo wa Yesu na damu yake.

Ubatizo wa Yesu ndiyo uliobeba dhambi zote na imani yetu juu yake hatupa uhakika kwamba tutapokea uwepo wa Roho Mtakatifu ndani yetu. Lazima tuhubiri Injili hii kwa majirani zetu, ndugu zetu, wapendwa wetu na kwa yeyote yule ulimwenguni. Lazima tuwe na imani katika Injili njema ambayo inasema kwamba dhambi zetu zote ulimwenguni zilitwikwa kwake Yesu kupitia ubatizo wake. Kwa kupitia imani yetu ndipo basi tutaweza kupokea tulizo la ukombozi na uwepo wa Roho Mtakatifu ndani.

Ubatizo wa Yesu uliondoa dhambi zetu zote, na damu yake ilikuwa hukumu ya dhambi. Lazima tuwaeleze wasio waumini injili nzuri ya maji na Roho. Ni kwa kufanya hivyo tu, watakuja kuamini injili na kupokea Roho Mtakatifu. Nataka uiamini. Ni kwa kuwa na imani katika Ubatizo wa Yesu kwa Yohana na damu yake msalabani ndipo mwanadamu anaweza kusamehewa dhambi zake zote na kupokea uwepo wa Roho



Mtakatifu.

Kila mtu ataweza kuwa mwana wa Bwana ambamo ndani yake Roho Mtakatifu atakaa, kuwa moja kati ya kaka na dada kwa kuamini Injili njema ya maji na Roho. Ni lazima muwe na imani sawa katika Injili njema kama aliyokuwa nayo Paulo. Namshukuru Bwana kwa kutupa Injili njema na kumsifu yeye. Ameni. ☒



# **MAHUBIRI 4**

**Wale walio na imani**  

---

**sawa na Mitume**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Wale walio na imani sawa na Mitume

< Matendo 3:19 >

**“Tubuni basi, mrejee ili dhambi zenu zifutwe zipate kuja nyaka za kuburudishwa kwa kuwako kwake Bwana.”**



Kwa kuangalia wafuasi wa Yesu Kristo kiwango cha imani zao walipokuwa na Roho Mtakatifu ndani yao ni tofauti kabisa na imani zao walipokuwa hawajawa na Roho huyo. Miili yao haikuonekana kuwa tofauti lakini baada ya kumpoke Roho Mtakatifu maisha yao yalibadilika kabisa kwa nuru ya Yesu Kristo.

Mji ninaoishi una milima na maziwa kwa mandhari nzuri. Kwa kuangalia mandhari hiyo nzuri naridhika na kuona sina la zaidi bali ni kumshukuru Bwana kwa uumbaji huu. Mng’ao wa maji yaliyo takasika huakisi jua na kuufanya moyo uridhike na hivyo ulimwengu unizungukao huonekana kama dhahabu.

Lakini zipo sehemu nyingine ambazo uzuri huu hujionyesha wenyewe. Zipa sehemu nyingine ambazo anga ni safi kabisa lakini maji chini ya jua huonekana kama dimbwi la

tope. Hakuna nuru katika sehemu hiyo. Kwa kuangalia ziwa kama hili, namshukuru Mungu kwa Injili yake njema ambayo imetakasa dhambi zangu na kunipatia uwepo wa Roho Mtakatifu.

Kwa jinsi kina cha ziwa la tope kisivyoweza kuakisi mwanga hivyo ndivyo tulivyo mbali na nuru ya Mungu na kutokuwa werevu huku tukielekea tusiko kufahamu kutokana na asili yetu ya dhambi. Lakini Roho Mtakatifu akikaa ndani ya mioyo yetu tutaeleweka kuwa ni wana wa Mungu na hata kuongoza katika kufundisha watu Injili. Kwa kuwa tunaikubali nuru ya Yesu, basi tutang'ara bila shaka.

Kwa jinsi hii pia baada ya kufufuka kwa Yesu, wafuasi wake walimpokea Roho Mtakatifu na kuwa watoto na Mitume wa nuru. Nuru ya Roho Mtakatifu ni baraka kuu kwa wale wote na hivyo watu wengi hutamani kumpokea Roho Mtakatifu.

## **Imani ya Mtume Paulo**

Ni imani ya namna gani Paulo alikuwa nayo? Paulo katika kukiri kwake kuwa alikuwa mwenye elimu na kufuzu chini ya Gamalieli aliyekuwa mmoja kati ya walimu mashuhuri wa sheria kwa nyakati hizo na pia kufundishwa kulingana na sheria za baba zake, bado hakuweza kuokolewa kwa dhambi zake na hivyo kuweza kuwa kati ya wanaomtuhumu Yesu, mwokozi wetu. Siku moja alikutana na Yesu akiwa njiani kuelekea Dameski na hatimaye kuwa Mwinjilisti wa Injili ya Yesu. Alikuwa na imani ya kuwa Yesu Kristo ndiye mwana wa Mungu, alikuja ulimwenguni na kutoa damu yake Msalabani ili kuibeba hukumu ya dhambi hizo. Kwa maneno mengine alikuwa na imani ya msamaha wa dhambi ndani ya moyo wake.

Wafuasi wa Yesu waliamini ubatizo wa Yesu kwa Yohana na damu yake msalabani ilikuwa ni kwaajili ya kuwasamehe dhambi zao zote. Paulo alishiriki imani hiyo na wafuasi hao na hivyo alivyokolewa kwa dhambi zote.

Paulo alisema katika Wagalatia 3:27 *“Maana ninyi nyote mliobatizwa katika Kristo mmemvaa Kristo”* na kukiri imani yake katika ubatizo wa Yesu kuwa ndio wokovu wake. Pia Petro alisema katika Petro 3:21 *“Mfano wa mambo hayo ni ubatizo unaowaokoa ninyi pia siku hizi (siyo kuweka mbali uchafu wa mwili, bali jibu la dhamiri safi mbele za Mungu) kwa kufufuka kwa Yesu Kristo”* na alielezea juu ya Injili njema ya ubatizo wa Yesu kwa kupitia kifungu hiki. Wafuasi wa Yesu waliamini kwamba ubatizo wa Yesu kwa Yohana ulitakasa dhambi zao zote ulimwenguni. Walisamehewa dhambi zao na hivyo hakuwa tena chini ya laana ya sheria kwa kuwa wameamini ukweli huu.

Waliamini yote mawili ubatizo wa Yesu na damu yake msalabani. Ni ushahidi tosha kwamba imani hii ilikuwa ni muhimu kwa kuweza kuwa mtume bora. Katika Matendo 1:21–22 inasema *“Basi katika watu waliofuatana nasi wakati wote Bwana Yesu alipokuwa akiingia na kutoka kwetu kuanzia tangu ubatizo wa Yohana hata siku ile alipochukuliwa kwetu kwenda juu inapasa mmoja wao awe shahidi wa kufufuka kwake pamoja nasi”*. Ili uwe mfuasi wa Yesu kwanza lazima uamini ubatizo wa Yesu kwa Yohana.

Ukweli tunaouhitaji ili tuweze kusamehewa dhambi zetu ni imani katika ubatizo wa Yesu na damu yake msalabani. *“Maana ninyi nyote mlibatizwa katika Kristo mmemvaa Kristo”* (Wagalatia 3:27). Hivyo Paulo pia aliamini ubatizo wa Yesu kwa Yohana na damu yake msalabani.

Hebu tuone Tito 3:5 *“Si kwa sababu ya matendo ya haki tuliyoayatenda sisi, bali kwa rehema yake, kwa kuoshwa kwa*

*kuzaliwa kwa pili na kufanywa upya na Roho Mtakatifu.*” Hapa tafsiri ya “*Kwa kuoshwa kwa kuzaliwa kwa pili kwa kufanywa upya*” maana yake ni kwamba dhambi zote za ulimwengu zilitakaswa pale Yohana alipombatiza Yesu. Kwa jinsi hiyo ikiwa unataka kusamehewa dhambi zako, basi unahitaji kuamini Injili njema ambayo inasema dhambi zako zilitwikwa kwake Yesu kwa kupitia ubatizo wake kwa Yohana. Sababu ya Yesu kusulubiwa na kumwaga damu yake hadi kufa ni kwakuwa alikuwa amekwisha beba dhambi zote kwa kupitia ubatizo alioupokea toka kwa Yohana. Kwa kuamini ukweli huu kunatosha kupokea moja kwa moja uwepo wa Roho Mtakatifu ndani yako. Paulo pia alikiri kwamba aliamini ubatizo wa Yesu kwa Yohana na damu yake msalabani.

Hebu tuangalie Waebrania 10:21-22, inasema “*na kuwa kuhani mkuu juu ya nyumba ya Mungu na tukaribie wenye moyo wa kweli, kwa utimilifu wa imani, hali tumenyunyiziwa mioyo tuache dhamiri mbaya tumeoshwa miili kwa maji yake safi*”. Hapa “*tumeoshwa miili kwa maji safi*” maana yake ubatizo wa Yesu kwa Yohana ambao ulitakasa dhambi za wanadamu.

Hivyo Agano la Kale na Jipya katika yote tutaweza kupata sehemu ya kiini cha Injili njema ambamo ni ubatizo wa Yesu na kifo chake msalabani. Nawe pia imekupasa kushiriki imani hii ya Paulo.

Leo hii, Wakristo walio wengi humwamini Yesu katika njia panda pasipo kujua kwamba wakati Yohana alipombatiza Yesu, dhambi zote za ulimwengu zilitakaswa. Baadhi ya Wanatheologia huwaasa watu wabatizwe ili wapate kusamehewa dhambi zao. Tamko hili hufanywa labda pasipo kujua ukweli na juu ya Injili ya maji na Roho kama ilivyoandikwa katika Biblia. Dhambi zetu kamwe hazitoweza kufutwa kwa namna ya ibada ya ubatizo wa maji, bali tu kwa



imani katika ubatizo wa Yesu na damu yake hututakasa sisi sote kwa dhambi zetu zote. Ni wale tu wanaoamini Injili njema ndiyo wanaosamehewa dhambi zao. Na kwa kuamini damu ya Yesu pekee wamekwisha jiwekea hukumu yao. Ni wale tu wenye imani hii ndiyo watakaoweza kupewa kipawa cha Roho Mtakatifu.

*“Natukaribie wenye moyo wa kweli kwa utimiilifu wa imani, hali tumenyunyiziwa mioyo tuache dhamira mbaya tumeoshwa miili kwa moyo safi” (Waebrania 10:22).* Mwandishi wa Waebrania anatueleza kukaribia mbele ya Mungu na moyo wa kweli kwa ukamilifu wa imani ya Injili njema.

Nyakati hizi, Wakristo wanatumaini la kweli katika kupokea uwepo wa Roho Mtakatifu. Roho Mtakatifu huweka makazi kwa wale tu ambao dhambi zao zimekwisha samehewa. Wengi hakika hawaelewi hili hivyo hutamani kumpokea Roho Mtakatifu pasipo kuamini Injili njema ya ubatizo wa Yesu na damu yake. Wale wote wenye kumwamini Yesu huku hawaamini ubatizo wake, na damu yake msalabani kamwe hawatoweza kupokea karama ya Roho Mtakatifu. Sababu ni kwamba hawana mioyo safi.

Paulo aliamini ubatizo wa Yesu na damu yake msalabani na hivyo alimpokea Roho Mtakatifu. Na zaidi ya yote, alieneza imani hii na hatimaye alishitakiwa kwa kuwa mzushi. Lakini kwa kuwa Roho Mtakatifu alikuwa ndani yake, aliweza kueneza Injili ya maji na Roho hadi mwisho wa maisha yake. *“Nayaweza mambo yote katika yeye anitiaye nguvu” (Wafilipi 4:13).* Nashukuru kwa uwepo wa Roho Mtakatifu ndani yake, kwani alimtumikia Mungu na kuishi chini ya ulinzi wa Roho Mtakatifu hadi alipokwenda mbele ya Mungu. Wale tu wenye imani sambamba sawa na ya Paulo ndiyo watakao mpokea Roho Mtakatifu.

Hebu tuangalie imani ya Paulo katika Wakolosia 2:12 inasema “*mkazikwa pamoja naye katika ubatizo, na katika huo mkafufuliwa pamoja naye kwa kuziamini nguvu za Mungu aliyemfufua katika wafu*”. Alisamehewa dhambi zake zote kwa kumwamini Yesu, aliyebatizwa na Yohana.

## **Ukristo umebadilikaje tangu nyakati za kale?**

Sasa, hebu tuone ushuhuda wa dada mmoja ambaye alikuwa mfuasi baada ya kumpokea Roho Mtakatifu katika Yesu Kristo.

“Nilianza kuzeeka bila kuwa na mtoto, hivyo ili niweze kupokea baraka ya Mungu kwa kupitia maombi nilitangatanga katika Mekanisa. Hata nilipokuwa mwenyewe nyumbani niliomba kupata mtoto kwa saa moja hadi tatu hivyo sehemu hii ya udini ikawa katika maisha yangu kila siku.

Nilipoendelea na tabia hii ya kidini katika maisha yangu, nilikutana na mama mmoja wa makamo akaniambia, ikiwa nahitaji kumuomba Mungu mtoto itanipasa kuwekewa mikono naye. Hapo awali nilisikia juu ya mama huyo kuwa ni mtumishi wa Mungu na hivyo nilimkubalia kuniwekea mikono juu ya kichwa changu. Punde nilihisi jambo lisilokuwa la kawaida ndani yangu ulimi wangu ulianza kucheza na kuanza kunena lugha ya ajabu na nilihisi jambo geni na joto lilinipanda. Nililichukulia jambo hili kuwa nimempokea Roho Mtakatifu na ndiyo jibu langu kwa Mungu.

Mwanamke huyo aliyeniwekea mikono alionekeana kuwa na kipawa toka kwa Roho Mtakatifu, na aliweza kutoa Unabii na kuponya. Hakuwahi kupokea elimu ya neno la Mungu lakini aliweza kutumia nguvu ya Roho Mtakatifu na aliweza kuwasaidia Wachungaji wengi na Wasomi katika kumpokea

Roho Mtakatifu kupitia tendo la kuwekea mikono.

Tokea hapo na kuendelea nilianza kuhudhuria mikutano na mojawapo uliitwa <sup>3</sup>**“Vuguvugu la Uamsho / Kufanyizwa upya”** Wakati mojawapo ya maombi yangu katika mkutano huo, nilihisi kutetemeka mwili mzima na moyo wangu ukajawa na upendo kwa Mungu na jirani zangu. Hili lilitokea kwa watu siku hiyo na wote walianguka kwa kuzimia na kuanza kunena kwa lugha. Palikuwepo na watu wenye mapepo, na kiongozi wa mkutano alikemea pepo hawa. Dhumuni la vuguvugu la Uamsho/Kufanyizwa upya lilikuwa ni kuwafanya watu waamini kuwa Roho Mtakatifu ndiye aliye kuwa afanyaye mambo kama vile kutetemeka kutoa unabii kukemea pepo na kunena kwa lugha. Ingawa katika yote haya bado nilihisi kuwa na dhambi moyoni mwangu na hivyo zilinifanya niwe mwoga na aibu.

Hivyo kila nilipo fanya maombi, nilizama zaidi ili niweze kusuluhisha tatizo la dhambi hizi. Nilikiri kuwa mwenye dhambi lakini nje watu walinichukulia kama malaika. Nilidhani kuwa ni mwenye imani njema lakini nilikosea. Ikiwa nisingeweza kugundua makosa yangu nisengeweza kuwa na wasaa wa kumpokea Roho Mtakatifu.

Baada ya hapo nilikutana na wale waenezao Injili ya maji

---

<sup>3</sup> Uamsho/Kufanyizwa upya ni tendo la asili na ni sehemu muhimu katika maisha ya Mkristo, na huleta ukomavu wa kiroho, ni ushahidi juu ya tunda la Roho. Lakini kwa miaka ya karibuni baadhi ya vuguvugu zimetafsiri upya juu ya neno “Uamsho/kufanyizwa upya” hata kupelekea kutobeba tena maana kamili ya ukomavu wa Kiroho ambayo ni hatua iliyo ya kimaandiko. Uamsho/Kufanyizwa upya kwa tafsiri ya watu hawa kunako pelekea hisia isiyo tawalika, kunadhihirika kwa kila aina ya matukio yanayotia mashaka na kuandamana na mafundisho ya ziada nje ya Biblia au yasiyo ya Kibiblia kabisa zikiwa pamoja na tabia au matendo. Haya ni baadhi ya mafundisho na matukio yenye utata yanayo sambazwa na vuguvugu za Uamsho/kufanyizwa upya: kusisitiza zaidi matukio ya karama kinyume na maandiko, matukio ya kimazingara, mafundisho ya ulaghai, unabii wa kilaghai, ishara na maajabu ya kiulaghai na kadhalika. Hata hivyo hatari kubwa zaidi ya vuguvugu za Uamsho/kufanyizwa upya ni kwamba, wamesababisha watu wengi kutoelewa ukweli juu ya kumpokea Roho Mtakatifu ndani yao na hivyo kutupilia mbali injili njema.

na Roho na hatimaye nilipokea msamaha wa dhambi zangu zote kwa kuamini neno la Mungu. Leo hii mimi ni mwenye furaha naamini Injili ya maji na Roho na nimepokea kipawa cha Roho Mtakatifu. Namshukuru Mungu. Na natamani Wakristo wote ulimwenguni wangeliamini Injili njema na kupokea uwepo wa Roho Mtakatifu. Namshukuru Bwana.”

Hapa tunajifunza kwamba ilituweze kumpokea Roho Mtakatifu tunahitaji Injili ya maji na Roho. Ikiwa unataka kusamehewa dhambi zako zote ni lazima uwe na imani katika ubatizo wa Yesu kwa Yohana hebu tuone katika Waefeso 4:5 *“Bwana mmoja, imani moja ubatizo mmoja”*. Hapa inasema kwamba yupo Bwana mmoja tu na ubatizo mmoja ambao tunauamini. Yatupasa kuamini ubatizo wa Yesu kwa Yohana na damu yake msalabani ili tupokee uwepo wa Roho Mtakatifu. Ikiwa sivyo, basi Roho huyo kamwe hawezi kuwepo ndani yetu.

Hapo awali paliondokea watu fulani waliofundisha na kuamini kwamba vuguvugu la utakaso na usafi lingeweza kuwasaidia kumpokea Roho Mtakatifu hata hivyo, je, unadhani Roho Mtakatifu hufanya makazi ndani yetu ikiwa tutajiunga katika mavuguvugu kama hayo? Je, wewe nawe umempokea Roho Mtakatifu kwa kuwa katika vuguvugu la utakaso na usafi? Ikiwa ingeliwezekana, basi ungelikuwa mwenye busara kuishikilia imani. Lakini ikiwa Roho Mtakatifu, alikuja juu yako kwa sababu hiyo, basi Yesu asingelihitaji kushuka ulimwenguni na kutuokoa na dhambi zetu na asingehitajika kubatizwa na Yohana wala kusulubuwa msalabani.

Kupokea uwepo wa Roho Mtakatifu ni karama itokanayo na imani katika Injili ya ubatizo wa Yesu na damu yake, ambayo huleta msamaha wa dhambi zako. Kupokea uwepo wa Roho Mtakatifu ndani ni karama inayotunukiwa kwa wale wote wanaopata msamaha wa dhambi zao kwa kutakaswa kupitia Injili ya kweli.

Nyakati hizi kati ya wale wanaojitumbukiza katika vuguvugu za Uamsho/Kufanyizwa upya, wapo baadhi wanaoamini kwamba sala za toba kwa kujitoa zitaweza kuwasaidia kupokea uwepo wa Roho Mtakatifu. Wao husema kwamba ingawa mtu ataweza kuwa na dhambi moyoni, basi ikiwa atafanya maombi ya toba, hatimaye ataweza kumpokea Roho Mtakatifu.

Vuguvugu la Karama za Pentekoste (Pentecostal Charismatic Movement) ambalo limesambaa ulimwenguni pote lilianza huko Marekani takribani miaka ya 1800. Vuguvugu hili lilikuja kati ya kipindi cha kabla ya Mapinduzi ya Viwanda (Industry Revolutaion) wakati maadili ya tabia za watu yalipotoka. Vuguvugu hili lilifika kilelele cha mafanikio pale mioyo ya watu ilipochoka kabisa kutokana na mfadhaiko mkuu wa maisha duniani. Tokea kipindi hicho imani itokanayo na neno la Mungu ilishuka na ndipo vuguvugu la madhehebu mapya lilianza kuchomoza. Mathalani vuguvugu la Karama la Kipentekoste (Pentecostal Charismatic Movement) ndilo lililolenga katika swala la kumtambua Roho Mtakatifu (Mungu) kwa hisia za kimwili - kushuhudia kazi za Mungu kwa macho na kushuhudia nguvu ya maneno ya Mungu kwa mwili na akili.

Lakini pigo la kuangukia katika vuguvugu hili ni kwamba huwavutia wanaoamini na kuwapeleka mbali na maneno ya Mungu na hata kuwafanya kuwa katika dini yenye kuhangaikia baraka za kimwili tu. Matokeo yake, wafuasi katika vuguvugu hili jipya huanza kueneza imani za kishirikina (Shamanism). Hata leo, wale wote waliojizamisha katika vuguvugu la karama za Kipentekoste huamini kuwa ikiwa mtu atamwamini Yesu atatajirika kifedha na kimali magonjwa yake yataponywa atafanikiwa katika kila jambo, atampokea Roho Mtakatifu na kunena kwa lugha na hata kuwa na nguvu ya kuwaponya wengine. Vuguvugu hili, limesambaa ulimwenguni pote na

limekuwa ni kikwazo kwa imani za watu kuelekea Injili njema na uwezo wa kupokea uwepo wa Roho Mtakatifu ndani.

Ukristo wa leo umechipuka tokana na imani za Luther na Calvin takribani miaka 500 iliyopita. Lakini ndani ya mipaka ya Ukristo somo la Kibiblia linalohusu uwepo kwa Roho Mtakatifu halikuweza kusimikwa kwa umadhubuti. Tatizo ni kwamba, tokea mwanzo wa Ukristo wa kisasa, Wakristo wengi walimwamini Yesu pasipo kugundua umuhimu wa ubatizo wake na kifo chake msalabani. Mbaya zaidi watu walianza kusisitizia mafundisho potofu ya Kikristo na hata kutilia mkazo matukio ya kimwili peke yake. Wakristo wote imewapasa kuamini Injili njema ambayo inasema kwamba Yesu alibatizwa na Yohana ili kubeba dhambi hizo. Hakika imani hii itawawezesha kumpokea Roho Mtakatifu.

Leo hii sababu ambayo Imefanya Ukristo kuwa duni ni kwamba watu wamejaribu kuupuzia ukweli juu ya ubatizo wa Yesu toka kwa Yohana na damu yake msalabani. Maana yake ni kuamini Injili ya maji na Roho. Ikiwa unahitaji kumpokea Roho Mtakatifu basi amini kwamba Yohana alimbatiza Yesu, dhambi zako alimtwika Yesu na hivyo damu yake alikuwa ni hukumu na msamaha wa dhambi zako zote. Ndipo utakapo mpokea Roho Mtakatifu.

Wakristo huamini damu ya Yesu tu kama ndiyo Injili ya ukombozi. Lakini je, kati yenu mnao amini damu ya Yesu tu mtaweza kuwa huru kwa dhambi? Je, mtaweza? Ikiwa unadhani utaweza, labda unaufahamu usio sahihi juu ya ukweli wa ubatizo wa Yesu. Katika hilo bado utakuwa na dhambi moyoni mwako. Ni pale tu utakapounganisha ubatizo wa Yesu na damu yake kwa pamoja kuwa na imani moja ndipo atakapoweza kuokolewa kwa dhambi zako zote na hatimaye kumpokea Roho Mtakatifu. Biblia inasema kwamba hii ndiyo Injili pekee ya kweli inayotuwezesha kuushindwa ulimwengu.

*“Kwa maana wako watatu washuhudiaa duniani, Roho na maji na damu na watatu hawa hupatana kwa habari moja” (1 Yohana 5:9).* Hivyo tuelewe kwamba, nia ya Mungu katika kutuokoa kwa dhambi zetu zote, aliwezesha Yohana ambatize Yesu na baadaye kumfanya asulubiwe.

Sababu kwa nini Wakristo wengi hawana msamaha wa dhambi ingawa wanamwamini Yesu? Ni kwamba hawaiamini Injili njema iliyo kamilishwa kwa ubatizo wa Yesu na damu yake msalabani. Wale wote wenye kuamini mambo haya mawili watasamehewa dhambi zao na kumpokea Roho Mtakatifu.

Wakati watu wanapogundua kuwa dhambi zao zimetakaswa mioyo yao huwa na amani na kufurika kama maji yaliyo tuama. Wakati Roho Mtakatifu anapoweka makazi ndani ya moyo wa mtu, amani huwa kama mto utiririkao ndani toka nje ya moyo wake. Tunakutana na Bwana wetu kwa kuamini katika ukweli huu na kutembea na Roho huku tukieneza Injili ya kumpokea Roho Mtakatifu. Toka tulipo amini Injili ya maji na Roho, maisha yetu yamekuwa na amani na mioyo yetu imekuwa na furaha halisi. Hatutaweza kamwe kuiacha Injili hii njema. Roho Mtakatifu siku zote yumo ndani ya mioyo yetu, kutuwezesha kueneza neno lake na kuwezesha watu wanoamini neno hilo kumpokea Roho Mtakatifu.

Kwa kuwa tuliamini Injili njema ya ubatizo wa Yesu na damu yake msalabani, tulipokea baraka ya Roho Mtakatifu. Ni muhimu watu ulimwenguni waanze hatua ya kuamini neno la Mungu lisemalo kwamba Yesu alibatizwa na Yohana ilikubeba dhambi zote za ulimwengu na hivyo alikufa msalabani ili kuhukumiwa kwa dhambi zao. Wanapofanya hivyo, hatimaye humpokea Roho Mtakatifu. ☒





# **MAHUBIRI 5**

**Je, unataka kuwa na**

---

**Ushirika na Roho**

---

**Mtakatifu?**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# **Je, unataka kuwa na Ushirika na Roho Mtakatifu?**

**< 1 Yohana 1:1-10 >**

**“Lile lililoko tangu mwanzo, tulilolisikia, tuliloliona kwa macho yetu, na mikono yetu ikalipapasa kwa habari ya Neno la uzima (na uzima huo ulidhihirika, nasi tumeona, tena twashuhudia na kuwahubiri ninyi ule uzima wa milele uliokuwa kwa Baba, ukadhihirika kwetu) hilo tuliloliona na kulisikia twawahubiri na ninyi ili nanyi pia mpate kushirikiana nasi, na ushirika wetu ni pamoja na Baba na pamoja na Mwana wake Yesu Kristo. Na haya twayaandika ili furaha yetu itimizwe. Na hii ndiyo habari tuliyoisikia kwake, na kuihubiri kwenu ya kwamba Mungu ni nuru wala giza lolote hamna ndani yake. Tukisema ya kwamba twashirikiana naye tena tukienda gizani twasema uongo wala hatuifanyi iliyo kweli bali tukienenda nuruni kama alivyo katika nuru, twashirikiana sisi kwa sisi na damu ya Yesu Mwana wake yatusafisha dhambi yote. Tukisema kwamba hatuna dhambi twajidanganya wenyewe, wala kweli haimo mwetu. Tukiziungama dhambi zetu yeye ni mwaminifu na wa haki hata atuondolee dhambi zetu na kutusafisha na udhalimu wote. Tukisema kwamba hatukutenda dhambi twamfanya yeye kuwa mwongo wala neno lake halimo mwetu.”**



*Hitaji gani la awali muhimu  
kuweza kuwa na ufahamu wa usharika  
na Roho Mtakatifu?*

*Kwanza kabisa yatupasa kujua na kuamini Injili  
ya maji na Roho na kujitakasa kwa  
dhambi zetu zote kupitia  
imani hii.*

Ikiwa unahitaji kuwa na usharika na Roho Mtakatifu kwanza kabisa lazima uelewe kwamba dhambi iliyo ndogo kabisa mbele ya Mungu inatosha kutokufanya usharika na Mungu. Unaweza kudhani “Sasa itawezekanaje mtu asiwe na dhambi hata kidogo mbele ya Mungu?” Lakini ikiwa kweli unatamani usharika na Bwana basi lazima pasiwepe na kiza moyoni mwako. Hivyo ili uwe na usharika na Bwana, unahitajika kujua kwamba lazima uamini Injili ya ukombozi na kujitakasa dhambi zako zote.

Ikiwa kweli unapenda kuwa na usharika na Roho Mtakatifu kwani itakupasa ujue na kuamini Injili ya maji na Roho na kujitakasa dhambi zako kupitia imani hiyo. Ikiwa Injili ya maji na Roho huichukulii moyoni, basi usifikiri hata kuwa na usharika na Bwana. Kuwa na usharika na Roho Mtakatifu kunawezekena ikiwa tu dhambi zako zote zimefutwa katika moyo wako kwa Injili ya maji.

Dhambi zote zitaweza kufutwa katika akili ya mtu kwa ukweli wa maji na Roho. Bwana anakubariki na Roho Mtakatifu pale unapoamini Injili njema ya maji na Roho. Je, kweli ungependa kuwa na usharika na Bwana na Roho Mtakatifu? Sasa basi tambua dhambi zako na uamini Injili njema ili ujitakase kwa dhambi hizo. Baada ya hapo ndipo

utaweza kweli kuwa na usharika na Bwana.

Ikiwa unatamani kuwa na usharika na Bwana lazima uamini ubatizo wa Yesu, alioupokea kwa Yohana pale Yordani na pia amini damu ya Yesu msalabani. Ikiwa kweli watu wanatamani kuwa na usharika na Roho Mtakatifu ni lazima wamjue Roho Mtakatifu ni nani? Roho Mtakatifu ni mwenye utakatifu. Na hivyo ataweza kuweka makazi kwa wale tu wanaoamini Injili njema.

Hebu tuone ushuhuda wa mtu fulani ambaye dhambi zake zilitakaswa kwa kuamini ubatizo wa Yesu kwa Yohana na damu yake, ambaye sasa anausharika na Roho Mtakatifu.

“Wapo watu wa aina tofauti wengi ulimwenguni na kila mtu huishi kwa mawazo yake na njia zake. Nami nilikuwa moja kati ya hao. Nilikuwa na maisha ya kawaida toka utotoni huku nikimfuata mama yangu Kanisani na matokeo yake nikaanza kumwamini Mungu na mara kadhaa wenzangu walinipinga kwa imani yangu lakini familia aliyobaki sote tulikwenda Kanisani. Kwenda Kanisani kulikuwa ni sehemu kubwa katika maisha yangu.

Hata hivyo, wakati wa ujana wangu kwa kumuona baba yangu aliye mahututi kitandani mawazo mengi kuhusiana na mambo kama uhai na kifo, mbinguni na motoni yalinijia. Watu wengi walisema kwamba ikiwa nitamwamini Mungu nitaweza kuingia mbinguni na kuwa mtoto wake, lakini sikuwa na uhakika na hilo. Kamwe sikuwa na uhakika kwamba nitaweza kuwa mtoto wa Mungu, nilikuwa nimejifunza kwamba ikiwa nitatenda mema hapa ulimwenguni basi nitaweza kuingia mbinguni na hivyo nikajitahidi sana kutenda mema kwa nia hiyo.

Lakini upande mwingine wa moyo, nilikwisha elewa kwamba nina dhambi. Ningeliweza kuonekana mtu mwema mbele ya wengine lakini sikuweza kujizuiya kuwa na hukumu ndani yangu kwaajili ya dhambi zangu muda huo. Ikawa ni

mazoea yangu kwenda mara kwa mara kanisani kwa maombi, huku nikisali “Tafadhali Bwana naomba niwe Mwana wako daima. Tafadhali naomba nijue kweli” Wakati nikisali hivyo na vingine, nilianza kuwa na msukumo mpya moyoni. Kila niliposikia mafundisho ya maneno ya Mungu sikuweza kuelewa au hata kuona ugumu wa maneno. Hivyo nilichoka kwa utupu uliomo katika maisha yangu, dhambi, kifo na kadhalika.

Kwa mfano niliwaza “Ningependa kuzaliwa upya na kama ningezaliwa upya nisingekuwa hivi” Lakini licha ya mawazo haya yote niliendelea kwenda mara chache kanisani na hivyo umri wa Ujana ulipita na hivyo nilihitaji kutafuta kazi. Lakini ikawa hali ilizidi kuwa ngumu tofauti na nilivyodhani. Nilikata tamaa na hivyo kila nilivyo jibidiisha sikuweza kuwa na furaha yoyote. Nilipojiona mwenye moyo mtupu nilifikia hatua ya kuchanganyikiwa na katika muda huo ndipo nilipopata fursa ya kusikia Injili kamili kwa kaka yangu mkubwa.”

*“Tubuni basi mrejee, ili dhambi zenu zifutwe zipate kuja nyakati za kuburudishwa kwa kuwako kwake Bwana” (Matendo 3:19).* Hii ilikuwa Injili ya maji na Roho kwa hakika. Yote niliyojifunza toka katika mikutano ya Kanisa la hapo awali ilikuwa ni kwamba Yesu alikufa msalabani kwa ajili ya dhambi zetu. Lakini Injili hii ya sasa imenieleza kwamba Yesu alibatizwa na Yohana Mbatizaji ili kubeba dhambi zetu na kuhukumiwa na dhambi hizo msalabani.

Hapo awali nilikuwa nikienda Kanisani na kujifanya kuwa ni mtoto wa Mungu lakini hatimaye nilishindwa. Hata hivyo baada ya kusikia Injili kamili ya maji na Roho na kuiamini, dhambi zangu na yote yaliokuwa yakinitesa ndani yangu yalitoweka na moyo wangu kupata amani.

Nilidhani kwamba ikiwa nitamwamini Mungu kwa ushabiki na kwenda Kanisani bila kukosa ndipo nitakwenda mbinguni lakini Mungu aliniletea Injili ya maji na Roho hivyo

dhambi zangu zilisamehewa. Akanipa kipawa cha Roho Mtakatifu. Kabla sijapokea ukombozi wa Mungu sikujua juu ya Roho Mtakatifu bali ni kunena kwa lugha tu. Nilikuwa nikienda kanisani na huku nikiamini kwamba ikiwa nitaishi maaisha yaliyo nyoofo na kutumika kanisani basi ndipo Mungu atanibariki. Lakini nilikuja kugundua kwamba ningeweza kumpokea Roho Mtakatifu ikiwa tu dhambi zangu zitasamehewa kupitia Injili njema ya maji na Roho.

Katika maisha yangu yaliyopita, nilikuwa bado na dhambi ingawa nilimwamini Mungu. Hivyo niliishi maisha ya uvuguvugu pasipo kujua umuhimu wa kumpokea Roho Mtakatifu ndani yangu. Lakini hatimaye kwa kupitia mtumishi wa Mungu aliyehubiri Injili njema kulingana na Biblia niliamini na kujua kwamba Roho Mtakatifu huweka makazi ndani yangu pia.

Baada ya kupokea ukombozi, mwanzoni sikuweza kuamini ikiwa nilikuwa na Roho Mtakatifu ndani yangu au la. Lakini nilipopendelea maneno ya Mungu na kuelewa kwamba ndani ya moyo wangu kuna imani mpya iliyochanua basi tayari nilikuwa nimekwisha kupokea uwepo wa Roho Mtakatifu. Sasa ni kweli naamini kwamba Roho Mtakatifu ameweka makazi ndani yangu! Mungu aliposamehe dhambi zangu binafsi nilijua ya kwamba wale tu walio huru kwa dhambi ndiyo huwa ni watoto wa Mugnu na hata kumpokea Roho Mtakatifu.

Pia nilijua kwamba juhudi zangu binafsi kuonekana mkamilifu mbele za macho ya Mungu au kuishi kwa ukamilifu hakutoweza kunisaidia kumpokea Roho Mtakatifu. Mungu huja kwa wale wote wenye kufahamu kwamba ni wenye dhambi na hata hivyo hawajui wafanye nini juu yao. Mungu hukutana na wale wote wenye kumtafuta kwa dhati na kumhitaji.

Alinifanya nione kwamba kutenda mema na kumwamini

Mungu kwa kujitolea mara kwa mara, hakutoniwezesha kufika mbinguni na hivyo Yesu Krsto alikuja ulimwenguni kuniokoa kutoka dhambini kupitia Injili njema ya maji na Roho. Alinipa Roho Mtakatifu ili akae ndani yangu daima.

Namshukuru Bwana kwa kunifanya kuwa mtoto wake na kunibariki kwa uwepo wa Roho Mtakatifu ndani yangu. Kama isengelikuwa ni Bwana ningeliendelea kuwa na dhambi moyoni mwangu na ningelihukumwa motoni maishani milele.

Kwa jinsi hiyo pia, hapo awali niliamini damu ya msalabani pekee na sikuweza kumpokea Roho Mtakatifu hata nilipotamani. Katika muda huo nilimwamini Yesu lakini bado nilikuwa na dhambi moyoni iliyonizuia kumpokea Roho Mtakatifu. Wenye dhambi wengi kamwe hawatoza kumpokea Roho Mtakatifu moyoni mwao. Lakini leo hii wenye dhambi wengi hujaribu kumpokea Roho Mtakatifu huku wakiwa na dhambi nyingi mioyoni mwao.

Ikiwa kweli unatamani kumpokea Roho Mtakatifu na kuweza kuwa na usharia naye, unahitaji kuamini Injili njema ya maji na Roho na kupata ukombozi. Je, bado wewe unadhambi? Basi unayo nafasi ya kuisikia Injili ya kweli toka kwa wale wote waliokwisha kumpokea Roho Mtakatifu. Wale wote wenye kutamani kuwa na usharia na Roho Mtakatifu lazima wawe na kiu mioyoni mwao na kuamini Injili njema ya maji na Roho.

Wenye haki tu ndiyo watakaosikia maneno ya Roho Mtakatifu kupitia kanisa. Wataweza kuishi maisha ya uaminifu kwa kusikia Injili njema. Lakini wenye dhambi huishi maisha yao ya laana yenye hatima ya motoni pasipo hata kuisikiliza Injili.

Hivyo, ni lazima ujue juu ya Injili ya maji na Roho. Kwa nini unahitaji kuamini Injili hii? Ni muhimu kwako ili uepuke sheria za kidini na kujenga imani katika Injili njema iliyo na



msingi wa maneno ya Mungu. Wafuasi wa Yesu waliifuata Injili hii njema ya maji na sasa ni kati ya wale wote waliompokea Roho Mtakatifu. Injili njema ya maji na Roho ndiyo iliyo pekee na halisi ambayo Mitume hapo mwanzo waliifuata wakati wa kanisa la mwanzo. Wakristo wote lazima wawe wamempokea Roho Mtakatifu ndipo watakapoweza kuwa wana wa Mungu.

Wale ambao bado hawajaamini Injili njema ya maji na Roho lazima wana dhambi mioyoni mwao. Ili waweze kuwa na usharika na Roho Mtakatifu lazima kwanza waamini Injili ya maji na Roho ambayo Mungu amewapa na hivyo watampokea Roho Mtakatifu.

## **Biblia mara kwa mara humataja Roho Mtakatifu.**

Kuwa na Roho Mtakatifu ndani kulianza baada ya kufufuka kwa Yesu. Sasa ni siku ya wokovu na ni wakati wa rehema tele za Mungu. Lakini ukweli ni kwamba ni bahati mbaya ikiwa hatuto ipokea Injili ya maji na Roho na ikiwa tutaishi pasipo kuwa na usharika na Roho Mtakatifu.

Je, una usharika na Roho Mtakatifu? Je, umezuiliwa kuwa na usharika naye kwa sababu tu ya dhambi zako? Basi jifunze juu ya Injili ya maji na Roho ambayo Mungu amekupatia na hivyo uweze kuamini. Ikiwa utaiamini Injili ya maji na Roho ndipo basi Roho Mtakatifu ataweka makazi ndani ya moyo wako na kuwa rafiki kwako. Roho Mtakatifu huweka makazi ndani ya mioyo ya wale tu wenye kuamini Injili ya maji na Roho. Roho Mtakatifu hufunua mapenzi ya Mungu ndani ya mioyo ya wenye haki. Huduma ya Paulo akiwa na Roho Mtakatifu ilikuwa ni kueneza Injili njema.

Je, utaweza kumgundua mtu aliyempokea Roho

Mtakatufu ndani yake? Nini kilicho kigezo? Kigezo cha mtu ni kwanza labda awe anaamini au kutoamini Injili njema ya maji na Roho ndiyo kikubwa. Ikiwa mtu anafahamu na kujua Injili njema ya maji na Roho basi ndiye aliye na Roho Mtakatifu ndani yake.

Roho Mtakatifu haweki makazi ndani ya wale wasio amini Injili hii njema. Yeye hukaa ndani ya wale wote wenye kuamini msamaha wa dhambi utokanao na ubatizo wa Yesu alioupokea toka kwa Yohana na damu yake pale msalabani. Je, nawe ungependa kuwa na usharika na Roho Mtakatifu?

Je, unafahamu ni Injili ya aina gani unayo ihitaji kuielewa na uweze kumpokea Roho Mtakatifu na kuwa na usharika naye? Injili njema hupatikana katika kuamini ubatizo wa Yesu kwa Yohana na damu yake msalabani. Ikiwa huamini Injili ya maji na Roho dhambi zako kamwe hazitosamehewa na hivyo Roho Mtakatifu hatoweza kuweka makazi ndani yako. Roho Mtakatifu anahitaji watu waiamini Injili ya maji na Roho ili waweze kumpokea ndani yao.

Roho Mtakatifu kamwe hawezi kuweka makazi ndani ya mioyo ya wenye dhambi. Ikiwa unahitaji kumpokea ni lazima kwanza kuamini Injili njema ili uweze kutakaswa dhambi zako zote. Pia ikiwa unataka kuwa na usharika naye inakupasa kuwa mwaminifu na kuihubiri Injili njema, ikiwa unataka pia kuongozwa naye ni lazima wakati wote uipende Injili njema na kuihubiri kila uendapo. Roho Mtakatifu yu pamoja na wale wote wanaoihubiri Injili ya maji na Roho.

Uwepo wa Roho Mtakatifu ndani huwa ni kwa wale walio na haki, wale wenye kuamini Injili njema. Wenye haki tu wanoamini Injili njema ndiyo wataweza kuwa na usharika na Roho Mtakatifu. Injili njema ambayo Roho Mtakatifu huitambua ni ile Injili iliyokamilishwa na ubatizo wa Yesu kwa Yohana na damu yake (1 Yohana 5:3-7).

Petro naye aliamini Injili njema na kusema, “*Mfano wa mambo hayo ni ubatizo unaowaokoa ninyi pia siku hizi (siyo kuweka mbali uchafu wa mwili, bali jibu la dhamiri safi mbele za Mungu) kwa kufufuka kwa Yesu Kristo*” (1 Petro 3:21). Katika Biblia neno “maji” mara nyingi husimama badala ya ubatizo wa Yesu alioupokea toka kwa Yohana Mbatizaji.

Wale wanao weza kumpokea Roho Mtakatifu ni waliokwisha pokea ukombozi kupitia Injili njema na wapo huru kwa dhambi zote. Wale wenye kuamini Injili njema ndiyo wanaoweza kumwabudu Baba katika roho na kweli kwa kuongozwa na Roho (Yohana 4:23). Roho Mtakatifu huwasaidia wenye haki kuishi maisha yao huku wakiwa wamejazwa na Roho Mtakatifu. Wale walio na uwepo wa Roho Mtakatifu ndani yao wataweza kuishi wakimsifu Mungu milele. Roho Mtakatifu hututhibitishia sisi kuwa ni wana wa Mungu. Tunaweza kuishi milele tukiwa ndani ya Injili ya maji na Roho na ndani ya Roho Mtakatifu.

## **Roho Mtakatifu hawezi kuwa na usharika na wale wote wenye kudanganya nafsi zao.**

Roho Mtakatifu huwaambia wenye dhambi wote katika 1 Yohana 1:8 “*Tukisema kwamba hatuna dhambi tunajidanganya wenyewe wala kweli haimo mwetu.*” Roho Mtakatifu hawezi kuweka makazi ndani ya wale wenye kudanganya nafsi zao. Roho Mtakatifu huzihukumu nafsi za wenye dhambi kwa kusema “Kwa nini huamini Injili njema iliyokamilishwa kwa ubatizo wa Yesu na damu yake?”

Tutaangalia juu ya Mkristo fulani aliyezaliwa upya mara ya pili hapo mwanzo kama aliweza kumpokea Roho Mtakatifu pasipo ushuhuda wa ubatizo wa Yesu na damu yake. Mtu huyu

sasa anaamini Injili ya maji na damu na amempokea Roho Mtakatifu. Hapa ni lazima tutaje barabara ni mtu gani ambaye Roho Mtakatifu huweka makazi ndani yake.

“Mungu alianza kuishi ndani ya moyo wangu pale nilipogundua sababu ya kuwepo kwangu hapa ulimwenguni. Kwa kuangalia niliwaza juu ya uhai wangu kuishi peke yangu katika dunia iliyojaa ukatili hivyo kulinifanya kuwa na hamu ya kumtafuta Mungu. Lakini sikumtafuta Mungu kwa jinsi nyingine zaidi ya kukubali kuwepo kwake, si kwa kuwa hakuonekana bali kwa uwepo wake. Hata hivyo nilijiuliza Je, ni kweli yupo? Lakini mawazo juu ya hili yalinitisha kwa kuwa kwa dhati niliamini kwamba yeye ndiye muumba wa yote.

Wale wampingao Mungu huwa ni wajinga lakini kwa njia nyingine huwa ni wenye nguvu zaidi yangu. Huonekana kuwa wataweza kupitia mambo mengi peke yao na badala yake kwa upande wangu mimi nilijiona kuwa dhaifu na mjinga dhidi yao. Lakini kwa kuwa nilikuwa na tumaini la uzima baada ya kifo nilimtumaini Mungu kwa heshima kuu zaidi. Nilishindwa kuelewa ikiwa mbinguni palikuwa ni mahali pa watu kama mimi wenye kujisikia wakati wote wenye upungufu. Na swali hilo lilinifanya niwe natamani mbingu ya paradiso.

Wazazi wangu waliwadharau watu walio na udini na hivyo ndugu zangu wote nyumbani walikwenda kanisani pasipo na msukumo ndani yao wa kujitoa. Walidhani msukumo ndani yangu ungetoweka punde hivyo hawakunizuia kutokwenda hadi nilipo fika elimu ya kidato cha pili. Hivyo nilikwenda kanisa moja hadi jingine na mwishowe nikaanza kwenda katika kanisa moja dogo karibu na nyumba yetu hadi nilipofikia elimu ya chuo.

Sababu ya kuchagua kuhudhuria kanisa hili ilikua ni kwamba waliwekea mkazo zaidi katika injili. Mchungaji wa kanisa hilo alikua ni Mwinjilisti mhamasishaji ambaye

hakufanya lolote baya katika kwenda kinyume na maneno ya Biblia. Nikawa na sababu ya kuishi maisha ya udini kwa dhati ingawa nilichoka na kugandamizwa na masomo yangu.

Sababu ni kwamba pale watu walipowaita waumini wenzengu kuwa ni wazushi niliamini kwamba kanisa langu ni la kweli na bila shaka ningelikwenda mbinguni. Uhakika huu ulitokana na injili. Ilisemekana kwamba wenye dhambi kamwe hawawezi kuingia mbinguni lakini hata hivyo watu hao husema kwamba mioyo yao imejaa dhambi. Nami pia niliamini juu ya hili. Kabla sijaanza kuhudhuria kanisa hilo, sikuwahi kuwaza juu ya changamoto hii sana.

Lakini wale wanaoitwa Wainjilisti wa uamsho walikua ni tofauti na wale nilio wazoea hapo awali. Wao husema kwamba ikiwa tutamwamini Yesu kwa namna iliyo sahihi basi tutakuwa wasio na dhambi bali wenye haki. Mwanzo sikuweza kuamini hili lakini nilipowaza juu ya hili niliona ni la kweli. Nilikua bado ni kijana na nilidhani kwamba ikiwa nahitaji kwenda mbinguni basi Mungu angeliweza kuniruhusu ikiwa tu sitokua mwenye dhambi, kwani Mungu hapendi dhambi.

Kanisa hili lilikuwa na imani tofauti dhidi ya vile nilivyo zoea na ibada ya kuabudu ilikua ni tofauti kidogo pia, lakini kwa kuwa mbinguni ni mahala ambapo wachache wataingia ilionekana kwamba watu katika kanisa hili walikua na imani iliyo sahihi. Kwa kuwa kanisa lilitilia mkazo sakramenti ya mwili wa Yesu na damu yake kila Jumapili, hivyo tulikula mkate na kunywa divai. Kwa kuwa karamu hii ilikua katika msingi wa Biblia nilikubaliana na hili. Nikagundua baadae kwamba watu walishiriki ibada hii pasipo kuelewa maana iliyo ya kweli.

Niliamini kwamba roho Mtakatifu huweka makazi ndani yangu. Nilikua na uhakika kwamba Mungu alikua pamoja nami na sikua na shaka na injili iliyo ya amani. Nilipopitia magumu

nilizungumza na Mungu kama vile yupo pembeni yangu kimwili. Niliamini kwamba alinisikiliza nilipomweleza vitu ambavyo nisingemweleza yeyote. Hivyo nilimtumaini na kumtegemea yeye tu.

Sikuweza kuwaelewa wale wanaokwenda katika mikutano ya uamsho ili kunena kwa lugha na niliwacheka wale wote wenye kufanya maombi ya kufunga kula. Kwa kuangalia juhudi hizo niliwaza kwanini wanapitia mambo haya yote yasiyo na maana kwa juhudi ya kumpokea Roho mtakatifu? Roho Mtakatifu huja kwa wale tu wasio na dhambi na kukaa ndani yao daima. Hawezi kuja kwao hata wakijibidisha kwa dhati. Niliwaonea huruma. Niliwaona kuwa ni wapumbavu na kwa kuwaza hivyo nilikuja kufikiri kwamba imani yangu katika injili ilikuawa ni bora na hivyo kwa wengine walikua ni waongo.

Kiburi cha moyo wangu kilifikia kileleni na kwa takribani miaka kumi nilikuwa nimekwisha jilingiza katika maisha ya udini. Kadiri muda ulipozidi kwenda nikaanza kujiuliza maswali ndani ya mawazo yangu na moyoni. Nilidhani mimi si mwenye dhambi kutokana na injili ya damu ya msalaba wa Yesu, lakini je, wote wanaoamini nao hawana dhambi pia? Je, nao wanaamini injili hii pia? Sikujua kwa nini nilianza kujiuliza maswali haya. Yote haya yalikuja akilini na sikuthubutu kumuuliza yeyote. Hili lilikua swala la imani binafsi lisiloingiliwa, na si uungwana kumuuliza mtu mwingine namna hii.

Lakini niliendelea kujiuliza maswali haya binafsi. Nilipokua chuoni nilianza kutenda mambo niliyozoea nikitawaliwa na mitazamo ya kidini. Hivyo moyo wangu ukaanza kuwa na doa jeusi ambapo imani yangu ikaanza kutoweka. Sikuwa tena na uhakika na imani yangu. Je nitaweza kujiita kweli ni mwenye haki? Je Yesu alitakasa dhambi zangu zote? Katikati ya mtafaruku huu wa mawazo nilijilazimisha

kuiwaza injili ya msalaba na kujiliwaza nayo. Lakini nilipozidi kujilazimisha nilizidi kupotoka na nikaacha kuhudhuria kanisani katika ibada. Nikaanza kutumia shughuli za taaluma yangu kuwa ni sababu ya kushindwa kuhudhuria.

Mwishowe baada ya mtafaruku huu na kuchanganyikiwa kwangu nilikutana na ukweli. Nilipata kusikia juu ya habari ya injili ya maji na Roho na ikawa kwangu kama mwanga wa radi. Mlipuko huu ukawa mkubwa kunifanya hata nikataka kulia.

Lakini kwa kuisikia injili hii nilikubali kwamba nilichokuwa nikikiamini hapo mwanzo ni uongo. Sikuwahi kumtwika Yesu dhambi bali nilikuwa namwamini kwa hisia tu kwamba amekwisha beba dhambi zangu na hivyo si mwenye dhambi na hatimaye kushindwa kuwa na suluhusho. Kwa nini Yesu amekuja hapa ulimwenguni na kubatizwa? Je ni kwa sababu alipenda kutuonyesha unyenyekevu wake kama kondoo? au kutabiri kuwa kifo hakimshindi? Sikuwahi kamwe kuota kwamba hisia za kuelewa juu ya ubatizo nilizokua nazo zilikuwa simuhimu kiasi hicho. Ukweli ni kwamba Yesu alibatizwa na Yohana aliyekua mwakilishi wa wanadamu wote na kwa ubatizo huo dhambi zetu zote zilitwikwa juu yake.

Oh...na ndio maana Yesu alikua ni Mwanakondoo wa Mungu aliyebeba dhambi zetu zote pale msalabani. Ndio maana mimi si mwenye dhambi tena katika moyo wangu. Pale tu nilipo fahamu juu ya injili ya maji (ubatizo wa Yesu), damu (msalabani) na Roho Mtakatifu (Uungu wa Yesu) ndipo basi dhambi zangu zilizo moyoni zilifutika.

Sasa hakika mimi si mwenye dhambi tena bali ni mwenye haki, na Roho Mtakatifu ameweka makazi ndani yangu. Imani niliyowahi kuwa nayo ya msalaba haikuwa imetosheleza kutakasa dhambi nilizokuwa nazo moyoni mwangu. Ikiwa hufahamu namna ile dhambi zako zilivyotwikwa juu ya Yesu, basi hakika dhambi hizo hazitoweza kusamehewa na hivyo

Roho Mtakatifu kamwe hatoweza kuweka makazi ndani yako. Namshukuru Mungu kwa hili. Niliweza kumpokea Roho Mtakatifu kwa kupitia Injili iliyo njema.

Pasipo juhudi yoyote binafsi, nilisamehewa kwa kupitia Injili ya maji na hivyo Roho Mtakatifu ameweka makazi ndani yangu sasa na hata milele. Sasa naweza kujivunia kwa kujiita nisiye na dhambi na kwamba Ufalme wa Mbingu ni mali yangu. Nachukua fursa hii kumshukuru Bwana kwa kunipa aina hii ya baraka pasipo gharama. Haleluya!”

Wale wote wanaompokea Roho Mtakatifu wanaweza kusema hivi, kwamba hawana dhambi mbele ya Mungu na haijalishi ni kwa muda gani umemwamini Yesu, ikiwa huamini Injili njema ya Mungu aliyotupatia hakika bado wewe unadhambi moyoni. Watu wa aina hii hujidanganya nafsi zao pia humdanganya Mungu. Watu hawa bado hawajakutana na Bwana. Ikiwa mwenye dhambi anatamani kuwa na usharia na Roho Mtakatifu, ni lazima kwanza akome kudanganya nafsi yake na kukiri kuwa yeye ni mwenye dhambi. Ndipo basi atawza kuhitimu katika kuamini Injili ya maji na Roho. Wale wote wanaoamini Injili njema wanahakika ya kumpokea Roho Mtakatifu.

Roho Mtakatifu anasema nini kuhusu wenye dhambi? Anawashauri kupokea kwanza msamaha wa dhambi zao kwa kuamini Injili njema ambayo ilidhihirishwa kwa ubatizo wa Yesu na damu yake. Ikiwa unasema kwamba wewe si mwenye dhambi huku ukiwa na dhambi moyoni basi hakika huwezi kumpokea Roho Mtakatifu. Wale wote wasioamini Injili njema huku wakisema kwamba hawana dhambi hujidanganya nafsi zao na pia Mungu. Wenye dhambi ni lazima waelewe Injili njema ya maji na Roho na kumpokea Roho Mtakatifu. Ndipo watakapokombolewa tokana na hukumu ya Mungu iliyo kali ya kutisha.



## **Wenye haki ndiyo watako weza kuwa na usharika na Roho Mtakatifu kwa kukiri dhambi zao.**

Hapa nazungumza na wale ambao tayari wamekwisha amini Injili ya maji na Roho na hivyo kumpokea Roho Mtakatifu. Hebu na tuangalie nini Mungu alichowaeleza wenye haki. Katika Yohana 1:9 inasema. *“Tukiziungama dhambi zetu yeye ni mwaminifu na wa haki hata atuondolea dhambi zetu na kutusafisha na udhalimu wote.”* Mstari huu una maana kwamba tutaweza kusafisha dhambi zetu tuzitendazo tokana na mioyo iliyochafuliwa kwa kujikumbusha nafsi zetu na kuamini Injili njema ambayo inatangaza kuwa Yesu alibeba dhambi zetu zote pale alipobatizwa na kuleta upatanisho kwa kusulubiwa kwake. Wenye haki ndiyo inawapasa kukiri dhambi watendazo na kuendelea kuamini Injili njema.

Hapo kale, Injili ya ubatizo wa Yesu na damu yake ilikwisha takasa dhambi zetu zote na hivyo leo hii wenye haki imetupasa kuamini injili hii na kuwa huru kwa dhambi zetu. Bwana tayari alikwisha tusamehe dhambi zetu zote kupitia Injili ya maji na Roho. Wenye haki lazima waamini Injili hii njema ili wawekwe huru tokana na dhambi zao. Wenye haki wataweza kutakaswa mioyo yao kwa kuamini Injili njema ya maji na Roho pale wanapochafuliwa kwa dhambi wazitendazo kila mara.

Bwana wetu alitakasa dhambi zote za wenye haki siku nyingi kwa ubatizo na damu yake. Hivyo wale wote wanaoamini ukweli hakika ni huru toka dhambini. Hata hivyo wenye haki ni lazima wakiri na kukubali kuwa wametenda dhambi mbele ya Mungu. Na ndipo basi waweze kuirudia imani ya ubatizo wa Yesu na damu yake ambayo imejenga Injili hiyo njema ili kuweza kuwa huru kwa dhambi zao zote. Hivyo kwa wakati wote wataweza kuanza kuishi upya maisha

ya kwenda sambamba na Roho Mtakatifu. Wale wote wanaomtumaini Bwana pasipo kuangalia udhaifu wao ndiyo watakoweza kuwa na usharika na Mungu kwa kuishukuru Injili njema ya maji na Roho.

## **Tutawezaje kupata tathimini ya ukweli katika usharika na Roho Mtakatifu?**

Wapo watu wengi wanotamani kuwa na usharika na Roho Mtakatifu. Lakini hawajui namna ya kufanikisha hili ingawa wanamwamini Yesu. Watu wote humpokea Roho Mtakatifu kwa kuiamini Injili ya maji na Roho na moja kwa moja kuanza kuwa na usharika naye muda huo.

Kwa upande mwingine, njia pekee ya mwenye haki itakayo mwezesha kuwa na usharika na Roho Mtakatifu ni kwa kuifahamu vyema na kuiamini Injili ya maji na Roho iliyo ya kweli. Usharika kati ya mwenye haki na Roho Mtakatifu haupatikani pasipo Injili ya kweli. Nini maana juu ya usharika na Roho Mtakatifu? Huu unawezekana ikiwa tu utaamini injili njema.

## **Mungu anasema kwamba, mwanadamu ataendelea kutenda thambi maishani pote.**

Katika 1 Yohana1:10 inasema “*tukisema kwamba hatukutenda dhambi twamfanya yeye kuwa mwongo wala neno lake halimo mwetu*”. Hapajatokea yeyote ambaye hajatenda dhambi mbele ya Mungu. Hata biblia inasema “*bila shaka hakuna mwanadamu mwenye haki hapa duniani ambaye afanyaye mema asifanye dhambi*” (Mhubiri 7:20). Watu wote

hutenda dhambi mbele ya Mungu. Ikiwa mtu yeyote atasema kwamba hajatenda dhambi basi ni muongo. Watu hutenda dhambi maishani mwao mwote hadi saa ya mwishoni kabla ya kufa, na hii ndiyo maana Yesu alibatizwa na Yohana ili kubeba dhambi hizo zote. Ikiwa hatujawahi kutenda dhambi basi tusingelihitaji kumwamini Mungu kuwa ni mwokozi.

Bwana anasema “neni langu si neno lako” kwa wale wenye fikra wakidhani kuwa hawajatenda dhambi. Ikiwa mtu hana imani katika injili njema ya maji na Roho basi anastahili kuangamia. Ikiwa mtu mwenye haki au mwenyedhambi atasema kwamba hajatenda dhambi mbele za Mungu, basi huyo hatastahili kuamini injili njema.

Bwana amempa kila mmoja zawadi nzuri ya injili njema. Tulikiri dhambi zetu zote na kutubu ilikupokea msamaha kwa injili njema. Tunaweza kuirudia injili hii ambayo Mungu aliyo tupatia kama msamaha wa dhambi zetu na kuamini ili kuweza kuwa na usharika wa Roho Mtakatifu. Maana ya kweli ya usharika wa Roho mtakatifu ipo katika injili ya maji na Roho, na pia kwa wale tu walio na injili hii ndiyo watacao weza kuwa na ushirika na Mungu.

Wanadamu walikuwa mbali na Mungu kwa sababu ya dhambi walizorithi kwa Adamu na Hawa. Lakini leo hii sisi tuliokuwa tumerithi mbegu ya uovu tunaweza kutarajia kuwa na usharika na Mungu kwa mara nyingine tena. Ili kuweza kufanikisha hayo yote ni lazima tuwe na imani ya injili ya maji na Roho toka kwa Yesu Kristo, na hivyo kuwa na msamaha wa dhambi ambazo zilituweka mbali na Mungu.

Wale wote wenyekuamini injili njema ndiyo watacao okolewa kutokana na dhambi zote, na hapo basi Mungu atawajaza Roho Mtakatifu. Wenye haki wataweza kuwa na ushirika na Mungu kwa kuwa wamempokea Roho Mtakatifu. Kwa wale wote waliowekwa mbali na Mungu kutokana na

dhambi zao lazima wairudie injili njema ya maji na Roho na kuiamini na hapo ndipo watakapoweza kuanza kuwa na ushirika na Mungu.

Kuwa na Roho Mtakatifu ndani huja kutokana na imani katika injili njema. Lazima tujue kwamba kuwa na Roho Mtakatifu ndani yetu huja pale tunapoamini injili ya maji na Roho tu. Kuiamini injili njema ndiko kunako jenga njia mpya kumuelekea Mungu. Bwana amevunja ukuta wa kati ulio kuwa ukitutenganisha naye kwa sababu ya dhambi zote mbili, yaani dhambi tuzitendazo maishani na ile dhambi ya asili, na hivyo tutaruhusiwa kuwa na ushirika na Mungu kwa kupitia imani yetu katika injili njema ya maji na Roho.

Yatupasa kuanzisha upya ushirika na Roho Mtakatifu kwa mara nyingine tena. Ushirika wa kweli na Roho Mtakatifu hufanikishwa kwa kupita kuelewa injili ya maji na Roho kwa kutii imani. Ushirika wa Roho Mtakatifu huja pale tunapokuwa na imani ya kweli na msamaha wa dhambi ambao unatokana na injili njema. Wale wote ambao hawajapokea msamaha wa dhambi kamwe hatoweza kuwa na ushirika wa Roho Mtakatifu. Kwa maneno mengine hakuna yeyote atakaye weza kuwa na ushirika wa Roho Mtakatifu pasipo kuiamini injili ya maji na Roho.

Ikiwa bado ni vigumu kwako kuwa na ushirika wa Roho Mtakatifu basi ni lazima kwanza akubali kwamba bado hajaamini injili ya maji na Roho na hivyo dhambi zako hazijasafishwa. Je, unatamani kuwa na uhusiano na Roho Mtakatifu? Sasa basi amini injili iliyokamilishwa kwa ubatizo wa Yesu na damu yake. Ndipo hapo tu utaweza kusamehewa dhambi zako zote na thawabu yako itakuwa ni kumpokea Roho Mtakatifu ndani ya moyo wako. Injili hii njema kwa hakika ndiyo inayotuletea ushirika na Roho Mtakatifu. ☒

# MAHUBIRI 6

**Amini ili Roho Mtakatifu**  

---

**akae ndani yako**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# **Amini ili Roho Mtakatifu akae ndani yako**

**< Mathayo 25:1-12 >**

**“Ndipo ufalme wa Mbinguni utakapofanana na wanawali waliotwaa taa zao, wakatoka kwenda kumlaki bwana harusi. Watano wao walikuwa wapumbavu na watano wenye busara. Wale waliokuwa wapumbavu walizitwaa taa zao na wasitwae na mafuta pamoja nao, bali wale wenye busara walitwaa mafuta katika vyombo vyao pamoja na taa zao. Hata bwana harusi alipokawia wote wakasinzia wakalala usingizi. Lakini usiku wa manane pakawa na kelele, haya bwana arusi tokeni mwende kumlaki. Mara wakaondoka wanawali wale wote wakazitengeneza taa zao. Wale wapumbavu wakawaambia wenye busara tupatieni mafuta yenu kidogo maana taa zetu zinazimika. Lakini wale wenye busara wakawajibu wakisema hayatatutosha sisi na ninyi shikeni njia muende kwa wauzao mkajinunulie. Na hao walipokuwa wakienda kununua mafuta bwana harusi akaja, nao waliokuwa tayari wakaingia pamoja naye arusini; mlango ukafungwa. Halafu wakaja na wale wanawali wengine, wakasema, Bwana Bwana tufungulie Akajibu akasema, Amin nawaambia siwajui ninyi. Basi kesheni kwa sababu hamwijui siku wala saa.”**



## **Ni watu gani walio mfano wa wanawali walio na uwepo wa Roho Mtakatifu ndani yao?**

Katika kifungu kilichopita hapo juu tumeona wanawali watano wenye busara na wapumbavu, wanawali wapumbavu waliwaomba wale wenye busara kuwagawia kiasi cha mafuta ya taa lakini wenye busara wakawajibu wale wapumbavu “*hayatatutosha sisi na ninyi shikeni njia muende kwa wauzao mkajinunulie*”. Hivyo wakati wale walio wapumbavu wakienda nje kununua mafuta hayo, wale wenye busara walikuwa nayo katika taa zao na kuingia katika sherehe za harusi. Sasa basi ni kwa namna gani tunaweza kuyatayarisha mafuta kwa ajili ya Bwana? Kitu pekee tunachoweza kufanya ni kuusubiri msamaha wake wa dhambi katika mioyo yetu.

Katika ya watu tunaweza kupata aina mbili za imani. Moja ni imani ya injili ya msamaha wa dhambi. Hii ndiyo inayopelekea kumpokea Roho Mtakatifu. Nyingine ni ile ya kuwa mwaminifu wa kanuni za dini bila kujali mtu kusamehewa au kutosamehewa dhambi.

Kwa wale wote walio waaminifu kwa kanuni za dini, injili hubaki kuwa mzigo kwao kuichukulia. Kama walivyo wanawali wapumbavu waliokwenda nje kununua mafuta pale bwana harusi alipo ingia, wale wote wanaohama toka nyumba



moja ya kuabudu kwenda nyingine kwa matumaini ya kumpokea Roho Mtakatifu ndani yao, hawamdanganyi yeyote bali nafsi zao. Watu wa aina hii ni wenye kiburi ambao kwa kweli ndiyo wanao hitaji kuwa na imani ya injili njema katika mioyo yao kabla ya siku ya hukumu. Watu hawa hutamani kuwa na Roho Mtakatifu kwa kumuonyesha Mungu ukereketwa wao. Tuone ushuhuda wa shemasi mmoja aliyefanya juhudi kubwa katika kumpokea Roho Mtakatifu. Ushuhuda huu kwa hakika utatusaidia sana.

“Nilifanya kila niwezalo ili kumpokea Roho Mtakatifu. Nilidhani kwamba, ikiwa nitajitolea nafsi yangu kwa imani yangu kwa uaminifu nitaweza kumpokea Roho Mtakatifu na matokeo yake nilijikuta kuhama kanisa moja hadi jingine, nyumba moja ya sala kwenda nyingine. Watu katika moja wapo ya nyumba hizi za sala walikuwa wakipiga kinanda cha umeme ikiwa ni sehemu ya ibada. Mchungaji aliyekuwa akiongoza mkutano huu aliwaita wale wote waliohitaji kumpokea Roho Mtakatifu moja baada ya mwingine na walipo wekewa mkono wa mchungaji katika mapaji ya nyuso zao, kila mtu baada ya tendo hilo alianza kunena kwa lugha. Mchungaji aliruka huku na kule akishikilia kipaza sauti na kupaza sauti “pokea moto, moto, moto!” na kuweka mkono wake juu vichwa vya watu na kusababisha baadhi yao kupagawa na kuanguka. Mwanzoni nilikuwa na wasiwasi ikiwa tendo hili linamaana ya kumpokea Roho Mtakatifu lakini tayari nilikuwa nimeathirika na mikutano ya aina hii. Licha ya haya yote kamwe sikuweza kupokea Roho Mtakatifu.

Baada ya tukio hili niliamua kwenda milimani nakujaribu kulia na kuomba usiku kucha nikiwa nimeegemea mti. Wakati mwingine nilijaribu kufanya maombi ndani ya pango lakini yote haikusaidia. Baada ya yote haya nilijaribu kufanya maombi usiku kucha kwa siku arobaini lakini kamwe sikuweza

kumpokea Roho Mtakatifu. Semina hii ilikuwa ikifanyika kwa juma mara moja na kufululiza majuma saba.

Katika semina hii kulikuwa na mafundisho kuhusu upendo wa Mungu, msalaba na ufufuko wa Yesu, tendo la kuwekewa mikono, tunda la roho na kukua kiroho. Katika muda huo wakati ratiba ya semina ilipokuwa ikikaribia kuisha, mnenaji mkuu katika semina hiyo aliniwekea mikono juu ya kichwa changu na kuanza kuniombea ili niweze kumpokea Roho Mtakatifu huku nikimfuatisha maneno yake kama alivyonielekeza. Nilitulia na kunyanyua viganja vya mikono yangu na kuelekeza juu na kuanza kupiga kelele “la-la-la-la!” kwa kurudia rudia. Mara ghafla nilipokuwa nikipiga kelele “la-la-la-la!” nilianza kunena moja kwa moja lugha ya ajabu. Watu wengi walinipongeza baada ya hapo katika kumpokea Roho Mtakatifu. Lakini nilipokuwa mwenyewe nyumbani nilihofu. Hivyo nikaanza kujitolea kufanya kazi katika semina hiyo. Nilidhani kwamba ilinipasa kujitolea kwa kazi kama hii mapema sana. Hivyo nilisafiri nchi nzima katika kutoa huduma na nilipo wawekea mikono wagonjwa, magonjwa yao yalionekana kupona ingawa baadhi yaliwarudia baadaye. Na baadaye nikapata maono na nikagundua yakuwa naweza pia kutoa unabii. Chakushangaza unabii wangu mara nyingi ulikuwa wakweli. Tokea hapo nilialikwa sehemu za kila aina na kulakiwa kwa shangwe. Lakini bado nilikuwa na hofu ndani yangu ndipo nikasikia sauti ikisema “usitange tange toka sehemu moja kwenda nyingine namna hii badala yake nenda ukawasaidie jamaa zako nyumbani katika kupokea wokovu.” Hata hivyo sikuelewa maana halisi ya wokovu. Nilichokuwa nakielewa ni kile wengi walichokuwa wakisema kwamba, ikiwa nitaacha kuzitumia karama za Roho Mtakatifu basi atanipokonya. Kwa upande mwingine nilihofu kutumia uwezo wangu lakini sikuweza kujizuia hilo.

Siku moja nilisikia kuwa yupo mwanamke fulani ambaye ni wa dini ya Shama aliyehitaji kumwamini Yesu, hivyo mimi pamoja na rafiki yangu tulikwenda kumtembelea. Hatukumfahamisha juu ya ujio wetu kabla. Lakini mwanamke huyo alikuwa akitusubiria mlangoni nakuanza kutuambia “nilishajua kwamba mnakuja” mara ghafla alianza kutunyunyizia maji na kusema “hakuna tofauti kati ya ushama wa mashariki na ushama wa magharibi”. Alituita sisi kuwa ni “washama wa Yesu” na kutunyoshea kidole akisema “huyu ndugu ni muoga lakini huyu si muoga” Kile ambacho mwanamke huyu alichokua akisema kiligeuka kuwa kama pigo katika kichwa. Nikaanza kuwaza kwamba yote niliyokuwa nikiyatenda hayakuwa tofauti na yale ambayo dini ya shama wakitenda. Hakuna nilichokuwa nimekwisha tenda ili kumleta Roho Mtakatifu ndani yangu kwa sababu bado nilikwa na dhambi moyoni.”

Tokana na ushuhuda huu tunajifunza kwamba, swala la kumpokea Roho Mtakatifu lipo nje ya uwezo wetu. Kwasababu imani ya aina hii haihusiani na injili ya Mungu kwani wale wote wanaoishi katika aina hii ya udini ndiyo wasio kuwa na mafuta katika taa zao.

Taa katika biblia inamaana ya kanisa, na mafuta maana yake Roho Mtakatifu. Biblia inakusudia kwamba wale wote wanao hudhuria kanisani, iwe ni kanisa la Mungu au si la Mungu pasipo kumpokea Roho Mtakatifu, bado ni wapumbavu.

Wapumbavu wote hupandisha mori siku hata siku. Watu hawa hupandisha hisia zao kali na kujitolea kimwili mbele ya Mungu. Ikiwa tungelisema kuwa hisia zetu ziwe za kiwango cha sentimita 20 na hivyo kufanya kila siku 1 kupandisha sentimita 1, basi ingelichukua siku 20 kuweza kufikia kiwango cha juu katika hisia zetu zote. Hisia zao katika imani hupata

nguvu mpya kwa kila maombi ya asubuhi, maombi ya usiku kucha, maombi ya kufunga na mikutano ya uamsho na pia katika maisha ya kila siku. Huathirika na tabia hii ya kudumu katika kuenenda kwa hisia.

Hisia zao hupanda katika jina la Yesu. Huudhuria kanisani ili kupandisha hisia zao, lakini mioyo yao bado imechanganyikiwa huku wakitafuta sababu nyingine. Sababu ya hili ni kwamba imani yao imetokana na kile kinachotokana na mwonekano wa nje kimwili na hivyo kuhitaji shinikizo la mara kwa mara ili kusukuma hisia zao ili moto wa hisia usizimike ndani yao. Hata hivyo bado hawato weza kumpokea Roho Mtakatifu kwa aina hii ya imani. Kwakupandisha hisia hizo kamwe hakutoweza kuwafanya kumpokea Roho Mtakatifu.

Sote imetupasa kuwa tayari na imani sahihi ili kuweza kumpokea Roho Mtakatifu katika uwepo kamili wa Mungu. Na ndipo pekee tutakapo kuwa na haki ya kumpokea Roho Mtakatifu. Ni kwanamna gani basi tunaweza kuwa na imani ambayo inatupa haki ya kuwa na Roho Mtakatifu? Ukweli upo katika injili njema ambayo ilikamilishwa kwa ubatizo wa Yesu Yordani na kumwaga damu yake Msalabani.

Mungu alituita kuwa sisi ni kama “*wazao wa watenda mabaya, watoto wanaoharibu*” (Isaya 1:4). Lazima tulikubali hili. Kwa asili wanadamu wamezaliwa wakiwa wanadhambi aina 12 (Marko 7:21-23). Wanadamu hawawezi kujizuia kutotenda dhambi tokea wanapozaliwa hadi kufa.

Katika Yohana 1:6-7 imeandikwa, “*palitokea mtu ametumwa kutoka kwa Mungu jina lake Yohana. Hivyo alikuja kwa ushuhuda ili aishuhudia ile nuru wote wapate kuamini kwa yeye*”. Yohana Mbatizaji alimbatiza Yesu na kumtwika dhambi zote zaulimwegu akisema “*tazaama mwanakondoo wa Mungu aichukuaye dhambi ya dunia*” (Yohana 1:29).

Tuliokolewa kwa dhambi zote nakuushukuru ubatizo wa Yesu Kristo. Kama Yohana asingeli mbatiza Yesu Kristo na nakutotangaza kwamba alikuwa ndiye mwana kondoo wa Mungu aichukuae dhambi ya ulimwengu, basi tusingeliweza kumjua Yesu kwamba ndiye aliye beba dhambi zetu zote kuelekea msalabani. Tusingeliweza kuifahamu njia ya kumpokea Roho Mtakatifu. Kwa hiyo basi tunamshukuru Yohana kwa ushuhuda kwani sasa tunaelewa yakwamba Yesu ndiye aliye beba dhambi zetu zote na hivyo tunaweza kumpokea Roho Mtakatifu kwa imani hiyo.

Kwaimani hii basi tumekuwa wanaharusi tuliotayarishwa kamili kumpokea Yesu Kristo, Bwana harusi. Sisi ni wanawali tulio mwamini Yesu na tumejitayarisha kamili kumpokea Roho Mtakatifu.

Je, unaamini injili ya maji na Roho kwa moyo wako wote? Je, unaanini kwamba Yesu alizichukua dhambi zetu kwa ubatizo wake kwa Yohana? Biblia inasema *“basi imani, chanzo chake ni kusikia, na kusikia huja kwa neno la Kristo”* (Warumi 10:17). Nilazima tuamini yakwamba Yesu alibatizwa na Yohana na kufa msalabani ilituweze kumpokea Roho Mtakatifu. Yatupasa kuelawa kwamba kumpokea Roho Mtakatifu kutawezekana ikiwa tutaamini kwamba Yesu alikuja ulimwenguni akiwa kama mwanadamu na kubatizwa na Yohana hivyo alikufa msalabani na kufufuka.

Hata leo hii yapo makundi mawili ya wanaoamini kama ilivyo kwa wanawali kumi katika ile habari ya hapo mwanzo. Sasa basi wewe nawe uko upande upi? Yakupasa ujue ile njia ya kweli ambayo utaweza kumpokea Roho Mtakatifu kwa hakika.

Ni kwa imani gani utaweza kumpokea Roho Mtakatifu? Je utaweza kumpokea Roho Mtakatifu kwa kupitia shauku itokanayo na ukereketwa utokanao na dini kama Shama? Je

utaweza kweli kumpokea Roho Mtakatifu katika hali ya kupoteza fahamu? Je utaweza kumpokea Roho Mtakatifu kwa kuamini ushabiki wa kidini? Biblia inasema kwamba Yesu alipobatizwa kwa kuzamishwa na kibuka toka kwenye maji Roho wa Mungu alitua kama hua juu yake. Alibatizwa ili kubeba dhambi zetu zote na hivyo kuweka bayana kwamba atakwenda kusulubiwa ili kulipia mshahara wa makosa yetu yote.

Yesu alibatizwa na Yohana ili kubeba dhambi za ulimwengu na hivyo kwenda msalabani ili tuweze kuokolewa na kupokea kipawa cha Roho Mtakatifu. Jambo hili ni kweli. Yesu alibatizwa na Yohana, akahukumikiwa kwa dhambi zetu zote msalabani na kufufuka. Lazima tuamini ubatizo wa Yesu kwa Yohana na damu yake msalabani ili tupate msamaha wa dhambi zetu zote. Tunaweza kuona toka ubatizo wa Yesu (Mathayo 3:13-15) kwamba, Roho Mtakatifu huja kwa amani kama ashukavyo huwa kwa wale waliotakaswa kwa kuamini ubatizo wa Yesu.

Ili kumpokea Roho Mtakatifu ni muhimu kuamini ubatizo wa Yesu kwa Yohana na damu yake msalabani. Roho Mtakatifu huja juu ya mtu katika hali ya utulivu na amani kama vile hua pale mtu huyo anapo amini msamaha wa dhambi. Wale ambao tayari wamekwisha mpokea Roho Mtakatifu yawapasa kuelewa kwamba hili limewezekana kutokana na msamaha wa dhambi kwa imani. Roho Mtakatifu hutua juu ya wale wote wanao amini msamaha wa dhambi kwa mioyo yao yote.

Yesu Kristo alikuja kwa mkate na divai ya uzima wa milele (Mathayo 26:26-28, Yohana 6:53-56) Yesu alipoibuka toka majini baada ya kubatizwa, palitokea sauti mbinguni ikisema *“Huyu ni mwanangu mpendwa wangu ninaye pendeza naye”* (Mathayo 3:17).

Nirahisi kuamini katika Mungu kwa Utatu. Mungu ni

Baba wa Yesu na Yesu ni Mwana wa Mungu. Roho Mtakatifu pia ni Mungu. Utatu huu ni Mungu mmoja kwetu.

Yakupasa kujua kwamba, kamwe hautoweza kumpokea Roho Mtakatifu kwa kuamini msalaba pekee au kujaribu kujitakasa binafsi kwa matendo ya haki. Utaweza kumpokea Roho Mtakatifu pale unapoamini ubatizo wa Yesu na hivyo kumtwika dhambi zote juu yake, na kuamini kusulubiwa kwake ili kutupatanisha kwa dhambi zetu zote. Hakika hivi ndivyo ilivyo rahasi na wazi juu kweli huu! Si vigumu kupokea msamaha wa dhambi na Roho Mtakatifu.

Mungu huzungumza nasi kwa namna iliyo rahisi. Kiwango cha akili ya mtu wa kawaida ni kati ya 110 na 120 (yaani IQ - intelligence quotient). Injili ya Mungu ni rahisi kumtosheleza mtu wa kawaida kuielewa. Hata kwa watoto wa umri kati ya miaka 4 na 5 injili hii njema kamwe haijawa ngumu kueleweka kwao. Lakini Mungu anapo zungumza nasi juu ya kupokea uwepo wa Roho Mtakatifu ndani kwa njia iliyo rahisi zaidi, je, tusingeliweza kweli kumwelewa? Mungu husamehe dhambi zetu zote na kutupa Roho Mtakatifu kama zawadi kwa wale wote waaminio injili hii.

Mungu anatuambia kwamba hatutoweza kumpokea Roho Mtakatifu kwa kupitia tendo la kuwekewa mikono au sala ya toba. Roho Mtakatifu haji kwa namna ambavyo tutakapo funga au kujitolea au hata kuomba usiku kucha milimani. Ni aina gani basi ya imani itakayo sababisha kumpokea Roho Mtakatifu ndani yetu? Ni imani ya kweli ya kwamba Yesu alikuja hapa ulimwenguni alibatizwa ilikubeba dhambi zetu zote, akafa msalabani na alifufuka.

## **Je, ni kweli imetupasa kuamani hivi?**

Kwanini imetupasa kuamani msamaha wa dhambi na hivyo tuweze kumpokea Roho Mtakatifu? Ili tuweze kuwa raia wa Ufalme wa Mungu, tunamhitaji Roho Mtakatifu tunahitajika kumwanamini Yesu kuwa ni mwokozi, kuamini ubatizo wake na damu yake, na hatimaye kusamehewa dhambi zetu zote.

Kwanini Mungu huwatunukia Roho Mtakatifu wale wote ambao dhambi zao zimekwisahamewa? Ni kwa ajili ya kuwapiga mhuri wa kuthibitisha kuwa ni watu wake. Katika kuwapiga mhuri wale wote wenyekumwamini Yesu, hunategemea neno la Mungu, hivyo huwapa Roho Mtakatifu kama kinga ya uthibitisho.

Baadhi ya watu hushikilia aina za imani potofu. Nirahisi kuamaini ubatizo wa Yesu na kumpokea Roho Mtakatifu. Nirahisi kwetu sisi tuliokwisha kumpokea Roho Mtakatifu lakini ni vigumu kwa wale wote ambao bado hawajapata msamaha wa dhambi. Hawajui kweli na badala yake kutafuta namna nyingine ili kumpokea Roho Mtakatifu kama vile kuzama katika mawazo potofu ya kidini tokana na mashamshamu. Hupumbazwa na hivyo kuchanganyikiwa kutokana na mbegu ya shetani aliyo pandikiza ndani yao hatimaye kuangukia katika mkumbo wa mazingaombwe ya kidini.

Roho Mtakatifu huweka makazi ndani ya wale wote wanao amini ubatizo wa Yesu na damu yake msalabani na wale wote wanao upokea msamaha wa dhambi. Wale tu wanao amini wokovu wa Mungu ndiyo watakao weza kukiri “nimekwisha samehewa dhambi”. Ikiwa mtu hatoamini injili ya maji na Roho basi hawezi kusema kwamba hana dhambi. Kwa upande mwingine Mungu ametupatia Roho Mtakatifu kama ahadi kwa watoto wake wote wanao amini ubatizo wa



Yesu na damu yake msalabani na kupokea msamaha wa dhambi.

Ni nani anaye shuhudia kwamba ubatizo wa Yesu na damu yake uliondolea mbali dhambi zetu? Yesu, wafuasi wake pamoja na Roho Mtakatifu ndiyo washuhudiao. Ni nani aliyepanga kuokoa watu wote kwa dhambi zao? Baba aliye Mtakatifu ndiye aliye panga. Nani aliye leta uthibitisho kwamba mpango huu ulitekelezwa? Roho Mtakatifu ndiye anayethibitisha.

Mungu anataka kutufanya kuwa watu wake na hivyo amedhamiria kutuokoa tokana na dhambi zetu zote kupitaia ubatizo wa Yesu na damu yake. Hivyo utatu wa Mungu huthibitisha wokovu pekee na kutuhakikishia msamaha wa dhambi zetu zote.

Katika Mathayo 3:17 imeandikwa *“huyu ni mwanangu mpendwa wangu ninaye pendezwa naye”*. Yesu ni Mungu halisi. Mungu Baba anatuambia, *“ikiwa mnataka kupokea msamaha wa dhambi zenu basi amini kwamba, dhambi zote za wanadamu ziliondolewa mbali milele na Yesu mwana wangu wa pekee, hivyo pokeeni Roho Mtakatifu na muwe watoto wangu”* Wale wote wenye kuamini hivi watapokea msamaha wa dhambi na hatimaye kuwa watoto wa kiume na wa kike wa Mungu. Hawa huwapa kipawa cha Roho Mtakatifu ili kuwatia mhuri kama watoto wake. Tunapokea msamaha wa dhambi zetu pale tunapo amini ubatizo wa Yesu na damu yake kwa pamoja.

Watu wasio safisha mioyo yao kwa kuamini injili ya msamaha wa dhambi, hudhani kuwa dhambi zao za asili zimeondolewa lakini imewapasa kuomba sala za toba pasipo kikomo ili kupokea msamaha wa dhambi wazitendazo kila siku. Kwa kuangukia katika mawazo ya aina haya, biblia huwa kwao ni kitu kisicho eleweka na chakuchanganya akili. Hivyo hujikuta wakiwa na imani iliyo tofauti na ile ya wafuasi wa Yesu.

Baadhi hudiriki kusema kwamba Roho Mtakatifu huja kwa kupitia maombi. Lakini hii si kweli kulingana na mtazamo wa kibiblia. Inaweza kuonekana ni kweli lakini biblia inasema kwamba Yesu alipoibuka katika maji baada yakubatzwa na Yohana, Roho Mtaakatifu alitua juu yake kama huwa. Hii inatuthibitishia kwamba, ikiwa tunatamani kumpokea Roho Mtakatifu, tunahitaji kuamini kwamba Yesu alikuja ulimwengui na kubatzwa na Yohana ili kubeba dhambi zetu.

Mungu anasema nini kwetu sisi tunaomini ukweli huu na kumpokea Roho Mtakatifu? Husema, “Wewe ni mwanangu. Huyu ni mwanangu mpendwa, ninaye pendeza naye” Mungu alisema namna hii pia hata kwa wale watakapo mwamini na kusamehewa dhambi zao hapo baadaye. Ahadi hii ni ukweli kwa Mungu kutufanya kuwa watoto wake.

Lakini bado watu wanadhani zipo njia nyingine katika kumpokea Roho Mtakatifu. Je, unadhani kwamba Roho Mtakatifu atakushukia kwa kupitia kupiga kelele na kulia pamoja na juhudi binafsi? Kazi za Mungu zinaweza kugundulika kwa mapenzi yake na kuwapa Roho Mtakatifu kwa wale tu waliopata masamaha wa dhambi. Yeye husema “nimemfanya mwana wangu abatizwe ili aweze kubeba dhambi zenu zote, kumsulubisha ili ahukumawe kwa dhambi hizo. Nimemteua mwana wangu kuwa mwokozi wenu. Ikiwa mtaukubali masamaha wa dhambi ambao mwana wangu aliukamilisha basi nitamtuma kwenu Roho Mtakatifu.”

Baba yetu hutenda atakalo. Hata ikiwa mtu atapiga magoti usiku kucha na kumlilia kwa sauti kuu, Mungu hatoona umuhimu wowote wa kumtumia Roho Mtakatifu juu yake zaidi atamkemea na kumwambia “bado haujakubali ufahamu wa kweli kwani unaendelea kukubali imani potofu. Roho Mtakatifu ataendelea kuzuiwa asije kwako endapo utakataa imani ya kweli”.

Katika ulimwengu huu maamuzi ya mwanadamu huweza

kubadilika kutokana na mazingira, lakini sheria ya Mungu iliyowekwa katika kusamehe dhambi na kutunuku Roho Mtakatifu hubaki pale pale pasipo kubadilishwa. Ikiwa umeangukia katika dimbwi la imani potofu ni vigumu kuiona njia iliyo sahihi kwa mara nyingine. Biblia inasema kwamba Yesu nikikwazo kwa wale wote wasio watiifu (1 Petro 2:8).

Watu wanaomwamini Yesu huku wangali bado hawajui kwanini alibatizwa, huamini injili iliyo nusu ya ukombozi na bila shaka wataangukia motoni. Hivyo mwanzo unapomwamini Yesu ni lazima ujue juu ya ubatizo wake na damu yake ambamo ipo ndani ya injili ya msamaha wa dhambi. Na ukiwa umepokea msamaha wa dhambi ndipo basi moja kwa moja utampokea Roho Mtakatifu.

Hebu na tufikiri juu ya maisha ya Yesu hapa duniani yalikuaje. Yeye alikuja akiwa na umbile la mwanadamu na kubeba dhambi zote za ulimwengu kwa ubatizo wake. Alikufa msalabani na kuhukumiwa kwa ajili ya dhambi hizo ili kutuokoa tusiende motoni. Wale wote wanao mwamini yeye humpotoka Roho Mtakatifu akiwa ni zawadi kwao.

Hivyo basi sote ni lazima kufuate njia ya kweli ili tuweze kumpokea Roho Mtakatifu ndani yetu. Kinachohitajika ni kuwa na mtazamo unaolingana na maneno ya kweli. Tunapofanya hivi Yesu atatutunza na kutubariki. Wale wote wenye kuweka mioyo yao wazi na kuamini maneno ya Yesu wataweza kuishi katika kweli kwa kupokea msamaha wa dhambi na kuongozwa na Roho Mtakatifu. Zaidi ya yote wataweza kuwaongoza wengine kwa msaada wa Roho Mtakatifu.

Amini ukombozi uliokamilishwa kwa ubatizo wa Yesu na damu yake. Kwa njia hii utaweza kumfuata yeye kwa imani na kupokea baraka ya msamaha wa dhambi, uzima wa milele na uwepo wa Roho Mtakatifu. Yesu ni Bwana wa msamaha

aliyebeba dhambi zetu zote ulimwenguni kwa njia ya ubatizo wake na kifo chake msalabani. Yesu ametakasa dhambi zetu zote na kutupatia Roho Mtakatifu kwetu sisi tunaoamini injili ya kweli na hivyo kuishi na amani ya kweli. ☒

# **MAHUBIRI 7**

**Injili iliyo njema**

---


**inayoweza Roho**

---

**Mtakatifu kukaa ndani**

---

**ya wanao amini**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Injili iliyo njema inayoweza Roho Mtakatifu kukaa ndani ya wanao amini

< Isaya 9:6-7 >

“Maana kwa ajili yetu mtoto amezaliwa. Tumepewa mtoto mwanamume. Na uweza wa kifalme utakuwa begani mwake. Naye ataitwa jina lake Mshauri wa ajabu, Mungu mwenye nguvu, Baba wa milele, Mfalme wa amani. Maongeo ya enzi yake na amani hayata kuwa na mwisho kamwe; kuuthibitisha na kuutengeneza kwa hukumu na kwahaki tangu sasa na hata milele. Wivu wa Bwana wa majeshu ndio utakaotenda hayo.”



Ili kumpokea Roho Mtakatifu tunahitajika kuwa na imani katika injili ya maji na Roho. Bwana wetu ameitwa wa Ajabu, Mshauri na Mungu mwenye Enzi. Bwana wetu amejitambulisha ndiye njia ya kwenda Mbinguni. Yesu Kristo amempatia kila mmoja zawadi ya Injili njema.

Hata hivyo katika ulimwengu huu wapo wengi ambao bado wanaishi gizani. Wanajaribu kutoroka katika kiza lakini kwa kuwa hawaijuia injili njema kamwe hawatoweza kukwepa dhambi zao. Badala yake wanatanga tanga na imani za mafundisho yao potofu. Kwa upande mwingine wale wanaotafuta ukweli ndiyo watakaokutana na injili njema hiyo na kuishi maisha yote wakiwa katika baraka ya Mungu iliyojaa. Naamini kwamba hii ni njia ya Mungu iliyo yapekee yenye kuwezesha mimi kuwasaidia watu kupokea injili njema na kutakaswa dhambi zao.

Hivyo basi uhuru toka dhambini usingewezekana endapo pasingekuwepo na njia hii ya Mungu. Ikiwa tumekwisha kutana na Bwana na kumpokea roho Mtakatifu, basi tumebarikiwa sana. Chakushangaza ni kwamba watu wengi hawafahamu kuwa baraka ya Mungu huja kutokana na imani katika injili njema.

Baraka ya Mungu ni matokeo ya kuamini injili njema ambayo imeletwa kwetu na Yesu Kristo mwana wa pekee wa Mungu. Yesu ndiye pekee anaye tuokoa tokana na dhambi za dunia na hivyo kutubariki kwa rehema yake. Hakuna mwingine awezaye kutuokoa tokana na dhambi zetu au hata kutusaida kufuta hukumu iliyo ndani ya mioyo yetu. Ama kwa hakika ni nani ambaye angeweza kujiokoa binafsi tokana na dhambi zake na mateso ya kifo cha milele?

Mungu anatuambia *“Iko njia ione kanayo kuwa sawa machoni pa mtu. Lakini mwisho wake ni njia za mauti”* (Methali 16:25). Watu wameanzisha dini zao na kuziendesha kuelekea uharibifu na kifo. Wengi wa washika dini hujigamba kwamba wanatilia mkazo uadilifu na maisha ya haki, hivyo kuwaelekeza watu njia hizi zao katika kuwaokoa tokana na dhambi zao lakini, hata hivyo injili ya maji na Roho ndiyo pekee inayo weza kuokoa watu kwa dhambi zao zote. Ni Yesu



pekee ndiye aliye mwokozi ambaye ataweza kuokoa wenye dhambi.

Katika Yohana 14:6 Bwana wetu alisema “*Mimi ndimi njia na kweli, na uzima*”. Ametoa mwili wake na damu yake kwa wale wote waelekeao katika mauti. Pia amejitambulisha kuwa yeye binafsi ndiye njia ya kweli ya uzima. Mungu anasema kwamba ikiwa watu hawatoamini injili njema ya Yesu, kamwe hawatoingia Ufalme wa Mbinguni.

Lazima tuamini injili ya maji na Roho kuweza kusamehewa dhambi zetu zote na kuamini kwamba, yeye ndiye mwokozi wetu, na hivyo kuweza kuingia katika Ufalme wa Mbinguni.

## **Hapo zama za kale za Israeli!**

*“Hata ikawa katika siku za Ahazi mwana wa Yothamu mwana wa Uzia mfalme wa Yuda Resini mfalme wa Shamu na Peka mwana wa Romalia mfalme wa Israeli wakapanda wakaenda Yerusalemu ili kupigana nao lakini hawakuweza kuushinda” (Isaya 7:1).*

Kiasili Israeli lilikuwa ni taifa moja. Hata hivyo Israeli ikagawanyika kuwa kusini na kaskazini. Hekalu la Mungu lilikuwa Yerusalemu ya kusini mwa Yudea, ambamo Rehobamu mwana wa mfalme Sulemaini alitawala. Baadaye Yerobamu aliyekwa mtumishi wa Suleimani alianzisha taifa jingine katika kaskazini na hivyo Israeli ikagawanyika. Katika nyakati hizo ndipo imani katika Mungu iliporomoka. Kuporomoka kwa imani huko ndiko kulikoleta chanzo cha dini za uzushi hata kwa nyakati hizi za leo. Yerobamu kwa jinsi hii akawa mwanzilishi wa wazushi. Alibadilisha sheria ya Mungu kwa sababu alihitaji kuweka kiti chake cha enzi, na hivyo moja

kwa moja akawa baba wa wazushi. Aliunda dini nyingine tofauti kwa watu wake wa Israeli, utawala wa kaskazini na hata kuthubutu kuivamia Yuda utawala wa kusini. Ni takribani miaka 200 imepita hadi sasa lakini hali hii isiyo ya kawaida katika uhusiano kati ya tawala hizi mbili haujabadilika.

Hata hivyo Mungu aliongea kupitia Isaya, *“kwa kuwa Shemu amekusudia mabaya juu yako pamoja na Efraimu na mwana wa Remali wakisema, haya na tupande ili kupigana na Yuda na kuwasumbua tukabomoe mahala tupate kuingia na kummilikisha ufalme ndani yake hiyo mwana wa Tabeeli. Bwana Mungu asema hivi, neno hili halitosimama wala halitakuwa. Kwa maana kichwa cha Shamu ni Dameshi na kichwa cha Dameshi ni Resini na katika muda wa miaka sitini na mitano Efraimu atavunjika vipande vipande asiwe kabila ya watu tena, tena kichwa cha Efraimu ni Samaria ni mwana Remalia. Kwamba hamtaki kusadiki, bila shaka hamtathibitika”* (Isaya 7:5-9).

Katika nyakati hizo Mungu alitabiri kupitia Isaya kwa mfalme Ahazi lakini hakumwamini. Ahazi alikumbwa na wasiwasi kwamba asingeweza hata kushindana na jeshi la Dameshi kwa uvamizi wakiungana na washirika wengine, hivyo Israeli ilitetemeka kwa woga. Lakini mtumishi wa Mungu Isaya alikuja na kumwambia mfalme, “si chini ya miaka sitini na saba Israeli ya kaskazini itavunjika. Na njama za uovu wa tawala mbili hizi kamwe hazitofanikiwa”.

Mtumishi wa Mungu alimwambai mfalme Ahazi kutafuta ishara ya Mungu *“jitakie ishara ya Bwana Mungu wako; itake katika mahali palipo chini sana au katika mahali palipo juu sana”* (Isaya 7:11). *“Sikilizeni sasa enyi nyumba ya Daudi, je, ni neno dogo kwenu kuwachosha wanadamu hata mkataka kumchosha Mungu wangu pia? Kwahiyo, Bwana mwenyewe atawapa ishara. Tazama bikira atachukua mimba atazaa mtoto*

*mwanaume naye atamwita jina lake Imanueli” (Isaya 7:13-14).* Huu ni unabii wa Mungu ya kwamba ataokoa watu wake kwa dhambi zao.

## **Nani ni adui wa Mungu?**

Adui wa mwanadamu ni dhambi na dhambi imetokana na shetani. Na ni nani mwokozi wa dhambi zetu? Mwokozi si mwingine bali ni Yesu Kristo mwana wa Mungu. Kimsingi mwanadamu ni dhaifu kimwili, hivyo hawezi kuacha dhambi. Yupo chini ya nguvu za shetani. Watu wa kuu na mashuhuri bado huenda kwa wapiga ramli na watabiri huku wakijaribu kuishi maisha vile wanavyo elekezwa na manabii hawa wauongo. Kwa hili ni uthibitisho wa moja kwa moja kwamba wamo chini ya utawala wa shetani.

Bwana alimpa Isaya uthibitisho wa wokovu, akisema kwamba, bikira atabeba mimba na kumzaa mwana, na jina lake ni Imanueli. Ulikuwa ni mpango wa Mungu kumtuma Yesu kwa mfano wa mwili wa mwanadamu ulio wa dhambi na kumfanya aweze kuokoa wenye dhambi tokana na mteso ya shetani. Kulingana na unabii huu, Yesu alikuja ulimwenguni akiwa mwanadamu aliyezaliwa na bikira Mariamu.

Kama Yesu asingekuja kwetu, tungeendelea kuishi chini ya utawala wa shetani. Lakini Yesu alikuja ulimwengui na kubatizwa na Yohana, kufa msalabani ili kutupatia injili njema ambayo ingeliweza kuokoa wale wote wenye dhambi. Hivyo watu wengi walio amini injili walipokea msamaha wa dhambi na kuwa watoto wa Mungu.

Hata leo hii wanatheologia wengi hubisha kwamba endapo Yesu Kristo ni Mungu au mwanadamu. Wanatheologia wenyemsimamo husema “Yesu ni Mungu” lakini wale wa siku

hizi hutahamaki kwa kupinga na kusema Yesu alikuwa ni mtoto halali wa Yusufu. Ni kauli ya kusikitisha!

Baadhi ya Wanatheologia wa nyakati hizi kusema kwamba, hawawezi kuamini ya kuwa Yesu alikuwa na uwezo wa kutembea juu ya maji. Husema “ukweli ni kwamba Yesu alitembea katika kina kifupi cha tambarare na hivyo wafuasi wake kwa kuona hivyo kwa mbali walidhani alikuwa juu ya maji ya kina kirefu akitembea.” Madaktari wa elimu juu ya Mungu waliomo katika shule za theologia ya kisasa si wote walio wanatheologia maarufu na wengi wao huchagua kuamini yale tu wanayoweza kuyaelewa katika biblia.

Kwa kutoa mfano mwingine Biblia inasema kwamba, Yesu aliwalisha watu wapatao 5,000 kwa samaki wawili na mikate mitano. Lakini wamebaki kulipinga kabisa jambo la muujiza huu. Huelezea kwa namna hii, “watu walimfuata Yesu huku wakiwa na njaa karibia kufa. Hivyo Yesu aliwaelekeza wafuasi wake kukusanya kwa pamoja makombo ya chakula. Ndipo akatokea mtoto mmoja na kumpa chakula chake kwa hiyari, kuona hivyo watu wazima wakaguswa mioyo na kuanza kutoa vyakula vyao. Walipo kusanya vyakula vyote kwa pamoja na kuvila, vikapu kumi na mbili vilibaki makombo.” Wanatheologia wa aina hii wanachoweza ni kujaribu kufanya maneno ya Mungu kutosheleza ufahamu wao ulio finyu.

Kuamini ukweli wa Mungu ni kuwa na imani katika injili njema ya Mungu aliyetupatia. Imani haina maana ya kujaribu kuamini jambo moja kwa sababu tu linaeleweka na kuwa na maana huku ukishindwa kuamini jingine kwa sababu halieleweki. Ikiwa tutaweza kuelewa au kutoelewa bado kunaulazima wa kumwamini Mungu na kuyakubali maneno yake kwa jinsi yalivyo andikwa.

Ukweli ni kwamba Yesu alikuja kwetu kama mwana wa Adamu na kwa maana hivyo alitumwa kutuokoa kwa dhambi

zetu zote. Yesu aliye Mungu alikuja ulimwenguni kutuokoa. Isaya alikwisha tabiri kwamba angelikuja kwetu kama mwana wa Adamu na kuzaliwa na bikira.

Katika mwanzo 3:15, Bwana Mungu alimwambia nyoka *“nami nitaweka uadui kati yako na huyo mwanamke na kati ya uzao wako na uzao wake huo utakuponda kichwa na wewe utamponda kisigino”*. Maana yake ni kwamba, Mungu alikwisha panga kumtuma Yesu kwa umbile la mwanadamu kama mwokozi wetu kutuokoa sisi wanadamu kwa dhambi zetu.

Katika biblia inaandikwa *“kuwapi Ewe mauti kushinda kwako? U wapi ewe mauti uchungu wako? Uchungu wa mauti ni dhambi na nguvu za dhambi ni torati”* (1 Wakorintho 15:55-56). Uchungu wa mauti ni dhambi. Mtu anapotenda dhambi mauti humfanya awe mtumwa, lakini Bwana wetu ametuahidi *“uzao wake huo utakupounda kichwa”*. Hii inamaana kuwa Yesu ataharibu uchungu wa dhambi ambao shetani aliuleta.

Yesu alikuja ulimwenguni na kubatizwa ili kubeba dhambi zote za ulimwengu na kuhukumiwa kwa kusulubiwa kwa ajili ya dhambi hizo. Aliokoa wale wote wanao mwamini katika injili njema. Pale Adamu na Hawa walipotenda dhambi, Mungu aliahidi kuokoa wanadamu tokana na utawala wa shetani. Katika ulimwengu wa kisasa maadui wa Mungu ni wale wote wasio amini injili njema.

## **Kwa nini Yesu alizaliwa ulimwenguni?**

Mungu alitupa sheria (torati) pamoja na injili njema ili kutuokoa dhambini. Chini ya sheria (torati) watu walikuwa ni wenye dhambi mbele yake. Kwa jinsi hiyo pia sheria (torati) ililetwa ili watu waweze kufahamu dhambi zao. Watu walipo

kuwa watumwa wa dhambi na kwa sheria (torati) yenyewe, Bwana akaja ulimwenguni kutimiza hitaji la haki ya sheria hiyo.

Yesu alizaliwa chini ya sheria (torati). Alizaliwa kipindi cha sheria (torati). Sababu amabayo watu walihitaji sheria (torati) ni kwamba walihitaji kuelewa juu ya dhambi zao ili hatimaye waweze kupokea msamaha wake. Watu husafisha uchafu toka katika nguo zao ikiwa tu wameweza kuungundua uchafu huo. Hivyo ndiyo pia kwao kugundua dhambi zao kumewapasa kufahamu sheria ya Mungu. Kama pasinge kuwako na sheria pasinge kuwako maana ya dhambi; na Yesu asingelihitajika kuja ulimwenguni.

Ikiwa unafahamu sheria ya Mungu, basi unayo nafsi ya kukutana naye. Sisi tulifahamu juu ya sheria na hivyo tumeweza kutambua juu ya dhambi zetu. Nipale tu tulipo fahamu juu ya dhambi zetu ndipo Yesu Kristo alipo leta injili njema kwetu ili tuiamini. Ikiwa Mungu asingeli tupatia sheria, basi tusingeweza kuwa wenye dhambi na hukumu isingelikuwapo. Kwa haya yote Mungu ametupa sheria (torati) na kutuletea injili njema kuokoa wote toka dhambini.

Sheria (torati) iliyo muhimu kuwepo kati muumba na viumbe wake ni sheria ya Mungu ya wokovu. Hii ni sheria ya Upendo. Mungu alimwambia mwanadamu *“walakini matunda ya mti wa ujuzi wa mema na mabaya usile kwa maana siku utakapokula matunda ya mti huo utakufa hakika”* (Mwanzo 2:17). Hii ilikuwa ndiyo sheria ya Mungu aliyo tupatia, na sheria hii ndiyo ikawa msingi wa upendo ambao Mungu alituokoa sisi sote kwa dhambi zetu. Mungu anatumieza kwamba yeye ndiye muumba wetu na hivyo kila kitu kimekuwepo kulingana na mapenzi yake. Hii ina maana kwamba, hakika Mungu yu hai na hivyo watu imewapasa kuamini sheria ya wokovu ambayo ilikamilishwa kupitia injili

njema.

Mungu aliye hai hakika ni mwema. Upendo wa Mungu kwa ulimwengu huu ndiyo ulio msukuma yeye kumtoa mwana wake wa pekee na kuwa mwokozi wa wenye dhambi wote. Ikiwa Mungu alituumba, na ikiwa asingetupatia injili njema na kutuokoa kwa dhambi zetu, hakika tunge mlalamikia. Lakini Mungu alipenda kutuokoa tokana na kuangamia na hivyo kuweka sheria ya wokovu. Kwasababu ya torati, tumeweza kutambua dhambi zetu na kuziona moja kwa moja, na hivyo kuanza kuiamini injili njema ya Yesu. Tunapokwenda kinyume na neno la Mungu tunaonekana wazi kama wenye dhambi mbele ya torati na baada ya yote sisi wenye dhambi tunapiga magoti kwa kusihi rehema ya Mungu kwa ajili ya msamaha wa dhambi mbele yake.

Yesu alizaliwa na mwanamke na kuja ulimwenguni kuokoa wanadamu kwa dhambi zao. Yesu alikuja ulimwenguni akiwa mwanadamu kutimiza mpango wa Mungu kwetu. Tunaamini injili yake njema. Hivyo basi tunamsifu Bwana.

Wengine hulalamika, “kwanini Mungu aliniumba kuwa mdhaifu namna hii ambapo mara kwa mara naanguka kirahisi katika dhambi na hata kateseka sana kwa uovu wangu?” Lakini hakika kamwe Mungu hakupenda sisi tuteseke, bali ameruhusu iwe hivyo kwa sababu tumekuwa kinyume na injili ya Yesu. Mungu ametupatia mambo mawili, mateso na injili njema ili tuweze kuwa na nguvu kama yake tukiwa wana kwake. Na huu ndiyo aliokuwa mpango wake.

Lakini pepo husema ndani yako “Hapana! Hapana! Mungu ni mtawala wa kimabavu! Wewe endelea kuishi vile utakavyo. Uwe huru! Tafuta bahati yako kwa uwezo wako.” Pepo hawa pia hujaribu kuzuia wanadamu kumwamini Mungu. Lakini wale wote wenye kuchagua kuishi mbali na Mungu ndiyo kwazo kwa mpango wake wa wokovu. Yesu alikuja

ulimwenguni na kuwaita wale wote walio chini ya utawala wa shetani kutubu dhambi zao. Tusijaribu kamwe kuishi mbali na Mungu.

## **Mwanadamu amezaliwa akiwa mwenye dhambi na mwisho wake ni motoni.**

Hakuna ukweli usio badilika hapa ulimwenguni. Lakini injili njema ya Yesu ni ukweli ulio madhubuti usio badilika. Hivyo watu wanaweza kutegemea ukweli wake na hatimaye kukombolewa tokana na nguvu za shetani. Wanadamu wamerithi dhambi ya Adamu na Hawa na hivyo pasipo Kristo kuingilia kati wangeangamia motoni. Badala yake namshukuru kwa kujitoa kwake, na kwa jinsi hiyo basi mwanadamu alibarikiwa na nguvu ya kuweza kuwa mwana wa Mungu. *“Lakini yeye aliyekuwa katika dhiki hatokosa changamko” (Isaya 9:1).* Mungu alimtuma mwana wake ulimwengu hivyo kuwatukuza wale wote wenye kuamini wokovu ulio mwema.

*“Watu wale waliokwenda katika giza wameona nuru kuu; wale waliokaa katika nchi ya uvuli wa mauti, nuru imewaangaza” (Isaya 9:2).* Leo hii andiko limekuwa kweli kwako na kwangu. Kwa kuamini injili njema tumebarikiwa na uzima wa milele ambao hakika hatuwezi kuupata hapa ulimwenguni. Yesu Kristo aliokoa wanadamu kwa dhambi zao zote za ulimwengu na kwa wale wote watakao amini injili hii njema amewapa uzima wa milele na Ufalme wa Mbinguni.



## **Ameweka nuru njema ya injili kwa wale wote walio poteza tumaini.**

Mwanadamu ni kama ukungu unao kuwepo juu ya ardhi kwa muda na punde kupotea. Maisha yake ni kama mazao au nyasi katika msimu wa mwaka. Nyasi huwa na nguvu ya uhai kwa miezi michache tu wakati wa kipindi cha mwaka mmoja na kupotea kulingana na mapenzi mema ya Mungu. Kwa maisha yetu, yote huwa ni bure na yasiyo na maana kama ilivyo katika nyasi hizi. Lakini Mungu ametupatia injili njema kwa roho zetu zilizo choka na kwa haki yake ametufanya kuwa watoto wake. Hakika hii ni neema ya ajabu! Uhai wetu usio na maana umegeuka kuwa uzima wa milele. Tunaushukuru upendo wa Mungu na pia tumebarikiwa na haki ya kuwa wana wake.

Hapa upo ushuhuda wa nafsi iliyobarikiwa kwa neema ya Mungu kwa kuamini injili njema.

“Nilizaliwa katika familia ambayo haikuwa inamwamini Mungu. Hivyo nililelewa katika mazingira ya kuona kuwa ilikuwa ni jambo jema kwake mama yangu kuomba kwa miungu ya mbinguni na duniani kwa ustawi wa familia yetu kila siku asubuhi akiwa na bakuli la maji mbele yake. Umri uliposogea wakati huo sikuweza kuelewa thamani yangu au sababu ya mimi kuishi ambapo kulinifanya niamini kwamba haikuwa na maana endapo nitakuwa hai au kuishi. Hii ni kutokana na kwamba sikuwa nimetambua uthamani wangu hivyo kuishi katika hali ya upweke.

Maisha ya aina hii yalinichosha na hivyo nilikimbilia kuolewa. Maisha yangu ya ndoa yalikuwa mazuri. Sikuwa na chakutamani hivyo niliishi kwa amani na furaha. Baadaye nikawa na mtoto na kuanzia hapo nikaanza kuona upendo ukichomoza ndani yangu. Nikaanza kupoteza hali ya ubinafsi

ndani yangu lakini pia nikahofu kuwapoteza wale walio karibu nami.

Kwa yote haya nikaanza kumtafuta Mungu. Nilikuwa mdhaifu nisiye jiweza na hivyo nilimhitaji mwenye enzi aliye hai kuweza kulinda nilio wapenda. Hivyo nikaanza kuhudhuria kanisani lakini imani yangu ilikuwa tofauti kidogo dhidi ya mama yangu kwa jinsi alivyokuwa akiomba mbele ya bakuli la maji, kwani maombi yangu kimsingi yalihusika zaidi na maono ya hofu na matumaini.

Wakati mmoja nilipata kuhudhuria mkutano fulani katika moja ya makanisa ya eneo langu, na wakati nilipokuwa nikiomba machozi yalianza kumiminika nilifedheheka na kujaribu kujizuia kulia lakini wapi, machozi yalizidi kunitiririka. Watu walio kuwa karibu yangu waliniwekea mikono juu ya kichwa changu na kuanza kunipongeza kwa kumpokea Roho Mtakatifu. Lakini nilipotoshwa, sikuwa naelewa hata kidogo maneno ya Mungu na imani yangu kwake ilikuwa ni hisia tu, hivyo sikuwa na uhakika endapo nguvu hizo kweli zilikuwa ni za Roho Mtakatifu.

Kanisa nililohudhuria lilikuwa likijihusisha na vuguvugu la uamsho wa Kipentekoste na wengi walitokewa na hali hiyo iliyonipata na hivyo karibia wote walikuwa wakinena kwa lugha. Siku moja, nilialikwa katika mkutano wa uamsho uliokuwa ukiongozwa na mchungaji mmoja ambaye watu walikuwa wakihadithia kuwa alikuwa amejazwa na Roho Mtakatifu. Mchungaji huyo alikusanya makundi ya watu katika kanisa na kusema angeliweza kumponya mtu mwenye matatizo ya kupumua kwa kupitia uweza wa nguvu za kiroho. Hata hivyo nilidhani kwamba ugonjwa huo ungeweza kuponywa hospitalini kirahisi zaidi, hivyo nilikuwa na hamu ya kuona ni kwa kiasi gani mchungaji huyo alivyo pokea upako wa Roho Mtakatifu. Lakini baada ya kuona kuwa alifanikiwa kuponya

alianza kujigamba kwamba angeliweza pia kutabiri ikiwa wanafunzi wa sekondari wangeliweza kufaulu mtihani wa kuingia chuo kikuu au la. Watu wengi walisifu nguvu alizo nazo utadhani zilikuwa ni za Mungu.

Lakini sikuweza kumuelewa. Na hivyo sikuhitaji kutathimini juu ya nguvu alizonazo mchungaji huyo ikiwa zina husika na Roho Mtakatifu au la. Sikuona kwamba palikuwa na umuhimu kati yakuweza kwake kuponya ugonjwa huo au kutabiri mafanikio ya mtihani wa mtu. Hivyo sikuchukulia moja kwa moja juu ya miujiza hiyo kuwa ni nguvu za Roho Mtakatifu.

Nguvu na upendo wa Mungu nilio kuwa nao moyoni ulikuwa ni tafauti na nilio uona. Kwasababu hiyo nilikoma kuhudhuri kanisa hilo nahivyo kuwakwepa wale wote waliokuwa wakiamini nguvu za mchungaji huyo. Baada ya hapo nilianza kuhudhuri kanisa jingine tulivu ambalo nililolichagua kwa sababu ndipo mahala neno la Mungu linapohubiriwa zaidi. Nilijifunza kuhusiana na sheria na kwa kupitia hilo nikajitambua sina haki ndani yangu. Ndipo hapo basi Mungu akawa kigezo cha hofu kwangu na nikagundua kwamba sikuweza kuonekana mwenye hadhi mbele yake na hivyo Roho wake alionekana kunitenga kabisa.

Katika Isaya 59:1-2 imeandikwa *“Tazama mkono wa Bwana haukupunguka, hata usiweze kuokoa wala sikio lake si zito hata lisiweze kusikia lakini maovu yenu yamewafarakanisha ninyi na Mungu wenu na dhambi zenu zimeuficha uso wake msiuone hata hataki kusikia”*. Hili lilionekana kuwa sawa na hali yangu. Ni jambo lisilowezekana kwangu kuwa mwana kwake na kumpokea Roho Mtakatifu kwa sababu yote niliyofanya au kuwaza yalikuwa ni uovu tu.

Nilimhofu Mungu na hivyo nikawa nikifanya sala za toba kila mara. Hakuna aliye niambia kufanya hivyo lakini nilitaka

kusimama nikiwa na hadhi mbele ya Mungu. Kwakuwa nilikuwa ni mwenye dhambi, niliendelea kufanya sala za toba kwa bidii zaidi. Lakini sala hizi zilishindwa kutakasa dhambi zangu. Yote niliyo yafanya yalikua ni kumwonyesha Mungu mawazo yangu na uaminifu hivyo dhambi zangu bado ziliendelea kuwepo. Kuanzia muda huo nilianza kutoa malalamiko dhidi ya Mungu nilitamani kuwa mkamilifu mbele ya macho yake lakini sikuweza kuwa hivyo moja kwa moja, hivyo malalamikio yangu na dhambi zangu zilirundikana.

Wakati wa kipindi hiki chote cha kuchanganyikiwa kidini baba yangu akapatwa na kiharusi. Aliteseka kwa muda wa siku 40 hospitalini katika chumba cha mahututi akiwa kitandani kabla ya kufariki. Lakini sikuweza kumwomba hata kidogo. Nilikuwa ni mwenye dhambi, hivyo niliwaza ya kwamba kama ningeliomba kwa ajili ya baba yangu maumivu yake yangeliweza kuwa mabaya zaidi. Nilichanganyikiwa na kukata tamaa kwa kukosa imani na nilitamani kumfuata Mungu lakini sikuweza, hivyo niliendelea kulalama na hatimaye kumhasi. Maisha yangu ya kidini ndipo hapo yalipo komea. Nilidhani kwamba ikiwa nitamwamini yeye, Roho wake ataweka makazi ndani yangu na hivyo kupata amani lakini hilo halikuwa ni sababu. Baada ya hapo maisha yangu hayakuwa na maana kabisa na nilianza kuishi kwa hofu na huzuni.

Lakini Bwana hakunitelekeza. Alisababisha niweze kukutana na muumini ambaye kwa hakika amempokea Roho Mtakatifu kupitia maneno ya Mungu. Nilijifunza kutoka kwa mtu huyu kwamba, Yesu alizichukua dhambi zetu kupitia ubatizo wake kwa Yohana na hivyo alihukumiwa kwa dhambi hizi msalabani. Kwa hiyo, dhambi zetu zote ulimwenguni, pamoja na zangu, zilisamehewa. Niliposikia na kuweza kuelewa hili niliweza kuona kwamba dhambi zetu zote zilitakaswa. Mungu alinisaidia kupata msamaha wa dhambi

zangu zote na kunipa baraka ya Roho Mtakatifu na kunitunukia maisha ya amani. Taratibu aliniongoza akanipa kuelewa mabaya na mazuri na hivyo kunivika nguvu ya kushinda majaribu ya ulimwengu huu. Alijibu maombi yangu na kunisaidia katika kuishi maisha yaliyo ya haki na yenye thamani. Kwa kweli namshukuru sana Mungu kwa kunipatia Roho Mtakatifu.”

Kila mmoja wetu amebarikiwa na neema ya Bwana na anauwezo wa kumpokea Roho Mtakatifu. Namshukuru Bwana kwa kunipatia injili yake njema. Mungu alibariki wenye haki kwa furaha hii. Mioyo ya wenye haki ni yenye furaha. Bwana ametutunukia furaha ya milele. Tunajua ni kwa vipi wokovu wa Mungu ulivyo wa thamani, upendo na neema, hivyo tunamshukuru kwa yote hayo. Bwana ametupatia furaha kupitia injili njema ya mbinguni. Hiki ni kitu ambacho hakiwezi kamwe kununuliwa kwa fedha. Mungu alimtuma kwetu Roho Mtakatifu pamoja na injili njema ili kutufanya washindi na waadilifu. Injili hii njema ndiyo ifanyayo maisha yetu yabarikiwe. Bwana ametupatia injili njema na anafarijika kwa kuwa wale wote wenye haki watayafurahiya maisha ya baraka.

Kama ilivyo andikwa katika Luka, Mariamu alisema, *“Kwakuwa hakuna neno lisilowezekana kwa Mungu Mariamu akasema, tazama mimi ni mjakazi wa Bwana na iwe kwangu kama ulivyosema”* (Luka 1:37-38). Wakati ule tu Mariamu alipoamini maneno mazuri ya Mungu kama yalivyo nenwa na malaika wake ndipo hapo mara mimba ya Yesu ikatungwa. Kwa jinsi hiyo pia kwa imani wenye haki hutungwa mimba ya injili njema mioyoni mwao.

*“Kwa maana umeivunja nira ya mzigo wake, na gongo la bega lake na fimbo yeke yeye aliyemwonea kama katika siku ya Mediani”* (Isaya 9:4). Shetani alisababisha mafarakano,

magonjwa na mateso katika maisha yetu hivyo sisi niwanyonge kuweza kumshinda. Lakini Mungu anatupenda na hivyo alipigana vita na shetani na hatimaye kumshinda.

*“Maana kwa ajili yetu mtoto amezaliwa tumepewa mtoto mwana mume na uweza wa kifalme utakuwa begani kwake naye ataitwa jina lake mshauri wa ajabu Mungu mwenye nguvu baba wa milele mfalme wa amani. Maongeo ya enzi yake na amani hayatakuwa na mwisho kamwe katika kiti cha enzi cha Daudi na ufalme wake. Kuuthibitisha na kuutegemeza kwa hukumu na kwa haki tangu sasa na hata milele. Wivu wa Bwana wa majeshi ndiyo utakaotenda hayo” (Isaya 9:6-7).*


Bwana aliahidi kutuokoa tokana na dhambi zetu na kutupatia msamaha wa milele. Yesu anaitwa hapa kuwa ni “Waajabu” na kwa jinsi hiyo alifanya kazi yamiujiza kwetu *“jina lake ataitwa Mshauri, Mungu mwenye enzi”*. Mungu akiwa mshauri, alipangilia wokovu wetu kwa injili njema hivyo kupanga kutuokoa milele kwa dhambi zetu.

Upumbavu wa Mungu ni hekima kubwa zaidi ya mwanadamu. Ilikuwa ni hekima yake kwa Yesu kubatizwa na Yohana na kufa msalabani ili kutuokoa kwa dhambi zetu zote. Hii ni kazi ya ajabu aliyo ifanya kwetu kwa sheria ya upendo ambao ulituokoa kwa dhambi zetu zote. Sheria ya upendo ni injili ya kweli ambayo hutuongoza katika kumpokea Roho Mtakatifu kupitia maji na damu yake.

Bwana anasema katika Isaya 53:10, *“lakini Bwana aliridhika kumchubua amemhuzunisha”* Yesu aliifanya nafsi yake kuwa sadaka ya dhambi ili kuyatimiza mapenzi ya Mungu. Mungu alitwika dhambi zote za ulimwengu juu ya mwana wake, Yesu Kristo, na kuruhusu ateseke kwa kusulubiwa ili iwe hukumu kwa ajili ya dhambi hizo. Hii ndiyo injili njema iliyo okoa wanadamu kwa dhambi zao mara moja na kwa wote. Kristo alitoa uhai wake kwa ajili yetu na kulipa

mshahara wa dhambi na kutubariki kwa wokovu.

## **Mpangilio wa sadaka ya Mungu.**



Biblia huzungumzia juu ya sadaka ambayo hapo zamani za kale iliweza kuleta msamaha wa dhambi za kila siku. Mwenye dhambi ilimpasa kuleta mnyama asiye na doa na kumwekea mikono juu ya kichwa chake ili kumtwika dhambi zake. Ndipo ilimpasa aichinje shingo sadaka hiyo na kuikabidhi damu yake kwa kuhani. Naye kuhani alichukua kiasi cha damu hiyo na kukiweka katika pembe za madhabahu ya kuteketezwa na iliyo salia alimwaga chini ya madhabahu hiyo.

Kwa njia hii mtu huyo aliweza kusamehewa dhambi za kila siku. Tendo la kuwekea mikono lilikuwa ni njia ya mwenye dhambi kumtwika dhambi mnyama huyo wa sadaka. Wale waliotoa sadaka kulingana na mpangilio huu waliweza kupokea msamaha wa dhambi zao. Mpangilio huu ndiyo iliyokuwa njia tuliyo patanishwa kwa dhambi zetu nyakati zile kabla ya Yesu kubeba dhambi zote.

Pia Mungu aliweka siku maalumu ya upatanisho ili kwamba watu wa Israeli waweze kufanya upatanisho kwa dhambi zao walizotenda kwa kipindi cha mwaka mzima. Utoaji wa sadaka hiyo ulifanyika katika siku ya kumi ya mwezi wa

saba. Mungu alimteua Harumi Kuhani mkuu kuwa ndiye pekee atakayetwika dhambi zote za Israeli kwa mwaka mzima juu ya mnyama wa kafara. Ibada hii ilifanyika kulingana na mpangilio wa Mungu. Msamaha wa dhambi ulikuja kwa hekima na kwa upendo wake kwa wanadamu. Hii ndiyo nguvu yake.

“Pembe za madhabahu ya sadaka za kuteketezwa” humaanisha “kitabu cha hukumu” (Ufunuo 20:12) ambamo dhambi za wanadamu zimewekwa kumbukumbu. Sababu ya kuhani kuweka damu ya sadaka ya dhambi katika pembe za madhabahu ya sadaka za kuteketezwa, ilikuwa ni kufuta majina na makosa yaliyo andikwa katika kitabu cha hukumu. Damu ni uhai wa mwili. Sadaka ya mnyama ndiyo iliyo beba dhambi za Waisraeli hivyo ilibidi ichinjwe kulipia mshahara wa dhambi. Mungu aliruhusu ichinjwe ili iwe ni hukumu ya dhambi zao. Hii ilikuwa ni ishara ya hekima na upendo wake kwetu.

Yesu Kristo alikuja hapa ulimwenguni kama sadaka ya dhambi ili atimize mpango wa Mungu. Yesu alichukua dhambi za ulimwengu kwa njia ya kujitoa kwake. Ikiwa tutaangalia maneno ya ahadi yake tutaona “lakini Bwana aliridhika kumchubua amemhuzunisha” au “alibeba dhambi ya ulimwengu”.

*“Maana kwa ajili yetu mtoto amezaliwa tumepewa mtoto mwanaume na uweza wa kifalme utakuwa begani mwake naye ataitwa jina lake Mshauri wa ajabu, Mungu mwenye nguvu, Baba wa milele, Mfalme wa amani. Maongeo ya enzi yake na amani hayatakuwa na mwisho kamwe, katika kiti cha enzi cha Daudi na ufalme wake kuuthibitisha na kuutegemeza kwa hukumu na kwa haki tangu sasa na hata milele. Wivu wa Bwana wa majeshi ndio utakaotenda hayo” (Isaya 9:6-7).*

Miujiza na maajabu ya ahadi ilikuwa ni Yesu atakaye fanya mapenzi ya Mungu na kuwapa wale wote wanao amini amani kwa kubeba dhambi zote za ulimwengu. Ahadi ya



Mungu ilikuwa ni ahadi ya upendo ambao aliupanga ili kuleta amani kwa wanadamu wote. Hili ndilo Mungu alilotuahidi na ndilo alilotimiza.

Mathayo 1:18 inasema, *“kuzaliwa kwake Yesu Kristo kulikuwa hivi. Mariamu mama yake alipokuwa ameposwa na Yusufu, kabla hawajakaribina alionekana ana mimba kwa uwezo wa Roho Mtakatifu”*. “Yesu” maana yake Mwokozi yeye atakaye waokoa watu wake kwa dhambi zao. “Kristo” maana yake Mfalme mpakwa mafuta. Yesu hakuwa na dhambi, na ndiye mfalme wetu na Mwokozi wetu aliyezaliwa na mwanamwali ili aokoe watu wake kwa dhambi zao.

*“Naye atazaa mwana nawe utamwita jina lake Yesu maana yeye ndiye atakayewaokoa watu wake na dhambi zao. Hayo yote yamekuwa ili litimie neno lililonenwa na Bwana kwa ujumbe wa manabii” (Mathayo 1:21-22).*

## **Yesu alibeba dhambi zote za ulimwengu kwa njia ya ubatizo wake.**

Imeandikwa katika Mathayo 3:13-17, *“Wakati huo Yesu alikuja kutoka Galilaya mpaka Yordani kwa Yohana iliabatizwe. Lakini Yohana alitaka kumzuia akisema, mimi nilihitaji kubatizwa na wewe nawe waja kwangu? Yesu akajibu akamwambia kubali hivi sasa kwa kuwa ndivyo itupasavyo kutimiza haki yote. Basi akamkubali. Naye Yesu alipokwisha kubatizwa mara akapanda kutoka majini na tazama mbingu zikamfunukia akamwona Roho wa Mungu akishuka kama hua akija juu yake, na tazama sauti kutoka mbinguni akisema huyu ni mwanangu mpendwa wangu ninayependezwa naye.”*

Yohana mbatizaji anaonekana katika kifungu hiki. Kwanini Yesu ilimpasa abatizwe na Yohana? Yesu ilimpasa

abatizwe ili aweze kubeba dhambi zote za ulimwengu na iwe kwa mpango wa Mungu.

*“Na uweza wa kifalme utakuwa begani mwake” (Isaya 9:6).* Hapa “Uweza wa Kifalme” maana yake Yesu ndiye pekee aliye na mamlaka na nguvu kama Bwana wa Mbinguni, Mfalme wa ulimwengu. Hii ni mamlaka aliyo tunukiwa Yesu Kristo pekee. Yesu alifanya jambo zuri katika kubeba dhambi zote za wanadamu. Jambo hili zuri lilikuwa ni kwake kuweza kubatizwa na Yohana. Kile Yesu alichomaanisha anaposema *“ndivyo itupasavyo kuitimiza haki yote”* ni katika kuzichukua dhambi zote za ulimwengu kwa usawa na kwanamna ipasayo.

Warumi 1:17 inasema, *“Kwa maana haki ya Mungu inadhihirishwa ndani yake toka imani hata imani”*. Haki ya Mungu inadhihirishwa katika injili. Je, injili ya kweli katika maji na Roho imedhihirisha haki ya Mungu? Ndiyo! Injili ya kweli ni ile ambayo Yesu Kristo alichukua dhambi zote za ulimwengu kwa njia ya ubatizo wake na kusulubiwa kwake. Injili ya maji na Roho ni injili iliyo njema ambayo haki ya Mungu imedhihirishwa. Ni kwa njia gani Yesu alichukua dhambi ya ulimwengu? Alichukua dhambi zote za ulimwengu pale Yohana Mbatizaji alipo mbatiza katika mto Yordani.

Kwa lugha ya Kigiriki neno “haki yote” ni *“πᾶσαν δικαιοσύνην”*. Hii inamaana kwamba Yesu alibeba dhambi zote za wanadamu kwa njia ya haki na iliyo njema. Pia inamaana kwamba Yesu kutakasa dhambi zote za ulimwengu kilikuwa ni kutendo kilichostahili na chenye haki. Ilimbidi Yesu abatizwe na Yohana ili afute dhambi za ulimwengu.

Mungu alijua kwamba ubatizo wa Yesu ulikuwa ni muhimu hakika ili kuleta amani kwa wanadamu. Yesu asingeliweza kuwa mwokozi ikiwa kama asingelibatizwa na Yohana na kumwaga damu yake msalabani. Yesu alijitoa kama sadaka ya dhambi kwa kubeba dhambi zote za ulimwengu.

Mungu anasema katika Isaya 53:6 *“Sisi sote kama kondoo tumepotea; kila mmoja wetu amegeukia njia yake mwenyewe na Bwana ameweka juu yake maovu yetu sisi sote”*. Ilimbidi Yesu azikubali dhambi za ulimwengu wote ili atimize mapenzi ya Mungu. Hii ndiyo sababu kwamba Yesu alikuja akiwa kama sadaka ya dhambi katika mwili wa mwanadamu na kubatizwa na Yohana.

Yesu alikubali dhambi zote za wanadamu na kuhukumiwa kwa ajili yake ili aweze kutimiza mapenzi na mpango wa Mungu hivyo kuweka bayana upendo wake usio na kikomo. Yesu alipotoka majini baada ya ubatizo wake, Mungu alisema, *“huyu ni mwanangu mpendwa wangu ninayependezwa naye”* (Mathayo 3:17).

## **Kwa ajili yetu mtoto amezaliwa.**

*“Maana kwa ajili yetu mtoto amezaliwa, tumepewa mtoto mwanamume na uweza wa kifalme utakuwa begani mwake. Naye ataitwa jina lake Mshauri wa ajabu Mugu mwenye nguvu Baba wa milele, Mfalme wa amani”* (Isaya 9:6). Yesu ni mwana wa Mungu. Yesu ni Mungu muumbaji aliye umba ulimwengu wote. Si tu mwana wa Mungu mwenyezi, yeye pia ni Mumba na Mfalme wa Amani. Yesu ni Mungu aliye wapa wanadamu furaha.

Yesu ni Mungu wa kweli alibeba dhambi zetu zote, akatuokoa na kutupa amani. Je, ipo dhambi tena duniani? Hapana hakuna dhambi. Sababu ya kuweza kuwa na uhakika wa kusema haya kwamba hakuna dhambi tena, ni kuwa tunaamini injili njema ambayo inasema kwamba Yesu alitakasa dhambi zote za ulimwengu kwa kupitia ubatizo na damu yake pale msalabani. Yesu hakutudanganya. Yesu alilipa mshahara wa

dhambi kwa ubatizo na damu yake. Amewezesha wale wote watakao amini haya, kuweza kuwa watoto wa Mugu na kutupatia amani sisi sote. Alitufanya kuishi tukiwa watoto walio takaswa katika imani milele. Namsifu Bwana na kumshukuru.

## **Tazama mwana kondoo wa Mungu aichukuaye dhambi ya ulimwengu!**

Yohana 1:29 inasema, *“Siku ya pili yake amwona Yesu anakuja kwake akasema, tazama mwana kondoo wa Mungu aichukuaye dhambi ya ulimwengu!”* Yesu Kristo alionekana tena mbele ya Yohana Mbatizaji siku iliyo fuata baada ya kubeba dhambi za ulimwengu kwa njia ya ubatizo wake. Yohana Mbatizaji alishuhudia juu Yesu kwa kusema, *“tazama mwana kondoo wa Mungu aichukuaye dhambi ya ulimwengu”* Alishuhudia kwa mara nyinge tena katika Yohana 1:35-36 *“Tena siku ya pili yake Yohana alikuwa amesimama pamoja na wawili katika wanafunzi wake akamtazama Yesu akitembea, akasema, tazama mwana kondoo wa Mugu.”*

Yesu alikuwa ni Masihi aliyekuja kama mwana kondoo wa Mungu kwa jinsi ile Mungu alivyo ahidi katika Agano la Kale. Masihi Yesu Kristo aliyekuja kwetu akiwa Mshauri wa Ajabu na Mwenyezi Mungu, na alibatizwa ili kutuokoa sisi sote na dhambi zetu. Mtoto alizaliwa kwa ajili yetu. Alikubali kujitwika dhambi zote za ulimwengu kwa njia ya ubatizo wake kwa Yohana na kulipa mshahara wa dhambi hivyo kuwa Mfalme aliyetupa amani na ondoleo la dhambi zote. *“Tazama mwana kondoo wa Mungu aichukuaye dhambi ya ulimwengu.”*

Hapo awali watu hawakuwa na jinsi yoyote bali kufa kwa sababu ya dhambi zao. Wanadamu hutenda dhambi zisizo na idadi hadi mwisho wao kutokana na asili ya dhambi, na

matokeo yake kuhukumiwa kwenda motoni. Kwa kuingia katika lindi hilo la maovu; hakuna yeyote kati yao angeliweza hata kuota kuingia Ufalme wa Mungu kutokana na udhaifu huo. Yesu Kristo aliye Mungu wetu alizikubali dhambi zao pale alipo batizwa na Yohana katika mto Yordani, na alisulubiwa kwa hukumu ya makosa yao. Wakati wa kifo chake Kristo alisema “*yamekwisha!*” (*Yohana 19:30*) Kupaza huku kwa sauti kulikuwa ni ushuhuda wa ukweli kwamba Yesu aliokoa wanadamu wote kwa dhambi zao na kifo chake, na hivyo kwa ukamlifu alileta ukombozi kwa yeyote yule atakaye amini injili njema.

*“Tazama mwana kondoo wa Mungu aichukuaye dhambi ya ulimwengu.”* Je, unafahamu ni wapi dhambi za ulimwengu zilipo? Je, hazipo juu ya mwili wa Yesu Kristo? Ni wapi zilipo dhambi na makosa yote yanayo tudhohofisha sisi hapa ulimwenguni? Yote yalitwikwa juu ya Yesu Kristo. Dhambi zetu zote zipo wapi? Zote zipo juu ya mwili wa yule aliye na mamlaka mabegani mwake; zipo katika mwili wa Mwenyezi Mungu.

## **Dhambi zote kuanzia kuzaliwa hadi kaburini!**

Tunatenda dhambi maishani mwetu mwote. Tunatenda dhambi kuanzia siku tuliyojaliwa hadi tunapofikisha umri wa miaka 20. Niwapi dhambi hizo tunazo tenda tukiwa na umri kati ya miaka 21 hadi 40? Nazo pia zilitwikwa juu ya Yesu. Haijalishi ni miaka mingapi mtu ataishi, dhambi atakazo tenda kuanzia mwanzo wa maisha yake hadi mwisho zilikwisha twikwa juu ya Yesu Kristo. Dhambi zote za wanadamu kuanzia Adamu hadi mtu wa mwisho hapa duniani zilikwisha twikwa juu ya Yesu. Hata zile dhambi za watoto wetu na wajukuu wetu

wote, tayari zimekwisha tikwa juu ya Yesu. Dhambi zote zilitwikwa juu ya Yesu pale alipo batizwa.

Sasa basi, je, bado kunadhambi ulimwenguni? Hapana hakuna hata moja iliyo achwa. Hakuna dhambi iliyo achwa ulimwenguni kwa sababu tunaamini injili njema ambayo Yesu Kristo ametupatia. Je unadhambi moyoni mwako? Hapana. Amina! Tunaamini injili njema ambayo inasema Yesu Kristo alituokoa kwa dhambi zetu zote. Tunamsifu Mwenyeenzi Yesu kwa kufanya kazi hii njema kwa ajili yetu.

Yesu Kristo amerejesha maisha yetu yaliyopotea. Sasa tunaamini injili njema, hivyo tunaweza kuishi na Mungu. Hata wale waliokuwa ni maadui wa Mungu wenye dhambi ambao hawakuwa na jinsi bali kujificha gizani leo hii wataweza kuokolewa toka dhambini mwao kwa kuamini injili njema.

Injili njema hutufundisha kwamba Bwana alitakasa dhambi kwa kusafisha pale alipo batizwa na Yohana, akasulubiwa na kufufuka. Tumekuwa watoto wa Mungu tulio takaswa kwa kuamini injili ya Yesu. Yesu aliutoa mwili wake kuwa sadaka ya dhambi. Yeye Mwana wa Mwenyezi Mungu, ambaye hakutenda dhambi kamwe hata mara moja akiwa hapa duniani alibeba dhambi zote za ulimwengu na kuokoa kila mtu atakaye mwamini. Isaya 53:5 inasema, *“Bali alijeruhiwa kwa makosa yetu alichubuliwa kwa maovu yetu.”*

Yesu alibeba dhambi zote za ulimwengu zikiwemo zote mbili, yaani dhambi ya asili na zakila siku maishani. Hakuacha uovu wowote. Alilipa mshara wa dhambi kwa kifo chake msalabani na kwa hivyo alituokoa sisi sote na dhambi zetu zote. Yesu amesafisha dhambi zote za ulimwengu kwa njia ya injili njema. Tumepata uhai nafsini kupitia Yesu. Wale wote wenyekuamini habari hii njema kamwe si nafsi zilizo kufa tena. Sasa tunauzima mpya wa wamilele kwa kuwa Yesu amesafisha dhambi zote za ulimwengu kwa njia ya injili njema.

Tumepata uhai mpya kupitia Yesu. Sasa tunauzima mpya na wamilele kwa kuwa Yesu alilipa mshahara wote wa dhambi. Tumekuwa watoto wa Mungu kwa kuamini injili njema ya Yesu Kristo.

Je unaamini kwamba Yesu Kristo ni mwana wa Mungu? Je, pia unaamini kwamba ni mwokozi? Ndiyo ninaamini. Yesu Kristo ni uzima kwetu. Tumepata uzima mpya kupitia kwake. Hatima yetu ilikuwa ni kifo kwa sababu ya dhambi na uovu wetu. Lakini Yesu alilipa mshahara wa dhambi kwa njia ya ubatizo wake na kifo chake pale msalabani. Alitukomboza toka utumwa wa dhambi, toka nguvu za kifo na vifungo vya shetani.

Bwana ni Mungu aliyetuokoa toka dhambini na kuwa mwokozi wa yeyote amwaminiye Yesu. Tunapo angalia katika Waebrania 10:10-12, 14 na 18 tunaweza kuona kwamba, Bwana alitutakasa hivyo kwamba, hapatakuwepo tena na hitaji la ondoleo la dhambi. Tunaingia Ufalme wa Mungu kwa kumwamini Yesu. Hatima yetu ilikuwa ni kifo kwa sababu ya dhambi zetu na uovu wetu, lakini leo hii tunaweza kuinga mbinguni na kufurahiya uzima wa milele kwa kuamini ubatizo na damu ya Yesu.

*“Mchungaji mwema huutoa uhai wake kwa ajili ya kondoo” (Yohana 10:11).* Bwana wetu alikuja hapa ulimwenguni kutuokoa kwa dhambi za ulimwengu kwa njia ya ubatizo wake, kifo chake msalabani na ufufuo wake. Pia ametoa awapo wa Roho Mtakatifu ndani ya wale wote wenye kuamini ondoleo la dhambi zao kwa kuamini ukweli huu. Nakushukuru Bwana kwa Injili yako njema ambayo inauwezo wa kuwapa wanaoamini, uwepo wa Roho Mtakatifu ndani yao. Haleluya! Namsifu Bwana. ☒





# MAHUBIRI 8

**Kupitia nani maji ya uzima**  

---

**ya Roho Mtakatifu**  

---

**hutiririka?**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Kupitia nani maji ya uzima ya Roho Mtakatifu hutiririka?

< Yohana 7:37-38 >

**“Hata siku ya mwisho siku ile kubwa ya sikukuu Yesu akasimama akapaza sauti yake akisema, mtu akiona kiu na aje kwangu anywe. Aniaminiye mimi kama vile maandiko yalivyonena mito ya maji yaliyo hai itatiririka ndani yake.”**



Maji ya uzima ya Roho Mtakatifu hutiririka toka mioyo ya wale wote wanao amini injili njema. Yohana 7:38 inasema *“Aniaminiye mimi kama vile maandiko yalivyonena mito ya maji yaliyo hai itatiririka ndani yake.”* Maana yake ni kwamba upo wokovu wa kweli na ondoleo la dhambi kwa wale wote wenye kuamini injili njema ambayo Mungu ametupatia.

Uwepo wa Roho Mtakatifu ndani hutokea wakati gani? Uwepo wa Roho Mtakatifu ndani utaweza kupatikana pale ambapo mtu atakapo sikia na kuamini injili ya kweli ambayo inasema kwamba, Yesu Kristo alibeba dhambi zetu zote

ulimwenguni kwa njia ya ubatizo wake kwa Yohana. Kwanjia hii yeyote ataweza kunywa maji ya uzima ya Roho Mtakatifu. Wale wote wanao amini injili njema ndiyo walio na uwepo wa Roho Mtakatifu. Ndani yao wataweza kushuhudia matokeo ya maji ya uzima wa kiroho yakitiririka na kulowesha mioyo yao iliyokuwa mikavu pale kila mara wanapo hubiri au wanapo sikia neno la Mungu.

Maji ya uzima ya Roho Mtakatifu humiminika nje toka katika mioyo ya wale wanaoamini injili ya maji na Roho ambayo inasema Bwana alikuja ulimwenguni ili kuokoa wale wote wenye dhambi. Roho Mtakatifu ni mkweli asiye tenganishwa na injili ya maji na Roho na hukaa ndani ya watu wanao amini maneno ya Mungu.

Yeyote anayetaka kunywa maji ya uzima ya Roho Mtakatifu lazima apate ondoleo la dhambi zake zote kwa kuamini injili njema ya ubatizo wa Yesu na damu yake msalabani. Maji haya ya uzima ya Roho Mtakatifu huwepo ndani ya mioyo ya wale wote wenyekuamini maneno ya Mungu. Watu wanao amini injili ya maji na Roho ndio walio na maji ya uzima ya Roho Mtakatifu ambayo hufananishwa na mto ufuatao mkondo kupitia mioyo. Hata sasa maji ya uzima ya Roho Mtakatifu hububujika kama maji ya chemchemi ndani ya mioyo ya wale wote walio pokea ondoleo la dhambi kwa kuamini injili njema ya ubatizo wa Yesu Kristo na damu yake msalabani.

Hata hivyo hakuna hata tone moja la maji ya uzima ya Roho Mtakatifu yatiririkayo toka moyoni mwa wale wote wasio amini injili njema ya kweli. Hapo mwanzo sikuwa hata na tone la maji ya uzima yamiminikayo toka moyoni mwangu hadi pale nilipomini na kuikubali injili ya maji na Roho. Kwa wakati huo ingawa nilimwamini Yesu Kristo kwa dhati, hata hivyo sikujua umuhimu wa maji ya uzima ya Roho Mtakatifu, kwa sababu sikuwa na Roho Mtakatifu ndani ya moyo wangu.

Hata hivyo leo hii ninayo injili njema ya maji na Roho, na hivyo maji ya uzima ya Roho Mtakatifu humiminika moja kwa moja toka moyoni mwangu.

Kwa sasa maji ya uzima ya Roho Mtakatifu humiminika toka moyoni mwangu nahata pia kwa wale wote wenye kusikia na kuamini neno la Mungu. Kama vile Yesu alivyo sema *“Yeyote aonaye kiu na aje kwangu nitamnywesha”*. Maji haya ya uzima ya Roho Mtakatifu huwaburudisha watu kupitia wakristo wale walio zaliwa upya mara ya pili kwa kuamini injili njema ya maji na Roho. Kwangu mimi hububujika toka moyoni pamoja na imani yangu katika injili ya maji na Roho hata katika muda huu yakiruhusu wengine kuyanywa. Mungu amefanya maji ya uzima ya Roho Mtakatifu kutiririka toka mioyoni kama mto. Jambo hili ni lakueleweka kwa wale walio na uwepo wa Roho Mtakatifu ndani yao.

Kama ilivyo andikwa katika Ufunuo kwamba hakuna ajuaye usipokuwa wale wote waliompokea Roho Mtakatifu na maji ya uzima, ambavyo ni siri ijulikanayo kwa wale wote tu waliokwisha iamini injili njema ya maji wa Roho. Hivyo yakupasa ujue kwanini Roho Mtakatifu huweka makazi ndani yao. Yakupasa ujue kwamba uwepo wa Roho Mtakatifu ndani hutokea kwa wale tu wanao amini injili ya Yesu.

## **Nilizoea kuamini damu ya msalabani tu.**

Ingawa niliamini damu ya Yesu na msalaba wake kwa muda wa miaka kumi bado dhambi ziliendelea kuwepo moyoni mwangu. Katika muda huo nilikuwa naamini kwamba dhambi zangu zilisamehewa kwa njia ya damu ya Yesu. Hata hivyo sikuweza kupokea msamaha wa dhambi ulio kamili, na hata pia uwepo wa Roho Mtakatifu ndani yangu kwa imani ya aina hii.

Hivyo nilichanganyikiwa nakuwa mtupu moyoni katika maisha yangu. Dalili pekee iliyojitokeza katika imani yangu kwa Yesu ni kuendelea kuhudhuria kanisani.

Hapa ndipo nilipoanza kuiangalia upya imani yangu, “Je, ni kweli nimempokea Roho Mtakatifu?” Mwanzo nilipoanza kuaminii juu ya Yesu, moyo wangu ulikuwa ukitamani upendo wa Yesu na hata nilifikia hatua ya yakuwa na karama ya kunena kwa lugha. Lakini nini kilicho tokea ndani yangu? Niligundua matokeo haya ya hisia kali hayakuwa nidalili ya uwepo wa Roho Mtakatifu ndani yangu, na hivyo sikuwa kabisa nimempokea Roho Mtakatifu huyo. Nilimwamini Yesu, lakini Roho Mtakatifu na maji yake ya uzima haya kuwamo moyoni mwangu.

Haikuwa na umuhimu endapo moyo wangu ulikuwa moto au baridi, kwa kuwa imani yangu ilihusika na mafundisho ya theologia za **4Kikelvini (calvinism)**. Hakika maswali niliyo hitajika kuyajibu yalikuwa ya fuatayo:-

1) Je, Roho Mtakatifu yumo ndani yangu? - Hapana, sina uhakika kama kweli yumo ndani yangu.

2) Je, kunadhambi ndani yangu? -Ndiyo, ipo- Bila shaka ipo dhambi ndani yangu, ingawa ninamwamini Yesu na damu

---

<sup>4</sup> Theologia za Kikelvini (Calvinism) ni mpangilio wa tafsiri za kikristo uliotiliwa msukumo na John Calvin. Ulitilia mkazo kujuliwa tangu asili na wokovu. Vipengele vitano vya Ukelvini (Calvinism) vilitokana na kupinga nafasi ya Waarminia (Arminian).

Ukelvini (calvinism) ulifundisha: - **1) Uharibifu mkuu:** ambapo mwanadamu ameharibiwa na dhambi kwa sehemu yote ya maisha katika mwili, roho, akili na hisia. **2) Upendeleo usio stahiki:** ambapo upendeleo wa Mungu kwa mwanadamu uko wazi kabisa kwa uchaguzi wake binafsi na haumtegemei mwanadamu huyo. Haustahiki kwa mwanadamu. **3) Ondoleo la dhambi lililo na mipaka:** ambapo Kristo hakubeba dhambi za kila mtu aliyeduniani, bali badala yake alibeba za wale tu waliochaguliwa kupata wokovu. **4) Neema isiyo zuilika:** ambapo wito wa Mungu katika wokovu kwa baadhi ya watu hauwezi kupingika. **5) Uvumilivu wa watakatifu:** ambapo haiwezekani wokovu wa mtu kupotea. Katika yote haya utaweza kutambua kwa uwazi tofauti zilizopo dhidi ya injili ya maji na Roho hasa kuhusiana na fundisho la ondoleo la dhambi lililo na mipaka.

yake msalabani. Bado ninadhambi moyoni ingawa ninamwanini Yesu na kusali sala ya toba kilasiku. Dhambi moyoni mwangu haikufutika ingawa nilijaribu.

Nitawezaje kupokea uwepo wa Roho Mtakatifu ndani yangu? Nitawezaje kutakaswa dhambi zangu moyoni? Haya yalikuwa ni maswali yangu mawili yaliyo leta matatizo yaliyo kuwa katika fikra zangu hata baada ya kumwamini Yesu. Nilikuwa nikinena kwa lugha baada ya kumwamini Yesu na pia niliamini kwamba dhambi zangu zilitakaswa baada ya kuisifu imani katika damu ya Yesu.

Hata hivyo kadiri muda ulipo zidi kwenda dhambi juu ya dhambi ziliendelea kurundikana moyoni mwangu. Nilikuwa ni mwenye dhambi. Sala za toba na kufunga kula hakukuweza kutakasa dhambi zangu moyoni pamoja na kwamba nilitegemea damu ya Yesu tu. Nilipatwa na hofu kwa muda mrefu juu ya dhambi za kila siku. Kila nilipozidi kuhofu ndipo nilipo zidi kuhubiri ujumbe wa Yesu kwa kushutumu mbele za watu. Pia nilikuwa nikihudhuria kanisani mara kwa mara na kujitolea nafsi yangu kumtumikia Yesu huku nikiitegemea damu ya Yesu.

Ingawa muda ulivyo zidi kwenda dhambi zangu za kila siku ziliweka kizuizi moyoni kuweza kuwa na imani ya kweli. Ilikuwa ni vigumu kumwamini Yesu kuliko hapo mwanzo. Nilijaribu kuitegemea damu ya Yesu na kuweka mbele juhudi zangu na kuweka mbele zaidi kujitoa kwangu kwa Mungu. Hata hivyo hali ya utupu moyoni mwangu ilizidi kuwa kubwa. Imani ya aina hii ilinifanya ni hisi hali ya utupu na kunyong'onyea, hivyo kunifanya niwe mkristo mnaifiki aliye jali zaidi kuonekana kwa nje. Nilijisemea “kumwamini Yesu kwa njia hii, ndivyo ilivyo hata kwa wengine na sikuwa pike yangu!” Sikuamini kuwa imani yangu ilikuwa ni potofu. Ingawa damu ya Yesu na sala za toba bado hazikuweza

kutakasa dhambi zangu za kila siku.

Sasa basi, kwa imani gani dhambi zangu za kila siku zitaweza kutakaswa? Dhambi zangu za kila siku zitaweza kusafishwa kupitia imani yangu ya kwamba, dhambi zangu zote zilitwikwa juu yake Yesu pale alipo batizwa katika mto Yordani. Hivi ndivyo ilivyoandikwa katika Mathayo 3:13-17. Sasa basi, kwanini dhambi nilizokuwa nikitenda kila siku hazikuweza kutakaswa kwa damu ya Yesu? Sikua nimeifahamu na kuiamini injili ile njema iliyojumuisha maana ya ubatizo wa Yesu.

Je, hii inamaana kuwa dhambi zote za ulimwengu zilisafishwa kwa njia ya ubatizo wa Yesu? Ndivyo ilivyo. Biblia imeshuhudia hilo kwa kusema, *“mtu asipozaliwa kwa maji na kwa Roho, hawezi kuingia Ufalme wa Mungu”* (Yohana 3:3-5). Yesu alikuja hapa ulimwenguni na kukubali kubeba dhambi za ulimwengu kwa njia ya ubatizo wake kwa Yohana.

Bado nilikuwa na wasiwasi juu ya hili nahivyo kuchukua hatua ya kuoanisha Agano la Kale na lile Jipya ili kubainisha jambo hili. Matokeo yake nilipata jibu kuwa nilikuwa sahihi. Dhambi zote za ulimwengu zilitwikwa juu ya Yesu pale alipobatizwa. Hivyo hata dhambi zangu zote nazo pia zilitwikwa kwake katika muda huo. Nita takaswa kwa kupitia imani ya maneno haya. Nikagundua kwamba hilo ndilo neno la kweli kama ilivyo andikwa katika Biblia, na ndiyo injili halisi kwa dunia hii.

Kwa kuongezea niligundua pia kwanini dhambi zangu hazikuweza kufutika kupitia imani katika damu ya Yesu peke yake. Sababu ilikuwa kwamba, sikuwa nimemtwika Yesu dhambi zangu za kila siku pale ambapo sikuwa najua ukweli unaohusu ubatizo wake katika mto Yordani. Mwisho wake nilipata ukweli na kujifunza kwamba Yesu alikuja katika



ulimwengu huu kwa ajili yangu, na hivyo alibeba dhambi zote za dunia kwa ubatizo wake, na ndipo baadaye alisulubiwa ili kutukomboa kwa dhambi zetu zote ulimwenguni. Pia nilijifunza na kuamini ukweli kwamba sababu ya ubatizo wa Yesu na damu yake msalabani ilikuwa ni kuondoa dhambi zote ulimwenguni. Leo hii mimi ni mwenye haki nikishukru kwa imani yangu ya injili njema ya Yesu aliyo tupatia na kwakuwa dhambi zangu zote zimesamehewa.

Hili halikuwa ni fundisho la kanisa ambalo lilifuta dhambi zangu, bali ni ubatizo wa Yesu na damu yake msalabani ndiyo iliyofanya yote haya. Ukweli huu ulikuwa katika injili njema. Niliokolewa na dhambi zangu zote na kuwa mwenye haki si kwa njia ya imani katika damu ya Yesu pekee, bali kwa njia ya imani katika ubatizo wa Yesu na damu yake msalabani, ambavyo ndiyo wokovu wangu.

Jambo moja jingine ninalohitaji kumshukuru ni hili la Roho wa Mungu kuja juu yangu baada tu ya kuanza kuamini injili njema. Hii leo Roho Mtakatifu ameweka makazi ndani yangu, yu pamoja nami akiwa na maneno ya ubatizo wa Yesu kwa Yohana na damu yake msalabani.

Namshukuru Bwana aliye nipatia injili njema na aliyeniruhusu kuhubiri imani hii waliyo kuwa nayo mitume wa Yesu. Mungu amenipa kipawa cha Roho Mtakatifu ambapo kitu pekee nilichoweza kufanya ni kuamini injili njema. Leo hii nimepata fursa ya kuleta ujumbe kwa heshima kubwa na ushahidi kwa watu wote ulimwenguni. Hakika ninachoweza kuwaambia ni kwamba, kuamini damu ya Yesu pekee hakutoweza kufuta dhambi zenu zote kamwe!

Ila ninacho waeleza ni kwamba dhamba, zenu zote hakika zitatakaswa ikiwa tu watu wataamini injili njema ambayo inaongelea juu ya ubatizo wa Yesu kwa Yohana na na damu yake msalabani. Sina aibu hata kidogo mbele ya Mungu ninapo

hubiri injili hii njema ya kuzaliwa upya kwa maji na kwa Roho kwa watu wote ulimwenguni. Namshukuru Bwana. Namshukuru yeye kwa kuniruhusu kunywa maji ya uzima ya Roho Mtakatifu kwa kupitia injili ya maji na Roho.

## **Njia ya Majaribio ambayo huonyesha injili ya kweli ndiyo iliyo ya maji na Roho.**

Je, umekwisha pokea kweli ondoleo la dhambi na uwepo wa Roho Mtakatifu ndani yako? Utawezaje kugundua injili iliyo yakweli? Hapo awali nilifanya uchunguzi kwa watu walio taka kuamini injili njema aliyotupatia Yesu. Mmoja wapo nilimhubiria ujumbe wa damu ya Yesu msalabani. Pia nilimwambia kuwa hatokuwa na dhambi kwa kumwamini Yesu. Yule mwingine nilimhubiria injili njema ya ubatizo wa Yesu kwa Yohana na damu yake msalabani. Matokeo yake ni kwamba yule aliye pokea ondoleo la dhambi kwa kuamini damu ya Yesu, alisema kwamba ilimbidi kundelea kutubu kila mara kwa dhambi zake za kila siku. Lakini yule mwingine aliye amini injili njema ya ubatizo wa Yesu na damu yake, kwa upande mwingine alisema kwamba kwa sasa amekuwa mtu kamili asiye na dhambi.

Alisema kwamba hana tena dhambi moyoni mwake kwasababu ameamini ukweli ambao Yesu alizichukua dhambi zake zote na kuhukumiwa kwa ajili ya dhambi hizo. Na hivyo aliweza kumpokea Roho Mtakatifu toka kwa Mungu kwa sababu aliamini injili njema ambayo inasema, ubatizo wa Yesu kwa Yohana ulisafisha dhambi zote ulimwenguni.

Kwa ndugu huyu kusema kwamba hakuna tena dhambi moyoni, ilikuwa ni kwasababu amepokea Roho Mtakatifu moyoni mwake kwa kupitia imani yake katika injili njema.

Roho Mtakatifu alimpa ushuhuda wa wakusema hana tena dhambi moyoni. Mungu hutoa kipawa cha Roho Mtakatifu ndani ya moyo kwa wale wote wanao amini ubatizo wa Yesu na damu yake msalabani. Roho Mtakatifu huweka makazi kwa watu gani? Roho Mtakatifu hutolewa kama kipawa au zawadi kwa wale wote wanaoiamini injili njema ya ubatizo wa Yesu kwa Yohana, na damu yake msalabani.

Kwa kuangalia lile tendo la ajabu katika siku ile ya pentekoste, kumesababisha watu wengi kutoelewa ukweli juu ya namna ya kumpokea Roho Mtakatifu huku wakiweka kando injili njema. Watu hudhani kwamba, ikiwa wataomba kwa dhati na kumtafuta Roho Mtakatifu ndivyo wataavyoweza kumpokea na kuweka makazi ndani yao. Takribani muda mrefu wakristo ulimwenguni hawakuwahi kuwa na wazo ambalo linasema kwamba, mtu ataweza kumpokea Roho Mtakatifu ikiwa tu ataamini injili njema ya ubatizo na damu ya Yesu Kristo. Hata hivyo leo hii watumishi wengi wa Mungu waliopokea kipawa cha Roho Mtakatifu ndani yao kwa njia ya imani katika injili ya maji na Roho ndiyo wanao ihubiri injili kwa msaada wa Roho Mtakatifu. Matokeo yake ulimwenguni pote wamejifunza injili hiyo na hivyo kupokea Roho Mtakatifu.

Mungu amewezesha watu wale wanao amini injili njema kuweza kuwa na uwepo wa Roho Mtakatifu. Katika biblia inasema *“itakuwa siku za mwisho, asema Mungu, nitawamwagia watu wote Roho yangu, na wana wenu na binti zenu watatabiri; na vijana wenu wataona maono; na wazee wenu wataota ndoto”* (Matendo 2:17). Hata hivyo mtu imempasa aelewe kwamba kujaribu kupokea uwepo wa Roho Mtakatifu pasipo kujua na kuiamini injili njema ni kosa. Hakuna njia nyingine ya kupokea uwepo wa Roho Mtakatifu zaidi ya kuamini ubatizo wa Yesu kwa Yohana na damu yake

msalabani.

Kwa kuwa Mungu anasema kwamba mtu ataweza kuingia ufalme wa mbinguni ikiwa tu atazaliwa upya mara ya pili kwa maji na Roho, napia niwale tu waliozaliwa upya ndiyo watakao weza kuhodhi karama ya Roho Mtakatifu. Hakuna shaka kwamba kila mtu anahitaji uwepo wa Roho Mtakatifu ndani yake ili aweze kuingia Ufalme wa Mbinguni. Utaweza vipi kumpokea Roho Mtakatifu au kuingia katika Ufalme wa Mbinguni ikiwa hautoamini injili njema ya Maji na Roho? Hakuna njia ya kwenda mbinguni bila ya kuiamini injili njema. Utaweza kumpokea Roho Mtakatifu ikiwa tu utaamini injili njema ya ubatizo wa Yesu na damu yake msalabani. Kama vile tunapolipa fedha tunaponunua bidhaa, ndivyo hivyo pia tunavyo weza kupokea uwepo wa Roho Mtakatifu pale tu tunapoamini injili njema.

Nataka kukuambia kwamba ikiwa kweli utahitaji kumpokea Roho Mtakatifu ndani yako ni lazima kwanza ujue na kuiamini injili njema ya maji na Roho na hivyo kuwa na uwepo wake ndani yako.

Naamini injili njema na kadiri muda unavyosogea nahisi kuimarika zaidi na kwamba injili hii njema ambayo Mungu ametupatia ndiyo njema zaidi na yathamani kupita chochote ulimwenguni. Ningependa tushukuru kwakuwa sisi tuliokwisha kupokea Roho Mtakatifu ndani yetu ndiyo tuliobarikiwa zaidi.

Nawapa ujumbe wa namna ya kupokea uwepo wa Roho Mtakatifu ndani yenu kwa njia ya kuamini injili njema. Watu wataweza kuhitimu wenyewe katika kuupokea uwepo wa Roho Mtakatifu ndani yao, ikiwa tu watakubali baraka itakayo tokana na injili njema na kuzaliwa upya kwa mara ya pili katika maji na Roho.

Katika Yohana 7:38 Yesu anasema, *“Aniaminiye mimi kama vile maandiko yalivyonena mito ya maji iliyo hai itatoka*

*ndani yake*". Maana yake ni kwamba, wale wote waliopokea ondoleo la dhambi kwa kuamini injili njema ya Yesu Kristo ndiyo walio na uwepo wa Roho Mtakatifu. Ndani yao. Maji yaliyo hai ya Roho Mtakatifu yata miminika kama mto toka mioyoni mwao. Wale wote wanao amini injili njema watashuhudia kumiminika kwa maji haya ya kiroho toka ndani yao.

Ingawa mwanzoni nilijitolea katika kumwamini Yesu kabla sijazaliwa upya kupitia injili ya maji na Roho, bado sikuona maji yaliyo hai yakitiririka moyoni mwangu. Lakini baada ya kuamini injili njema ndipo maji haya yalipo anza kutiririka moja kwa moja toka moyoni mwangu kama ilivyo andikwa katika Biblia. Hata hivi sasa yanatiririka pamoja na injili ya maji na Roho ambayo Mungu ametupatia. Maji haya hutiririka wakati wote. Uinjilisti wangu ulianza pale punde nilipo pokea uwepo wa Roho Mtakatifu ndani yangu.

## **Ushuhuda wangu baada ya kuamini injili njema na kupokea uwepo wa Roho Mtakatifu ndani yangu.**

Ilikuwa punde tu baada ya mwisho wa majira ya kipupwe katika umri wangu wa miaka ishirini ya mwanzo. Kipupwe hicho hicho hasa ndicho kilichonifanya kuwaza uwezekano wa kifo changu. Maisha yangu katika mwaka huo yaliandamwa na kupagawa; utupu ndani ya moyo na giza kutokana na dhambi ndani ya moyo wangu. Nilielekea pahala pabaya pasipo kuelewa ni njia gani hasa ya kurudia. Mwili wangu ulikumbwa na maradhi pamoja na utupu moyoni uliendelea kukua.

Kwasababu ya dhambi zangu nilikuwa katika hali ya kukata tamaa na sikuwa na uhakika wa chanzo chake. Sikuwa na uchaguzi bali nikusubiri hukumu ya Mungu katika kiamama

kitakacho kuja ghafla maishani mwangu. Nilianza kuomba toba kwaajili ya dhambi zangu. “Oh Bwana nahitaji kupata ondoleo la dhambi zangu kupitia imani yangu kwako kabla ya kufa. Pia nakusihi niponye maradhi yaliyo mwilini mwangu!” Niliomba na kuomba.

Ndipo hapo tumaini jipya lilianza kumiminika toka kina cha moyo wangu ulio kata tamaa. Moyo wangu ulijawa na hamu ya Mungu na uliungua kwa joto kali. Hii haikuwa ni kwa kukata tamaa bali ni tumaini jipya ndilo lililo kuwa likiniunguza kwa joto hilo kama kaa la moto moyoni. Tokea siku hiyo nilianza maisha mapya ya kidini kwa kumwamini Yesu kwamba alikufa msalabani kwaajili ya kuniokoa mimi kwa dhambi zangu.

Haikupita muda baadaye nikapatwa na hali ya kunena kwa lugha. Baadaye niliendelea na hali ya kutokwa na machozi kila nilipoifikiria damu ya Yesu aliyo itoa pale msalabani kwaajili yangu. Nilijawa na shukrani kwakuwa ilikuwa ni kwaajili yangu.

Baada ya tukio hili niliyaacha maisha yangu ya awali na kupata kazi mpya ambayo iliniwezesha kuikumbuka siku takatifu ya Jumapili. Katika kipindi hicho moyo wangu ulijawa na upendo kwa Yesu na kujawa na shukrani zisizo na mwisho kila nikifikiria vile Yesu alivyo mwaga damu yake msalabani katika kuniokoa. Maisha haya ya kidini yalianza kukua ndani yangu huku yakiwa katika msingi wa neno la damu ya Yesu msalabani.

Hata hivyo kadiri muda ulivyo zidi kwenda maisha haya ya kidini yalianza kukumbwa na matatizo kutokana na udhaifu na dhambi za kila siku. Dhambi zangu za kila siku hazikuweza kutakaswa moja kwa moja kwa sababu imani yangu ilikuwa ni katika damu ya Yesu msalabani pekee. Nilijaribu mara kwa mara kujitakasa kila siku kwa kutubu. Hata hivyo sala

nilizokuwa nikiomba huku nikitegemea kupata msamaha wa Mungu hazikuweza kabisa kunitakasa. Yote yalikuwa ni kwasababu sikuweza kuifuata sheria ya Mungu. Sasa basi dhambi hizo za kila siku zilianza kurundikana.

Ingawa sikuweza kujitakasa kwa sala hizo, bado niliendelea kufanya sala za toba. Niliamini kwamba kila wakati nilipotenda dhambi nilikuwa nafursa ya kujitakasa kwa dhambi hizo kwa njia ya kuomba toba na kuvuta hisia kwa kile damu ya Yesu ilicho fanya pale msalabani. Kadiri nilivyo rudia rudia tendo hili kila siku ndivyo dhambi zangu zilivyo zidi kurundikana tokana na udhaifu wangu. Mateso yalizidi kutokana na dhambi hizi.

Nilielekea katika Ukristo wa “kifarisayo”, na hata kufikia kuteuliwa kuwa shemasi na baadaye kuwa mwinjilisti ingawa nilikuwa na mzigo wa dhambi moyoni. Nilikwenda huku na huko nikihubiri injili kila nilipo hisi maumivu ya dhambi zangu za kila siku moyoni huku nikidhani kwamba hii ndiyo iliyo kuwa njia pekee ya kujitakasa. Dhambi zangu za kila siku ambazo ni halisi hazikuweza kutakaswa kwa njia ya imani hii ambayo msingi wake ni fundisho la kutoa nafsi.

Wakati fulani niliwahi kuingia katika mtego wa shetani. Nilihisi kuhukumikiwa kutokana na dhambi zangu halisi na hata kudhani kuwa nilistahili kufa kwa uovu wangu. “Umetenda dhambi, kweli?” Hivi ndivyo shetani alivyo endelea kunihukumu na kunitesa kwa dhambi zangu.

Imani yangu ilikuwa njia panda kuporomoka. Niligundua kwamba nisingeliweza kamwe kutakasa dhambi zangu halisi kupitia njia ya imani ya damu ya Yesu na sala za toba pekee na matokeo yake nilipatwa na mfadhaiko wa kiakili.

Kwa kujifunza theologia za Ukelvini katika seminari, nikawa na hamu ya kujifunza sababu ya ubatizo wa Yesu kwa Yohana. Niliwauliza maprofesa wengi juu ya sababu ya

kubatizwa kwa Yesu na Yohana katika mto Yordani. Lakini majibu yao yalikuwa ni yakunikatisha tamaa na kufedhehesha, pengine huku wakisema alibatizwa ili kuonyesha mfano au kujitangaza kuwa yeye ni mwana wa Mungu. Hata hivyo majibu haya na mengine hayakunitosheleza kiu yangu ya kutafiti.

## **Ukweli wa ubatizo wa Yesu kwa Yohana kulisababisha niigundue injili njema**

Baada ya kipindi changu katika seminari, dhambi zangu zilikuwa bado hazija safishwa, na niliteseka kwa uzito wake kuliko wakati wote. Ndipo siku moja nikaja kuelewa sababu ya Yesu kubatizwa na nikwasababu gani alisema haki yote itakamilishwa kwa tendo hilo. Hii ilikuwa ni injili njema kwangu kuwa dhambi zote zilitwikwa kwake kwa njia ya ubatizo pale mto Yordani. Mungu aliniwezesha kugundua hili kwa njia ya maneno yake.

Baada ya kusoma zaidi maneno ya Mungu, ambamo imo injili njema iliandikwa, mwishowe niligundua ukweli juu ya dhambi zetu zilivyo twikwa juu yake Yesu kwa njia ya ubatizo ule wa Yohana na kuhukumiwa kwake msalabani.

Hapa ndipo nilipo gundua pia kwamba uwepo wa Roho Mtakatifu hakika umenijia. Dhambi zote moyoni mwangu zilisamehewa moja kwa moja baada ya kuigundua na kuiamini injili hii. Zile dhambi zilizokuwa ziki nichanganya na kunikatisha tamaa hakika zote zilisafishwa kwa nguvu ya injili hii njema. Dhambi zile zilizokuwa bado hazija ondolewa ingawa nilijitolea nafsi yangu na kufanya sala za toba nazo zote zilitoweka mara moja. Nampa Bwana shukrani zangu za dhati.

Nasema kweli ninapo shuhudia kuwa dhambi zote za



ulimwenguni zisinge weza kutakaswa kwa damu ya Yesu msalabani pekee. Ubatizo wa Yesu kwa Yohana nao pi ulipelekea ondoleo la dhambi. Sasa kila mtu anapaswa kuelewa na kuamini kwamba dhambi zake zote zilitakaswa kwa msaada wa injili njema ya maji na Roho. Ninauwepo wa Roho Mtakatifu ndani ya kina cha moyo wangu kwasababu niliamini injili hii njema, na neno la Mungu ndilo linishuhudialo juu ya Mwana wa Mungu. Ushuhuda huu ulitosha kabisa kuondoa dhambi zote moyoni mwangu. Nilimpokea Roha Mtakatifu kama hua kutokana na imani yangu katika injili njema.

Tokea siku hiyo, Roho Mtakatifu amekuwa akifanya kazi ndani ya moyo wangu akiniwezesha kutenda kazi za kiroho, kwa maneno mengine, kuihubiri injili njema. Sasa hakuna tena dhambi moyoni mwangu Ubatizo wa Yesu kwa Yohana na damu yake pale msalabani vyote vinabeba ushahidi wa msamaha wa dhambi zangu na kupelekea uwepo wa Roho Mtakatifu ndani yangu. Haleluya! Namsifu Bwana. Roho Mtakatifu kwa upole alijaa ndani yangu kama hua na kuweka makazi toka siku ile nilipo amini injili ya maji na Roho. Alianza kufanya kazi ndani ya moyo wakati mwingine kama hua, hata wakati mwingine kama mlipuko wa moto mkali.

Sasa nawe utaweza kupoke uwepo wa Roho Mtakatifu ikiwa tu utaamini injili hii njema ya maji na Roho. Je, hutaki kumpokea Roho Mtakatifu na kumsifu Mungu kwa kuamini injili ya maji na Roho pamoja nami? Je, hutaki kushirikiana nami katika kuihubiri injili ya maji na Roho ulimwenguni pote? Injili njema ya maji na Roho itakutosheleza na kukupa uwepo wa Roho Mtakatifu. Haki ya Mungu imefunuliwa katika injili toka imani hadi imani. Na hii ndiyo maana uwepo wa Roho Mtakatifu upo kwa njia ya imani katika injili njema ya maji na Roho.

## **Mambo mema Roho Mtakatifu aliyo nifanyia.**

Baada ya kupokea uwepo wa Roho Mtakatifu, nilianza kufanya kazi katika kanisa jipya nikihubiri njili njema. Roho Mtakatifu aliniwezesha kwa nguvu kuihubiri injili hii njema.

Na ndipo muda huo likatokea jambo lifuatalo. Katika mjini nilio kuwa nikiishi, palikuwepo na fundi wa kushona nguo aliye kuwa akifanya biashara na watu toka nje ya nchi. Bwana huyu alikuwa ni shemasi wa kanisa. Siku moja alisimamishwa karibu na hoteli moja jirani kwaajili ya biashara na ndipo alipo ona tangazo letu lililokuwepo karibu na hapo. Alivutiwa kwa mwaliko, na hivyo akajaribu kuwasiliana nami. Alikutana na mimi na kusema kuwa alikuwa akiishi na dhambi kwa muda mrefu. Baada ya takribani muda wa saa tano ya ushauri juu ya injili ya maji na Roho naye, hatimaye akagundua ukweli wa ondoleo la dhambi. Hatimaye akazaliwa upya na pia kupokea uwepo wa Roho Mtakatifu katika muda huo.

Ipo habari nyingine tena iliyo tokea nilipo kwenda kutafuta jengo la kanisa. Nilipata jengo zuri na lakupendeza sana. Lakini katika muda huo sikuwa na fedha ya kutosha kukodi jengo hilo kutokana na ufinyu wa bajeti niliyo ipanga hapo awali. Hata hivyo Roho Mtakatifu alinielea ndani yangu akisema, “Uwe imara na mwenye kujiamini”. Kwa mshangao niliweza kupata jengo hilo na hivyo kuweza kufanya kazi ya Mungu kwa masaa wa Roho Mtakatifu. Roho Mtakatifu aliniwezesha kuihubiri injili ya maji na Roho tokea hapo. Roho huyu ndiye aliyepo ndani yangu hata hivi sasa akinipa uwezo katika kuihubiri injili njema kwa wote. Na nina shuhudia wale wote wenye kuisikiliza na kuiamini injili hii nao watapokea uwepo wa Roho Mtakatifu.

Namshukuru Roho Mtakatifu aliye nipatia uwezo wa kuihubiri injili njema. Najua kuwa hata maishani mwangu pote haitoshi kuandika juu ya yote aliyo yafanya Roho Mtakatifu

juu yangu. Roho Mtakatifu ndiye aniwezesha kuishi huku maji ya uzima yakimiminika bila kikwazo toka moyoni mwangu. Nampa shukrani huyu Roha akaaye ndani yangu.

## **Roho Mtakatifu alipandikiza kanisa lenye kuendana naye kwa njia ya injili ya maji na Roho**

Siku moja nilitoka kwenda nyikani kuihubiri injili njema. Katika muda huo, Mungu aliniongoza katika mji mmoja mdoga na nilikutana na kikundi kidogo cha watu walio kuwa wakimtafuta Mungu. Mungu aliniongoza niwahubirie habari ya injili njema, ambayo hatimaye iliwanwezesha kupokea uwepo wa Roho Mtakatifu kwa kuisikia na kuamini kwao. Hatimaye Roho Mtakatifu aliwaongoza ili wawe watenda kazi nami huku tukishirikiana, na hivyo kusababisha niweze kuihubiri injili hii njema ulimwenguni pote toka wakati huo hadi hivi leo.

Mwanzoni walikuwa ni kundi dogo la watu, wasiomilikiwa na dhehebu lolote la kidini. Walipenda kuishi kwa kuyafuata maneno ya Mungu, lakini bila mafanikio wali omboleza huku wakiomba toba kwa dhambi zao kwasababu walikuwa ni watumwa wa dhambi hizo. Roho Mtakatifu aliniongoza katika kundi hilo la watu katika kuihubiri injili njema. Niliona vile Roho Mtakatifu alivyo weza kututayarisha sisi sote ili kuweza kukutana kwa pamoja. Mungu aliniongoza kuihubiri injili njema kwa kuanzia na somo la mpangilio wa utoaji wa sadaka kama ulivyo andikwa katika kitabu cha Walawi, hivyo waliweza kumpokea Roho Mtakatifu kwa maneno ya injili njema.

Mungu aliwezesha kuwepo kwa kanisa la Roho Mtakatifu tukiwa pamoja nao wale walio iaini injili njema. Mungu aliwateua kuwa wafuasi wa Yesu kwa njia ya injili njema. Kwasasa kondoo wengi wameweza kumpokea Roho Mtakatifu

na kujumuishwa katika kanisa hilo.

Shetani amekuwa akiwalaghai watu toka muda mrefu na ataendelea kufanya hivyo. Yeye huwaambia watu kwamba wataweza kumpokea Roho Mtakatifu kwa njia ya sala za toba, kufunga na kuwekewa mikono. Hakika hili si kweli kabisa. Watu hawato weza kumpokea Roho Mtakatifu kwa njia hii. Njia pekee kwao ni pale watakapo samehewa dhambi zao zote kwa kuamini injili njema ya maji na Roho, ambayo Mungu alitupatia. Na hii ndiyo maana kamili ya kupokea uwepo wa Roho Mtakatifu. Roho Mtakatifu amekuwa akiwaongeza mara kwa mara wafuasi wa Yesu Kristo katika kuihubiri injili njema ili nao wengine waweze kumpokea Roho Mtakatifu.

## **Roho Mtakatifu ametuwezesha kufanya huduma ya uandishi wa vitabu ulimwenguni pote.**

Kwajinsi ile Mtume Paulo alivyo weka kumbukumbu ya injili njema katika nyaraka zake, Roho Mtakatifu aliye ndani ya moyo amekua ni kichocheo kwangu katika kuihubiri na kuieneza injili ya maji na Roho kwa kupitia vitabu. Hii ndiyo sababu ya kuihibiri injili kwa kupitia vitabu vyenye injili njema, ambavyo vinawaongoza wenye kuamini kuweza kumpokea Roho Mtakatifu. Mwanzoni tulianza na vipeperushi vyenye kurasa chache, lakini baadaye punde vitabu vilivyo na injili njema vilianza kutapakaa duniani kote.

Roho Mtakatifu aliye ndani yangu husababisha watu wengi kuweza kujiunga na kanisa baada ya kupaokea msamaha wa dhambi baada ya kusoma vitabu hivyo na kuamini injili njema. Zaidi ya hapo, hutuongoza katika kuihubiri injili hii katika lugha mbali mabali. Hutuongoza kuihubiri injili hii kwa takribani katika nchi zipatazo 150 duniani kote ikiwa pamoja na Marekani.

Roho Mtakatifu ameliwezesha kanisa kuomba kwaajili ya huduma ya umisionari kwa dunia na kutuwezesha kutafsiri injili njema katika lugha mbalimabali na kutuongoza katika huduma ya vitabu ili mataifa yote yaweze kuisikia na kuiamini injili hii. Roho Mtakatifu ameniongoza katika kufanya kazi na wafuasi wapya toka mataifa mengine na kuihubiri pamoja nao injili hii. Nampa shukrani Roho Mtakatifu.

Roho Mtakatifu amenijaza hamasa katika kuihubiri injili hii kule Urusi. Alituingoza katika sala na kutupatia nafasi ya kukutana na wainjilisti wa Kirusi na kuihubiri kwao. Hii ndiyo ilikuwa mara ya kwanza kwao kuisikia injili hii njema. Nao pia waliweza kumpokea Roho Mtakatifu kama sisi, baada ya kuisikia na kuiamini injili njema ya maji na Roho.

Mmoja wao, aliyekuwa ni mwalimu wa chuo kikuu cha Moscow, alitoa ushuhuda ufutao baada ya kusikia injili ya maji na Roho.

“Nilikuwa nikimwamini Mungu kwa takribani miaka 6, lakini nilimwamini pasipo kumwelewa. Hata hivyo, baada ya kusikia juu ya injili njema ya maji na Roho ambayo Mungu alitupatia, nikawa na imani madhubuti na faraja ilinijia moyoni. Hakika namshukuru Mungu. Niliwaza sana hadi pale nilipo weza kuishi maisha yaliyo na imani sahihi katika dini. Maisha yangu hapo awali yalikuwa katika msingi wa imani ya damu ya Yesu aliye kufa kwa ajili ya dhambi zetu. Ingawa sikuwa na ufahamu kuhusiana na Mungu kutakasa dhambi zangu zote.

Ndipo nilipokutana na wachungaji na kuweza kuisikia injili njema mbayo Mungu alitupatia, na kugundua kuwa bado nilikuwa ni mwenye dhambi. Nilijaribu kutafiti juu ya injili hii na pia nini maana ya kuwa mwenye haki. Niligundua kwamba dhambi zangu zilitwikwa juu ya Yesu pale alipo batizwa. Hii ilikuwa ni injili njema. Niligundua pia kuwa si dhambi ya asili tu, bali hata zile za kila siku na zijazo nazo zili hamishwa

kwake kwa njia ya ubatizo wake. Nilipata furaha kuu zaidi kwa kuzaliwa upya mara ya pili baada ya kuisikia na kuiamini injili hii ya kweli”.

Warusi wengi, pamoja na profesa huyu, walimpokea Roho Mtakatifu kwa kuisikia na kuiamini injili njema ya maji na Roho. Kwasasa kanisa la Roho Mtakatifu limepandwa mahala hapo, watu wengi kwa makundi wamekuwa wakiamini injili njema kwa kazi ya Roho Mtakatifu. Ni Mungu diye aliye fanya yote haya, na nampa shukrani za pekee Roho Mtakatifu.

Roho Mtakatifu aliye ndani yangu aliweza kunifanya niwe mkristo aliye zaliwa upya leo hii, kama vile wale wote wanao iamini injili njema ya maji na Roho, na kwasasa naihubiri injili hii ulimwenguni pote. Anawezesha vitabu vyetu vya injili njema kuweza kutafsiriwa kila mara si kwa kiingereza tu, bali hata kwa lugha nyingi mbali mbali ulimwenguni pote. Ametuwezesha kuihubiri ulimwenguni pote. Namshukuru Roho huyu. Nawe pia utaweza kupokea uwepo wa Roho Mtakatifu. Mungu anapenda uwe na uwepo wa Roho Mtakatifu.

Watu wengi hujaribu kumpokea Roho Mtakatifu kwa kuliita jina lake na kusali sala zisizo na kikomo mbele ya Mungu. Hata hivyo, kujaribu kumpokea Roho Mtakatifu pasipo injili njema ya maji na Roho, ambayo Yesu alitupatia, nimakosa makubwa. Kwakusema kwamba mtu ataweza kumpokea Roho Mtakatifu pasipo injili njema ya Yesu ya maji na Roho ni fundisho la uongo.


Je, wafuasi wa Yesu walimpokea Roho Mtakatifu pasipo kuamini injili njema ya Yesu waliyo pewa? Hapana, hakika sivyo. Yakupasa uelewe kwamba nyakati hizi Roho Mtakatifu huweka makazi ndani ya wale tu wano iamini injili ya maji na Roho, na maji ya uzima ya Roho Mtakatifu hububujika toka katika mioyo yao. Hata sasa, maji ya uzima ya Roho Mtakatifu hububujika toka katika mioyo pamoja na injili njema. Haleluya, namshukuru Bwana. ☒

# MAHUBIRI 9

## Injili ya ubatizo wake

---

## iliyo tutakasa




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri



# Injili ya ubatizo wake iliyo tutakasa

< Waefeso 2:14-22 >

“Kwa maana yeye ndiye amani yetu aliyetufanya sisi sote tuliokuwa wawili kuwa mmoja, akabomoa kiambaza cha kati kilichotutenga. Naye akiisha kuondoka ule uadui kwa mwili wake; ndiyo sheria ya amri zilizo katika maagizo ili afanye hao wawili kuwa mtu mpya mmoja ndani ya nafsi yake; akafanya amani. Akawapa njia ya msalaba akiisha kuufisha ule uadui kwa huo msalaba. Akaja akahubiri amani kusema ninyi mliokuwa mbali, na amani kwao wale waliokuwa karibu kwa maana kwa yeye sisi sote tumepata njia ya kumkaribia Baba katika Roho mmoja. Basi tangu sasa ninyi si wageni wale wapitaji bali ninyi ni wanyezi pamoja na watakatifu watu wa nyumbani mwake Mungu Mmejengwa juu ya msingi wa mitume na manabii naye Kristo Yesu mwenyewe ni jiwe kuu la pembeni katika yeye jengo lote linaunganishwa vema na kukua hata liwe hekalu takatifu katika Bwana katika yeye ninyi nanyi mnajengwa pamoja kuwa maskani ya Mungu katika Roho.”



## **Mtoto aliye rithiwa kutokana na ufukara**

Nusu ya karne imekwisha pita tangu toka kuisha kwa vita ya Wakorea, lakini imeacha majeraha makubwa kati ya watu wa nchi ya Korea. Baada ya tukio hili la kivita watoto wengi wadogo walirithiwa kwa mataifa ya ughaibuni, kutokana na jeshi la umoja wa Mataifa lililokuja Korea na kutusaidia kwa juhudi wakati huo, kuzaa na wanawake wa Korea, na hivyo watoto wengi walibaki hawana baba baada ya wao kurudi makwao.

Baadhi ya wengi wa wanajeshi wa Umoja wa Mataifa walikuwa na wanawake na watoto katika Korea, hivyo waliporudi makwao waliwatelekeza nyuma. Wengi wa watoto hawa nao waliachwa na kutelekezwa na mama zao katika nyumba za mayatima na hatimaye ilibidi wapelekwe nchi za ughaibuni kwa nia ya kurithiwa. Hakika ilikuwa ni bahati njema kwa vijana hawa kuweza kupata wazazi walezi na hivyo kulelewa vyema.

Watoto hawa walio rithiwa waligundua ya kwamba walikuwa na utofauti dhidi ya wazazi walio kuwa wakiwalea na hata majirani zao kila walipokuwa wakikuwa kiumri na hivyo kung'amua kwamba walikuwa wamerithiwa toka nchi ya mbali, Korea. “Kwa nini wazazi wangu walinitelekeza?” kwa uchanga wa akili zao watoto hawa hawakuweza kuelewa nini kilicho wapata.

Utundu wao wa kutafiti na chuki dhidi ya wazazi wao wa kweli ulianza kuchipua mioyoni mwao na kutamani kukutana nao. “Nashangaa sijui wazazi wangu wanafananaje? Waliwezaje kunitelekeza? Hivi walitenda hili kwa sababu walikuwa wakinichukia? La hasha labda palikuwepo na sababu ya hili” Labda walikuwa na mengi wasiyo yaelewa na wakati mwingine ilipelekea wewe na chuki kubwa. Na nyakati zingine

walipendelea zaidi kuachana kabisa na mambo haya katika fikra zao. Kabla ya hata kuwa na ufahamu juu ya haya muda ulipita na watoto hawa walikuwa kiumri hata kuwa watu wazima, waliingia katika ndoa na kupata watoto na kuunda familia zao.

Nilitamani kujua juu ya watoto hawa kupitia kipindi maalumu katika mtandao wa hapa wa TV. Katika kipindi hicho, mtoa habari wa TV hiyo alikuwa akimhoji mwanamke mmoja ambaye kwa wakati huo alikuwa akiishi Ujerumani na ambaye aliwahi kurithiwa. Mwanamke huyu alikuwa na umri kati ya miaka ishirini kwa wakati huo na alikuwa akijifunza theologia. Mwanzoni alianza kujizuia kukutana na watoa habari kwa sababu hakupenda mtu yeyote kujua ya kuwa yeye aliwahi kurithiwa. Mtoa habari huyo alimshawishi ya kwamba kukubali kwake ahojiwe kungesadia kuchochea wimbi la waliorithiwa mataifa ya ughaibuni kujua hatima na asili zao. Hatimaye mwanamke huyo alikubali.

Moja ya swali la mwana habari huyo lilikuwa “Utasema nini ikiwa utakutana na wazazi wako halisi?” Mwanamke huyo alijibu “Sielewi kwanini waliniacha nirithiwe. Ningelipenda kuwauliza ikiwa walinichukia. Mama yake mzazi aliyaona mahojiano hayo katika TV. Na hivyo kuwasiliana na kituo hicho cha kurusha matangazo huku akisema angelipenda kukutana na mtoto wake. Na hivi ndivyo alivyo kutana naye tena.

Mama huyo alidamka mapema kuelekea uwanja wa ndege na kusubiri kuwasili kwa binti yake, Binti alipowasili katika sehemu ya kutokea, mama yake alisimama wima na kuanza kulia.

Watu hawa wawili hawakuwahi kukutana uso kwa uso, mara ya kwanza mama alipo mwona binti yake huyo aliye kuwa kiumri ni katika kipindi cha TV. Ingawa walikuwa

wakionge lugha tofauti, waliweza kuongea kupitia mioyo yao, na kupitia hisia nyusoni mwao kwa mawasiliano, Walifanana sana nyuso zao huku mama akiomba msamaha kwa aliyoyafanya. Alichoweza ni kulia tu na kurudia kuomba msamaha.

Mama alimpeleka binti yake huyo nyumbani kwake na kushiriki karamu pamoja ingawa binti aliweza kuongea kijerumani tu na huku mama naye kikorea waliweza angalau kuwasiliana ingawa si kwa maneno. Kwa sehemu fulani kwa kuwa walikuwa ni mama na binti yake hii iliwezesha kwao kuelewana zaidi. Walikuwa na mawasiliano ya kibubu na kujionyesha zaidi kwa nyuso, kushikana na kupapasana nyuso zao na kuzungumza kwa kupitia macho na mioyo yao.

Ulipofika wakati wa binti kurudi Ujerumani, tayari alikwisha kungundua ya kwamba mama yake alikuwa akimpenda. Mwanahabari yule aliyekuwa akiongoza kipindi hicho pia alimuuliza kwa mara nyingi tena swali lile la awali kabla ya kurudi, binti alijibu “Sina haja tena ya kumuuliza mama yangu sababu ya yeye kunitelekeza hadi kufikia kurithiwa. Mama yangu nifukara hata sasa. Matajiri katika nchi hii wanauwezo hata kufikia kumiliki magari ya nje, lakini mama yangu mzazi bado angali akiishi katika ufukara wa kupindukia”. Aliendelea kusema, “Ingawa si kumuuliza mama yangu mzazi juu ya swali hili na sikupata jibu toka kwake, japo nimeweza kung’amua sababu ya yeye kunitelekeza hata kurithiwa ili niweze kuokolewa na ufukara. Na hivyo sikuhi hitaji la kumuuliza juu ya swali hilo, na hivyo wasiwasi wangu na chuki kwasasa vimetoweka moyoni mwangu.”

## **Watu hutengwa na Mungu kutokana na dhambi mioyoni mwao.**

Kwanini tunatengwa na Mungu, na ni kwasababu gani hatuwezi kumjongelea kwa karibu? Yule mwanake aliye rithiwa alikuja kugundua yakwamba mama yake mzazi alimtelekeza hata kufikia kurithiwa ili aweze kumkomboa tokana na ufukara. Nini kingeliweza kututenganisha na Mungu? Jibu ni kwamba, shetani alipo mjaribu mwanadamu kutenda dhambi ndipo hapo dhambi hiyo ilipotutenga na Mungu.

Hapo mwanzo, Mungu alimuumba mwanadamu kwa mfano wake na kumpenda sana kiumbe huyo. Watu waliumbwa wakiwa ni uthibitisho wa pendo lake na hivyo kumiliki uweza mkubwa zaidi ya viumbe wengine. Hata hivyo malaika mpotofu aitwaye shetani aliadhimia kumtenga mwanadamu na Mungu. Shetani alimshawishi mwanadamu ili asiyaamini maneno ya Mungu na hivyo kumfanya ale tunda la ujuzi wa mema na mabaya.

Hivyo mwanadamu akatengwa na Mungu tokana na dhambi zake. Mwanadamu huyu hakumtii Mungu. Hakula tunda la mti wa uzima ambalo huleta uzima wa milele ambalo ndilo Mungu alilomruhusu, badala yake akala tunda lililokataliwa, ambalo lilimpa ujuzi wa mema na mabaya. Matokeo yake akatengwa na Mungu.

Mwanzoni nia ya upendo wa Mungu kwa mwanadamu ilikuwa ni njema. Aliacha utii na hivyo kutengwa naye kutokana na kiburi. Kutokana na dhambi hiyo kukaa ndani ya moyo, hatimaye mwanadamu alitengwa na Mungu. Baadaye mwanadamu alikaa mbali na Mungu kwa muda mrefu na kuanza kulalamika “kwanini Mungu ametutelekeza baada ya kutuumba? Kwa nini alituachia tutende dhambi? Kwa nini

anatupeleka motoni hasa baada ya kutufanya dhaifu? Ingelikuwa ni bora zaidi kama angeliacha kabisa kutuumba hapo mwanzoni.” Nasi pia tunaishi tukiwa na maswali mengi ya aina hii pamoja na utafiti, mashaka na chuki kabla ya kuzaliwa upya mara ya pili.

Nilipo mwona yule mwanamke aliye rithiwa katika kile kipindi cha TV, niligundua ya kwamba, mahusiano kati ya mwanadamu na Mungu nayo ni ya aina hii pia, kati ya yule binti na mamaye. Hakuna dhiki kuu, vurugu, laana au dhambi ya aina yoyote itakayoweza kumtenganisha Mungu na mwanadamu katika mazingira ya aina yoyote. Pia niliweza kugundua pia ingawa uhusiano kati ya Mungu na mwanadamu umewekwa kwa msingi wa upendo, ilikuwa bado si rahisi kutoelewana kutokea kama vile ilivyo kwa yule mama asingeliweza kumtelekeza bintiye kwa chuki.

Hivyo ndivyo nasi Mungu pia hakuweza kututenga kwa sababu ya chuki binafsi bali kwa sababu ya dhambi. Hakuna hata sababu ya Mungu kumchukia mwanadamu na pia mwanadamu kumchukia Mungu. Sote tunapendana. Sababu ya mwanadamu kuendelea kutengwa na Mungu ni kutokana nakuwa ni mwenye dhambi na hasa baada ya kuanguka katika mtego wa shetani.

## **Mungu ametukumbatia kupitia Yesu**

*“Lakini sasa, katika Kristo Yesu ninyi mliokuwa mbali hapo kwanza mmekuwa karibu kwa damu yake Kristo. Kwa maana yeye ndiye amani yetu aliyetufanya sisi sote tuliokuwa wawili kuwa mmoja akakibomoa kiambaza cha kati kilichotutenga naye akiisha kuondoa ule uadui kwa mwili wake ndiyo sheria ya amri zilizo katika maagizo; ili afanye hao*

wawili kuwa mtu mpya moja ndani ya nafsi yake; akafanya amani” (Waefeso 2:13-15). Bwana alibatizwa na Yohana na kubeba dhambi zote za ulimwengu ili kuitimiza amri na sheria ya Mungu. Hapo ndipo alipo mwaga damu yake msalabani ili kuokoa wanadamu kwa dhambi zao na kuruhusu kuweza kukumbatiwa na Mungu. Kwa sasa Mungu anewakumbatia wale wote walio pokea utakaso wake.

Je umekwisha wahi kufikiri jinsi ile ulimwengu ungekuwa bila maji? Siku chache zilizo pita niliwahi kuhudhuria mkutano wa biblia katika mji wa Inchon, moja ya bandari kubwa katika Korea ambamo maji ya bomba yalikuwa yamekatika katika muda huo kwa muda wa siku chache na hivyo nikawaza kuwa, ama kwa hakika watu hawawezi kuishi pasipo maji.

Ikiwa Mungu angeliumba ulimwengu huu pasipo maji kwa mwezi tu, basi ingekuwa vigumu kuishi mijini kutokana na harufu mbaya, uchafu na kiu. Hapa yatupasa kuelewa thamani ya maji Mungu aliyotupatia kama ilivyo maji na umuhimu wake kwa wanadamu, yaani ubatizo wa Yesu aliupokea kwa Yohana pale Mto Yordani ambao hauwezi kuwekwa kando.

Kama Yesu asingelikuja duniani na kubatizwa na Yohana ni kwa namna gani basi wale wote wenye kumwamini Yesu wangeluweza kupokea msamaha wa dhambi? Vile jinsi watu wasivyo weza kuishi pasipo maji, kila mtu ulimwenguni angelikufa kwa dhambi kama Yohana asingelimbatiza Yesu.

Hata hivyo tokea ubatizo wa Yesu kubeba dhambi zetu tunaweza kujionea wenyewe uhakika katika kufahamu kwamba mioyo yetu imetakaswa na kuweza kubarikiwa kwa wokovu, ubatizo wa Yesu ni muhimu kwa imani yetu. Zaidi ya yote ubatizo wake hakika ni muhimu kwetu kuweza kupokea uwepo wa Roho Mtakatifu.

Petro moja kati ya mitume wa Yesu alisema “mfano wa

*mambo haya ni ubatizo, unaowaokoa ninyi pia siku hizi (siyo kuwekea mbali uchafu wa mwili basi jibu la dhamira safi mbele za Mungu) kwa kufufuka kwake Yesu Kristo” (1 Petro 3:21). Kauli hii ya Petro inayosema kwamba ubatizo wa Yesu kwa Yohana mbatizaji na kumwaga damu yake ili kutuokoa sisi sote ulimwenguni ndiyo injili ya kweli.*

Hebu sasa na tutazame kifungu cha biblia juu ya lile birika la shaba katika Kutoka 30:17-21 *“Bwana akanena na Musa na kumwambia. Fanya na birika la shaba na tako lake la shaba ili kuogea, nawe utaliweka kati ya hema ya kukutania na madhabahu nawe utalitia maji. Na Haruni na wanawe wataosha mikono yao na miguu yao humo hapo waingiapo ndani ya boma ya kukutania; watajiosha majini ili wasife. Au hapo watakapoikaribia madhabahu ili watumike kumtekezeza Bwana sadaka ya moto, basi wataosha mikono yao na miguu yao ili kwamba wasife; na neno hili litakuwa amri kwao milele kwake yeye na kwa wazao wake katika vizazi vyao vyote”.*

Ndani ya Hema palikuwepo na birika la shaba, ambalo lilikuwa limewekwa kati ya mahala pa kukutania na madhabahu ambalo ndani mwake lilijazwa maji ya kujikosha. Endapo maji haya yasingelikuwemo Hemani hapo, namnagani basi wale makuhani waliokuwa wakifanya shughuli za utoaji wa sadaka za wanyama wangukuwa wachafu kila mara na kwa wakati wote.

Kiasi gani cha madoa ya damu na uchafu ungeligandamana katika nguo za makuhani hao walio kuwa wakitoa sadaka za wanyama kila siku kwa niaba ya watu, huku wakiwekea mikono yao juu ya sadaka za dhambi na hatimaye kuwauwa kwa kuwa chinja shingo? Ikiwa pasingelikuwemo birika hiko la shaba lenye maji katika hema makuhani wangelichafuka sana.

Na hii ndiyo maana Mungu alitayarisha birika hili la



shaba lenye kuwekewa maji ndani yake ili waweze kuja tena mbele ya Mungu wakiwa na mikono safi. Wenye dhambi hutwika dhambi zao kupitia kuwekea mikono juu ya kichwa cha sadaka ya dhambi na ndipo makuhani humtoa kafara mnyama huyo kwa Mungu kwa niaba yao. Mungu alitayarisha birika la shaba ili makuhani waweze kuingia pahala patakatifu na hivyo basi wakiwa wamejisafisha kwa maji wasiweze kufa. Hata kuhani asingeliweza kuingia katika patakatifu akiwa na madoa ya uchafu na damu za wanyama mwilini. Na ndiyo maana makuhani walijisafisha na kujitakasa uchafu walionao kwa maji yaliyomo katika birika lile la shaba ili waweze tena kujongea mbele ya Bwana baada ya kutoa sadaka kwa niaba ya watu wao.

## **Ubatizo wa Yesu ulisafisha dhambi zote za ulimwengu.**

Kupitia ubatizo wa Yesu kwa yohana pale Mto Yordani dhambi zote za ulimwengu zilihamishiwa juu yake. Na kwa kuzamishwa kwake katika maji kunaashiria juu ya kifo chake na kuibuka kwake toka katika maji kuna wakilisha ufufuko wake. Kwa maneno mengine, Yesu alibatizwa na Yohana ili aweze kubeba dhambi zote za ulimwenguni, kulipia gharama ya dhambi hizo kwa kufa juu ya msalaba. Kifo chake kilikuwa ni kulipa mshahara wa dhambi na ufufuko wake ndiyo utupao uzima wa milele.

Ikiwa hatukuamini ya kwamba Yesu alibeba dhambi zetu zote kwa njia ya ubatizo wake, mioyo yetu itaendelea kujawa na dhambi. Kwa jinsi hiyo basi, tungeliwezaje kujongea mbele ya Mungu? Injili ya ondoleo la dhambi si fundisho la mojawapo ya mafundisha ya madhehebu bali huu ndiyo ukweli

halisi wa Mungu.

Hatuwezi kuiongoza imani yetu pasipo ufahamu sahihi, kwa maneno mengine, hatuwezi kuushinda ulimwengu ikiwa hatujali kuwa Yesu alibatizwa na Yohana. Kama jinsi ambavyo viumbe hai vinahitaji maji ili viweze kuishi, sisi nasi tunahitaji ondoleo la dhambi na maji ya ubatizo wa Yesu ili tuweze kuishi kwa imani na kisha kuingia Ufalme wa Mbinguni. Ilibidi Yesu abatizwe, afe Msalabani, na kufufuka ili kutuokoa toka katika dhambi zetu. Hii ni injili ya maji na ya Roho ambayo ni sharti tuiamini kwa mioyo yetu yote.

Pamoja na kuwa Yesu alisulibiwa hadi kifo pale Msalabani, hakuwa amefanya lolote baya lililomfanya astahili adhabu hiyo. Yesu alikuja hapa ulimwenguni ili kuziosha dhambi zetu, alibatizwa alipokuwa na umri wa miaka 30, na akawa Mwokozi wetu kupitia kifo chake katika Msalabala alipokuwa na umri wa miaka 33. Mungu alihitaji kuwafanya wanadamu kuwa watoto wake bila ya kujali jinsi tulivyokuwa wenye dhambi. Hii ndiyo maana Yesu alibatizwa. Mungu alitupatia ondoleo la dhambi na karama ya Roho Mtakatifu kwa wakati mmoja.

*“Mtu asipozaliwa kwa maji na kwa Roho, hawezi kwamwe kuingia Ufalme wa Mungu” (Yohana 3:3-5).* Unapaswa kufahamu na kuamini kuwa Yesu alibatizwa ili aweze kuziosha dhambi zetu zote. Hata kama mtu fulani ni Mkristo aliyezaliwa upya, kama hatafakari juu ya ukweli kuwa Yesu Kristo alizichukua dhambi zote za ulimwengu kupitia ubatizo wake, moyo wake utachafuka kwa haraka. Kwa sababu sisi ni viumbe wenye mwili, tunajikuta tukichafuliwa na dhambi katika maisha ya kila siku. Ndio maana tunatakiwa kuishi kwa imani kila wakati hali tukitafakari juu ya ubatizo wa Yesu, damu yake, na ufufuko wake. Imani hii inatutegemeza hadi siku ile tutakapoingia katika Ufalme wa Mungu.

Yesu hakuwa na chaguo bali kubatizwa na kufa kwa ajili ya dhambi zetu, hivyo ni lazima tuamini kuwa kwa kufanya hivyo alituletea Wokovu. Hakuna tunachoweza kukifanya zaidi ya kuamini katika injili hii nzuri ili tuweze kukombolewa toka katika dhambi zote za ulimwengu.

Tunamshukuru sana Bwana, aliyetupatia injili ya maji na ya Roho. Zawadi kuu ambayo Mungu alitupatia ilikuwa ni kumtuma Mwana wake pekee kutuokoa toka katika dhambi zetu zote kupitia ubatizo na damu yake.

Sababu iliyotufanya tusiweze kumkaribia Mungu kiasi kwamba tukalazimika kuishi mbali na Mungu ni kuwa tulikuwa na dhambi katika mioyo yetu. Yesu alibatizwa na Yohana ili kuzichukua dhambi zote za ulimwengu na kufa juu ya Msalaba ili kuuvunja ukuta uliokuwa ukimtenganisha Mungu na mwanadamu. Uhusiano kati ya Mungu na mwanadamu ulirudishwa kupitia ubatizo na damu ya Yesu. Tunamshukuru Mungu kwa karama hizi. Upendo wa wazazi wa kimwili kwa watoto wao ni mkubwa, lakini hauwezi kulinganishwa na upendo wa Mungu ambao kwa huo Yesu alituokoa sisi wenye dhambi.

Ubatizo wa Yesu na damu, vyote ni muhimu. Ikiwa pasinge kuwepo na maji katika ulimwengu huu je viumbe wangelikeza kushi? Pasipo ubatizo wa Yesu pasingekuwepo na yeyote asiye na dhambi moyoni. Ikiwa Yesu asingelibatizwa na ikiwa asingeli kufa msalabani hakuna yeyote angeliweza kupokea ondoleo la dhambi. Kwa bahati Yesu alibatizwa na kuweka sadaka ya kiwango cha mwisho kwa ajili yetu. Ingawa tuna mapungufu ya udhaifu bado tunaweza kupokea kipawa cha Roho Mtakatifu kwa kuamini ubatizo na damu yake pale msalabani.

Watu wenye kuamini ubatizo wa Yesu Kristo na kifo chake msalabani wataweza kujongea mbele ya Mungu wakisali

na kusifu. Tunaweza kumsifu Bwana na hata kumwabudu yeye kwasababu tumefanywa kuwa wana kwake. Hii ndiyo neema ya Mungu na baraka. Injili ya ubatizo wa Yesu na damu yake pale msalabani hakika ni ya ajabu. Sote tunaweza kupokea wokovu na uwepo wa Roho Mtakatifu kwa kuamini injili hii njema. ✉

# MAHUBIRI 10

## **Tembea katika Roho!**

---



Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri


# Tembea katika Roho!

< Wagalatia 5:16-26, 6:6-18 >

**“Basi nasema enendeni kwa Roho wala hamtazitimiza kamwe tamaa za mwili kwa sababu mwili hutamani ukishindana na Roho, na Roho kushindana na mwili; kwa maana hizi zimepingana hata hamwezi kufanya mnayotaka. Lakini mnaongozwa na Roho hampo chini ya sheria. Basi matendo ya mwili ni dhahiri ndiyo hayo nayo uasherati, uchafu, ufisadi, ibada ya sanamu, uchawi uadui, ugomvi, wivu hasira, fitina, faraka, uzushi, husuda, ulevi, ulafi, na mambo yanayo fanana na hayo katika hayo nawaambia mapema, kama nilivyokwisha kuwaambia ya kwamba watu watendao mambo ya jinsi hiyo hawataurithi ufalme wa Mungu. Lakini tunda la Roho ni upendo, furaha, amani, uvumilivu, utu wema, fadhili, uaminifu, upole, kiasi; juu ya mambo kama hayo hakuna sheria. Na hao walio wa Kristo Yesu wamesulubishwa mwili pamoja na mawazo yake mabaya na tamaa zake. Tukiishi kwa Roho na tuenende kwa Roho tusijisifu bure tukichokozona na kuhusudiana.”**

**“Mwanafunzi amshirikishe mkufunzi wake katika mema yote. Msidanganyike Mungu hadhihakiwi kwa kuwa chochote apandacho mtu, ndicho atakachovuna. Maana yeye apandaye kwa mwili wake, katika mwili wake atavuna uharibifu; bali yeye apandaye kwa Roho katika Roho atavuna uzima wa milele. Tena tusichoke katika kutenda mema; maana tutavuna kwa wakati wake tusipo zimia roho. Kwa hiyo tupatapo nafasi na tuwatendee watu wote mema; na hasa jamaa ya waaminio. Tazameni ni kwa herufi gani kubwa nimewaandikia kwa mkono wangu mimi**

**mwenyewe! Wote watakao kuonekana ni wazuri kwa mambo ya mwili ndiyo wanao washurutisha kutahiriwa, kusudi wasiudhiwe kwa jili ya msalaba wa Kristo hilo tu. Kwa maana hata wao wenyewe waliotahiriwa hawaishiki sheria bali wanataka ninyi mtahiriwe, wapate kuona fahari katika miili yenu. Lakini mimi hasha nisione fahari juu ya kitu chochote ila msalaba wa Bwana wetu Yesu Kristo ambao kwa huo ulimwengu umesulubishwa kwangu na mimi kwa ulimwengu. Kwa sababu kutahiriwa si kitu wala kutokutahiriwa, bali kiumbe kipya. Na wote watakao enenda kwa kanuni hiyo, amani na iwe kwao na rehema, naamu, kwa Israeli wa Mungu. Tangu sasa mtu asinitaabishe kwa maana nina chukua mwilini mwangu chapa zake Yesu Kristo na iwe pamoja na roho zenu. Amina.”**



Mtume Paulo aliandika juu ya Roho Mtakatifu katika Waraka kwa Wagalatia. Katika Wagalatia 5:13-14 alisema “Maana ninyi, ndugu mliitwa mpate uhuru lakini uhuru wenu usiwe sababu ya kuifuata mwili bali tumikianeni kwa upendo. Maana torati yote imetimilika katika neno moja nalo ni hili, Umpende jirani yako kama nafsi yako”.

Kwa kifupi; ujumbe huu ni kwamba kwa kuwa tumeokolewa na kuwekwa huru toka dhambini kwa kuiamini injili njema tusichukulie uhuru huu kama fursa ya kujiingiza



katika tamaa ya mwili bali kwa upendo ya tupasa kutumikiana wenyewe kwa wenyewe na kuifuata Injili hii njema kwa jinsi Mungu alivyotuokoa kutokana na dhambi zetu zote. Ni vyema kwetu kuihubiri Injili. Paulo alisema pia kwamba *“Lakini mkiumana na kulana angelieni msije mkaangamizana” (Wagalatia 5:15).*

## **Enenda katika Roho Ujazwe Roho Mtakatifu**

Katika Wagalatia 5:16 Paulo alisema *“Basi nasema enendeni kwa Roho wala hamtazitimiza kwamwe tamaa za mwili”*. Na katika mistari ya 22-26 alisema *“Lakini tunda la Roho ni upendo furaha amani, uvumilivu utu wema, fadhili uaminifu, upole, kiasi juu ya mambo kama hayo kakuna sheria. Na hao walio wa Kristo Yesu wa wameusulubisha mwili pamoja na mawazo yake mabaya na tamaa zake.”* Tukiishi kwa Roho Mtakatifu anatumia kutembea katika Roho. Lakini tunaishi katika mwili.

Sisi wanadamu tumezaliwa tukiwa na mwili ambao kamwe hautoweza kuzaa tunda la Roho. Hata kama tukijaribu kutembea katika Roho, asili yetu haitoweza kubadilika. Na ndiyo maana ni wale tu watakao upokea uwepo wa Roho Mtakatifu ndani yao kwa kuamini Injili njema ndiyo watakao weza kutembea katika Roho na kuzaa tunda la Roho.

Biblia inapotuambia kutembea katika Roho inamaana kwamba yatupasa kuihubiri Injili njema ili wengine waweze kusamehewa dhambi zao. Tunapoishi katika Injili ndipo tutakapo za tunda la Roho kwa maneno mengine si swala la kubadilisha asili ya kuzaliwa. Tunda la Roho ni upendo, furaha, amani, uvumilivu, utu wema, fadhili, uaminifu upole, kiasi. Tunda la Roho hutusaidia kuwatumikia wengine kutoka katika

dhambi zao kwa wokovu na kupata uzima wa milele.

## **Tamaa za mwili dhidi ya Matakwa ya Roho.**

Paulo alisema “*Kwa sababu mwili hutamani ukishindana na Roho na Roho kushindana na mwili kwa maana hizi zimepingana, hata hamwezi kufanya mnayotaka*” (Wagalatia 5:17). Kwa kuwa sisi tuliokwisha kukombolewa tuna tamaa za mwili na za Roho kwa wakati mmoja vitu vyote hivi viwili wakati wote huvutana. Matokeo yake ni kwamba kipo kimoja kisicho weza kutosheleza mioyo yetu.

Roho hutufanya kutamani ndani ya kina cha moyo kuihubiri Injili njema na kumtumikia Bwana. Hutufanya kuwa wakereketwa katika kujihusisha na kazi za kiroho. Hutusaidia katika kuwatumikia wengine tokana na dhambi zao katika wokovu kwa kuwahubiria Injili njema ya Mungu.

Lakini kwa upande mwingine matakwa yetu huamsha tamaa za mwili hivi tusiweze kutembea katika Roho. Hii ni vita ya milele kati ya Roho na tamaa za mwili katika kuutumikia mwili. Mwili huweka matakwa yake kinyume na Roho. Vyote hivi kupingana hatakufikia hali ya kutotenda tusiyo penda.

Sasa basi, nini kinachohusika katika kutembea katika Roho? Na ni vitu gani vinavyo mridhisha Mungu? Mungu alisema kwamba kuihubiri na kuifuata Injili njema ndiyo maisha ya kutembea katika Roho. Huwatia moyo wale wote wanao tembea katika Roho na walio na uwepo wa Roho Mtakatifu ndani yao, ili waweze kuzaa tunda la Roho. Kwa Paulo kutuambia kutembea katika Roho ilikuwa ni kutuasa na kutuamuru kutumikia wengine katika wokovu wa dhambi zao kwa kuwahubiri Injili njema. Kutembea katika Roho maana yake ni kuishi maisha ya kumridhisha Mungu.

Ili tuweze kutembea katika Roho tunahitaji kuwa na uwepo wa Roho Mtakatifu ndani yetu. Kabla ya yote yatupasa awali kuiamini Injili njema ambayo Mungu alitupatia ikiwa tunataka kupokea uwepo wa Roho Mtakatifu ndani yetu. Kama hatutoamini Injili njema miayoni mwetu kwa ndani, hatutoweza kupokea uwepo wa Roho Mtakatifu wala kupata wokovu kwa dhambi zetu, ambapo inamaana hatutoweza kutembea katika Roho.

Roho hutuelekeza kuhubiri Injili njema kumtumikia Mungu na kumletea Mungu utukufu. Matakwa hayo huja toka katika moyo ulio jitolea kwa Mungu na kuihubiri Injili njema duniani pote. Pia huja toka katika moyo ulio na hiyari kutenda chochote kinacho hitajika katika kuihubiri Injili njema. Wale wote wanaoamini Injili njema na kumpokea Roho Mtakatifu baada ya kusamehewa dhambi zao ndio watakao weza kutembea katika Roho na kujitolea nafsi zao kuihubiri Injili. Huu ndio urithi wao toka juu.

Wale walio na uwepo wa Roho Mtakatifu ndani yao ndiyo watakao mtii Roho Mtakatifu na kutembea katika Roho, ingawa bado wangali na tamaa za mwili kwa sababu Roho Mtakatifu kaweka makazi ndani yao. Paulo alisema *“Enendeni katika Roho”* Anacho maanisha hapa ni kwamba ni lazima tuihubiri Injili njema ya maji na Roho Mtakatifu ambayo Yesu alitupatia ili tuweze kuwasaidia wengine katika kusamehewa dhambi zao.

Wakati mwingine tunapokuwa tukitembea katika Roho kwa wakati huo pia tunakuwa tukitembea katika mwili. Tamaa ya mwili na matakwa ya Roho huwa katika vita katika maisha yetu, lakini tunacho paswa kuelewa hapa na kugundua kwa uwazi ni kwamba, wale wote walio na uwepo wa Roho Mtakatifu ndani yao lazima waenende katika Roho. Kwa njia hii pekee ndipo tutakapo weza kujazwa na baraka za Mungu.

Ikiwa wale walio na uwepo na Roho Mtakatifu watakataa kuzaa tunda la Roho basi wataishia kuangamia. Hivyo basi matunda yao ni rahisi kuharibika na ya siyofaa, na hapo ndipo ilipo sababu ya kuishi na kutembea katika Roho.

Tumekwisha sikia “*Kutemea katika Roho*” lakini baadhi yetu tunaweza kudhani, “Nitawezaje kufanya hivyo wakati sihisi uwepo wa Roho wa Mtakatifu ndani yangu.” Baadhi yetu tunadhani kwamba tunaweza kugundua uwepo wa Roho Mtakatifu pale tu Mungu anapoonekana na kuzungumza moja kwa moja nasi. Lakini huku ni kuelewa vibaya. Roho hutupa hamu ya kuishi katika Injili njema ya maji na Roho.

Upo muda mwingine tunapokuwa na uhakika ndani yetu lakini hatuwezi kumhisi kwa sababu tunatembea katika mwili, wengi baadhi wanaweza kumhisi Roho Mtakatifu huku wangalia wakitembea katika mwili.

Watu hawa wanafariji miili yao wenyewe na hufanya kama inavyoamuru lakini wanateseka mwishoni kwa sababu ya mahitaji ya mwili ya kuongezeka. hata wale ambao wanaishi ndani ya Roho Mtakatifu huwa wanaishi kulingana na tamaa za miili yao, kwa sababu wanafikiri ni kawaida kufanya hivyo. Lakini wale ambao hujitiisha kwa mwili hatimaye huwa watumwa wa mwili.

Bwana anatuambia tuishi katika Roho maana yake ni kuitumikia Injili njema. Maana yake pia ni lazima tujitolee nafsi zetu kwa dhati katika Injili njema ya maji na Roho. Yatupasa kuishi namna hiyo kwa kujifunza maana ya kuenenda katika Roho. Je, wewe una enenda katika Roho?

## **Je, mtu asiye na uwepo wa Roho Mtakatifu ndani yake ataweza kuenenda katika Roho?**

Wale wote ambao hawajazaliwa upya mara ya pili hawawezi kuelewa nini maana ya kuenenda katika Roho. Hivyo watu wengi hujaribu kumpokea Roho Mtakatifu na kumtamani kwa kupitia njia zao binafsi. Hudhani kwamba tendo la kumtamani ni sawa na kujazwa naye.

Kwa mfano, wakati watu wanapokusanyika katika ushirika fulani kwa ibada, mtumishi kiongozi husali kwa sauti na ndipo kila mtu huanza kulia kwa sauti wakiliitia jina la Bwana. Baadhi yao husikika wakinena kwa lugha utadhani wamejazwa na Roho Mtakatifu lakini hakuna lolote katika hayo kuwa ni kweli, kwani hata wenyewe hawaelewi wanalofanya au kusema. Wakati huo pia baadhi yao huanguka chini hovyoy na miili yao kuanza kutetemeka kwa furaha. Hakika watu hawa huwa wamekumbwa na pepo lakini wao hudhani kwamba ndio wamempokea Roho Mtakatifu. Hapo ndipo hujaa kelele zaidi pale watu wanapo paza sauti ama kulia kwa sauti “Bwana Bwana!” Huita Bwana machozi yakiwatiririka na kupiga makofi. Hali hii isiyo ya kawaida mara nyingi wao husema kuwa ndiyo “kujazwa Roho Mtakatifu”.

Huku mtumishi huyo akinena kwa lugha naye, watu hupiga kelele na kuita “Bwana Bwana!” watu ainia hii hupendelea aina hii ya hali na hata baadhi huanza kushuhudia kuwa wamepata maono juu ya mti wa matunda ya kujua mema na mabaya katika bustani ya Edeni na maono ya uso wa Yesu wakati wa mfidhaiko huo wa aibu. Hukosea katika mambo haya pale wanapo dhani ndiyo kumpokea Roho Mtakatifu au kujazwa naye na kuenenda naye. Matunda haya potofu husababishwa na kutokujua juu neno la Mungu na Roho

Mtakatifu.

Kuenenda katika Roho hivi ndivyo Mungu asemavyo kwa wale tu walio zaliwa upya mara ya pili. Maana yake ni kufanya mambo yampendezayo yeye. Paulo alifananisha matendo ya mwili na lile tunda la Roho Mtakatifu akisema *“Lakini tunda la Roho ni upendo, furaha, amani uvumilivu, utu wema, fadhili, uaminifu, upole, kiasi” (Wagalatia 5:22-23).*

“Kuenenda katika Roho” maana yake ni kuihubiri Injili njema na kuwatumikia wengine kwa wokovu wa dhambi zao. “Tunda la Roho ni upendo, furaha amani, uvumilivu, utu, wema, fadhili, uaminifu, upole, kiasi” na tutaweza kuzaa tunda hili ikiwa tutaishi katika Injili njema. Mtu akihubiri na kuitumikia Injili, akijitoa nafsi yake kwa ajili ya Injili ndipo atakapo weza kuenenda na kuishi maisha ya kujazwa Roho Mtakatifu.

*“Utu wema”* Maana yake matendo mema. Pia maana yake ni mkazo katika kazi njema ya Injili na kufanya jambo kwa faida ya wengine ndiyo utu wema. Jambo kuu lililo jema mbele ya Mungu kati ya yote ni kuihubiri Injili kwa faida ya wengine.

Na “fadhili” ni kuona huruma kwa watu. Aliye na rehema kwa wengine ndiyo hutumikia Injili kwa uvumilivu na kwa fadhili na kupata amani. Anayetembea katika Roho ni mwenye furaha kila anapoonza kazi ya Bwana ikikamilishwa. Hupenda kufanya kazi yake, kuwapenda wengine na kuwa mwanimifu kwa yote. Ingawa hakuna yeyote ambaye amempa jukumu la lazima katika kufanya hilo, aliye na uwepo wa Roho Mtakatifu ndani yake ni mwaminifu kwa kazi yake hadi pale anapokamilisha. Ni muungwana na hujizuia au ni mtu wa kiasi. Mtu huyu ndiye aliye na tunda la Roho. Aliye na Roho Mtakatifu ndani yake imempasa kutembea katika Roho. Anapotenda haya ndipo atakapoweza kuzaa tunda la Roho.

Nawe pia utaweza kuzaa tunda la Roho ikiwa utaenenda

katika Roho. Lakini kama hutoenenda hivyo matokeo yake utaishia kutembea katika tamaa ya mwili. Maandiko yanasema katika Wagalatia 5:19-21 *“Basi matendo ya mwili ni dhahiri ndiyo haya uasherati, uchafu, ufisadi ibada ya sanamu, uchawi, uadui, ugomvi, wivu hasira, fitina, faraka, uzushi, husuda, ulevi, ulafi, na mambo yanayo fanana na hayo katika hayo nawaambia mapema kama nilivyo kwisha kuwaambia ya kwamba watu watendao mambo ya jinsi hiyo hawata urithi ufalme wa Mungu”*.

## Matendo ya kimwili ni bayana

Matendo ya kimwili ni bayana. Moja wapo ya kwanza katika matendo ya kimwili ni *“uasherati.”* Maana yake ni kujiingiza katika mahusiano ya kimwili na jinsia tofauti. La pili ni *“uzinzi”*, Tatu *“uchafu”*, Nne *“tamaa mbaya”*, maana yake tamaa ya mwili, Tano *“ibada ya sanamu”* ambapo maana yake ni kutumikia sanamu kuliko Mungu, Sita ni *“uchawi”*, Saba ni *“uadui”*. Ikiwa mtu hana Roho Mtakatifu hutembea katika mwili, hivyo hatoweza kujizuia kuwa na uadui na wengine kutokana na asili yake. Nane ni *“ugomvi.”* Hii maana yake kuzusha tafrani na marafiki au familia. Mengine ni *“wivu, hasira, husuda na ulafi.”* Yote haya ni dalili ya mtu atembeaye katika mwili.

Kumi ni *“faraka.”* Mtu anapo enenda katika mwili wakati wote si rahisi kwake kufanya kazi katika kanisa na hatimaye ataishia kulihama kwa sababu ya ugomvi. Kumi na moja ni *“uzushi.”* Anaye tembea katika mwili hufanya hivyo ili kuiridhisha nafsi yake na mapenzi yake. Lakini maisha hayo ni tofuati na Injili njema. Uzushi maana yake ni kuugeuzia kisogo ukweli wa biblia. Hapana yeyote aliye na imani katika neno la

Mungu na kutembea katika Roho awezaye kugeuzia kisogo mapenzi ya Mungu. “Husuda, ulevi, uuaji, na mambo yafananayo na hayo katika mwili, mtu hutenda, na ndiyo maana Bwana anasema *“enenda katika Roho.”* Sisi tulio zaliwa upya yatupasa kuenenda katika Roho.

Wale amabao hawajazaliwa upya mara ya pili hawana lolote zaidi ya tamaa ya mwili mioyoni mwao. Ndiyo maana hujihusisa na “uasherati, uchafu ufisadi na ibada ya sanamu.” Watumishi wasio zaliwa upya mara ya pili kujihusisha na *“uchawi”* kwa wafuasi wake ili kuwashawishi kuchangia fedha nyingi. Hugawa madaraka na nafasi kubwa za kanisa kwa wale wote wenye kuchangia zaidi. Wale wote wenye kuishi katika mwili kuchukia wengine. Hugawa makanisa katika madhehebu mengi, kujigamba na madhehebu yao na kushutumu wengine kuwa ni wazushi. Uadui, ugomvi vimo ndani ya mioyo ya wale ambao hawajazaliwa upya mara ya pili. Na hii itawezekana kwetu pia ikiwa tutatembea katika mwili.

## **Roho ndiye imwezeshaye Mkristo aliye zaliwa upya mara ya pili kuzaa tunda la Roho Mtakatifu**

Wale wote waliozaliwa upya mara ya pili emewapasa kuishi huku wakihubiri Injili njema. Kama ilivyo vigumu kumfuata Bwana tukiwa peke yetu, nilazima tuifanye kazi ya kuitumikia Injili njema kwa kujiunga na kanisa la Mungu. Imetupasa kusali na kuomba kwa pamoja na kujitolea nguvu zetu, kuwa watu tunao tembea katika Injili njema ya Roho. Watu wenye kutembea katika Roho huishi huku wakiihubiri injili ya maji na Roho. Kwa maneno mengine, kutembea kwa kuufuata mwili maana yake ni kuishi maisha binafsi, hali kuenenda katika Roho maana yake ni kutumika katika wokovu



wa nafsi nyingine. Wengi wa Wakristo walio zaliwa upya, huishi maisha mema. Huishi kwa kuwatendea mema wengine.

Ipo idadi kubwa ya watu duniani ambao bado kabisa hawajapata kuisikia Injili njema. Tunawapenda watu wa Afrika na Asia. Tunampenda kila mmoja katika Ulaya na Amerika pamoja na visiwa vyake. Yatupasa kuonyesha upendo kwa kuitambulisha Injili ya maji na Roho kwao.

Yatupasa kuenenda katika Roho. Hapana sheria katika hili *“Tunda la Roho ni upendo furaha, amani, uvumilivu, utu wema fadhili, uaminifu, upole, kiasi, juu ya mambo kama hayo hakuna sheria” (Wagalatia 5:22-23)*. Je, kuna sheria yeyote iliyo kinyume na hili? Hapana hii ni sheria ya Roho ambayo imetupasa kuitii. Paulo anatueleza kuenenda katika Roho. Kama vile Bwana wetu alivyo toa uhai wake kwa ajili ya wenye dhambi yatupasa pia nasi kuihubiri Injili yake kwa wengine. Kutumikia wengine katika wokovu wa dhambi zao ndiyo kuenenda katika Roho.

Paulo alisema katika Wagalatia 5:24-26 *“Na hao walio wa Kristo Yesu wameusulubisha mwili pamoja na mawazo yake mabaya na tamaa zake. Tukiishi kwa Roho na tuenende kwa Roho. Tusijisifu bure tukichokozana na kuhusudiana”*. Yatupasa kuishi kwa kutumikia nafsi zilizo potea katika wokovu na ndiyo kuenenda katika roho. Roho Mtakatifu amabaye Mungu alitupatia hutuongoza katika kuishi na Yesu Kristo moyoni.

Paulo alisema *“Na hao walio wa Kristo Yesu wameusulubisha mwili pamoja na mawazo yake mabaya na tamaa zake” (Wagalatia 5:24)*. Pia alisema kwamba wale walio zaliwa mara ya pili wamekufa pamoja na Yesu Kristo. Wale walio zaliwa mara ya pili ni kweli tayari wamekwisha kufa na Yesu. Hatuelewi hili kwa wakati mwingine, lakini ukweli ni kwamba tumekufa na Yesu Kristo. Kusulubiwa

maana yake ni wewe na mimi kufa naye msalabani. Kifo chake ni kifo chetu na ufufuo wake ni alama ya uhakika wa kufufuka kwetu pia. Wewe na mimi tunaishi na kufa katika Yesu Kristo kwa njia ya Imani. Yatupasa kuwa na Imani. Imani yetu hutuongoza katika kuenenda katika Roho.

Mungu ametupa nguvu katika kuenenda katika Roho. Hivyo sisi tuliokwisha samehewa dhambi zetu zote imetupasa kushukuru kwamba dhambi zetu zote zilisamehewa na hivyo kujitolea katika kuihubiri Injili njema kwaajili ya wokovu wa walio potea. Ingawa mtu amesamehewa dhambi zake na kuzaliwa upya mara ya pili, ataweza kuwa mbali na kanisa la Bwana na kushindwa kumtumikia yeye ikiwa ataishi kwa kuifuata tamaa ya mwili. Mimi na wewe imetupasa kuishi kwa Injili ya maji na Roho hadi mwisho wa ile siku ya Bwana Yesu Kristo.

## **Tusijisifu bure kamwe bali tuenende kwa ukamilifu wa Roho Mtakatifu**

Paulo alisema nini maana ya neno *“kujisifu bure?”* Ni kuenenda kwa tamaa ya mwili. Wapo watu wengi duniani wanao enenda wakijisifu bure nafsi zao. Watu wengi kujilimbikizia fedha, kutamani ukuu, kupenda mambo mazuri ya dunia na kuishi kwa mtazamo wa mahala alipo kwa wakati uliopo tu. Hakuna uaminifu katika hili hivyo wataoza na kuangamia kadiri siku zinavyo kwenda. Na ndiyo maana watu wanaoenenda katika mwili huitwa wapenda sifa za bure. Hata kama watu wanautajiri, je, ipo amani na kutosheka mioyoni mwao? Tunda la mwili hatimaye ni kuoza. Vitu vya dunia havina faida kwa roho za wengine bali kwa yule aliye navyo tu. Vinafaida kwa yule tu anaye enenda kwa mwili.

Biblia inasema “*Kuna atawanyaye, lakini huongezewa zaidi kuna azuiaye isivyo haki lakini huelekea uhitaji*” (Methali 11:24). Wale ambao bado hawajazaliwa upya mara ya pili hujaribu kujilimbikizia fedha kupita kiasi. Kwa kuwa vitu vya dunia ni kipaumbele kwao, hawana nafasi kabisa katika kuwajali wengine. Na ndiyo maana hutaka na kujali zaidi maisha yao. Lakini Biblia inasema kwamba kuna azuiaye isivyo haki lakini kuelekeza uhitaji na hivyo kumfanya fukara. Watu huenenda kwa tamaa ya mwili, lakini matokeo yake ni sawa na kukumbana uso kwa uso kwa kujibamiza katika mlango wa chuma na kufa. Mwisho wa yote haya ni matokeo ya kujisifu bure.

## **Wale wanaopenda kufuata matamania ya Roho.**

Paulo alipenda kuishi maisha katika Roho. Na alifanya hivyo. Alitufundisha kuishi vyema kwa njia ya neno la Mungu. Alisema katika Wagalatia 6:6-10 “*Mwanafunzi na amshirikishe mkufunzi wake, msidanganyike, Mungu hadhihakiwi; kwakuwa chochote apandacho mtu ndicho atakacho vuna, maana yeye apandaye kwa mwili, katika mwili wake atavuna uharibifu; bali yeye apandaye kwa roho katika roho atavuna uzima wa milele. Tena tusichoke katika kutenda mema maana tutavuna kwa wakati wake tusipozimia roho. Kwa hiyo kadiri tupatavyo nafasi na tuwetendee watu wote mema, na hasa jamaa ya waaminio.*”

Paulo aliwashauri wale wote walijualo neno la Mungu wawashirikishe mambo mema waalimu wao. Hapa “mema” alimaanisha kumfurahisha Bwana kwa kutumikia Injili kwa nafsi zilizo potea kwa njia ya kuenenda katika Roho kwa kuihubiri Injili njema.

Wale wote waliozaliwa upya mara ya pili imewapasa kuwaunga mkono wanao fundisha na kuenenda katika Roho huku wakiwa na lengo moja, upendo na hukumu moja. *“Amshirikishe mkufunzi wake katika mema yote”*. Mambo haya *“mema”* ni katika kutumikia Injili kwa ajili wengine waweze kuokoka kwa njia ya kanisa. Paulo ametuambia tufanye kila jambo kwa nia moja katika sala moja na katika kujitolea pamoja. Yatupasa kufanya kazi ya Bwana pamoja.

Paulo alisema *“Msidanganyike Mungu hadhihakiwi kwa kuwa cho chote apandacho mtu ndicho atakachovuna”* hapa neno *“dhihaka”* maana yake kungo’ng’a au *“kuzomea kwa ishara ya dharau na kejeli.”* Hivyo *“Msidanganyike Mungu hadhihakiwi”* maana yake ni kusema usimngo’ng’e au kumzomea au kumdhihaki Mungu. Kwa mfano mtu asilichukulie neno la Mungu kijuu juu kutafsiri kwa maneno yake na hata kushindwa kuamini. Paulo alisema *“kwa kuwa chochote apandacho mtu ndicho atakachovuna”* Maana yake ni kwamba apandaye mwili atavuna uharibifu lakini apandaye Roho atavuna uzima wa milele na wokovu wa dhambi zake. Tutavuna tunda la Roho kwa kuongoza nafsi za wengine kuelekea katika ukombozi kwa dhambi zao na uzima wa milele kupitia baraka za Mungu.

Lakini vipi kuhusu wale wanaoenenda katika mwili? Huvuna uharibifu na hatimaye hakuna jingine zaidi ya kifo. Hakuna la zaidi kwao baada ya kifo. Mwanadamu amezaliwa mikono mitupu na hufa akiwa mikono mitupu.

Akifanya kazi kwa ajili ya wokuvu wa wengine basi ataweza kuvuna tunda la Roho na uzima wa milele. Lakini akiendelea kuenenda katika tamaa za mwili ataishia kuvuna uharibifu. Atavuna laana na moja kwa moja kuirithisha laana hiyo kwa wengine.

Hivyo Paulo ambaye alifahamu mengi juu ya kuenenda

kwa imani alishauri kwetu tusienende kulingana na mwili. *“Tena tusichoke katika kutenda mema maana tutavuna kwa wakati wake tusipozimia roho”* Paulo alikuwa mtumishi wa Mungu aliyeenenda katika Roho.

Pindi watu wanapoona katika Biblia swala la kuenenda katika Roho, baadhi wanaweza kudhani Roho Mtakatifu atawaagiza moja kwa moja kufanya mambo kama vile *“Paulo nenda kulia na ukutane na mtu fulani”* au *“imekupasa umwepuke mtu huyu”* lakini hivi sivyo kweli.

Alienenda katika Roho kwa kuihibiri Injili ya wokuvu kwa wengine na kusaidia katika wokovu wa nafsi zao. Paulo pia alimtumikia Bwana kwa kujiunga na wengine ambao nao walienenda katika Roho. Kati ya wakristo, wapo watu wasio enenda katika Roho bali kulingana na tamaa za miili yao. Hawakumkaribisha Paulo bali walimpinga na kumsingizia uongo. Paulo alisema hakuhitaji chochote kutoka kwao hao walio mpiga vita na kuwasingizia uongo wafuasi wa Yesu Kristo.

Ikiwa unataka kuenenda katika Roho yakupasa uifuate Injili siku zote. Walimuudhi Paulo. Katika Wagalatia 5:11 inasema *“Nami ndugu zangu ikiwa na hubiri habari ya kutahiriwa kwa nini ningali nina udhiwa? Hapo kwazo la msalaba limebatilika!”* Waliotahiriwa walikuwa ni wale walioshindania desturi ya tohara wakisema *“Ingawa mtu atazaliwa upya mara ya pili kwa Imani katika Yesu inampasa atahiriwe. Ikiwa hatotahiriwa govi lake kamwe si mwana wa Mungu”* Kwa nini walimuudhi? Ni kwasababu Paulo aliamini kwamba ukombozi na baraka ya uzima wa milele ilikuja kwa imani tu ya ubatizo wa Yesu na damu yake msalabani, na hili ndilo basi alilokuwa akililhubiri siku zote.

Imani ifanyayo watu waweze kuwa wenye haki huja toka kwa kujifunaza ukweli na kuuhubiri ukweli huo. Paulo

alichukulia ukweli juu ya maji na Roho kuwa ndiyo muhimu zaidi ya yote. Aliamini kwamba wale wote walio kwisha elewa ukweli waliweza kuenenda katika Roho na hivyo hapakuhitajika kwao kutahiriwa na hivi ndivyo alivyo hubiri.

Lakini wale waliotahiriwa waliamini tohara kuwa ni sehemu muhimu katika imani binafsi ya wokovu. Hata hivyo hakuna Injili zaidi ya ile iliyoshushwa na Mungu na hivyo imetupasa tusingeze chochote au hata kuondoa chochote katika hiyo.

Wakati Paulo alipoenenda katika Roho, alidharauliwa na kuudhiwa na Wayahudi wenzake. *“Wote watakao kuonekana ni wazuri kwa mambo ya mwili, ndio wanaowashurutisha kutahiriwa; makusudi wasiudhiwe kwa ajili ya msalaba wa Kristo; hilo tu kwa maana hata wao wenyewe waliotahiriwa hawaishiki sheria bali wanataka ninyi mtahiriwe, wapate kuona fahari juu ya miili yenu. Lakini mimi, hasha nisione fahari juu ya kitu cho chote ila msalaba wa Bwana wetu Yesu Kristo ambao kwa huo ulimwengu umesulubishwa kwangu na mimi kwa ulimwengu kwa sababu kutahiriwa si kitu, wala kutokutahiriwa bali kiumbe kipya”* (Wagalatia 6:12-15). Na Paulo alisema kwa waliotahiriwa. *“Wote watakao kuonekana ni wazuri kwa mambo ya mwili, ndio wanaowashurutisha kutahiriwa; makusudi wasiudhiwe kwa ajili ya msalaba wa Kristo.”*

Paulo aliwakemea wale waliokuwa wakienenda katika tamaa ya mwili. Katika nyakati za Matendo ya Mitume na palikuwepo na watu wengi kama hao. Lakini Paulo alikataa mahusiano nao. Paulo alisema *“Lakini mimi hasha nisione fahari juu ya kitu cho chote ila msalaba wa Bwana wetu Yesu Kristo”*. Yesu Kristo alibatizwa na Yohana ili kubeba dhambi zote za ulimwengu na kufa msalabani katika kumwoko Paulo na watu wote kwa jinsi Mungu atakavyo waita. Paulo alisema

*“Ulimwengu umesulubishwa kwangu, na mimi kwa ulimwengu, kwa sababu kutahiriwa si kitu wala kutotahiriwa bali kiumbe kipya”* Paulo alikuwa amekufa kwa ulimwengu na kuishi kupitia Yesu Kristo tena.

Ukweli ni kwamba, nasi pia tunakufa katika Yesu Kristo. Lakini wakati mwingine tunasahau juu ya ukweli huu. Yatupasa kuamini hili kama hatuna imani ya ukweli huu. Tutakuwa tumefungwa kwa tamaa za mwili na familia zetu na hata kutuzuia kuenenda na Bwana. Miili yetu ni dhaifu kiasi kwamba hata familia zetu haziwezi kutusaidia katika kumfuata. Ni yeye Bwana tu ndiye awezaye kutusaidia. Lakini sasa tumesulubiwa na ulimwengu. Watu walio kufa watawezaje kusaidia watu wa ulimwengu kwa mambo ya ulimwengu? Watu waliokufa katika dunia hii hawawezi kamwe kuhodhi vitu vya duniani.

Yesu alifufuka, na ufufuo wake ndio uliotuwezesha kuzaliwa upya mara ya pili katika maisha mapya kiroho. Sasa leo hii unayo kazi mpya, familia mpya na tumaini jipya. Sisi ni watu tulio zaliwa upya mara ya pili. Tukiwa kama askari wa mbinguni tunajukumu la kulihubiri neno la Mungu. Paulo alikiri kwamba alikuja akiwa mtu wa kusaidia wengine katika kuupata wokovu si kwa njia za kimwili bali kwa kupitia njia za kiroho. Alisema kwamba yeye yu tayari amwekwisha kufa na kuzaliwa upya kwa njia ya Yesu Kristo. Tujibidishe ili tuwe watu tutakao thubutu kutoa tamko la imani zetu kama yeye.

Paulo alisema katika Wagalatia 6:17-18 *“Tangu sasa mtu asinitaabishe kwa maana ninachukua mwilini mwangu chapa zake Yesu. Ndugu zangu neema ya Bwana wetu Yesu Kristo na iwe pamoja na roho zenu Amina.”* Paulo alichukua mwilini alama za Bwana Yesu. Kutojali juu ya afya yake kwa ajili ya Bwana ndiko kuenenda katika Roho. Hakuweza hata kuandika pale alipoanza kuingiwa na upofu hatua kwa hatua. Hivyo

baadhi ya nyaraka zake nyingi ziliandikwa na washirika wake kama vile Tito pale alipokuwa akiongea maneno ya Mungu. Ingawa kimwili alidhoofika bado alikuwa ni mwenye furaha hata kuweza kuenenda katika Roho na kusema *“Kwa hiyo hatulegei bali iwapokuwa utu wetu wa nje anachoka, lakini utu wetu wa ndani unafanywa upya siku kwa siku” (2 Wakoritho 4:16).*

Paulo anatushauri tuwe wema kwa watu ambao nao huenenda kwa Roho. Pia anasema “Kuenenda katika Roho maana yake ni kuishi maisha ya kuieneza Injili” mimi na wewe ni lazima tuelewe kwamba, nini maana ya kuenenda katika Roho. Tusihangaikie katika kutafuta mambo yasiyo na maana na badala yake tuitumikie na kuishi katika Injili. Hebu na tuenende katika Roho kwa imani maishani mwetu pote.

Sasa basi kwa kuamini Injili ya maji na Roho, Roho wa kweli yumo ndani ya mioyo yetu kwa furaha Mungu atajibu punde tunapo omba kulingana na Injili. Kuzaa tunda la Roho maana yake ni kuenenda katika Roho na kusaidia katika ukombozi wa nafsi nyingine. Utaweza kuzaa tunda la Roho ambamo kuna upendo, furaha amani, uvumilivu, utu wema, fadhili uaminifu, upole kisasi, pale unapo enenda katika Roho na kuishi katika Injili. Kuihubiri Injili ya maji na Roho lazima utaabike, uvumilie, ufanye mema na kutenda mazuri kwa nafsi zinazopotea.

Tunda la Roho huzaliwa kwa wale wote wanaojishughulisha katika kazi ya kuokoa nafsi zipoteazo kwa kuwatendea mema na kuwahubiria Injili ambayo huwawezesha kumpokea Roho Mtakatifu. Haya yote hutokea katika kuzaa tunda la Roho na kuenenda katika Roho. ☒



# MAHUBIRI 11


**Kutunza maisha yaliyo**

---

**na ujazo wa Roho**

---

**Mtakatifu ndani yako**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# **Kutunza maisha yaliyo na ujazo wa Roho Mtakatifu ndani yako**

**< Waefeso 5:6-18 >**

**“Mtu asiwadanganye kwa maneno yasiyo na maana kwa kuwa kwasababu ya hayo hasira ya Mungu huwajia wana wa uasii. Basi msishirikiane nao kwa maana zamani ninyi mlikuwa giza bali sasa mmekuwa nuru kwa kuwa tunda la uhuru ni katika wema wote na haki na kweli mkihakiki ni nini impendezayo Bwana. Wala msishirikiane na matendo yasiyozaa ya giza, bali myakemee kwa kuwa yanayo tendeka kwao kwa siri ni aibu hata kuyanena. Lakini yote yaliyo kemewa hudhihirishwa na nuru maana kila kilichodhihirika ni nuru. Hivyo husema amka wewe usinziaye, ufufuke katika wafu na Kristo atakuangaza. Basi angalieni sana jinsi mnavyoenenda si kama watu wasio na hekima bali kama watu wenye hekima mkiukomboa wakati kwa maana zamani hizi ni za uovu. Kwasababu hiyo msiwe wajinga bali mfahamu ni nini yaliyo mapenzi ya Bwana, Tena msilewe kwa mvinyo ambamo mnaufisadi bali mjazwe Roho.”**



Ili “kuyatunza maisha yaliyo na ujazo wa Roho Mtakatifu” ni lazima tujitolee katika kuihubiri injili. Ili kuishi maisha yaliyo na ujazo wa Roho Mtakatifu yatupasa kwanza kupokea baraka ambayo ndiyo huleta uwepo wa Roho Mtakatifu ndani ya mioyo yetu. Ili kupokea uwepo wa Roho Mtakatifu ni lazima tuwe na imani ambapo ni kuamini injili ya maji na Roho Mungu aliyotupatia na kwa kuwa na imani hii tutapokea baraka ambayo humfanya Roho Mtakatifu kuweka makazi ndani yetu.

Je, wale wote walio na uwepo wa Roho Mtakatifu ndani yao wanahitaji ujazo wa Roho Mtakatifu maishani mwao? Bila shaka wanahitaji lakini kwanini sasa baadhi yao wanashindwa kuishi maisha hayo? Sababu ni kwamba shida zao huwekwa kipaumbele zaidi ya kazi za Mungu kwamaana hiyo hawawezi kutembea naye. Ili kutunza maisha ya ujazo wa Roho Mtakatifu yatupasa kujifunza na kuamini maneno ya Mungu. Kwanza ya yote hebu tuone katika Biblia ilitupate ni aina gani ya maisha na imani itupasayo kuwa nayo.

## Ni kwasababu gani baadhi ya watu hawawezi kuishi maisha yaliyo na ujazo wa Roho Mtakatifu?

Kwanza tumeweza kusema kwamba ni kwasababu hawawezi kujikana. Biblia husema ni wale tu watakao jikana nafsi zao ndiyo pekee watakao tembea na Bwana kwa kuwa mafanikio ya maisha ya ujazo wa Roho Mtakatifu hayawezekani kwa njia ya nguvu binafsi. Basi kila mtu lazima awe na imani ya uwepo wa Roho Mtakatifu ili kujikana nafsi. Hata kwa wale wote walio na uwepo wa Roho Mtakatifu ni vigumu kwao hujikana nafsi zao pasipo kujihusisha na mambo ya Ufalme wa Mungu. Hivyo maisha ya ujazo wa Roho Mtakatifu yanatulazimu kuitumikia injili ya maji na Roho na ndipo tu hapo mtu atakapo ikana nafsi yake akiwa mtumishi wa haki.

Katika Mathayo 16:24-26 inasema “*Wakati huo Yesu aliwaambia wanafunzi wake mtu yeyote akitaka kunifuata na ajikane mwenyewe ajitwike msalaba wake anifuata kwa kuwa mtu atakaye kuiokoa nafsi yake ataipoteza na mtu atakayepoteza nafsi yake kwa ajili yangu ataiona. Kwani atafaidi nini mtu akiupata ulimwengu wote na kupata hasara ya nafsi yake? Ama mtu atatoa nini badala ya nafsi yake?*”

Sababu ya baadhi ya watu walio zaliwa upya mara ya pili hawawezi kuishi maisha ya ujazo wa Roho Mtakatifu ni kwamba hushindwa kuzikana tamaa za miili yao. Hata wale walio na uwepo wa Roho Mtakatifu pia nao wataweza kuendelea kujazwa ikiwa tu watazikana tamaa za miili yao. Zipo nyanja nyingi za maisha ya kimwili ambazo ni lazima tuzikane ili kuweza kumfuata Bwana. Bwana alisema “*Na ajikane mwenyewe ajitwike msalaba wake anifuata*”.

Kufuata ya mwili ni mauti lakini kufuata ya rohoni ni uzima na amanini. Wale wenye kutamani kueneda katika roho

imewapasa kuyakana maisha ya kimwili. Ni wale tu wanao thubutu kujitoa nafsi zao ndiyo watakao weza kuishi maisha ya ujazo wa Roho Mtakatifu. Huu ndiyo ukweli juu ya ujazo wa Roho Mtakatifu.

Kipi upendacho kufuata, kumfuata Bwana au dunia? Kulingana na uchanguzi wako maisha ya ujazo wa Roho Mtakatifu au maisha ya tamaa ni hiyari yako. Ikiwa kweli unataka kuishi maisha ya ujazo wa Roho Mtakatifu ni mapenzi yako. Mungu alituokoa toka dhambi zetu zote na kutupatia zawadi ya uwepo wa Roho Mtakatifu lakini hili ni hiyari yako kuchagua kati ya kuishi maisha ya ujazo wa Roho Mtakatifu au la! Kwa maneno mengine maisha ya ujazo wa Roho Mtakatifu Mungu hayaweki wala kuyachagua hatima yake mbeleni kwa ajili yako. Maisha ya ujazo wa Roho Mtakatifu hutegemea na utashi wetu sisi tunao iaminia injili njema ya maji na Roho.

## **Nilazima uwe na utashi ili kuweza kuishi maisha ya ujazo wa Roho Mtakatifu.**

Ikiwa utakuwa na utashi wa kuishi maisha ya ujazo wa Roho Mtakatifu basi naye Mungu ataruhusu hilo. Atakusaidia na kukubariki lakini kama huna utashi, basi yakupasa kuachana na maisha hayo ya kujazwa na Roho Mtakatifu.

Utaweza kupokea uwepo wa Roho Mtakatifu ikiwa tu ni kwa imani katika injili ya maji na Roho na si kwa matakwa yako tu. Lakini kuishi na kutunza maisha ya ujazo wa Roho Mtakatifu kwa ujumla hutegemea utashi wa mtu mwenyewe.

Hivyo basi ikiwa unahitaji maisha ya ujazo wa Roho Mtakatifu ni lazima ujichunguze nafsi yako kwanza na kuomba msaada wa Mungu. Ikiwa kweli tunataka kuishi maisha ya ujazo wa Roho Mtakatifu basi Mungu atatubariki na kutimiza

haja zetu. Lakini ili kufikia lengo letu ni lazima kukana tamaa za mwili.

Pili, ili kuishi maisha ya ujazo wa Roho Mtakatifu yatupasa kubeba misalaba yetu. Yatupasa kuishi na kuenenda kwa mapenzi ya Mungu hata katika hali ya taabu. Hii ndiyo maana halisi ya kuishi maisha ya haki yaliyo na ujazo wa Roho Mtakatifu.

Tatu, Bwana alisema *“Kwa kuwa mtu atakaye kuiponya nafsi yake ataiangamiza na mtu atakaye iangamiza nafsi yake kwa ajili yangu ndiye atakaye isalimisha kwa kuwa yamfaa nini mtu kuupata ulimwengu wote kama akijiangamiza au kujipoteza mwenyewe?”* Hii inamaana kwamba kumfuata Bwana ni muhimu zaidi kwa maisha yetu. Ukweli ni kwamba ikiwa tutamfuata yeye, roho na mwili uta sitawi kwa baraka zake lakini kinyume na hilo tusipomfuata na kuchagua kuishi maisha binafsi, roho zetu na miili yetu itaangamia.

Kwanini hatuwezi kuishi maisha ya ujazo wa Roho Mtakatifu? Sababu ni kwamba hatuyakani mawazo yetu ambayo ndiyo tamaa za mwili. Tunapomfuata Yesu Roho hututia nguvu ndani yetu na hivyo huweza kutuongoza kwa msukumo wa ajabu.

Katika Waefeso 5:11-13 inasema *“Wala msishirikiane na matendo yasiyozaa ya giza bali myakemee kwa kuwa yanayotendeka kwao kwa siri ni aibu hata kuyanena lakini yote yaliyokemewa hudhihirishwa na nuru maana kila kilichodhihirika ni nuru”*. Wakristo imewapsa wasiwe na usharika na matendo yasiyo zaa ya giza. Ikiwa tutajiingiza nafsi zetu katika matendo yasiyo zaa ya giza, Mungu anatuasa kuyaweka bayana. Yatupasa kukemewa kwa matendo yetu ya giza kwakuwa ni aibu hata kuyanenea kwa hayo yatendwayo sirini. Lakini mambo yote yanayo wekwa hadharani hutambulishwa kwa nuru.

Nani awezaye kuweka hadharani na kunena juu ya mambo yote haya ya aibu. Ikiwa wengine kaka au dada na watumishi wa Mungu hawatoweza kuyaweka bayana imekupasa wewe kufanya hivyo. Inasemekana kwamba mambo yote yanayo wekwa hadharani yanaonekana kwa nuru. Hivyo lazima tukiri matendo yetu maovu kuwa si mema na tuweze kuongozwa na Roho Mtakatifu katika kuyaweka wazi matendo yasiyo zaa ya giza kwa wenzetu au kwa kupitia viongozi wetu.

Katika ulimwengu huu vitu vyote vinavyo wekwa wazi huishia kuwa vilivyo hata baada ya kukemewa lakini katika ulimwengu wa Mungu yote yanayo wekwa hadharani huonekana kwa nuru kwa kuwa kila kinachowekwa hadharani ni kwasababu ya kuwepo nuru. Kwa kuwa tuko nje ya ukamilifu tunatenda dhambi nyingi bilakujitambua ulimwenguni. Hata hivyo, tunapo angaza kwa nuru ya maneno ya Mungu sisi wenyewe, tunakuwa makini nadhambi fulani na hivyo kuweza kuzikiri. Na hivyo basi tunaweza kumshukuru Mungu pasipo kikomo.

Kwasababu Yesu alizibeba dhambi zetu zote pamoja na uovu na hivyo haki yote ya Mungu ilitimizwa pale alipobatizwa Mto Yordani, sasa tunaweza kudhihirishwa kwa nuru kupitia haki ya Mungu. Mabilioni ya dhambi amabazo wanadamu hutenda zilihamishwa juu yake Yesu pale Yohana alipo mbatiza. Ni mwanakondoo wa Mungu aliyeichukua dhambi ya ulimwengu akafa msalabani kwa hukumu ya dhambi hizo na alifufuka. Yesu amesamehe dhambi zote za wanadamu na pale aliposema “imekiwsha” (Yohana 19:30) wanadamu wote waliokolewa. Tunatakaswa kwa njia ya imani yetu kwa kile Yesu alichofanya. Kwakuwa basi dhambi zetu zimekwisha kusamehewa tunaweza kurudi katika nuru tena na kumfuata Mungu kwa haki.



## **Mungu anatuasa kuukomboa Wakati.**

Paulo alisema ikiwa tunataka kuishi maisha yaliyo na ujazo wa Roho Mtakatifu yatupasa kuukomboa wakati. Katika Waefeso 5:16-17 inasema, *“Mkiukomboa wakati kwa maana zama hizi ni za uovu kwa sababu hiyo msiwe wajinga bali mfahamu ni nini yaliyo mapenzi ya Bwana”*. Ikiwa tunataka kuishi maisha yaliyo ya ujazo wa Roho Mtakatifu yatupasa kuukomboa wakati na kutokuwa wajinga. Yatupasa kuelewa kwamba mapenzi ya Bwana ni yapi na kuyatenda. Lazima tuamue kipi ni cha thamani zaidi, maisha ya uaminifu kwa miili yetu au kujitolea kwa Mungu.

Baada ya kuzaliwa upya mara ya pili Roho Mtakatifu huweka makazi ndani yetu. Ikiwa tunapokea uwepo wa Roho Mtakatifu maana yake ni kwamba, Mkuu wetu ni Bwana na ndiye Mfalme. Yeye pekee ndiye Mwokozi wetu na yatupasa kumkiri yeye kwa hakika ndiye Mungu wetu. Yeye ndiye Mkuu pekee kwetu. Ni mkuu aliye niumba mimi aliye nisamehe dhambi zangu zote na kunibariki na ndiye Mfalme aliye na utawala juu ya maisha yangu na kifo changu baraka na laana. Yatupasa tukiri kwamba Bwana ndiye Mkuu pekee na ni Mungu hivyo imetupasa kumtii yeye maishani mwetu mwote.

Hebu tuone inasemaje katika Wafilipi 2:5-11 *“Iweni na nia hiyo hiyo ndani yenu ambayo ilikuwemo pia ndani ya Kristo Yesu ambaye yeye mwanzo alikuwa yu namna ya Mungu naye hakuona kule kuwa sawa na Mungu kuwa ni kitu cha kushikamana nacho bali alijifanya kuwa hana utukufu, akatwaa namna ya mtumwa akawa ana mfano wa wanadamu tena alipoonekan ana umbo kama mwanadamu alijinyenyekeza akawa mtii hata mauti, naam, mauti ya msalaba kwa hiyo tena Mungu alimwadhimisha mno akamkirimia Jina lile lipitalo kila jina ili kwa Jina la Yesu kila goti lipigwe, lavitu vya mbinguni*

*na vya duniani na vya chini yanchi na kila ulimi ukiri kuwa YESU KRISTO NI BWANA kwa utukufu wa Mungu Baba”.*

Paulo allisema “*Iweni na nia iyo hiyo ndani yenu*” Alisema huu ndiyo uliokuwa moyo wa Yesu Kristo. Kile Paulo alicho sema ni kwamba “*nia iyo hiyo*” ni ile ya Yesu aliyekuwa ndiye Mungu Muumba aliye kuja katika ulimwengu huu ili kuokoa watu wake tokana na dhambi zao tokana na mapenzi ya Baba yake. Bwana alikuja ulimwenguni na kubebe dhambi zote za dunia kwa njia ya ubatizo wake kwa Yohana, na alipokufa msalabani dhambi za duni zilifutwa naye ndipo alipo fufuka baada ya siku tatu na kuwa mwokozi wetu.

Sababu kwanini Yesu Kristo Muumbaji kuja ulimwenguni ilikuwa ni kutuokoa. Alituonyesha upendo wake kwetu kwa njia ya ubatizo na damu yake pale msalabani viumbe wote imewapasa kupiga magoti mbele zake na kuthamini upendo wake aliotupatia, msamaha wa dhambi kwa kujishusha nafsi yake kama kiumbe ingawa yeye alikuwa ni Muumba na ndiyo maana viumbe wote imewapasa kukiri kwamba yeye ndiye Mwokozi wa kweli. Ametufanya tukiri kwamba yeye si Bwana tu wa viumbe vyote bali pia ni Bwana wa haki yote kwetu.

Sisi tunao mwamini Mungu na kuwa na uwepo wa Roho Mtakatifu ndani yetu imetupasa kuamini kwamba “Mungu ndiye pekee moyoni mwetu. Yatupasa kuwa na imani kwamba mkuu wetu si nafsi zetu bali ni Yesu Kristo aliye tuumba na kutuokoa tokana na dhambi zetu zote. Napia lazima tuwe na imani kwamba yeye ni Mkuu anayetuwezesha kuishi maisha mapya ya baraka na kutayarisha kila kitu kwetu na kutuwezesha.

Wapo watu wengi wasiotaka kumbadilisha mkuu wao baada ya kuzaliwa upya mara ya pili. Wapo wengi walio na uwepo wa Roho Mtakatifu ndani yao lakini huendelea kuwa mkuu wa nafsi zao. Maisha ya ujazo wa Roho Mtakatifu ni

maisha ya kumfuata Mungu. Maisha ya aina hii hayawezi kupatikana kwa siku moja bali yanawezekana pale tu tunapo amini kwamba Yesu ndiye Mkuu wa maisha yetu na ndiye pekee aliye tuumba sisi na viumbe wote ulimwenguni. Yatupasa tuwe na imani ili tuweze kumtumikia Yesu Bwana wetu Mkuu wetu na Mungu kwetu aliye tuokoa tokana na dhambi zetu na kutupa uzima wa milele katika ufalme wa Mbinguni.

Yatupasa kuwa na ukweli katika mawazo yetu. Watu wengi huishi maisha ya kuwa wakuu wa nafsi zao. Hulinda na kutunza utawala wa nafsi zao maishani. Lakini leo ndiyo wakati wa kumbadilisha mkuu. Sasa tumekuwa wale wamjuao Mungu na hivyo Mkuu wetu muhimu ndiye Bwana.

Sisi sote tuna dhambi mioyoni mwetu na imetupasa kuhukumiwa kwenda motoni kwa matendo yetu maovu. Lakini leo nimempata Mungu kwa njia ya imani katika injili ya maji na Roho. Mungu anatupenda sana hata kuja ulimwenguni na kubeba dhambi zetu zote kwa kubatizwa na Yohana na kufa msalabani ili kuweza kuwa mwokozi wetu na kwakupitia imani yetu kwa Mungu tulikombolewa tokana na dhambi zetu. Kwa maneno mengine, tulipokea uwepo wa Roho Mtakatifu.

Biblia husema *“Lakini mtu awaye yote asipokuwa na Roho wa Kristo, huyo si wake” (Warumi 8:9)*. Tulipopokea ukombozi wake ambapo ni uwepo wa Roho Mtakatifu ndani yetu, ndipo hapo tukawa watoto wa Mungu. Roho Mtakatifu ni Mungu kwetu na lazima tuenende katika haki ya Mungu kwa mwongozo wa Roho Mtakatifu. Ili tuweze kuishi kwa namna hii yatupasa tuache kutawala nafsi zetu. Tulipo kutana na Yesu na kutukomboa yatupasa sasa kumfanya awe Mkuu kwetu.

## **Yatupasa kusalimisha madhabahu ya mioyo yetu kwa Yesu**

Hatutoweza kumfuata Bwana ikiwa hatutojichukulia nafsi zetu kuwa ndiyo bwana wa maisha yetu. Mungu anapotuamuru kumtumikia tutaitika tukisema “Ndiyo” pasipo kusita. Ikiwa tunatawaliwa na nafsi zetu kwa namna nyingine tutaweza kusema “kwanini nikubali?” Mtu anaye tawaliwa na nafsi yake atakataa kufanya kile Mungu atakacho mwagiza kufanya akidhani “Imempasa Mungu kuomba msaada kufanya atakalo”. Kwa mtu wa aina hii maelekezo ya Mungu si kitu bali ni upuuzi na maneno ya kuchosha.

Hata hivyo ili kujazwa Roho Mtakatifu imetupasa kutii maelekezo yake. Hatutaweza kuwa kama ng’ombe wanao swagwa kwenda machinjioni bali nilazima tujitolee kumfuata Mungu. Yatupasa kumfuata Mungu Mwokozi wetu ambaye hutuongoza katika njia ya haki. Mungu ni Bwana anayetubariki kwa wokovu tunapo mtumikia akiwa ni Mkuu kwetu. Na kwa kufuata kanuni zake, ndipo tutakapo weza kujazwa na Roho Mtakatifu ikiwa wewe na watu wa familia yako mtakapo mfanya Yesu kuwa mfalme na kumweka juu ya vitu vyote. Hivyo mtakuwa na neema na baraka katika maisha yenu.

Inawezekana umekwisha wahi kuona picha kama ya mtu anaye safiri kwa chombo baharini huku akipata upinzani wa dhambi huku Yesu akiwa amesimama karibu naye. Inapoonekana kwamba tunayamudu matatizo katika maisha yetu nikwakuwa tumemfanya Kristo ndiye atuongozaye na kutushika mkono. Ni Mwenyezi Mungu ndiye aongozaye maisha yetu. Alituokoa, hutukinga na shetani, kutuongoza na ndiye aliye na mamlaka katika maisha yetu.

Kwakuwa amekuwa Mkuu kwetu anayo mamlaka ya kutuongoza na kutubariki. Lakini tusipo mtambua kwamba

yeye kuwa ni Mwokozi wetu, hatoweza kufanya jukumu lake. Ni Mungu mwenye utashi, asiye tulazimisha kutenda mapenzi yake. Ingawa yeye ni Mungu Mwenye enzi hafanyi mambo kwa niaba yetu hadi pale tutakapo jitolea kumtumikia akiwa ni Mkuu na kuomba msaada.

## **Mtwike mambo yako yote kwake**

Mtwike mambo yako yote kwake ili aweze kutimiza miujiza. Mtumikie na ukiri kwamba ni mkuu. Kwakuwa sisi si wakamilifu, imetupasa kumtwika Mungu mambo yetu yote na kumkabidhi jukumu lote kwake. Tunapo mwachia familia zetu maisha ya kila siku na kila kitu juu yake tutapokea hekima toka kwa Mungu na kuweza kuishi kama atakavyo kwa kumudu shida zote kwa imani na nguvu ambayo Mungu alizotupatia.

Matatizo yetu ndipo huwa ni ya Mkuu wetu ambapo ikiwa tunamfuata Yesu mwenyeenzi Mungu atachukua jukumu kwa niaba yetu. Hapa ndipo tutakapoweza kuishi maisha yaliyo jaa uwepo wa Roho Mtakatifu na kufurahiya amani inayotoka kwake. Kama Mkristo mwaminifu imetupasa kunyenyekea kwa magoti mbele ya Mungu kukiri na kumtumikia yeye kama Mkuu wetu.

Hebu tuone nini Wafilipo 3:3 inasema juu ya aina ya imani inayotupasa kuwa nayo ili kuishi maisha ya ujazo wa Roho Mtakatifu *“Maana sisi tu tohara tumwabuduo Mungu kwa Roho na kuona fahari juu ya Kristo Yesu wala hatuutumaini mwili”*. Maana ya *“tohara”* hapa ni yule anayemwabudu Mungu katika Roho kuona fahari juu ya Kristo Yesu na kutouamini mwili.

Kuishi kama aliyetahiriwa maana yake ni kuondolea mbali dhambi zote za moyoni na kumtwika Yesu Kristo

aliyebatizwa na Yohana. Wale waongozwao na roho maisha yao huwa juu ya roho, humtumikia Mungu na kumfurahiya Kristo Yesu kwa kusema “Yesu ameniongoza kuishi maisha haya ya utukufu, alinifanya mwenye haki na kunibariki, alinipa neema zote ninazozihitaji katika kumtumikia yeye”. Imetupasa kuishi kwa namna hii. Haya ndio maisha ya ujazo wa Roho Mtakatifu. Paulo alisema *“basi mlapo au mnywapo au mtendapo neno lolote fanyeni yote kwa utukufu wa Mungu” (1 Wakorintho 10:31).*

Katika Wafilipi 3:13-14 inasema *“Ndugu sijidhanii nafsi yangu kwamba nimekwisha kushika ila natenda neno moja tu nikiyasahau yaliyo nyuma nikiyachuchumilia yaliyo mbele nakaza mwendo niifikilie mede ya thawabu ya mwito mkuu wa Mungu katika Kristo Yesu”*. Mungu alituambia tusahau yale mambo ambayo ni yanyuma yakiwa yamepita na kuyafikia yale ya mbeleni. Yatupasa kuchuchumilia malengo yetu. Ukiachilia mbali matendo yetu ya haki au maovu imetupasa kusahau mambo yale ya nyuma na kujaribu kuyafikia yale ya mbeleni na kuchuchumilia malengo yetu. Malengo hayo ni kuyatumikia mapenzi yake kwa kujishika na Yesu Kristo kwa njia ya kumwamini.

Sisi si wakamilifu hivyo ni rahisi kwetu kuanguka tunapo hisi kitanzi cha mwili. Hata hivyo kwa kumtumaini Mungu na kuwa na imani tutaweza kumbwagia udhaifu wetu wote na uovu wetu. Yesu alipo batizwa na Yohana na kufa msalabani, dhambi zetu zote zilitwikwa juu yake ndipo tulipo pokea uzima mpya kwa shukrani kwake. Hivyo imetupasa kumwachia mambo yetu yote ya nyuma kufikia ya mbeleni kwa kuchuchumilia lengo letu.

## **Kutunza maisha ya ujazo wa Roho Mtakatifu.**

Lazima tuyafikie mambo yale ya mbeleni na kukazia lengo la juu. Natumaini utaweza kusahau ya nyuma haraka iwezekanavyo ikiwa yamekuelemea. Yapo mambo mengi ambayo hayawezi kufanyika kwa sababu ya udhaifu lakini hayana maana kwasababu kilicho muhimu kutegemea zaidi yaliyo mbeleni. Kwajinsi mbeleni yalivyo muhimu imetupasa basi kumwachia ukanda Yesu Kristo kwa imani na hivyo kuongozwa naye. Imetupasa kumwachia yeye uamuzi wa namna tutakavyo ishi katika majaliwa yetu na hivyo kufanya atakayo.

## **Imetupasa kuishi namna ile wafuasi walivyo ishi**

Tunaweza kuenenda maisha ya ujazo wa Roho Mtakatifu ikiwa tutaweza kuwa madhubuti katika imani ya ondoleo la dhambi. Hili ndilo muhimu. Hebu tuone (2 Timotheo 2:1-10) *“Basi wewe mwanangu uwehodari katika neema iliyo katika Kristo Yesu na mambo yale uliyo yasikia kwangu mbele ya mashaidi wengi hayo uwakabidhi watu waaminifu watakaofaa kuwafundisha na wengine. Ushiriki taabu pamoja nami kama askari mwema wa Kristo Yesu. Hakuna apigae vita ajitiaye katika shughuli za dunia ili ampendeze yeye aliyemwandika awe askari. Hata mtu akishindana katika michezo hapewi taji asiposhindana kwa halali. Yampasa mkulima mwenye taabu ya kazi kuwa wa kwanza wa kupata fungu la matunda. Yafahamu sana hayo nisemayo kwa maana Bwana atakupa akili katika mambo yote. Mkumbuke Yesu Kristo aliye fufuka katika wafu wa uzao wa Daudi kama inenavyo injili yangu. Nami katika hiyo nimeteswa hata kufungwa kama mtenda mabaya, lakini*

*neni la Mungu halifungwi kwa ajili ya hilo na stahilimili mambo yote kwa ajili ya wateule ili wao nao waupate wokovu ule ulio katika Kristo Yesu pamoja na utukufu wa milele”.*

Kama Paulo alivyosema kwa Timotheo, Roho Mtakatifu anasema kwetu pia *“Uwe hodari katika neema iliyo katika Kristo Yesu na mambo yale uliyo yasikia kwangu milele ya mashaidi wengi hayo uwakabidhi watu waaminifu watakaofaa kuwafundisha na wengine”.*

*“Uwe hodari katika neema iliyo katika Kristo Yesu”.* Kuwa hodari katika neema maana yake imekupasa kujitia nguvu imani katika injili ya maji na Roho kwa kumwamini yeye na kumshikilia Yesu Kristo aliyekuja hapa ulimwenguni kuzikubali dhambi zote kwa njia ya ubatizo, kufa msalabani na alifufuka na kuwa mwokozi wetu. Hii ina maana kwamba imetupasa kuwa hodari katika neema ya Mungu na kumshukuru yeye Mungu aliyetuokoa na hivyo imetupasa kuukimbilia wokovu huo kwa njia ya imani kama ni zawadi au karama ya Mungu. Huu ndiyo wokovu wa msamaha wa dhambi. Haihusishwi na swala la kufanya maombi kila asubuhi na mapema au kutoa mchango wa ujenzi wa jengo la kanisa, yote haya ni mambo yaletayo hasara zaidi kuliko faida kwa nia ya kupata wokovu.

Wokovu wetu kwa njia ya kupokea msamaha wa dhambi maana yake ni Yesu Kristo, ukiachilia mbali matendo yetu, aliweza kubatizwa ili kubeba dhambi zetu zote ndipo akafa msalabani ili kufuta makosa yetu yote. Alifufuka ili kutuokoa sisi tokana na dhambi zetu zote. Wachungaji husamehe watu dhambi zao nao kwa kuamini injili ya kweli kama ilivyo waumini wengine wa kawaida. Yeyote anaye mwamini Yesu Kristo kwa njia hii kwa moyo wake wote hupokea msamaha wa dhambi. Tunaweza hata hivyo kuwa na uhakika na neema hii ya wokovu na hata kutia imani yetu nguvu.



Ikiwa tunataka maisha ya ujazo wa Roho Mtakatifu imetupasa kuwa hodari katika imani yetu ya injili ya maji na Roho. Yapo maeneo katika maisha yetu ambapo tunashindwa kujipima na hivyo kuwa ni sehemu ya udhaifu wetu. Na ndiyo maana imetupasa kuwa hodari katika neema ya wokovu. Kila wakati mawazo yetu yanapojitokeza imetupasa kuwaza kwa kina juu ya imani yetu kwa kusema “Mungu aliniokoa kwa kupitia injili ya maji na Roho” “Yesu alinisamehe dhambi zangu zote kwa njia ya maji na Roho”. Tunakuwa wenye haki kwa kuamini injili na kuwa hodari kwa kuwa na uwepo wa Roho Mtakatifu ndani yetu. Tuliokolewa kwa dhambi zetu zote na kuwa hodari kwa kuamini injili ya maji na Roho. Tunakuwa watu tulio barikiwa kwa imani zetu.

Paulo alisema *“Basi mlapo au mnywapo, au mtendapo neno lolote fanyeni yote kwa utukufu wa Mungu” (1 Wakorintho 10:31)*. Hili ni muhimu sana maana yake ni kwamba lazima tuamue maisha ya kujitolea kwa Mungu. *“Basi Mlapo au mnywapo”* Imetupasa kula, kunywa nakuwa hodari kwa Mungu ili tuweze kuzifanya kazi zake. Imetupasa tule vitu bora kwa ajili ya afya zetu ili tuweze kuihubiri injili.

*“Hakuna apiganaye vita ajitiaye katika shughuli za dunia ili ampendeze yeye aliyemwandika awe askari” (2 Timotheo 2:4)*. Imetupasa kuishi maisha yaliyo jaa Roho Mtakatifu ili kuweza kuihubiri injili. Tutaweza kuishi maisha ya kweli pale tu tutakapo ishi kwania ya kuihubiri injili. Wale wote wanao ishi maisha ya uaminifu ndiyo walio jazwa na Roho Mtakatifu. Imetupasa kuyachuchumilia maisha ya kujazwa Roho Mtakatifu. Hata swala la kutoa sadaka ambayo ni matunda ya kazi yako inapaswa kutumika kwa ajili ya injili.

Ikiwa unataka kudumisha maisha kamili ya Roho Mtakatifu, lazima ujitoe kwa Bwana, uwe katika huduma Yake, tumia pesa zako kwa injili na ushiriki furaha yako na huzuni

zako na Mungu. ikiwa tunataka kuishi maisha ya aina hii, lazima tuishi kwa imani na nia thabiti ya kuitumikia injili

Watu wengi wamekuwa wakiishi maisha ya ubinafsi hata sasa. Wamejiwekea wigo na hata kujikusanyia mali kwa ajili ya nafsi zao ambazo ndizo kiongozi wao. Hata hivyo leo hii imetupasa kuishi kwa ajili ya Mungu. Imetupasa kumweka Mungu kuwa ndiye pekee na Mkuuu pekee. Bwana anasema *“Hakuna apiganaye vita ajitiaye katika shughuli za dunia ila ampendeze yeye aliye mwandika awe askari”*. Kuishi maisha ya askari hodari maana yake ni kufuata kanuni. Bwana hutatua matatizo yetu, kutukinga na kutuongoza ikiwa tutaishi kwa ajili yake tukiwa askari waaminifu. Anatuambia tutafute kwanza ufalme wa Mungu na haki yake (Mathayo 6:33).

Hakuna ulaghai katika neno la Mungu. Ikiwa tutamfuata yeye tutaona ukweli wa neno lake, lakini kumbuka kwamba kwanza imekupasa uwe na uwepo wa Roho Mtakatifu ndani ya moyo wako. Mtu asiye na uwepo wa Roho Mtakatifu kamwe hatoweza kumkabidhi Mungu nafsi yake. Kwa upande mwingine yule aliye na uwepo wa Roho Mtakatifu ataweza kumkabidhi Mungu nafsi na moyo wake na hivyo kushuhudia ujazo wa Roho Mtakatifu na kuwa na furaha na amani moyoni mwake.

Uwepo wa Roho Mtakatifu ndani huja kwa hakika ndani mwako ikiwa tu utaelewa na kuamini Injili njema ya maji na Roho. Ikiwa unataka kuwa na uwepo wa Roho Mtakatifu na hata kuishi maisha yenye baraka imekupasa kumtumikia Mungu akiwa Mfalme na kuishi maisha yako kwa ajili ya ufalme wake. Ndipo basi utakapo jazwa na Roho Mtakatifu na moyo wako kuweza kuwa na utele na baraka ya maisha itaendelea kwa jinsi utakavyo kuwa katika baraka ile ya kuwa mwana wa Ufalme wa Mungu.

Nimekwisha leta ujumbe ambao watu walio pokea

wokovu wa dhambi na uwepo wa Roho Mtakatifu kwa kuamini Bwana imewapasa kuenenda katika maisha ya ujazo wa Roho Mtakatifu. Tayari nimekwisha eleza juu ya maisha ya kujazwa Roho Mtakatifu na pia ni kwa jinsi gani aina hii ya maisha yanaweza kutunzwa. Pia nimekwisha elezea kwamba kwa imani imekupasa kumkabidhi nafsi yako Bwana na kwa imani ni lazima umtumike yeye na kutunza maisha ya ujazo wa Roho Mtakatifu.

Kwa mara nyingine tena kwa yule aliye na ujazo wa Roho Mtakatifu swala la kuzaliwa upya mara ya pili si kikomo. Imempasa kujua na kuamini kwamba Roho zetu na miili yetu itaweza kubarikiwa ikiwa tu tutaishi maisha ya aina hii.

Aina hii ya maisha hayatokei kwa ghafla. Hutokea pale tu tunapo mwamini Bwana akiwa Mkuu na kumweka nafasi ya mbele katika mioyo yetu. Mungu alituokoa na tayari amekwisha tupatia uzima ulio jaa uwepo wa Roho Mtakatifu, maisha ya kuitumikia Injili. Pia ametupatia maisha ya ujazo wa Roho Mtakatifu.

Imekupasa kuitoa nafsi yako kwake na kuishi maisha kwa ajili yake. Kumtumikia kwa kuihubiri Injili njema. Ndipo basi moyo wako utakapo jawa na uwepo wa Roho Mtakatifu na furaha na neema itatiririka ndani mwako. Katika siku ya kurudi kwake utabarikiwa, ukisimama kifua mbele za Mungu na kuipata thawabu yake. Mimi na wewe imetupasa kuyatamani maisha ya ujazo wa Roho Mtakatifu. Imetupasa kuyahangaikia katika kuishi maisha ya aina hii kwa njia ya imani. Hivi ndivyo maisha ya ujazo wa Roho Mtakatifu yanavyoweza kutunzwa.

Je umekwisha kabidhi nafsi yako moyoni ili iweze kuishi maisha ya ujazo wa Roho Mtakatifu? Natumaini utamwachilia Mungu ashikilie sehemu kubwa ya moyo wako. Yakupasa uwe na utashi wa kuishi maisha ya ujazo wa Roho Mtakatifu. ☒



# MAHUBIRI 12

## **Kuishi Maisha ya Ujazo wa**

---

## **Roho Mtakatifu**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# **Kuishi Maisha ya Ujazo wa Roho Mtakatifu**

**< Tito 3:1-8 >**

**“Uwakumbushe watu kunyenyekea kwa wenye uwezo na mamlaka na kutii na kuwa tayari kwa kila kazi njema, wasimtukane mtu yeyote wasiwe wagomvi, wawe wema, wakuonyesha upole wowoto kwa watu wote. Maana hapo zamani sisi nasi tulikuwa hatuna akili tulikuwa waasi tumedanganywa huku tukitumikia tamaa na anasa za namna nyingi tukiishi katika uovu na husuda tukichukiza na kuchukiana. Lakini wema wake Mwokozi wetu Mungu na upendo wake kwa wanadamu ulipofunuliwa alituokoa si kwa sababu ya matendo ya haki tuliyotenda sisi bali kwa rehema yake kwa kuoshwa kwa kuzaliwa kwa pili na kufanywa upya na Roho Mtakatifu ambaye alitumwagia kwa wingi kwa njia ya Yesu Mwokozi wetu ili tukihesabiwa haki kwa neema yake tupate kufanywa warithi wa uzima wa milele, kama lilivyo tumaini letu ni neno la kuaminiwa; na mambo hayo nataka uyanene kwa nguvu ili wale waliomwamini Mungu wakumbuke kudumu katika matendo mema. Hayo ni mazuri tena yana faida kwa wanadamu.”**



Wale wote wenye kumwamini Yesu na kuwa na uwepo wa Roho Mtakatifu ndani yao lazima waishi maisha ya ujazo wa Roho Mtakatifu. Kwa Wakristo maisha ya ujazo wa Roho Mtakatifu ndiyo mahitaji ya Mungu. Inatulazimu kufuata mpangilio wake. Hivyo basi, kwa vipi tutaweza kuishi maisha ya ujazo wa Roho Mtakatifu? Nilazima tuwe makini kwa lile Mtume Paulo aliloelezea.

## **Nini kinacho hitajika katika kuishi maisha ya ujazo wa Roho Mtakatifu?**

Katika Tito 3:1 Paulo alisema “*Uwakumbushe watu kunyenyekea kwa wenye uwezo na mamlaka na kutii na kuwa tayari kwa kila kazi njema.*” Kwanza kabla ya yote alitueleza kuwa wanyenyekevu kwa wenye uwezo na mamlaka, kutii na kuwa tayari kwa kila kazi njema. Alichokuwa akimaanisha ni kwamba, hatutoweza kuishi maisha yaliyojaa uwepo wa Roho Mtakatifu ikiwa hatuto weza kutii sheria za dunia. Bila shaka ikiwa watawala wa dunia na sheria zinazo ongoza dunia zitaendana na ukweli, inatubidi kuzitii. Lakini ikiwa sheria hizo hazitokiuka imani zetu, ni lazima basi tuzitii ili tuweze kuitumikia Injili ya amani.

Sisi ndiyo tulio pokea uwepo wa Roho Mtakatifu.



Tutawezaje kuishi maisha ya ujazo wa Roho Mtakatifu ikiwa tutazivunja sheria za duniani? Hivyo ili tuweze kuishi maisha ya ujazo wa Roho Mtakatifu imetupasa kuzifuata sheria za kidunia. Wale walio pokea uwepo wa Roho Mtakatifu imewapasa kutii taratibu za kijamii. Tutaweza kutembea na Mungu ikiwa tu, tutazifuata sheria za kidunia.

Kwa mfano mmoja wetu akitenda uhalifu akiwa njiani kuelekea kanisani, Je, ataweza kweli kumtumikia Bwana kwa amani? Ni kwa namna gani hapa ulimwenguni mtu huyo ataweza kuishi kulingana na mafundisho ya Bwana ikiwa ataishi nje ya sheria? Imetupasa kutovunja taratibu za kijamii huku tukitembea kiroho. Hakuna lililojema huja kwa kuvunja sheria. Lazima tuitunze amani kwa kuzifuata sheria, za jamii.

## **Imetupasa kuwa na unyenyekevu ndani ya mioyo yetu.**

Paulo alisema *“wasimtukane mtu yeyote wasiwe wagomvi wawe wema wakionyesha upole wote kwa watu wote”*. Kuishi maisha ya ujazo wa Roho Mtakatifu imetupasa tusimtukane mtu yeyote, tuwe na amani, wapole na kuonyesha unyenyekevu kwa watu wote.

Katika mioyo ya wale wote walio zaliwa upya mara ya pili upo unyenyekevu kiasi na upole. Hili linawezakana kwa sababu Roho Mtakatifu kaweka makazi ndani yetu. Paulo alituambia kwamba haitupasi kuidhalilisha Injili kwa kugombana na kila mtu. Bila shaka inatulazimu kugombana ikiwa tu sheria za kijamii zitakwenda kinyume na Injili. Lakini ikiwa haziendi kinyume, basi nilazima tuishi kwa amani. Tusababishe wengine watuwazie kwa kusema, “Ingawa anaonekana mkali kama simba kwa wakati mwingine lakini ni

mwenye amani kama hua. Imani yake katika Ukristo bila shaka ndiyo imfanyayo kuwa mpole na mtu mwenye hekima”.

Hakuna upole au unyenyekevu katika tamaa ya mwili. Lakini kwa njia ya uwepo wa Roho Mtakatifu na kwa kupitia Bwana aliyetuokoa dhambini ndipo tutaweza kuwa wa pole kwa wengine. Kusamehe mtu aliye kutendea kosa kubwa kwangu “msamaha” halisi na kumtendea unyenyekevu toka ndani ya kina huo ndiyo “unyenyekevu” wa kweli, unyenyekevu kwangu siyo kujifanya kuwa mtu mwenye wema kwa mwingine ikiwa bado ninachuki kubwa naye. Kuwa na moyo ulio jawa na unyenyekevu na msamaha ndiyo kina cha utu wa Mkristo aliye zaliwa upya mara ya pili.

Yatupasa pia kuwa na upole pale watu wanapo tukosea. Endapo hawatojaribu kuweka kikwazo katika Injili, imetupasa kuwa wapole kwa kila mtu. Lakini endapo wataweka kwazo, basi itatulazimu badala yake kuangaza nuru ya upole pamoja na nuru ya ukweli. Wenye kupinga kuingilia kati au kunenea uongo neno la Mungu hawana haki ya kutendewa upole zaidi ya ukali.

Mungu hawasamehi wale wote wanao mpinga yeye bali huwafanya walipe gharama. Mungu alimwambia Abrahamu “*Nami nitawabariki wakubarikio naye akulaaniye nitamlaani*” (Mwanzo 12:3). Watu wanao ipinga Injili ya kweli hawana njia ya kuokolea. Hawatoweza kuzuia janga litakalo waangamiza maisha yao tu bali pia hata kizazi chao.

Kwa nini imetupasa kuvumilia na kuwa wenyenyekevu? Kama ilivyo andikwa katika Tito 3:3 “*Maana hapo zamani sisi nasi tulikuwa hatuna akili tulikuwa na anasa za namna nyingi tukiishi katika uovu na husuda tukichukizana na kuchukiana*” sisi ni kama watu hawa kabla ya kuzaliwa upya mara ya pili. Hivyo inatulazimu kuvumilia na kusamehe watu kwa sababu nasi pia tulikuwa hivyo.

Katika Tito 3:4-8 inasema *“Lakini wema wake Mwokozi wetu Mungu na upendo wake kwa wanadamu ulipofunuliwa alituokoa, si kwa sababu ya matendo ya haki tuliyotenda sisi bali kwa rehema yake kwa kuoshwa kwa kuzaliwa kwa pili na kufanywa upya na Roho Mtakatifu ambaye alitumwagia kwa wingi kwa njia ya Yesu kristo Mwokozi wetu ili tukihesabiwa haki kwa neema yake, tupate kufanywa warithi wa uzima wa milele, kama lilivyo tumaini letu. Ni neno la kuaminiwa; na mambo hayo nataka uyanene kwa nguvu ili wale waliomwamini Mungu wakumbuke kudumu katika matendo mema. Hayo ni mazuri tena yana faida kwa wanadamu”*.

Kulingana na biblia Mungu hakutuokoa toka dhambini kwasababu tumetenda matendo mema. Ametupatia baraka ya kuzaliwa upya mara ya pili kwasababu alitupenda na kutuonea huruma. Kwa maneno mengine Yesu Kristo alikuja ulimwenguni, akabatizwa, akafa msalabani alifufuka na hivyo kutakasa dhambi zetu zote. Yesu alifufuka na sasa ameketi kuume kwa Mungu. Kwa kufufuka kwake kati ya wafu mambo yote yasiyokamilika ulimwenguni sasa yamekamilishwa.

Mungu alitubariki na Roho Mtakatifu kwanjia ya Yesu Kristo mwokozi wetu. Yesu Kristo alibatizwa na Yohana ili abebe dhambi zote za ulimwengu na kufa msalabani kwa ajili ya dhambi hizo zote ili tupate msamaha. Tumeokolewa na kuwa wenye haki.

Biblia pia inasema *“tupate kufanywa warithi wa uzima wa milele, kama lilivyo tumaini letu”*. Maana yake ni kwamba, sisi kama warithi wa Mungu ndiyo tutakao urithi utajiri wote wa Mungu. Ili kuenenda katika aina hii ya baraka ya uzima, imetupasa kuishi maisha ya ujazo wa Roho Mtakatifu. Imetupasa kuamini injili ya maji na Roho, kusamehewa dhambi zako zote na kuihubiri injili hii kwa wengine.

Hivyo, kwa kusamehewa dhambi zetu imetulazimu

kuitenda kazi kwa manufaa ya wengine tuzifuata sheria za kidunia na kihubiri injili kwa wale wanao mtafuta Mungu. Na nilazima tuwasamehe watu wanao tutendea maovu na kuwatendea wema na upole ili wasiweze kuingilia kazi ya kuihubiri injili njema. *“Hayo ni mazuri tena yanafaida kwa wanadamu.”* Ikiwa unatamani ujazo wa Roho Mtakatifu itakubidi ukumbuke Paulo alichosema. Hili laonekana halina maana lakini haya ni maneno muhimu kabisa.

Kwa kuwa tunaendelea kuishi hapa ulimwenguni hatutoweza kujazwa na Roho Mtakatifu ikiwa bado tuna migogoro na wengine kwa kutotii kwetu kanuni na taratibu za ulimwengu. Hivyo inatubidi kuitii sheria. Ni vyema ikiwa tutachagua kuishi maisha yaliyo na ujazo wa Roho Mtakatifu. Kwetu kutenda matendo mema imetupasa kwanza kuzitii sheria za dunia na kushirikiana na majirani zetu.

## **Je unataka kuishi maisha ya ujazo wa Roho Mtakatifu?**

Waefeso 5:8-11 ina sema, *“kwa maana zamani ninyi mlikuwa giza bali sasa mmekuwa nuru katika Bwana enendeni kama watoto wa nuru kwa kuwa tunda la nuru ni katika wema wote na haki ya kweli mkihakiki ni nini impendezayo Bwana. Wala msishirikiane na matendo yasiyo zaa giza bali myakemee”*. Kifungu hiki kinatueleza kutembea kama watoto wa nuru na kuzaa matunda ya Roho.

Pia Waefeso 5:12-13 inasema *“kwakuwa yanayotendeka kwao kwa siri ni aibu hata kuyanena lakini yote yaliyokemewa hudhihirishwa na mtu maana kila kilichodhihirika ni nuru”*. Paulo anasema hapa kwamba mambo yote yana yowekwa hadharani au kifichuliwa hutendeka kwa kupitia nuru. Ikiwa

mtu mwenye haki hatoweza kuishi maisha ya haki basi atafichuliwa na Mungu au yeye mwenyewe. Nini kitakacho tokea ikiwa mtu atakutwa akitenda matendo ya giza na hivyo kufichuliwa na nuru? Baada ya kukiri makosa yake moyo wake utang'arishwa tena pale atakapo mgeukia Mungu. Lakini yote yaliyo kemewa hudhihirishwa na nuru maana kilicho dhihirisha ni nuru. Ni vyema kudhihirika kwa nuru. Ndipo basi tutakapo weza kuyakubali makosa yetu na kumgeukia Mungu.

Ikiwa hakika tunapenda kuishi maisha ya ujazo wa Roho Mtakatifu ni lazima tuwe wema mioyoni. Hata ikiwa mtu hana dhambi moyoni haina maana kwamba haimpasi kuwa mwema. Ni lazima kuishi kwa uzuri na wema mioyoni mwetu. Imetupasa kuhuribiri pamoja na hekima na kuwaombea wale wote wasiyo ifahamu injili ya maji na Roho ili waweze kuielewa na kuweza kusamehewa dhambi zao. Na tusiwadhuru wengine. Yatupasa tule, tulale na tuishi kwa injili na kuwatumikia wengine katika injili pia.

Kuishi maisha ya ujazo wa Roho Mtakatifu imetupasa kuwaza umuhimu wa muda na kuitumikia injili njema kama wenye hekima. Tunapo ipenda dunia nirahisi kwetu kuingia katika mitego ya giza na hata kupuuza kutenda kazi ya Mungu. Hivyo imetupasa kumtumaini Bwana na kufanya kile atakacho. Huku tukiamini wokovu aliotupatia Mungu, pia tuwe waangalifu nyakati zote. Mtu wa hekima ya rohoni imempasa kujitolea kuihubiri injili njema duniani kote kabla ya ulimwengu kukumbwa na giza.

## **Fahamu mapenzi ya Bwana.**

Yatupasa kujaribu kutafuta namna ya kumridhisha Mungu. Yatupasa kujua yale yote ayatakayo sisi tutende kupitia kanisa

lake na maneno yake. Yatupasa kujua nini linalohitajika kufanywa nasi ili tuweze kumpendezesha Mungu na kutathimini mapenzi yake kwetu.

Watu waliokwisha samehewa dhambi zao ni wale walio zaliwa upya mara ya pili, na watu wa aina hii ni wale watu walio na uwepo wa Roho Mtakatifu ndani. Wale walio na Roho Mtakatifu ndani yao hakika ndiyo watu watakatifu na watoto wa Mungu. Imewapasa kuishi maisha ya ujazo wa Roho Mtakatifu. Hili ndilo jukumu la watakatifu wote. Tusipoteze uwezo wetu na nguvu zetu kwa ajili ya nafsi zetu tofauti na mahitaji ya wengine. Hatupaswi kukwaza kazi za Mungu kwa kwenda sambamba na mtiririko wa nyakati.

Kama umekwisha takaswa na kupokea uhuisho kwa njia ya upendo wa Mungu lazima tuwe watu wema ili tuweze kuendesha na kuifanya kazi ya Mungu. Kama tumekuwa watoto wa Mungu kwa kumuamini ni haki yetu kuwa watu wenye wema.

Miili ya watoto wa Mungu si mikamilifu lakini Mungu anapendewa nayo ilimradi tunajihusisha na mapenzi ya Mungu na kutenda mema. Lakini hata hivyo wanaozaliwa upya mara ya pili wanaweza kujikuta wakitenda uovu kwa wengine ikiwa wataishi kwa ajili ya nafsi zao tu. *“Tena msilewe kwa mvinyo ambamo mnaufisadi bali mjazwe roho” (Waefeso 5:18).* Hii maanayake ni kwamba inatupasa tusilewe kwa tamaa za mwili bali kuzitenda kazi njema.

Paulo alisema katika Waefeso 5:19-21, *“Mkisemezena kwa zaburi na tenzi na nyimbo za rohoni huku mkiimba na kushangilia Bwana mioyoni mwenu na kumshukuru Mungu baba siku zote kwa mambo yote, katika jina lake Bwana wetu Yesu Kristo hali mnanyenyekeana katika kicho cha Kristo.”* Tukitaka kuishi maisha ya ujazo wa Roho Mtakatifu ni lazima tuihubiri injili ya wokovu na kuweka bayana kile Mungu

alichofanya kwetu.

Mungu hutubariki kila tunapofanya maombi na ameweka kumbukumbu ya baraka zote katika Zaburi na tenzi pamoja na nyimbo za kiroho kwa ajili yetu katika kumsifu yeye katika sauti moja. Yatupasa kujisalimisha kumshukuru na kumsifu yeye. Tunauweza kuishi maisha yaliyo jawa na baraka za Roho Mtakatifu pale tunapowaombea wale wote ambao bado hawajaokoka na pia kujiombea sisi kwa sisi. Yatupasa kumshukuru Mungu toka kina cha mioyo yetu na kumtukuza Yesu Kristo aliye tuokoa. Kwa mawazo hayo ndani ya mioyo yetu nilazima kukiri makosa yetu kwa kueleza shukrani zetu kwa kuwa tumetakaswa dhambi na hivyo kumtii yeye. Hivi ndivyo maana ya kuishi maisha ya ujazo wa Roho Mtakatifu.

## **Yatupasa kuitumikia injili njema kwa maisha yetu yote.**

Lazima tuweke mipango ya ratiba katika kazi njema na kuitekeleza kwa ajili ya utukufu mkubwa wa injili njema. Katika kujiunga na kanisa la Mungu imetupasa kufanya maombi kwa pamoja na kumwita Mungu ili aokoe roho za kila mmoja. Bado wapo watu wengi ambao hawajaweza kuzaliwa upya mara ya pili kwasababu hawajui injili njema ingawa wamekuwa wakimtarajia Mungu. Yatupasa kuwaombea watu hawa tukisema, “Mungu tafadhali uwaokoe nao”, pia tusiwe wachoyo wa vitu bali tutoe mali zetu katika kuitumikia injili ili kuwaokoa waliopotea. Kuishi kwa ajili ya roho za wengine na kwa jili ya kuupanua Ufalme wa Mungu ni kufanya kazi njema.

Kwa kufaya aina hii ya kazi maana yake ni kuishi maisha ya ujazo wa Roho Mtakatifu. Kuishi maisha ya ujazo wa Roho Mtakatifu haina maana kuwa wa uwezo wa kunena kwa lugha

na kufanya miujiza, bali ni kujifunza jinsia ya kumridhisha Mungu. Maana yake ni kuamini wokovu wa Mungu aliotupatia, kumsifu Mungu kwa mashairi na Zaburi. Kushukuru kusifu na kumtukuza Mungu kwa moyo wetu wote, na kumtumikia yeye kwa miili yetu ikiwa ni vyombo vya haki ndiyo mapenzi ya Mungu. Kufuata maelekezo yake maana yake ni kuishi maisha ya ujazo wa Roho Mtakatifu.

Ili kuishi maisha ya ujazo wa Roho Mtakatifu yatupasa tuweke utiii kati yetu na baina yetu. Ikiwa mtu fulani atatupa wazo yatupasa kusikiliza kwa kile anachosema. Kwa njia hiyo pia ikiwa tutatoa wazo kwake naye imemlazimu kusikiliza hata ikiwa hakubalini nasi kwa upande mwengine. Pia yatupasa kuishi maisha ya ujazo wa Roho Mtakatifu kwa kuweka utii baina yetu na kutenda kazi ya Mungu.

## **Kuishi maisha ya ujazo wa Roho maana yake ni kumtukuza Yesu Kristo.**

Kuishi maisha ya ujazo wa Roho Mtakatifu maana yake kufuata amri za Yesu Kristo. Hebu tuone hii maana yake ni nini kwa kusoma katika Waefeso 6:10-13. *“Hatimaye mzidi kuwa hodari katika Bwana na katika uweza wa nguvu zake. Vaeni silaha zote za Mungu mpate kuweza kuzipinga hila za shetani kwa maana kushindana kwetu sisi si juu ya damu na nyama: bali ni juu ya Falme na mamlaka za juu ya wakuu wa giza hili, juu ya majeshi ya pepo wabaya. Vaeni silaha zote za Mungu mpate kuweza kushinda siku ya uovu na mkiisha kuyatimiza yote kusimama.”*

Nini maana ya kuishi maisha ya ujazo wa Roho? Maana yake ni kuwa imara katika Bwana na kuwa na imani katika nguvu yake. Maana yake ni kuishi kwa uwezo wa Roho



Mtakatifu aliye weka makazi ndani yetu na si kwa utashi wetu pekee. Zaidi ya yote maana yake ni kuishi maisha ya maombi. Kwa maombi twaweza kuishi maisha yenye nguvu kwa kupokea aina mbali mbali za uwezo na baraka Mungu azitoazo. Kwa kuishi maisha ya aina hii maana yake ni kuvaa silaa za Mungu. Sisi ni wadhaifu kiasi kwamba tuanapojaribu kuenenda na Mungu kumtumikia na kumtii yeye hatuwezi kuishi maisha ya ujazo wa Roho ikiwa hatutoshikamana na maneno yake.

Kuamini maneno Mungu ni muhimu katika kutia shime nguvu zetu za kiroho. Hata ikiwa tuna imani yatupasa kuvaa silaha zote za Mungu kwa kusema “na hakika itakuwa kama ilivyo andikwa katika maneno ya Mungu”. Hii ndiyo imani ituweshayo kuishi maisha ya ujazo wa Roho Mtakatifu.

Je, yupo kati yenu mwenye matatizo katika aina hii ya maisha? Basi kumbuka maneno ya maandiko na uvae silaha zote za Mungu. Mungu ametuelekeza kuvaa silaha zake. Kwa kuyachukulia maneno ya Mungu ndani moyo wako ndipo utakapo jifunza nini maana ya kuvaa silaha zote za Mungu. Haijalishi mazingira na ni kwavipi watu wasemavyo, yatupasa kuyashikilia manaeno ya Mungu. Kwa njia hii tutaweza kuishi maisha ya ujazo wa Roho Mtakatifu.

Je, ni wapi tutaweza kuipata imani hii? Ufunuo 3:22 inasema “*Yeye aliye na sikio na alisikie neno hili ambalo Roho ayaambia makanisa*”. Yatupasa kusikiliza kile Roho asemacho kwa kanisa. Kwa usemi mwingine hatukuweza kusikia maneno ya Mungu au hata kuishi maisha ya ujazo wa Roho Mtakatifu bali kwa njia ya watumishi wa Mungu. Ni kwa watu gani Roho Mtakatifu hunena? Mungu kanena kwa watakatifu na watu wote wa ulimwengu kwa kupitia watumishi wa kanisa lake.

Maana yake ni kusema, yatupasa kuamini mafundisho ya kanisa la Mungu kuwa ndiyo yatokanayo na maneno ya Mungu. Unahitajika kuyakubali mafundisho ya kanisa kwa imani hii

katika fikra zako. Ikiwa Roho Mtakatifu hakukaa ndani ya mhubiri ni rahisi kwake kufundisha kwa mawazo yake binafsi. Mhubiri aliye na uwepo wa Roho Mtakatifu ndani yake huubiri maneno ya Mungu chini ya uongozi wa Roho Mtakatifu. Ikiwa hafanyi hivyo na badala yake anahubiri maneno yasiyo na msingi wa biblia, Roho Mtakatifu humsimamisha kwa sababu yeye yu ndani ya moyo wake.

Roho Mtakatifu ni Mungu. Mamlaka ya mtumishi wa Mungu hupanda kwa kiwango cha juu zaidi kwasababu Mungu huweka makazi ndani yake. Katika Agano Jipya Yesu Kristo alimwambia Petro, “*Nami nitakupa wewe funguo za ufame wa mbinguni*” (*Mathayo 16:19*). Funguo za mbinguni ni injili ya maji na Roho. Kwa maneno mengine injili hii ni funguo wa kuingilia mbinguni. Mungu ametupa mamlaka ya kuhubiri neno lake. Si kwa Petro tu, bali pia kwa kila mtumishi wa Mungu na watakatifu wote endapo tu wamezaliwa upya mara ya pili na kuwa na uwepo wa Roho Mtakatifu.

Kuishi maisha ya ujazo wa Roho Mtakatifu yatupasa lazima tuvae silaha zote za Mungu. Ikiwa hatutokuwa na imani yatupasa kuyashikilia mafundisho ya kanisa akilini kila siku kwa kuamini mamlaka ya kanisa na watumishi wa Mungu. Hata ikiwa mahubiri utakayoyasikia siku hiyo hayatokuwa na maana kwako na moja kwa moja hayahusiki na maisha yako, bado amekulazimu kwa vyovyote uyasikilize na kuyachukulia moyoni. Tafuta maneno katika biblia yanayo husika na maisha yako ya kila siku na uyashikilie. Kwa njia hii utakuwa mtu wa imani, na ndipo utakapo weza kuishi maisha ya ujazo wa Roho Mtakatifu ukitembea na Mungu na kushinda vita dhidi ya mamlaka na watawala wa ulimwengu wa giza.

Unaweza kuwa umechanganyikiwa kwasababu ulikwisha ambiwa awali kuwa yakupasa uwatii watawala wa dunia, lakini hapa nasema kwamba, imekupasa kupingana dhidi ya watawala

wa ulimwengu wa giza. Nyakati za utawala wa Warumi, mtawala wake alijiita kuwa yeye ndiye Mungu na hivyo sheria ilihitaji watu wote kumchukulia yeye kuwa ndiye Mungu. Lakini hili ndilo jambo ambalo Wakristo hawakuweza kulifanya kwasababu lilikuwa ni kinyumbe na Mungu hivyo hawakuwa na uchaguzi zaidi ya kupingana dhidi ya mtawala wa Warumi aliye kuwa akiwashurutisha watu kumsujudia yeye kama Mungu.

Ili uweze kushinda vita dhidi ya shetani, yakupasa kuamini na kushikilia neno la Mungu. Ikiwa tutaishi kulingana na neno la Mungu, tutajipatia baraka zake na kuweza kumshinda shetani. Ingawa tumeokolewa tutweza kushindwa vita dhidi ya shetani ikiwa hatutoshikilia neno la Mungu. Mungu ana tutahadharisha yakwamba, *“Kwakuwa mshataki wenu ibilisi kama simba angurumaye, huzunguka zunguka akitafuta mtu ammeze”* (1 Petro 5:8). Mtu asiye amini neno la Mungu ataweza kushambuliwa kiurahisi na shetani.

Hata Yesu mwenyewe asingeweza kushinda vita dhidi ya shetani ikiwa pasingelikuwapo neno la Mungu. *“Imeandikwa, mtu hataishi kwa mkate tu ila kwa kila neneo litokalo katika kinywa cha Mungu”* (Mathayo 4:4). Alimtimua shetani kwa imani ya maneno yaliyo andikwa. Nasi iweje? Tunaupungufu wa hekima na hatulingani na Yesu. Hivyo lazima tuamini na kushikilia zaidi neno la Mungu.

Tusiseme kirahisi, “Nadhani maneno ni ya kweli lakini si wezi kuyaamini yote” Yatupasa kuyashikilia maneno kama, “naamini kila jambo litakuwa ni kweli kama ilivyo andikwa.” Hii ndiyo imani iliyo sahihi itakayo kutuwezesha kuvaa silaha kamili ya Mungu. Wale wasemao, “kila jambo litakuwa kama vile Bwana alivyosema”, hawa ndiyo watakapo barikiwa. Ikiwa mtu atashikilia maneno ya Mungu na kuyategemea mambo yatamnyookea kwa kutegeana na imani yake. Hata ikiwa

shetani atajaribu kutushawishi bila shaka ataondoka ikiwa tutasema, “Naamini neno la Mungu, naamini neno lake ndilo jibu sahihi.” Hii ndiyo njia ya kuishinda vita dhidi ya shetani.

## **Yatubidi kulishikilia neno la Mungu.**

*“Kwa sababu hiyo twaeni silaha zote za Mungu mpate kuweza kushindana siku ya uovu, na mkiisha kuyatimiza yote, kusimama basi simameni hali mmejifunga kweli kiunoni na kuvaa dirii ya haki kifuani na kufungiwa miguuni utayari tupatao anjili ya amani, zaidi ya yote mkitwaa ngao ya imani ambayo kwa hiyo mtaweza kuizima mishale yote yenye moto ya yule mwovu. Tena ipokeeni chapeo ya wokovu na upanga wa Roho ambao ni neno la Mungu” (Waefeso 6:13-17).*

Katika mstari, *“basi simameni hali mmejifunga kweli viunoni”* hapa neno la Mungu linalinganishwa na mkanda uliofungwa kiunoni. Hii inamaana ya kwamba inatupasa kujifunga fikra zetu kwa maneno ya Mungu. Yeye anatuambia kuyafuata maneno ya kweli ili tuweze kuwa na fikra moja na Mungu. Kwa namna ile mkanda unavyotosha kufungwa kwa kuzungushwa kiunoni imetupasa pia kwa kujikaza tujishikilie na neno la Mungu. Tunapokuwa katika fikra mmoja na Mungu kwa asili tunapata uwezo wa kusema, “naamini kila jambo litakuwa sawia na salama. Na hakika kila jambo litawezekana kama Mungu aliivyo sema”.

Jingine, inatupasa kuvaa dini ya haki kifuani. Yatupasa kuvaa dini ya injili ya maji na Roho kifuani ambayo inasema Mungu alitukoa. Yatuapasa kuvifunga viuno vyetu kwa ile kweli huku tukiwa tumevaa dirii ya haki. Nilazima iwe ya vito vya thamani. Yatupasa kuvaa katika ile imani kwamba Mungu alikwisha tusamehe dhambi zetu zote. Yatupasa kuliadini neno

la Mungu kwa moyo wetu wote na kuhubiri injili ya wokovu unaotupa amani.

Baada ya kuyashika maneno haya yatupasa kuvaa viatu miguuni kwa utayari wa injili ya amani na kwenda kuihubiri injili ya wokovu inayoleta amani ya Mungu kwa watu wote. Ikiwa tumekwisha kuokolewa toka dhambini tunawajibu wa kukiri imani yetu kwa vinywa vyetu. Pia hasa pale dhambi zetu na uovu wetu unapodhihirika bayana kwa kujitokeza, basi imetupasa kusafisha kwa kurudia kuwaza kwa kina juu ya ukweli kuhusiana na ubatizo wa Yesu na damu yake msalabani. Yatupasa kuishi maisha ya utakatifu kwa kumshukuru Mungu. Yatupasa kuihubiri injili ya maji na Roho yenye kuleta amani kwa kila yule ambaye bado hajakombolewa dhambini mwake.

Zaidi ya yote imetupasa kupigana vita dhidi ya uovu kwa ngao ya imani. Shetani anapotushambulia yatupasa kumfukuzia mbali kwa ngao ya imani mkono mmoja na neno la kweli kwa upande mwingine.

Pia imetulazimu kuvaa chapeo ya wokovu. Imetupasa kuyakubali maneno ya wokovu yasemayo, “niliokolewa kwa dhambi zangu zote kwa njia ya injili maji na Roho, Mungu alinisamehe dhambi zangu kwa njia hii”. Yakupasa kung’amua ukweli katika fikra zetu. Lazima tulifanye neno la Mungu, chepeo ya wokovu na upanga wa roho, kuwa ndiyo silaha dhidi ya shetani.

Ikiwa shetani atakushambulia, yakupasa kuuchomoa upanga na kumshambulia huku ukisema “Mungu amenena hivi! Na ninaamini hivyo!” Tunamfukuza shetani kwa imani ya neno la mungu. Ikiwa tutaamini maneno ya Mungu na kuuchomoa upanga wa kiroho, shetani atakimbia akipiga mayowe “oh! unanijeruhi!” Utaweza kushinda aina yoyote ya mashambulizi ikiwa unaamini neno la Mungu pekee.

Yakupasa uishi katika aina hii ya imani kwa kukiri “mwili

wangu si mkamilifu lakini mimi ni mtu wa Mungu aliyekwisha kupokea ukombozi. Naishi kwa imani huku nikishikilia maneno ya Mungu aliyokwisha niambia”. Ikiwa tutakuwa na imani ya aina hii, ndipo tutaweza kumfukuza shetani kwa upanga wa kweli kila wakati anapokuja kutusumbua na kutukwaza katika maisha yetu ya imani. Shetani hatoweza kuchelewa kufumba na kufumbua ikiwa tutamshambulia kwa maneneo ya kidunia tu. Hivyo yatulazimu kumshambulia kwa kusema, “hivi ndivyo Mungu asemavyo” ndipo shetani atakapojisalimisha mbele ya mamlaka ya neno la Mungu.

Ikiwa tutataka kuishi maisha ya ujazo wa Roho Mtakatifu, yatupasa kuomba kwa Mungu ya kwamba kanisa, watakatifu wote na watumishi wa Mungu wajitolee nafsi zao katika kuihubiri injili. Kwa kufanya maombi kama vile “kwa ujasiri hebu nikufunulie siri ya injili” tutaweza kuishi maisha ya kuitumikia injili. Haya ndiyo maisha ya ujazo wa Roho Mtakatifu. Kuishi maisha haya ni muhimu kwa watakatifu wote kama ilivyo ondoleo la dhambi umuhimu wake kwa roho zote. Huu ndiyo mpangilio wa Mungu.

Kwa wale wote ambao wamekwisha kuokolewa toka dhambini lakini hawajui namna ya kuishi maisha ya uaminifu ni lazima sasa kuwa na maisha ya ujazo wa Roho Mtakatifu. Hivi ndivyo Mungu anavyo tuitaji tuishi. Imewapasa watakatifu kuishi maisha ya ujazo wa Roho Mtakatifu ambayo ndiyo mapenzi ya Mungu. Maisha ya ujazo wa Roho Mtakatifu huwawezesha watakatifu katika kuihubiri injili kwa kutenda matendo mema. Huwezesha kupenda kuihubiri injili na kuiamini, kumwomba Mungu pia na kuyashika manaeno ya Mungu. Yatupasa kuvaa chepeo ya wokovu na dirii ya haki ili kumtimulia mbali shetani kwa kusema “mimi ni mwenye haki muda wote”.

Kwakuwa watakatifu wanauwepo wa Roho Mtakatifu, hutembea kwa roho na kuweza kupokea nguvu ya Roho

Mtakatifu. Hufanya kazi ya Mungu kwa baraka ya Mungu ipatikanayo kwa maombi ya imani. Na imewapasa kuenenda kwa roho hadi pale watakapo mshinda shetani na kusimama mbele ya Mungu. Wale wote wanaoweza kuvaa silaha yote ya Mungu ni wale tu walio zaliwa upya mara ya pili katika Kristo, na wataweza kuishi maisha ya ujazo wa Roho Mtakatifu.

*“Kwa maana kushindana kwetu sisi si juu ya damu na nyama bali ni juu ya ufalme wa mamlaka, juu ya wakuu wa giza, juu ya majeshi ya pepo wabaya katika ulimwengu wa roho” (Waefeso 6:12).* Vita ya wale walio zaliwa upya mara ya pili si vita ya mwili na damu. Hata hivyo, vita ya wale walio na uwepo wa Roho Mtakatifu ni dhidi ya majeshi ya roho za uovu na dhidi ya wale wote wenye kukwaza maisha yetu ya uaminifu, wasiyo itumikia injili na hivyo kututaabisha.

Tunapojitokeza kupigana vita ya kiroho kwa ajili ya injili ya Bwana, nilazima tuvae chapeo na silaha ya Roho. Ikiwa tutavaa mavazi ya kawaida tu katika vita hii tutajeruhiwa. Hivyo basi yatupasa kuvaa vazi la kivita. Tunahitaji upanga, ngao na chapeo kushinda vita. Inatupasa tuwe wakamilifu katika matayarisho kabla ya vita. Yatupasa kuvaa dirii, tukijifunga kifuni na kuvaa viatu miguu yote miwili. Pia upanga pamoja na ngao. Ndipo hapa lazima maadui zetu watashindwa. Haya ndiyo maisha ya ujazo wa Roho Mtakatifu.

## **Yatupasa kuishika injili njema**

Paulo alituambia, *“Ilinde ile amana nzuri kwa Roho Mtakatifu akaaye ndani yetu” (2 Timotheo 1:14).* Ni ipi iliyo amana nzuri? Ni injili ya maji na Roho ambayo ilituokoa kwa dhambi zetu. Katika Tito 3:5 inasema, *“Kwa kwoshwa kwa kuzaliwa kwa pili na kufanywa upya na Roho Mtakatifu”.*

Bwana wetu amekwisha takasa dhambi zetu zote tuzitendazo hapa ulimwenguni, akafa msalabani na kufufuka. Yatupasa kuishika injili hii njema. Yatupasa kuvaa chepeo ya wokovu na dirii ya haki na kujifunga viunoni mwetu ukweli. Yatupasa kuiamini injili ya maji na Roho.

Baada ya kuvaa silaha kwa njia hii lazima tuishinde vita dhidi ya shetani. Ndipo tutakapoweza kuupata ushindi na pia kushiriki na wengine. Yatupasa kupigana vita dhidi ya shetani na kuchukua ushindi kwake hadi siku ile Ufalme wa Bwana utakapokuja, ambao ndiyo urithi wetu. Kiasi cha vita tutakachoshinda dhidi ya adui wetu, ndivyo urahisi wa pambano linalofuata itakavyo kuwa. Yatupasa sote tuombe ufalme wake ustawi na kumea. Ndipo tutakapopata maisha ya ujazo wa Roho Mtakatifu.

Tusiridhike tu na msamaha wa dhambi zetu bali ni lazima tuishi maisha ya ujazo wa Roho Mtakatifu kwa injili na matendo yetu mema. Yatupasa kuamini neno la Mungu, kuongozwa na Roho Mtakatifu na kuishi kwa kushika neno la Mungu na kuliamini ili tusishindwe vita dhidi ya shetani na kuangamizwa.

Je, unanielewa? Hapa ndipo mwanzo wa kuweza kuwa na maisha ya ujazo wa Roho Mtakatifu. Natumaini utaweza pia kuitumikia injili ya maji na Roho na kutegemea zaidi kuyafuata maneno ya Mungu. Hebu sasa natufanye kazi ya Mungu kwa kutumika kuziokoa roho toka kwa shetani. Tutaweza kuishi maisha ya ujazo wa Roho Mtakatifu hadi pale Bwana atakapokuja tena. Kupokea ujazo wa Roho Mtakatifu ni amri ya pili ya Mungu aliyotupatia. Nashukuru leo hii tunaweza kuwa na uwepo wa Roho Mtakatifu kutokana na msamaha wa dhambi mioyoni mwetu. Na kama si uwepo wa Roho Mtakatifu nisingeweza kuanza kuishi katika utele huo! Namshukuru Mungu kwa kutuwezesha kuishi maisha ya ujazo wa Roho Mtakatifu.

Je unaamini kwamba utaweza kuwa na uwepo wa Roho



Mtakatifu? Kwetu sisi tulio kwisha samehewa dhambi zetu tunao uwepo wa Roho Mtakatifu. Lakini wote ambao dhambi zao hazijafutwa, bado hawajaweza kupokea uwepo wa Roho Mtakatifu. Wale wasio ijua au kuiamini injili ya maji na Roho, hawana uwepo wa Roho Mtakatifu. Watu wote ulimwenguni watatupwa motoni ikiwa hawatokuwa na uwepo wa Roho Mtakatifu.

Kwakuwa hatuna dhambi mioyoni mwetu, basi tunaouwepo wa Roho Mtakatifu na kwasababu Roho Mtakatifu ameweka makazi mioyoni mwetu, basi twaweza kuishi maisha ya ujazo wake. Sisi tulio na uwepo huo yatupasa kufuta matakwa ya Roho ili tuweze kujazwa naye, kiasi tunacho tii ndicho kiasi tunacho kuwa madhubuti katika imani hata kuwa mashujaa wenye mwelekeo mmoja. Lakini ikiwa tutashindwa kumtii Roho kwetu ni sawa sawa na kuzivua silaha au vazi la kivita.

Hebu natukue kwa kupitia maneneo ya Roho Mtakatifu hadi kufikia kiwango cha watu wa imani. Tunapo sikia maneno ya Roho Mtakatifu imani zetu hukua kwa sababu Mungu husema *“Basi imani chanzo chake ni kusikia na kusikia huja kwa neno la Kristo” (Warumi 10:17)*. Hivyo hata ikiwa shetani atatushambulia sisi, tumekingwa na imani zetu katika maneno haya. Shetani hatoweza kitushambulia sisi tulio kwisha jilinda na ngao ya imani kwa kuamini injili ya naji na Roho. Watu waaminifu huwa na nguvu ya kuyadhibiti mashambulizi ya shetani kwa imani zao.

Hebu natuishi maisha yaliyo na ujazo wa Roho Mtakatifu kwa imani. Maisha ya ujazo wa Roho Mtakatifu humaanisha kuihubiri injili ya maji wa Roho kwa uaminifu ulimwenguni pote. Hivyo ndivyo maisha ya ujazo wa Roho Mtakatifu yalivyo. ✉




# MAHUBIRI 13

**Kazi na vipawa vya**

---

**Roho Mtakatifu**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Kazi na vipawa vya Roho Mtakatifu

< Yohana 16:5-11 >

“Lakini sasa mimi naenda zangu kwake yeye aliyenipeleka, wala hakuna mmoja wenu aniulizaye unakwenda wapi? Ila kwa sababu nimewaambia hayo huzuni imejaa mioyoni mwenu. Lakini mimi nawaambia iliyo kweli, yawafaa ninyi mimi niondoke kwa maana mimi nisipoondoka huyo msaidizi hatakuja kwenu; bali mimi nikienda zangu nitampeleka kwenu. Naye akiishi kuja huyo atauhakikishia ulimwengu kwa habari ya dhambi na haki na hukumu, kwa habari ya dhambi kwa sababu hawaniamini mimi, kwa habari ya haki kwa sababu mimi naenda zangu kwa baba wala hamnioni tena, kwa habari ya hukumu kwa sababu yule mkuu wa ulimwengu huu amekwisha hukumiwa.”



Katika Mwanzo 1:2 imeandikwa, “Nayo nchi ilikuwa ukiwa, tena utupu na giza lilikuwa juu ya uso wa maji”. Tunaweza kuona toka katika kifungu hiki kwamba Roho

Mtakatifu hakai ndani ya mioyo iliyo jawa na vurugu na dhambi bali hukaa katika mioyo ya wale wenye kuiamini injili njema tu. Hata hivyo watu wengi kwa vurugu zao na utupu wa mioyo chini ya imani za matendo ya kimashamshamu, husema kwamba wanataka kupokea uwepo wa Roho Mtakatifu huku wakiwa na dhambi mioyoni mwao.

Roho atokanaye na hali ya kimashamshamu huyo si Roho. Kazi ya shetani hutegemea waumini waovu wenye tabia za kimashamshamu, na watu wa aina hii ni rahisi kwao kuishia katika mitego na nguvu za shetani. Lakini Roho Mtakatifu ni nafsi ya Mungu iliyo na ufahamu, hisia na inayo mapenzi kamili. Roho alitenda kazi na Mungu Baba na Mwana, Yesu Kristo, katika uumbaji wa dunia. Leo tutajifunza juu ya aina za kazi Roho Mtakatifu alizofanya hapa duniani.

## **Huuhakikishia ulimwengu kwa habari ya dhambi.**

Ni kazi gani ya kwanza kabisa Roho Mtakatifu hufanya? Huuwakikishia ulimwengu kwa habari ya dhambi. Watu wanaohakikishiwa naye ni wale wasio kubali injili njema ya ubatizo wa Yesu kwa Yohana na damu yake msalabani. Huakikishia wenye dhambi wote wasiyo amini injili ya maji na Roho.

## **Huuakikishia ulimwengu kwa habari ya haki.**

Nini cha pili Roho Mtakatifu ufanyacho? Hubeba ushuhuda wa haki ya Mungu na juhudi za Yesu katika kuokoa wenye dhambi toka dhambini mwao. Yohana 16:10 inasema *“kwa habari ya haki kwa sababu mimi naenda zangu kwababa*

*wala hamnioni tena tena*”. Yatupasa kufahamu nini maana ya haki ya Mungu katika Biblia. Hii maana yake ni ule ukweli kuwa Yesu alizichukua dhambi zetu zote ulimwenguni kwa njia ya ubatizo wa Yohana na hivyo kwa kila amwaminiye yeye ataweza kuwa mwenye haki kwa neema ya Mungu. Yesu alibatizwa na Yohana Mbatizaji na kuzikubali dhambi zote za ulimwengu juu yake, kumwaga damu yake msalabani, akafufuka na kuwa mwokozi wa wote wenye dhambi. Hii ndiyo injili njema Mungu aliyetupatia. Yesu alizibeba dhambi za ulimwengu kwa njia ya maji na damu kulingana na mapenzi ya Mungu na hivyo kuwa Bwana wa uzima wetu.

Roho Mtakatifu husaidia watu kuamini katika injili ya Ubatizo wa Yesu kwa Yohana na damu yake msalabani, na hivyo kuwasaidia kupata msamaha wa dhambi zao. Unapaswa kujua kuwa kazi za Mungu katika Utatu ni nyongeza. Roho Mtakatifu hufanya kazi kwa injili nzuri, inawafanya watu waamini katika upendo wa Mungu. Ana hakikishia pia Injili ya maji na Roho kuwa ya kweli .

## **Kuuhakilishia ulimwengu kwa hukumu.**

Lipi jukumu la tatu la Roho Mtakatifu? Huaribu kazi za shetani. Shetani hunong’oneza katika fikra za watu kwa kusema “unaweza kumwamini Yesu lakini uchukulie Ukristo kama mojawapo ya dini za ulimwengu.” Shetani hujaribu kukwaza watu katika kuamini ubatizo wa Yesu na damu yake msalabani hata ikiwa wanamwamini Yesu. Kwa kuwa shetani huushushia hadhi Ukristo hata kuwa dini ya “kawaida”, wengi huangukia katika udanganyifu huu wa shetani na kwasababu ya kumwamini kwao Yesu huwa ni namna ya kuwa watu wema. Hata hivyo sababu halisi ya kumwamini Yesu ni kuweza

kuzaliwa upya mara ya pili na kuwa mtu mwenye haki.

Usiwe na imani potofu. Imani potofu, kamwe haitokuwezesha kutakaswa na haijalishi ni kwakiwango gani utakuwa unamwamini Yesu ikiwa unaimani potofu. Hautoweza kumjua au hata kumwona Yesu dhahiri kutokana ulaghai huo wa shetani. Roho Mtakatifu huja kuwa mhakiki wa wokovu kwa wote wale walio okolewa kwa kuamini injili njema ya maji na Roho. Imani zote za wale wenye dhambi mioyoni ni bure tu.

Roho Mtakatifu huthibitisha ukweli wa injili njema isemayo, Yesu alibatizwa ili kubeba dhambi zote za ulimwengu na alisulubiwa ili kulipia mshahara wa dhambi. Roho Mtakatifu huthibitisha ukweli huu, Roho Mtakatifu huwapa maelekezo watu wote wa ulimwengu katika kusamehewa dhambi zao zote kwa kuamini injili ya kweli. Hata hivyo imetupasa kukumbuka kwamba Roho Mtakatifu huwadhihirishia na kuwahukumu wale wote wasio ichukulia injili njema katika mioyo yao.

## **Kila mtu imempasa awe na baraka ya Imani.**

Baraka ya Imani ni nini? Ni ile imani ituongozayo katika kupokea uwepo wa Roho Mtakatifu kwa njia ya msamaha wa dhambi. Hata hivyo leo hii tunaweza kuwaona wakristo wengi ulimwenguni pote ambao bado wanadhambi mioyoni mwao, ingawa wanaendelea kumwamini Yesu kwa kipindi kirefu. Tatizo kubwa hapa linalo wakwaza kutokombolewa toka dhambini ni kwamba, wao hudhani kunena kwa lugha na kupata maono ndiyo uhakika ya kwamba tayari wamekwisha mpokea Roho Mtakatifu. Hawana ufahamu juu ya hukumu ya Mungu kuhusiana na dhambi zao.



Watu wengi ulimwenguni hawajaweza kuainisha kati ya kazi ya Roho Mtakatifu na zile za shetani. Kazi za shetani huwapelekea watu katika viwango vya hali ya kuchanganyikiwa kwa kuwapa imani potofu na hata kufikia hali ya kuangamia. Hivi ndivyo shetani anavyojaribu kwenda kinyume na Mungu. Shetani husababisha watu kuangukia katika mazingira ya imani za kichawi na hata kuwadhibiti kuwa watumwa wake. Shetani huwashinikiza ndani yao kutamani matendo ya miujiza na maajabu kwa kuwasababisha kudhani ya kwamba mambo kama haya ndiyo muhimu kuliko kupokea uwepo wa Roho Mtakatifu kwa njia ya imani katika injili njema.

Hata hivyo Roho Mtakatifu huwawezesha watu kuutambua Ufalme wa Mungu kwa njia ya Neno. Kwa kupitia Roho Mtakatifu huja kufahamu na kuamini kwamba Mungu aliwaumba wanadamu na kwamba Mungu anawapenda na pia Mungu anataka kuwaokoa. Mpango wake kwa wenye dhambi ni kwa Yesu Kristo kuwaokoa kwa dhambi zao kwa njia ya injili ya maji na Roho na kuwaalika kuishi katika upendo wake kwa imani.

1 Petro 3:21 inaema *“Mfano wa mambo hayo ni ubatizo unaowaokoa ninyi pia siku hizi”* napia 1 Petro 1:23 inaema *“Kwa kuwa mmezaliwa mara ya pili si kwa mbegu iharibikayo bali kwa ile isiyo haribika kwa neno la Mungu lenye uzima lidumulo hata milele”*.

Kazi ya Roho Mtakatifu ni kuwaangazia watu ukweli juu ya dhambi haki na hukumu na kuwawezesha kuamini ukweli. Roho Mtakatifu huwawezesha kujua juu ya hukumu ya Mungu na hivyo kuweza kukombolewa toka na dhambi zao kwa kuamini injili njema ya ubatizo wa Yesu na damu yake msalabani. Roho Mtakatifu huwapa ufahamu ya kwamba yeye yu pamoja nao pale wanapokuwa na imani ya injili ya maji na

Roho.

Kwa kiasi tumekwisha ona matendo ya Roho Mtakatifu. Watu wote ulimwenguni hapa wataweza kuwa na uwepo wa Roho Mtakatifu na upendo wa Mungu pale watakapo pata msamaha wa dhambi kwa kuamini injili njema ya maji na Roho.

## **Nafsi ya Roho Mtakatifu.**

Roho Mtakatifu ni Mwenyezi Mungu. Anahodhi tabia muhimu za nafsi ziiwazo ufahamu, hisia na matakwa. Kwa kuwa Roho Mtakatifu anahodhi ufahamu huweza hata kuchunguza yote hata mafumbo ya Mungu (1 Wakoritho 2:10) na hata mioyoni mwa wanadamu.

Kwa kuwa Roho Mtakatifu anahodhi hisia, hufurahishwa na wale wote wano amini neno la Mungu lakini huuzunishwa na wasio amini. Pia wenye haki huweza kuhisi upendo wa Mungu kwa njia ya Roho Mtakatifu.

Roho Mtakatifu pia huitwa “mtulizaji”. Hii inamana kwamba yeye huwasaidia wenye haki katika taabu na kuwaletea ushindi, kuwapigania dhidi ya maadui wao. Yeye ana ufahamu hisiya na mapenzi ndani ya wale wenye kuamini injili njema ya maji na Roho.

## **Kazi za Roho Mtakatifu ni kama zifuatazo.**

Roho Mtakatifu huwawezesha watu kugundua ukweli wa msamaha wa dhambi na kuweka makazi ndani ya mioyo ya wanaoamini. Kazi yake ni kushuhudia ukweli kwamba Yesu alizibeba dhambi zote za wanadamu kwa njia ya ubatizo wake na damu yake (1 Yohana 5:6-8). Pia huwatuliza watumishi na

watakatifu katika taabu na kuwatia nguvu katika kusimama imara upya. Yeye binafsi huomba kwa niaba yao pale wasiojua nini cha kuomba (Warumi 8:26). Na huwatuliza wenye haki katika kanisa la Mungu na kuwaongoza katika utele wa neno lake (Zaburi 23).

## **Kazi ya Roho Mtakatifu inahusika moja kwa moja na Biblia.**

Roho Mtakatifu huwaongoza wenye haki kugundua na kuamini ukweli miyoyoni mwao na hivyo kuhubiri ukweli huo kwa wengine. *“Kila andiko lenye punzi ya Mungu lafaa kwa mafundisho na kuwaonya watu makosa yao na kwa kuwaongoza kwa kuwaadabisha katika haki” (2 Timotheo 3:16).*

*“Tafuteni katika kitabu cha Bwana mkasome, hapana katika hao wote atakaye kosa kuwapo hapa na moja atakayemkosa mwenzake kwa maana kinywa changu kimeamini na roho yake imewakusanya” (Isaya 34:16).*

*“Mkijua neno hili kwanza ya kwamba hakuna unabii katika maandiko upatao kufasiriwa kama apendavyo mtu fulani tu. Maana unabii haukuletwa popote kwa mapenzi ya mwanadamu: bali wanadamu walinena yaliyotoka kwa Mungu wakiongozwa na Roho Mtakatifu” (2 Petro 1:20-21).*

Roho Mtakatifu aliwatia hamasa watumishi wa Mungu kuandika maneno ya Mungu ili kwamba tuweze kuyasoma. Huwajulisha watu juu ya injili ya maji na Roho na kuwaongoza katika kuihubiri duniani. Hivyo, ingawa wanye haki huweza kuteseka kwa majarihu mengi katika maisha yao huweza kuyashinda kwa shukrani ya nguvu za Roho Mtakatifu.

## Karama na Tunda la Roho Mtakatifu.

Matunda ya Roho Mtakatifu maana yake ni uwezo anao wapa watakatifu katika kuieneza injili ya Mungu kwa wengine. Kwajinsi hiyo Watakatifu huweza kujitolea nafsi zao kwa kazi ya Mungu kwa karama zote Mungu awapazo na hivyo Roho Mtakatifu huwasaidia katika kumpa utukufu Bwana. *“Lakini kila mmoja hupewa ufunuo wa Roho kwa kufaidiana” (1 Wakorintho 12:7).*

Dhumuni la vipawa vya Roho Mtakatifu ilikuwa ni kuwezesha watakatifu kwa imani na kuwasaida kupiga mbio zilizo mbele yao (Waefeso 4:11-12). Roho Mtakatifu huwapa uwezo kuwa watumishi wa Mungu na watakatifu katika kuieneza injili. Kanisa la Mungu ni mkusanyiko wa watakatifu walio takaswa katika Kristo Yesu (1 Wakorinto 1:2).

Kila Mkristo aliye kwisha mpokea Roho Mtakatifu imempasa kushika tabia inayo endana na nafasi aliyo kabidhiwa na kazi zake, kwa kuwa Yesu Kristo ndiye kiongozi wa kanisa. Roho Mtakatifu hutoa malengo ya kiroho na uwezo kwa watakatifu ili waweze kufanya kazi katika Ufalme wa Mungu. Hufanya kila jambo ili kudhihirisha wazi utukufu wa injili Mungu aliyo tupatia. Husema *“Basi mlapo au mnywapo au mtendapo neno lolote fanyeni yote kwa utukufu wa Mungu” (1 Wakorinto 10:31).*

## Aina za karama za Roho.

Zipo aina 12 za karama za Roho Mtakatifu. Tunaweza kuziona katika Biblia kwamba karama hizi huwa katika aina mbali mbali kwa watu tofauti. Mlolongo wa karama hizi huonekana katika Warumi 12:6-8, 1Wakkoritho 12:8-10 na

Waefeso 4:11. Zifuatazo ni karama tisa za Roho zilizo onglewa katika 1Wakoritho sura ya 12.

1. **Neno la maarifa:** Hili hutupa uelewa wa kiroho katika kuielewa injili ya majina ya Roho na hivyo kutuwezesha kuihubiri injili hii njema.

2. **Neno la Hekima:** Huu ni uwezo wa kutatua aina mbali mbali za matatizo yajitokezayo katika maisha ya mwenye haki kwa njia ya maandiko ya Mungu.

3. **Imani:** Roho Mtakatifu huleta imani madhubuti na uhakika kwa watakatifu ili waweza kufanya miujiza ya kuziokoa roho tokana na dhambi na shetani. Watu wenye haki wataweza kusamehewa dhambi zao na kuponywa matatizo yao ya kiroho kwa njia ya nguvu ya imani.

4. **Uponyaji:** Roho Mtakatifu huwapa uwezo wenye haki kuponya kwa kupitia imani ya neno la Mungu.

5. **Matendo ya miujiza:** Hii ni karama ya ajabu inayo mwezesha mtakatifu kutenda kazi ya Mungu kwa kuamini neno la Mungu. Miujiza ni kitu kitokeacho kwa njia ya kinyume na utaratibu wa kawaida, kwa njia ya imani au kinyume na uwezo wa ufahamu wa mwanadamu na utaratibu wa asili.

6. **Unabii:** ni kwa wale tu wenye kuamini na kutii neno la Mungu kwa sasa ndiyo watakao toa unabii kwa kilicho andikwa. Maneno ya mtu asiye na imani isiyo na msingi wa maandiko ya neno la Biblia hayatoweza kuwa unabii wa kweli. Watumishi wa Mungu walio na upeo wa Roho Mtakatifu huubiri neno la Mungu na kupelekea nasaha na kufundisha kwa kufanya kazi ya Mungu kwa njia ya kanisa ambalo ndiyo mwili wa Yesu. Roho Mtakatifu huwapa uwezo watumishi wa Mungu na watakatifu.

7. **Kupambambanua Roho:** Huu ni uwezo wa kupima ikiwa mtu fulani anao msamaha wa dhambi. Inawezekana

kwetu kuongozwa vibaya na shetani ikiwa hatutokuwa na karama hii, kwa kuwa ulimwengu umetawaliwa na shetani, tunaweza kuwa na karama hii. Mwenye haki hupokea karama hii kwa kuamini ukubwa wa injili. Kwa jinsi hiyo ataweza kuelezea ikiwa mtu fulani bado anadhambi moyoni.

**8. Kunena kwa lugha:** Biblia hutuambia juu ya kunena kwa lugha, *“Napenda kunena maneno matano kwa akili zangu nipate kuwafundisha wengine zaidi ya kunena maneno kumielfu kwa lugha” (1 Wakorintho 14:19)*. Watakatifu imewapasa kuelewa ya kwamba ni muhimu zaidi kuelewa neno la Mungu la kweli kuliko kunena kwa lugha ambako yeye binafsi hawezi kujielewa. Imempasa aachane na kunena kwa lugha.

**9. Tafsiri za lugha:** Karama hii walipewa wafuasi ili kuwawezesha kuishudia injili katika kanisa la mwanzo. Nyakati hizi Roho Mtakatifu anaihubiri injili kwa njia ya huduma ya kutafsiri na kuainisha ujumbe katika aina mbalimbali za lugha. Hatuna haja ya mkalimani ikiwa yupo awezaye kuhubiri kwa kuongea lugha mbalimbali hata hivyo tunapokumbuna na mipaka ya lugha, Mungu siku zote hutuwezesha katika kutafsiri ili kuitimiza kazi yake. Mungu hatendi kazi kwa machafuko au katika hali ya mchanganyiko. Roho Mtakatifu hutenda kazi katika injili njema na pia kutuongoza sisi watakatifu katika kutafsiri injili katika aini mbalimbali za lugha.

## Ni yapi matunda ya Roho Mtakatifu?

Kuhusiana na matunda ya Roho Mtakatifu, biblia inatuambia *“lakini tunda la roho ni upendo, furaha, amani, uvumilivu, utuwema, fadhila, uaminifu, upole, kiasi juu mambo*

*kama hayo hakunasheria” (Wagalatia 5:22-23).*

1. **Upendo:** upendo wa kweli ni kwa wenye haki kushiriki katika kuokoa wale wote wenye dhambi kwa njia ya kuwahubiria injili njema ya maji na Roho. Kwa kuwa watu wenye haki ndiyo wenye injili njema ambayo ndiyo upendo wa Yesu, basi wao ndiyo wenye upendo wa kweli kwa roho nyingine.

2. **Furaha:** hii ni furaha yenye utukufu isiyo elezeka inayobubujika toka kwenye kina cha mioyo pale tunapo zaliwa upya mara ya pili. Mtu mwenye haki aliyesamehewa dhambi zake zote anayofuraha moyoni mwake (Wafilipo 4:4). Kwa kuwa ipo furaha moyoni mwa wenye haki basi wao ndiyo wenye uwezo wa kushiriki furaha hiyo na watu wengine.

3. **Amani:** huu ni moyo uliyo tulia ambao mtu mwenye haki hupatiwa kwa kusamehewa dhambi zake zote kwa kuwa na imani ya injili ya maji na Roho. Roho Mtakatifu ndiye asababishaye mwenye haki kuihubiri injili njema ya amani. Watu walio isikia injili njema ya amani wana uwezo wa kuongoza wengine kuzishinda zambi za ulimwengu na kuweza kuwa na ufahamu wa imani wenye nguvu na kuwa kifua mbele kwa karama ya wokovu. Watu wenye haki wanaoleta amani kati ya Mungu na wanadamu huitwa wana wamungu (Mathayo 5:9) na kuwaongoza wengine kupata msamaha wa dhambi (Mithali 12:20). Roho mtakatifu husababisha wenye haki kuishi maisha yenye haki na kuwabariki wengine kwa amani kwa kuieneza injili njema.

4. **Uvumilivu:** Tunda la uvumilivu limo ndani ya mioyo ya wenye haki ambao walio kwisha kombolewa tokana na dhambi zao kwa kuamini injili ya kweli. Tunaweza kuwa na tunda hili kwa kuchochea bila kikomo hisia za ushindi na Roho Mtakatifu. Katika moyo wa mwenye haki upo uvumilivu na subira.

5. **Wema:** Mungu aliturehemu pale tulipokuwa wenye dhambi na hivyo kutukomboa kwa dhambi zetu zote kwa injili ya ubatizo wa Yesu na damu yake msalabani. Nasi pia

tutaweza kuwapenda na kuwarehemu wengine kwa sababu Yesu aliturehemu na kutufutia dhambi zetu zote. Na kwa kuwa tunamwamini yeye na kupokea rehema yake mioyo ya wenye haki imefurika wema na matunda ya injili njema.

6. **Fadhili:** Hapa maana yake “matendo mema” watu wenye haki wana fadhili katika Bwana ndani ya kinywa na ndani ya kina cha mioyo yao.

7. **Uaminifu:** Hapa maana yake ni ule moyo uliojawa na imani katika Mungu. Uaminifu wa mtakatifu huja kutokana na kutunza amana ya Yesu.

8. **Upole:** Maana yake ni kuwa na uwezo wa kuwaelewa wengine kwa ukamilifu na kuwachukulia kwa upole na taratibu mioyoni mwetu. Wenye haki wanamioyo ya kuwapenda maadui zao na kuwaombea kwa ajili ya ukombozi wao.

9. **Kiasi:** Huu ni uwezo wa kujitawala nafsini, kujizuia katika kuishi maisha yasiyo ya uadilifu kwa kuwa na kiasi.

## **Kujazwa na Roho Mtakatifu.**

Nini matokeo ya kujazwa na Roho Mtakatifu? Kwa kupokea baraka hii kunawezesha watakatifu kuishi wakiwa wafuasi wa Yesu Kristo huku wakijiunga na kanisa la Mungu. Roho Mtakatifu huwezesha wenye haki kuwa vyombo vya haki na kujitolea kutimiza mapenzi ya Kristo. Mapenzi ya wenye haki huongozwa na mapenzi ya Bwana na kwa hiyari hujitolea mali zao zote na vipaji vyao kwake. Roho Mtakatifu huwawezesha wenye haki kuishi maisha ya kujitolea ili kuzishinda dhambi za ulimwengu wakiwa na fikra za ushindi, furaha na kifua mbele, na si ufukara wa kiroho kushindwa na kuchanganyikiwa (Warumi sura ya 7).

*“Lakini mtapokea nguvu akiisha kuwajilia juu yenu Roho*



*Mtakatifu nanyi mtakuwa mashaidi wangu katika Yerusalemu, na katika Uyahudi yote na Samaria na hata mwisho wa nchi” (Matendo 1:8).* Ujazo wa Roho Mtakatifu huwaongoza wenye haki katika kuihubili injili.

Bwana aliwapa hisiya ya imani yenye nguvu kwa wale ambao Roho Mtakatifu ameweka makazi ndani yao. Na Mungu amewapa haki watoto wake wale ambao wamekwisha samehewa dhambi zao kwa imani ya injili ya Yesu (Yohana 1:12). Watu wenye haki walio wana wa Mungu kwa njia ya imani ndiyo wenye kuweza kuihubiri injili njema ulimwenguni.

Watu wenye haki wanauwezo wa kumshinda shetani kupitia injili ya msamaha wa dhambi. Pia wanayo nguvu ya kuponya magonjwa ya kiroho, (Marko 16:18) kukanyaga nguvu za shetani, (Luka 10:19) na kuingia katika Ufalme wa Mbinguni (Ufunuo 22:14) Watu wenye haki huishi na mamlaka sawa na wafalme kwa kuyaamini maneno ya ahadi za Mungu (Wakorintho 6:17-18).

Roho Mtakatifu huwewazesha watu wenye haki kukabili tamaa zao za dunia. Pia hutuongoza katika kuhubiri injili ya kweli (Wagalatia 5:6).

Roho Mtakatifu husababisha wenye haki kusoma na kuamini injili nzuri na kuifundisha kwa wengine (1 Timotheo 4:13).

Roho Mtakatifu huwakutanisha wenye haki katika kanisa la Mungu (Waebrania 10:25).

Roho Mtakatifu huwawezesha wenye haki kukiri dhambi zao (1 Yohana 1:9) ili kufanya mioyo yao iangaze nuru ya kweli (Waefeso 5:13).

Roho Mtakatifu huwaongoza wenye haki kuelekea njia ya kweli katika maisha yao (Zaburi 23).

Roho Mtakatifu huwaambia wenye haki wasizimishe karama zake ndani yao (1 Wathesalonike 5:19).

Roho Mtakatifu hufanya kazi kwa njia ya injili njema (Marko 16:17-18).

Roho Mtakatifu huongoza wenye haki katika kuishi wakiwa wafuasi wa Bwana kwa kujiunga katika kanisa la Mungu. Huwaongoza wenye haki kuishi maisha ya kiroho ya kuihubiri injili njema na kujazwa na Roho Mtakatifu. Hii ndiyo kazi ya Roho Mtakatifu kupitia njia ya injili njema (1 Petro 2:9).

Hufanya kazi ndani ya mioyo ya watakatifu hata katika muda huu. Haleluya! ☒

# MAHUBIRI 14

**Ipi toba ya kweli katika**

---

**kumpokea Roho**

---

**Mtakatifu?**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Ipi toba ya kweli katika kumpokea Roho Mtakatifu?

< Matendo 2:38 >

**“Petro akawaambia tubuni mkabatizwe kila mmoja kwa jina lake Yesu Kristo mpate ondoleo la dhambi zenu nanyi mtapokea kipawa cha Roho Mtakatifu.”**



Biblia inasema katika (Matendo 2) kwamba mahubiri ya Petro yaliwagusa kwa undani watu na hata kuwasababisha watubu dhambi zao. Walichomwa mioyo yao na kumwambia Petro na mitume wengine, “*Tutendeje ndugu zetu? (Matendo 2:37)*. Petro akawaambia “*tubuni mkabatizwe kila mmoja kwa jina lake Yesu Kisto mpate ondoleo la dhambi zenu nayinyi mtapokea kipawa cha Roho Mtaakatifu*” (Matendo 2:38).

Mahubiri ya Petro yanatuonyesha wazi kuwa imani katika injili nzuri ya maji na ya Roho ni ya muhimu sana katika kumpokea Roho Mtakatifu na pia inatuonyesha jinsi toba ya

kweli lilivyo. Tunapaswa kutambua kuwa tunaweza kumpokea Roho Mtakatifu sambamba na ondoleo la dhambi kwa kuyaangalia maandiko matakatifu kwa karibu na kwa kuamini katika injili nzuri ya maji na ya Roho.

Jambo la kwanza tunalotakiwa kuwa nalo ili kupokea uwepo wa Roho Mtakatifu ni imani katika toba ya kibiblia. Hata hivyo, tunatakiwa kuwa makini ili tusije tukaelewa toba hili kuwa ni majuto. Toba maana yake ni imani katika Yesu Kristo. Tunaweza kuona katika Biblia kuwa watu walijuta kwa kumsulubisha Bwana. Walijuta kumuuliza Petro kwamba wafanye nini na walizikiri dhambi zao hata kabla ya Petro kuwaambia watubu. Tunaweza kuona kuwa toba ambayo Petro aliizungumzia haikuwa kuzijutia dhambi wala kuzikiri, bali ilikuwa ni kumpoke Yesu Kristo katika moyo wa kila mtu kama Mwokozi na kuwa na imani katika injili nzuri ambayo Yesu ametupatia. Na hii ndiyo asili nzuri ya toba.

Upendo wa Yesu Kristo ulikuja kwetu kabla hayajakuwepo majuto-binafsi kwa dhambi za mioyo yetu. Hii inamaanisha kuwa Yesu alizichukua dhambi zetu pale alipobatizwa katika Mto Yordani, alikufa Msalabani, na kisha akafufuka toka kwa wafu. Kwa njia hii, alizisafisha hatia na dhambi zetu zote.

Toba ya kweli maana yake ni kuamini katika ukweli huu. Je, unafikiri kuwa dhambi zetu zimesafishwa moja kwa moja kwa kule kujuta na kuomba msamaha? Ukweli ni kuwa hili sio toba la kweli. Toba la kweli maana yake ni kupokea ondoleo la dhambi zetu kwa kuamini katika injili nzuri ya ubatizo wa Yesu na damu yake. Biblia inasema kuwa tunasamehewa dhambi zetu kwa toba. Vivyo hivyo, inatupasa kuamini injili ya ubatizo wa Yesu na damu yake ili tuweze kupokea ondoleo kamili la dhambi zetu.

Petro alitoa huduma ya ubatizo “katika jina la Yesu Kristo” kwa wale waliomwamini Yesu. Yesu alibatizwa ili aweze

kuzichukua dhambi za wanadamu wote. Ubatizo na kifo chake juu ya Msalaba ulikuwa ni ukamilifu wa injili nzuri inayowawezesha waamini kupokea uwepo wa Roho Mtakatifu (Mathayo 3:15-17). Mwanadamu anaweza kutakaswa kwa kuamini katika ubatizo wa Yesu na damu yake pale Msalabani. Kwa kifupi, wale waliopokea ondoleo la dhambi kwa kuamini katika injili wamempokea Roho Mtakatifu.

## **Je, sala zitaweza kuleta uwepo wa Roho Mtakatifu ndani?**

Watu hawatoweza kupokea msamaha wa dhambi na uwepo wa Roho Mtakatifu ndani yao hata ikiwa watafanya maombi ya dhati kutaka uwajilie. Ili tuweze kupokea uwepo wa Roho Mtakatifu, ni muhimu kuamini injili njema iliyokamilishwa kwa ubatizo wa Yesu na damu yake pale msalabani. Roho Mtakatifu wa Mungu hutunukiwa kwa wale walio kuwa na dhambi amabao wametakaswa moja kwa moja.

Imani katika injili ni kumkubali Yesu kama mokozi wa kweli. Matendo 2:38 inasema, *“tubuni mbatizwe kila mmoja kwa jina lake Yesu Kristo mpate ondoleo la dhambi zenu nanyi mtapokea kipawa cha Roho Mtakatifu.”* Mtume Petro alisema kwamba uwepo wa Roho Mtakatifu hutolewa kwa wale walio samehewa dhambi zao kwa njia ya imani katika toba ya kweli. Msamaha wa dhambi na kupokea uwepo wa Roho Mtakatifu ni pacha.

Biblia inasema *“Tubuni mkabatizwe kila mmoja kwa jina lake Yesu Kristo mpate ondoleo la dhambi zenu nanyi mtapokea kipawa cha Roho Mtakatifu kwa kuwa ahadi hii ni kwaajili yenu na kwa watoto wenu kwa watu wote walio mbali na kwa wote watakao itwa na Bwana Mungu wetu wa*

*mbinguni” (Matendo 2:38-39).*

Mtu aweza kupokea Roho Mtakatifu kwa sharti kwamba moyo wake umetakaswa, usio na dhambi. Hivyo imetupasa kuamini injili ambayo Yesu Kristo ametupatia. Lazima tutakaswe baada ya kupokea msamaha wa dhambi kwa kuamini injili njema inayosema dhambi zetu zote ulimwenguni zilitakaswa pale Yesu Kristo alipobatizwa. Ndipo hapo tutakapoweza kupokea Roho Mtakatifu. Ni mapenzi ya Mungu kwa Roho Mtakatifu kuweka makazi ndani ya wanadamu *“maana hayo ndiyo mapenzi ya Mungu kutakaswa kwenu” (1 Wathesalonike 4:3).*

Msamaha wa kweli hutolewa si kwa njia na juhudi za watu kujitoa muhanga au kuwa wema, bali kwa kuamini injili ambayo Mungu Utatu Mtakatifu aliyoitimiza kupitia Yohana mbatizaji. Mungu Utatu Mtakatifu huwatunukia uwepo wa Roho Mtakatifu kwa wale wote waliokwisha samehewa dhambi zao kwa kuamini injili njema.

Umati wa watu ulichomwa mioyo pale ulipo yasikia Petro aliyoyanena siku ile ya pentekoste. Walipaza sauti na kuuliza *“Tutendeje ndugu zetu?” (Matendo 2:37).* Hii hudhihirisha kwamba tayari wamekwisha badilishwa kifikra zao na sasa wanamwamini Yesu Kristo kuwa ni mwokozi na Bwana wao. Na pia wamekwisha okolewa kutokana na dhambi zao kwa kuamini toba ya kweli aliyo ihubiri Petro. Msamaha wa dhambi ulikwisha tolewa kwa wanadamu wote kwa kutegemea imani zao katika injili njema ya ubatizo wa Yesu na damu yake msalabani.

Dhumuni la ubatizo wa Yesu ni kumwezesha yeye abebe dhambi za ulimwengu. Kwa kuamini hili ndilo sharti moja wapo muhimu la kupokea Roho Mtakatifu. Mungu ametupatia uwepo wa Roho Mtakatifu kwa wale wanao iamini injili ya kweli iliyo na msingi wa ubatizo wa Yesu Kristo. *“Naye Yesu*



*alipokwisha kubatiwa mara akapanda kutoka majini na tazama mbinguni zikamfunikia, akamwona Roho wa Mungu akishuka kama huwa akija juu yake” (Mathayo 3:16).* Kuja kwa Roho Mtakatifu katika siku ile ya pentekoste kuna uhusiano wa pekee na imani ya mitume katika injili njema: ubatizo wa Yesu, damu yake msalabani na ufufuko.

Katika Matendo inasema kwamba watu waliobatizwa katika jina la Yesu walimpokea Roho Mtakatifu moja kwa moja katika muda huo huo. Yatupasa kuamini kwamba kupokea Roho Mtakatifu ni karama ya pekee toka kwa Mungu. Ili tuweze kupokea karama hii, inatupasa kwamba dhambi zetu zote zisafishwe kwa kupitia imani katika ubatizo wa Yesu na kifo chake msalabani.

Kulingana na Matendo, wale wote walio sikia mahubili ya Petro ambapo alishuhudia akisema, “*Jiokoeni na kizazi hiki chenye ukaidi*” (Matenda 2:40). Walitii maonyo yake na kubatizwa. Kile tunachojifunza toka katika biblia ni kwamba, mitume katika siku hizo za kanisa la mwanzo walimpokea Roho Mtakatifu kwa msingi wa imani zao katika ubatizo wa Yesu Kristo na damu yake msalabani. Hili ndilo sharti muhimu la kuweza kumpokea Roho Mtakatifu. Imani katika ubatizo wa Yesu na damu yake msalabani ni jambo lisilo wekwa kando ikiwa mtu atahitaji msamaha wa dhambi.

## **Imahi ituongozayo katika kumpokea Roho Mtakatifu kwa njia ya toba ya kweli.**

Hebu tuangalie katika Mtendo 3:19, “*tubuni basi mrejee, ili dhambi zenu zifutwe zipate kuja nyakati za kuburudishwa kwa kuwako kwake Bwana.*” Tutawezaje basi kuelezea nini maana ya toba? Hebu na tufikirie upya tena.

Katika biblia, toba maana yake ni kuirudia imani ya ukombozi. Katika nyakati hizo watu walishika tabia kama walivyo penda nafsini mwao na kuviabudu vitu vilivyo umbwa na Mungu. Lakini baada ya kugundua kwamba Yesu Kristo alikwisha kuwaokoa toka dhambini kwa maji na kwa damu yake, ndipo wakaanza kubadilika. Hii ndiyo toba ya kibiblia. Toba ya kweli ni kuirudia injili njema ya maji na Roho.

Ni ipi toba iliyo ya kweli inayo hitajika katika kumpokea Roho Mtakatifu? Ni katika kuamini ubatizo wa Yesu na damu yake msalabani *“zipate kuja nyakati za kuburudishwa kwa kuwako kwake Bwana.”* Ikiwa watu watakuwa na imani hii, basi watasamehewa dhambi zao na kumpokea Roho Mtakatifu. Kwa kuwa Yesu amewatakasa wenye dhambi wote duniani kwa njia ya ubatizo wake na damu yake msalabani, imetupasa basi kuamini hili ili tuweze kupokea ukombozi na uwepo wa Roho Mtakatifu.

Ili tuweze kumwamini Yesu na kupokea uwepo wa Roho Mtakatifu, inahitajika dhambi zote zitwikwe juu ya Yesu kwa imani ya ubatizo wake na kifo chake msalabani. Yatupasa kuamini kwamba Yesu alizichukua dhambi zetu zote na kufa msalabani ili ahukumiwe kwa ajili ya dhambi hizo. Hii ndiyo imani sahihi na toba ya kweli, amabayo inayotuwezesha kuwa na uwepo wa Roho Mtakatifu ndani yetu.

Roho Mtakatifu huja juu ya wale wote walio kwisha samehewa dhambi zao zote. Kwanini Mungu ametoa Roho Mtakatifu kama karama kwa wale wote walio kwisha pokea ukombozi? Kwasababu Roho Mtakatifu, akiwa mtakatifu, anahitaji kuweka makazi ndani yao na kuwachapa mhuri kuwa wana wa Mungu.

Roho Mtakatifu ni Mungu. Baba, Mwana na Roho Mtakatifu ni Mungu mmoja. Ni nafsi tatu lakini ni Mungu mmoja kwa wale wote wenye kumwamini Yesu. Baba alikuwa

na mpango wa kutuokoa sisi tokana na dhambi zetu, na hivyo Bwana Yesu alikuja ulimwenguni akabatizwa na Yohana ili kuzichukua dhambi za ulimwengu, alikufa msalabani, alifufuka toka kuzimu siku ya tatu na kupalizwa mbinguni. Roho Mtakatifu hutuongoza katika kuamini injili njema kwa kushuhudia juu ya ubatizo wa Yesu na damu yake msalabani.

Mungu huwaweka mihuri wale wote walio kwisha kuokolewa kwa kupitia Roho Mtakatifu. Mungu huwatunukia Roho Mtakatifu wale wote wanao amini injili inayo sema kuwa, Yesu alizichukua dhambi za ulimwengu. Mungu huwapa Roho Mtakatifu kama ahadi na kama mhuri kuashiria kuwa ni watoto wake. Roho Mtakatifu ni uthibitisho wa mwisho katika wokovu wa dhambi kwa wale wenye kuamini injili njema.

Wale wote walio na Roho Mtakatifu ni watoto wa Bwana. Wale walio na uwepo wa Roho Mtakatifu wakati wote hupata nguvu mpya kila wakati. Huwa na imani madhubuti katika maneno ya Mungu juu ya ubatizo wa Yesu na damu yake pale msalabani. Ni wenye furaha ya kweli. Wale wote wenye kutubu kwa njia iliyo sahihi hawatakuwa na dhambi tena mioyoni mwao na hivyo watakuwa na uwepo wa Roho Mtakatifu.

Biblia inasema kwamba, ipo toba iletayo msamaha wa dhambi. Je, umekwisha fanya toba ya aina hiyo? Ukitubu na kuifuata imani ya kweli, nawe pia utaweza kupokea injili njema. Nakusihi utubu dhambi zako na umpokee Roho Mtakatifu. Je, uko tayari kutubu na kuamini injili njema ambayo itakuongoza katika kumpokea Roho Mtakatifu? ☒



# MAHUBIRI 15

**Utaweza kupokea ujazo wa**  

---

**Roho Mtakatifu pale**  

---

**utakapo elewa kweli tu**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Utaweza kupokea ujazo wa Roho Mtakatifu pale utakapo elewa kweli tu

< Yoana 8:31-36 >

“Basi Yesu akawaambia wale wayahudi waliomwamini, Ninyi mkikaa katika neno langu mmekuwa wanafunzi wangu kweli kweli tena mtaifahamu kweli nayo hiyo kweli itawaweka huru. Wakajibu, sisi tu uzao wa Ibrahimu, wala hatujawa watumwa wa mtu wa kati wowote wewe wasemaje, mtawekwa huru? Yesu akawajibu Amini amin nawaambia kila atendaye dhambi ni mtumwa wa dhambi wala mtumwa hakai nyumbani siku zote: mwana hukaa siku zote. Basi mwana akiwaweka huru mtakuwa huru kweli kweli.”



Je unaelewa ukweli ulivyo? Yesu alisema “*mimi ndimi njia*” (Yohana 14:6), hivyo kumjua Yesu ndiko kuijua kweli. Je, Roho Mtakatifu huweka makazi ndani yako kwa kuishukuru imani ya injili njema? Imekupasa ugundue kwamba

ubatizo wa Yesu na damu yake msalabani ni taswira ya injili njema. Hivyo imekupasa kuiamini hivyo.

Siku hizi watu hutumia neno “kuzaliwa upya.” “Watu imewapasa wazaliwe upya. Siasa zizaliwe upya. Dini nazo zizaliwe upya” Neno hili hutumika kama kauli mbiu ya “uboreshaji.” Hata hivyo kuzaliwa mara ya pili haina maana ya uboreshaji wa asili kimwili. Kuzaliwa upya maana yake ni kupokea uwepo wa Roho Mtakatifu kwa kusikia na kuamini injili njema ya maji na Roho.

## **Ni maneno gani ya kweli yatuwezeshayo kuzaliwa upya?**

Kwanini mwanadamu azaliwe upya? Mwanadamu si mkamilifu hivyo umembidi kupokea uwepo wa Roho Mtakatifu ili aweze kuzaliwa upya akiwa mwana wa Mungu. Tunaweza kuona watu wengi wanao mwamini Yesu lakini hawana uwepo wa Roho Mtakatifu. Nikodemo alikuwa ni kiongozi wa Wayahudi. Nikodemo anaye onekana katika Yohana sura ya 3 alikuwa ni msayuni aliye jaribu kuishika sheria aliyopewa na Mungu. Hata hivyo alikuwa akitumika kama kiongozi wa dini ya watu, huku akishindwa kutambua juu ya uwepo wa Roho Mtakatifu.

Ili kuweza kupokea uwepo wa Roho Mtakatifu, imetulazimu kuiamini injili njema ya maji na Roho Mtakatifu na kuishi kwa imani. Mwanadamu ataweza kupokea uwepo wa Roho Mtakatifu pale tu atakapo kuja kuamini maneno ya kweli katika injili njema ya maji na Roho Mtakatifu. Yesu alisema “ikiwa nimeawaambia maneno ya duniani wala hamsadiki mtasadiki wapi niwaambiapo mambo ya mbinguni?” (Yohana 3:12).



Injili njema ya maji na Roho ni kama ifuatavyo: Bwana wetu alizaliwa hapa duniani alibatizwa na Yohana akiwa na umri wa miaka 30, baada ya miaka mitatu alikufa msalabani, alifufuka na hivyo alitukomboza tokana na dhambi zetu zote. Amekuwa mwokozi kwa wale wote wenye kuamini juu ya haya yote. Amewatunukia msamaha wa dhambi na uwepo wa Roho Mtakatifu kwa wale wote wanao iamani injili njema.

Wale ambao bado wanadhambi mioyoni mwao imewapasa kupokea msamaha wa dhambi zao kwa kuamini ubatizo huo wa Yesu na damu yake. Mwanadamu hawezi kamwe kujizuia kutenda dhambi mbele ya Mungu, na hivyo ina mlazimu kuokolewa kwa kumkubali Yesu kuwa Mwokozi wake. Yesu amesafisha dhambi zote za ulimwengu kwa njia ya injili njema ya maji na Roho. Wenye dhambi wote wataweza kuokolewa kwa kusikiliza na kuiamini injili njema ya maji na Roho. Wale wote wenye kuamini injili njema hubarikiwa na uwepo wa Roho Mtakatifu.

*“Na kama vile Musa alivyomwinua yule nyoka jangwani hivyo ndivyo Mwana wa Adamu hanabudi kuinuliwa” (Yohana 3:14).* Katika Agano la Kale, ingawa watu wa Israeli walitenda dhambi nakugongwa na nyoka wenye sumu kali kule jangwani na kufa bila tumaini bado wengi walimudu kuishi kwa kuitazama ile sanamu ya nyoka wa shaba iliyo simikwa.

Vivyo hivyo nasi pia tunauwepo wa Roho Mtakatifu. Yesu ametupa uwepo wa Roho Mtakatifu kwa wale wanao amini injili njema. Shetani hutuwekea vikwazo katika kuifuata injili njema ya maji na Roho na kujaribu kutuzuia kumpokea Roho wa kweli. Hata hivyo Mungu alitubariki na msamaha wa dhambi na uwepo wa Roho Mtakatifu kwa kupitia imani katika injili ya ubatizo wa Yesu na damu yake.

Utaweza pia kupoea uwepo wa Roho Mtakatifu ikiwa utaamini injili njema. Je, unaikubali injili hii njema kama ni

ukweli mbele ya Mungu? Je, unaamini kwamba unaweza kupokea uwepo wa Roho Mtakatifu kwa kuamini injili njema?

Bwana ametuambia tuijue kweli inayo tuokoa tokana na dhambi zetu zote *“Tena mtafahamu kweli nayo hiyo kweli itawaweka huru” (Yohana 8:32)*. Je, unafahamu ukweli wa injili njema ambayo hutuokoa na kutubariki kwa uwepo wa Roho Mtakatifu? Ikiwa utaikubali injili hii hakika utaweza kupokea uwepo huo wa Roho Mtakatifu. ☒

# MAHUBIRI 16

## **Mikakati ya wanao**

---

## **mpokea Roho Mtakatifu**




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# **Mikakati ya wanao mpokea Roho Mtakatifu**

**< Isaya 61:1-11 >**

**“Roho ya Bwana Mungu i juu yangu; kwa sababu Bwana amenitia mafuta niwahubiri wanyenyekevu habari njema, amenituma ili kuwaganga walio vunjika moyo, kuwatangazia mateka uhuru wao, na hao walio fungwa habari za kufunguliwa kwao. Kutangaza mwaka wa Bwana uliokubaliwa na siku ya kisasi cha Mungu wetu; kuwafariji wote waliao; kuwaagizia hao waliao katika Sayuni, wapewe taji ya maua badala ya majivu, mafuta ya furaha badala ya maombolezo, vazi la sifa badala ya roho nzito wapate kuitwa miti ya haki, iliyopandwa na Bwana ili atukuzwe. Nao watajenga mahali pa pale palipoharibiwa, watapainua mahali palipo kuwa ukiwa zamani, watatengeneza miji iliyoharibiwa mahali palipoachwa kizazi baada ya kizazi. Na wageni watasimama na kulisha makundi yenu na watu wa kabila nyingine watakuwa wakulima wenu, na watunzaji wa mizabibu yenu. Bali ninyi mtaitwa makuhani wa Bwana wetu watawaiteni wahudumu wa Mungu wetu; mtakula utajiri wa mataifa na kujisifia utukufu wao. Badala ya aibu yenu mtapata mara dufu, na badala ya fedheha wataifurahiya sehemu yao basi katika nchi yao watamiliki mara dufu; furaha yao itakuwa ya milele maana mimi Bwana naipenda hukumu ya haki nauchukia wivi na uovu, nami nitawalipa malipo katika kweli, nitaagana nao agano la milele. Nakizazi chao kitajulikana katika mataifa na uzao wao katika kabila za watu; wote wawaonao**

watakiri yakuwa wao ni kizazi kilichobarikiwa na Bwana. Nitafurahi sana katika Bwana, nafsi yangu itashangilia katika Mungu wangu; maana amenivika mavazi ya wokovu, amenifunika vazi la haki kama bwana harusi ajipambavyo kwa kilemba cha maua na kama bibi arusi ajipambavyo kwa vyombo vya dhahabu, maana kama nchi itoavyo machipuko yake na kama bustani iotesavyo vitu vilivyopandwa ndani yake ndivyo kwangu Mungu atakavyo otesha haki na sifa mbele ya mataifa yote.”



Mtu aliye kwisha mpokea Roho Mtakatifu yampasa kufanya nini? Imempasa kuihubiri injili ya maji na Roho kwa watu wote. Mungu ameweka dhamana ya injili njema yakuzaliwa upya mara ya pili kwa maji na kwa Roho mikononi mwa wale wote walio kwisha kupokea uwepo wa Roho Mtakatifu. Wale wote walio kwisha pokea msamaha wa dhambi zao mbele ya Mungu hupokea Roho Mtakatifu. Sasa basi kwanini unadhani Mungu ametunuku karama ya Roho Mtakatifu kwao?

Kwa kuwapa uhakika wa mwisho ya kwamba alikwisha wafanya kuwa wana kwake. Mungu huwapa zawadi hiyo ya Roho Mtakatifu. Pia huwasaidia katika kumshinda shetani. Huwafanya wale wote walio kwisha samehewa dhambi zao na ambao wamekisha pokea uwepo wa Roho Mtakatifu kufanya yafuatayo.

## **Huwawezesha kuihubiri habari njema kwa maskini.**

Ipi ni habari njema kwa maskini? Ni injili ya maji na Roho. Mungu anawapa maelekezo wale wote walio pokea uwepo wa Roho Mtakatifu kuihubiri injili njema kwa maskini. Wale wote walio mpokea Roho Mtakatifu kwa kuwa tayari wanatumaini la mbinguni, kamwe hawawezi kuridhika na mambo ya dunia hii.

Mungu huwatunukia injili ya maji na Roho maskini na kuwasamehe dhambi zao. Pia anawatunukia uwepo wa Roho Mtakatifu na kuwaruhusu katika kuingia, ufalme wa milele. Mungu aliwaamuru wenye haki kuihubiri injili ya maji na Roho kwa maskini. Pia huwashawishi kueneza imani ya Mungu na Yesu. Sababu ya Mungu kumleta Roho Mtakatifu ilikuwa ni kuihubiri injili njema kwa wingi katika ulimwengu wa maskini.

## **Hutumwa kuponya mioyo iliyovunjika.**

Ni kwanamna gani Bwana huponya fikra zetu? Huponya mioyo iliyovunjika kwa injili ya maji na Roho. Wapo watu wengi walio vunjika mioyo. Kwao maisha hayana thamani, na haki zao binafsi zime haribika. Wana maisha ya unyonge na uchungu kwa sababu ya dhambi zao. Hivyo mara kadhaa huteswa kwa wasi wasi wa maisha. Watu wote hutamani kuishi maisha ya rehema na kutaka kufurahiya ustawi wa miili yao na roho zao, lakini hili halitokei kwa urahisi sawa na pale ambapo mtu anapoibiwa mali zake na majambazi.

Kwa upande mwingine pia wale walio na dhambi mioyoni mwao huendelea kuibiwa haki yao yote na hatimaye kwenda motoni kwa sababu ya dhambi zao. Na ndiyo maana Bwana

huku akiwahurumia walio vunjika moyo, anatuamuru nasi kuhubiri injili njema kwao. Ni kwa maneno gani Mungu huwaponya? Huwaponya kwa injili njema ya maji na Roho. Huponya mioyo iliyo vunjika na pia kuwatunukia uzima wa milele.

## **Kuwa tangazia uhuru mateka wa dhambi.**

Hutoa uhuru kwa mateka. Hii inamaana gani? Maana yake ni kwamba, Mungu amekwisha ziweka huru roho zote za watu tokana na dhambi zote za ulimwengu. Aliwapa jukumu hili wale wote ambao tayari wamekwisha kumpokea Roho Mtakatifu, na hivyo wataweza kusaidia kuwaweka huru wengine tokana na dhambi zao.

Mwanadamu ana mwili na Roho. Na mwili wake na roho yake huishi huku zikiwa zimefungwa na laana ya dhambi na sheria. Hawezi kufanya chochote bali ni kuishi akiwa mfungwa wa dhambi bila kujali kama anamwamini Mungu au hapana. Akiwa amezaliwa na dhambi hawezi kujizuia kutenda dhambi hizo. Kwa jinsi hii hatima yake ni kuendelea kuwa mtumwa wa dhambi wakati wote wa uhai wake. Maisha yake katika njia hii hatima yake ni kuangamia.

Na hii ndiyo maana huishi maisha haya bila kukwepa huku akiwa anajisikitikia kutokana na udhaifu wake ambao umempelekea kuwa katika hali hiyo. Mungu amewapa Roho Mtakatifu wale wote ambao hawawezi kujizuia kutenda dhambi ambao hatima yao ni kifo ili waweze kuihubiri injili njema kwa wale wenye dhambi na kuwaweka huru wafungwa tokana na dhambi zao zote.



## **Kuwafariji wote waliao.**

Mungu amewapa nini wale wote waliao? Amewapa injili ya msamaha wa dhambi. Mungu huwatuliza watu wote wa dunia hii wanao lia. Amemleta Yesu Kristo ulimwenguni ili kuwasamehe wanadamu kwa dhambi zao na kumtwika dhambi zote za ulimwenguni juu yake, alibatibwa na Yohana na kufa msalabani. Hivi ndivyo Mungu alivyo tutakasa kwa dhambi zetu. Kwa jinsi hii Mungu alituokoa tokana na dhambi zote za ulimwengu.

Bwana wetu huwafariji wale wote waliao kwa kuwajulisha juu ya injili njema ya maji na Roho. Kwa kufanya hivyo, huwabariki wale wote wanao teseka kutokana na imani isiyo kamilika. Huwaongoza wale tu walio na Roho Mtakatifu katika kuihubiri injili njema, kponya mioyo iliyo vunjika na kuwaweka huru wafungwa wa dhambi.

Dhumuni la kuwepo kwetu hapa duniani ni kuweza kusamehewa na Bwana na ndipo tuihubiri injili njema kwa wale walio fungwa na dhambi na kuihitaji faraja ya kuwekwa huru na dhambi. Mungu anatuambia ya kwamba ingawa maisha yetu ni mafupi bado niyathamani. Kwa Mungu kutayarisha msamaha wa dhambi na baraka ya ajabu kwa wanadamu, ni ushahidi tosha wa ukweli huu.

Bwana wetu pia amewatunukia taji la utukufu wale wote wenye huzuni waliao. Maana yake ni kwamba, wenye dhambi wamesamehewa dhambi zao kwa shukrani ya ubatizo wa Yesu na kwa njia hiyo wataweza kuingia Ufalme wa Mbinguni. Ikiwa mtu atasamehewa dhambi zake hufanywa upya mawazo yake na kufikia kuikubali baraka hii ya ajabu. Bwana wetu humvika taji ya utukufu. Amewapaa wenye dhambi injili ya maji na Roho na kuwafanya wale waiaminio injili hiyo kuwa wana kwake. Wale waiamini injili hii njema hufanywa

wajisikie wenye furaha badala ya huzuni.

Kama ilivyo watu wote wanao zaliwa na kufa wakiwa na kilio, furaha kwao ni ya kipindi maalumu hivyo fikra zao mara zote zimejaa huzuni. Hata hivyo Mungu hukutana nao na kuwawezesha kuzaliwa upya kwa tumaini na furaha. Kwa upande mwingie, wale walio zaliwa upya mara ya pili kwa kuiamini injili njema huishi maisha mapya na kuwa na mikakati mipya. Kwanyongeza, wanauwezo wa kufanya kile Mungu anachokihitaji ambacho ni kuihubiri injili ya maji na Roho kwa wenye dhambi wote ulimwenguni, wakiondoshea mbali huzuni zilizomo katika mioyo ya watu na badala yake kuwawezesha kufarijika katika aina zote za furaha na fanaka.

Wale wote walio kwisha samehewa dhambi zao humrudishia Mungu utukufu. Huwaelekeza wenye haki kuihubiri injili njema. Huwaambia kuhubiri kwamba yeye ni nani, ni injili gani aliyotupatia na jinsi utukufu wa Ufalme wa Mbinguni ulivyotayarishwa kwa ajili yetu. Tunaweza kuuona utukufu wa Mungu katika wale wote waliokwisha samehewa dhambi. Wale walio na huzuni katika maisha yao kabla ya kujazwa na Roho Mtakatifu, sasa wataweza kuwa na baraka ya furaha. Wale walio fungwa na dhambi, sasa watajisikia faraja ya uhuru, na wale walio ishi maisha ya siyo na thamani wataweza kuishi maisha ya haki. Hayo yote huonyesha utukufu wa Mungu. Mungu huwachukulia wenye haki kuwa ndiyo watakao jenga upya magofu, kujenga upya makazi yaliyoachwa na kurekebisha miji iliyo haribiwa.

Ukweli ni kwamba, injili hii njema ya maji na Roho ndiyo iliyokuwa ikihubiriwa na mitume katika nyakati zile za kanisa la mwanzo. Yesu alitumwa ulimwenguni takribani miaka elfu mbili iliyopita. Injili hii njema ya maji na Roho ilihubiriwa ulimwenguni hadi kufikia miaka 300 BK. Injili inayo hubiriwa na wenye haki leo hii ni sawa na injili ile ya Roho Mtakatifu,

ambayo Mitume waliihubiri nyakati zao. Hata hivyo katika nyakati za karne ya 4 dola ya Kirumi ilipofanya ukristo kuwa dini ya kitaifa na hivyo kuwafanya raia wake wawe na uhuru wa kidini, ndipo hapo injili ya ubatizo wa Yesu ilipo fifishwa hatua baada ya hatua na kupotea. Ilikuwa katika kipindi hiki baadaye ukristo ukawa dini iliyoanzishwa ikiwa na ustawi na hivyo wale watu wote walio ihubiri injili ya kweli walitoweka.

Kwanini imani ya wale walio amini na kuhubiri ukristo wa kweli katika injili ya kweli ilibadilika? Baada ya ukristo kuwa dini ya kitaifa katika utawala wa Kirumi, wakristo wakawa huru tokana na aina zote za maonyo na mipaka na hivyo kuweza kufurahia nafasi na fursa sawa na wakazi wengine katika utawala wa Kirumi. Wakristo walipata kibali hata cha kuoa katika koo za watawala wa Kirumi. Napia waliweza kuingia katika huduma za kiserekali. Kwasababu ya nafasi hizi, imani zao zilipungua toka imani ya ufufuko hata kufikia kuwa udini mtupu. Tokea hapo injili njema ya maji na Roho ili anza kutoweka kabisa na kutokomea katika ina ya Ukristo wa maadili ya kidunia ulioshamiri sana.

Sasa Mungu anatuamuru sisi Wakristo wa leo katika kipindi chake cha kurudi mara ya pili, kuweza kuihubiri injili hii njema ya maji na Roho ambayo ilitupiliwa mbali kwa muda wote huo mrefu, na kwa jinsi hiyo kuweza kuokoa wanadamu wote kwa dhambi zao. Mungu ameileta upya tena injili hii njema ya maji na Roho ambayo ilihubiriwa nyakati za mitume. Injili ya nyakati za mitume ilikuwa ni injili njema ya ubatizo wa Yesu na damu yake msalabani. Anaituita sisi ili tujenge upya magofu ya miji. Anatumfanya tuelewe nakuiamini injili hii njema ya maji na Roho na hivyo katufanya kuwa wakulima katika shamba la mizabibu.

Mungu ametupatia jukumu sawa kama alilowapa mitume wa kwanza. Amekufanya wewe na mimi kuihubiri injili halisi

ya maji an Roho. *“Roho ya Bwana i juu yangu kwa sababu Bwana amenitia mafuta niwahubiri wanyenyekevu habari njema.”* Mungu amewafanya wale waliokwisha kumpokea Roho Mtakatifu kuihubiri injili na kutupa Roho Mtakatifu.

Mungu ametuvika shada la maua, akiiondoa huzuni zote na kutuvika vazi la shangwe kwa kutupa fanaka juu yetu. Wale walio na Roho Mtakatifu moyoni mwao hupanda mbegu za injili njema kwa wengine ili waweze kumpokea. Nandipo pia nao wataweza kuikubali injili iliyoletwa na Bwana huku wakisamehewa na hatimaye humpokea Roho Mtakatifu.

Tumekuwa watenda kazi wa Mungu. Mimi na wewe tumebarikiwa na utukufu wa Ufalme wa Mbinguni. Hata hivyo Mungu amewafanya wale wasio na Roho Mtakatifu kuwa vipofu ili wasijue, kuona au kuelewa injili hii njema. Hawa wanachoweza ni kuwafanya wengine kumwamini Yesu kwa jina tu lakini kamwe hawatoweza kuwaongoza kumpokea Roho Mtakatifu.

Bwana amekwisha fanya mambo yafuatayo kwa kupitia wale walio na Roho Mtakatifu. Amewafanya waihubiri habari njema kwa maskini na hivyo kuwaponya walio vunjika mioyo kwa injili ya maji na Roho. Pia amewatangazia mateka wa dhambi uhuru wa kweli katika wokovu, na kuwafariji wale wote wenye huzuni kwa injili njema ya maji na Roho. Amewaweka huru wale waliofungwa kwa dhambi kwa sababu ya udhaifu wao huku akiwatangazia furaha na tumaini lishukalo mbinguni.

Kwa kuyafuata haya, Roho Mtakatifu aliyeweka makazi ndani yetu hutufanya tuihubiri habari njema ya maji na Roho kwa watu wote. Yesu Kristo aliwaeleza wale wote waliokwisha samehewa dhambi zao na kumpokea Roho Mtakatifu ndani yao kwamba, watumike katika kuwaokoa wenye dhambi toka na dhambi zao. Mungu huwapa mamlaka wale walio na uwepo wa

Roho Mtakatifu kuwa wasimamizi wa mipango atakayo kutekeleza. Huwafanya wenye haki kutenda kazi yake. Sisi ni watenda kazi wake tulioteuliwa tukiwa waangalizi katika shamba lake la mizabibu, kanisa la Mungu. Sisi ni watumwa kwake. Mungu ametupatia baraka hii ya ajabu.

Tunagundua udhaifu wetu pale tuanapoangalia miili yetu. Lakini kwakuwa Mungu hutenda kazi nasi basi tunamtumaini yeye na hata kuendelea kuwa watumishi wake kwa amani. Tunatumaini kuwa Mungu atatenda mambo makuu kwa kupitia sisi na kusambaza utawala wake kwetu.

Mungu ameamua kujenga upya ngome ya injili katika miji iliyo na magofu. Alituhidi ya kwamba atajenga upya mabaki na kurudishia miji iliyobomolewa. Naamini kwa dhati patatokea uamsho wa injili kwa mara nyingine tena duniani pote.

Kwa hili, hata hivyo si kwa mapenzi yangu. Naamini hivyo kwa sababu ni lazima itatokea. Bwana wetu amewafanya wale wote walio na Roho Mtakatifu kuihubiri injili njema ulimwenguni pote. Amemtuma mwana wake kuja duniani na kuitimiza injili, hivyo naamini mapenzi yamefanikiwa kwa kupitia sisi tulio na Roho Mtakatifu. Wale wanaoiamini injili hii njema ndiyo watakao uona utukufu wa Mungu. Haleluya! ☐



# **MAHUBIRI 17**

**Yatupasa tuwe na imani**  

---

**na tumaini katika**  

---

**Roho Mtakatifu**



Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri



# **Yatupasa tuwe na imani na tumaini katika Roho Mtakatifu**

**< Warumi 8:16-25 >**

**“Roho mwenyewe hushuhudia pamoja na roho zetu ya kuwa sisi tu watoto wa Mungu, na kama tu watoto basi tu warithi, warithi wa Mungu warithio pamoja na Kristo; naam tukiteswa pamoja naye ili tupate na kutukuzwa pamoja naye. Kwa maana nayahesabu mateso ya wakati huu wa sasa kuwasi kitu kama utukufu ule utakao funuliwa kwetu. Kwa maana viumbe vyote pia vinatazamia kwa shauku nyingi kufunuliwa kwa wana wa Mungu. Kwa maana viumbe vyote pia vilitiishwa chini ya ubatili; si kwa hiyari yake ila kwa sababu yake yeye aliye vitiisha katika tumaini. Kwa kuwa viumbe vyenyewe navyo vitawekwa huru na kutolewa katika ulimwengu wa uharifu hata viingie katika huru na utukufu wa watoto wa Mungu. Kwa maana twajua yakuwa viumbe vyote pia vinaugua pamoja, navyo vinauchungu pamoja hata sasa. Wala si hivyo tu ila na sisi wenyewe tulio na malimbuko ya Roho sisi tunaugulia katika na fasi zetu, tukikukutazamia kufanywa wana yaani, ukombozi wa mwili wetu. Kwa maana tuliokolewa kwa taraja, lakini kitu kilicho tarajiwa kikionekana hatuna taraja tena. Kwa maana ni nani anayekitaraji kile akionacho? Bali tukitarajia kitu tusichokiona twakingojea kwa saburi.”**

*Kwanini wenye haki wanalo  
tumaini katika Roho Mtakatifu?*

*Kwa sababu sisi tulio zaliwa upya ndiyo tutakao  
miliki mbingu mpya na nchi mpya huku wale  
ambao bado hawajazaliwa upya mara  
ya pili wataangamia katika  
mwisho wa dunia hii.*

## **Sasa ni wakati usio na tumaini.**

Je, lipo tumaini la ulimwengu wa leo? Hapana Hakuna. Lipo kwa Yesu tu. Sasa ni wakati usio tabirika na kukosa matumaini. Kila kitu kinabadilika kila siku na kwa kasi watu wanajaribu kwa bidii kwenda sambamba na badiliko yaendayo kasi. Hawatafuti ukweli wa kiroho au hata kuhusika na faraja ya kiroho. Badala yake wanahangaikia kuzuia kushindwa na kuishia kuwa watumwa wa ulimwengu.

Nafasi za kazi zinaingia na kutoka. Kwa hali nyingine watu nao wanapitia mabadiliko makubwa. Hivyo kuishi wakiwa wanatingwa na kuwa na wawasi na maisha. Na hatua kwa hatua tumaini lao kwa dunia hii hutokomea. Sababu mojawapo ya hili ni kwakuwa wanaishi maisha yasiyo na uhakika wa mbeleni. Tunaishi katika ulimwengu wa aina hii usio na uhakika.

## **Yatupasa tuwe na tumaini la uzima wa milele katika Roho Mtakatifu.**

Ni kwa namna gani tutaweza kupata tumaini la kweli?

Tutaweza kulipata kwa kuiamini injili ya maji na Roho. Tumaini la wale walio kwisha mpokea Roho Mtakatifu si katika ulimwengu huu bali ni Mbinguni. Mtume Paulo alizungumzia juu ya tumaini la kweli Mbinguni. Sisi ambao tayari tumekwisha kupokea uwepo wa Rohao Mtakatifu huweka matumaini yetu katika mambo ya mbinguni. Tunafanya hivyo kwa sababu tunaamini ya kwamba, Yesu Kristo alikuja kuzichukua dhambi zetu zote duniani na hivyo kutuokoa sisi wenye dhambi kwa njia ya ubatizo wa Yesu kwa Yohana na damu yake msalabani. Mungu aliwatunukia tumaini la mbinguni wale wote wanao amini injili ya msamaha wa dhambi.

Warumi 8:19-21 inasema *“kwa maana viumbe vyote pia vinatazamia kwa shauku nyingi kufunuliwa kwa wana wa Mungu kwa maana viumbe vyote pia vilitiishwa chini ya ubatili; si kwa hiari yake ila kwa sababu yake yeye aliye vitiisha katika tumaini kwa kuwa viumbe vyenye navyo vitawekwa huru na kutolewa katika utumwa na utukufu wa watoto wa Mungu.”* Viumbe vyote vinatumaini kukombolewa toka kifungo cha uharibifu na kifo.

Viumbe vyote katika dunia hii si vikamilifu, hivyo vinaugulia na kusubiri kwa watoto wa Mungu kudhihirishwa, kwa nyongeza pia vinatamani kuwekwa huru toka kifungo cha uharibifu na kuishi milele. Viumbe vyote vinasubiri siku ambayo havitooza tena au kuchakaa bali kuishi milele.

Siku moja viumbe vyote vilivyo umbwa na Mungu vitafanyizwa upya. Ingawa maua hunyauka na kuoza leo hii katika dunia, yatakuja chanua na kuishi milele katika dunia mpya. Sisi tulio na uwepo wa Roho Mtakatifu nasi pia tutakuja kuuona ulimwengu huo mpya.

Yesu Kristo alituahidi ya kwamba atarudi tena kuwafufua wale wote walio na uwepo wa Roho Mtakatifu, wakipewa miili

mipya ambayo haitaharibika na ya milele kwa kila moja na hivyo kupewa uzima wa milele. Pia aliwaahidi kwamba wataishi milele mbinguni pamoja na Mungu. Viumbe vyote navyo vinasubiri kuishi nasi siku hiyo.

## **Ulimwengu huu hutazamia kwa njia ya tumaini.**

Ndoto hii itatimia lini kwa wale wenyehaki? Itatimia pale Bwana atakaporudi. Yatupasa kuwa na tumaini pale tunapotazama ulimwengu huu. Yesu anasema kwamba patatokea njaa, magonjwa na milipuko, matetemeko ya ardhi na vita pahala pote (Mathayo 24:7). Lakini mwisho bado haujawadia katika siku ya mwisho wa dunia. Bwana wetu atakuja tena akifanyiza upya mambo yote ya dunia na kutubadilishia miili ya kiroho isiyoharibika. Hii inamaana pia kwamba mimea na wanyama nayo pia itapokea miili isiyo haribika. Kwa kuamini hili yatupasa kuuangalia ulimwengu kwa tumaini jipya.

Katika ulimwengu hata wale walio na uwepo wa Roho Mtakatifu wanaugulia ndani yao pamoja na viumbe wengine wote kwa hamu wakisubiri utukufu wa ukombozi wa miili yetu tukiwa watoto wa Mungu. Tunauangalia ulimwengu kwa tumaini kwa sababu Bwana atatufanya kuwa wana kwake ambao hatutooza au kufa pale atakapo rudi.

Ingawa dunia itaharibiwa siku moja vitu vyote vitafanywa upya pale Bwana atakaporudi tena. Yatupasa kuishi kwa tumaini kwa kuamini hili. Dunia hiyo mpya itakuwa yenye furaha na ya ajabu mfano wa dunia yoyote uliyowahi kuisikia katika simulizi. Hebu fikiri namna ya kuishi katika dunia hiyo kwa muda wa miaka elfu moja. Na pia tutakuwa na uzima wa milele tukiwa watoto wa Mungu pale tutakapo ingia katika

Ufalme wa Mbinguni. Yatupasa kuishi kwa tumaini la aina hii.

Je, unaona tumaini lolote katika dunia hii? Hapana. Watu huishi maisha ya furaha ya muda mchache kwa sababu hawana tumaini la dunia hii. Lakini Bwana wetu amekwisha tupa tumaini la mbinguni kwa wale waliokwisha samehewa dhambi na kufanywa wenye haki. *“Kwa maana tuliokolewa kwa taraja lakini kitu kilicho tarajiwa kikionekana hakuna taraja tena. Kwa maana ni nani anaye tarajia kile akionacho? Bali tukitarajia kitu tusichokiona twakingojea kwa saburi.”* Hii maana yake imetupasa kuwa na subira katika ujio wa Yesu kwa mara ya pili kwa sababu tumeokolewa kwa kuyaamini maneno ya Mungu.

Tunauwepo wa Roho Mtakatifu ndani ya roho zetu kwa sababu tuliokolewa toka dhambini. Kwa maana hiyo wale waliokwisha samehewa na Yesu ndiyo wenye Roho Mtakatifu mioyoni mwao badala ya dhambi. Vipi kuhusu miili yetu? Miili yetu iliyo midhaifu nayo pia itafufuliwa kupokea uhai mpya wa miili isiyo haribika. Tutaishi milele pamoja na Mungu pale Yesu atakaporudi tena. Wale waliozaliwa upya kwa mara ya pili wanaupendeleo wa kufanyiwa hivyo kwa sababu wanatumaini hilo kwenye roho zao na miili yetu itakuwa kamilifu. Miili yetu itakuwa ya milele na kamwe haitaugua. Miili yetu ya duniani ni dhambi hivyo si rahisi kwetu kuishi maisha yaliyo makamilifu.

Lakini hapo baadaye tutakuwa na uwezo wa kuishi tukiwa wakamilifu. Hebu basi natutazamie mbeleni kwa kuja kwake Bwana. Ni kwa wale tu walio na uwepo wa Roho Mtakatifu ndiyo watakaoweza kuwa na aina hii ya tumaini la uzima. Tumaini la mwenye haki si mbinguni pekee bali hata pia huwa ni ukweli pekee katika dunia. Biblia inasema kwamba Bwana wetu atarudi mara ya pili pale dunia itakapo angamia katika tabu kuu. Hakika hapa ndipo atakaporudi. Alipo kuja kwa mara

ya kwaza alibatizwa kwa ajili yetu wenye dhambi, akafa msalabani ili kutufanya wenye haki na hatimaye akapaa mbinguni. Sasa niwakati mwingine wa kutarajia kurudi kwake.

Katika siku hiyo atawafufua wale walio lala, yaani watakatifu walio mwamini Yesu na kupokea uwepo wa Roho Mtakatifu na hivyo kuwaweka huru tokana na uharibifu. Atawapa miili mipya ya mbinguni ambayo kamwe haito oza au hata kuugua. Kwanyongeza, kwanza watakutana na Bwana mawinguni na hivyo kufanya vitu vyote upya.

Baada ya hili sisi pamoja na Bwana wetu tutaishi milele na kutawala naye katika ulimwengu mpya kwa mileniamu (miaka elfu moja) na kufidia siku tulizo itumikia injili. Haya ni mazoezi na majaribio katika wale watakao kwenda mbinguni. Hili ni tumaini la mbingu na ukweli. Katika muda huo, vitu vyote visivyokamili vitarudia ukamilifu na vile viozavyo havitooza tena. Maneno *“hupandwa katika uharibifu; hufufuliwa katika kutokuharibika”* (1 Wakorintho 15:42) yatatimia katika wakati huo kwa njia ya Yesu Kristo.

Hebu sasa sisi tulio na uwepo wa Roho Mtakatifu tuwe na ukamilifu. Yakupasa ukumbuke kwamba vitu vyote vidhaifu hufa lakini huo sio mwisho wake. Yatupasa kuwa na imani ya tumaini ambalo Bwana ataufanya ulimwengu kuwa mpya tena. Tukiwa na tumaini hilo tutakuwa na uwezo kuihubiri injili.

Tunauwepo wa Roho Mtakatifu kwa sababu tuliokolewa toka dhambini. Kwa upande mwingi Roho Mtakatifu ndani yetu naye anatazamia kurudi kwa Bwana. Hutuomba kwa Bwana Mungu kwa niaba yetu ili tuishi kwa tumaini na imani pasipo kuvunjika mioyo.

## Yatupasa kuishi kwa matumaini katika Roho Mtakatifu.

Ni sehemu gani wenye haki wataishi? Itakuwa katika <sup>5</sup> **mileniam** ambapo Bwana atafanya upya dunia hii pale atakapo kuja pia katika Ufalme wa Mbinguni. Hivyo yatupasa tuwe na subira ya kutosha katika siku hiyo itakayo kuja. Yatupasa kumwamini Bwana wetu kuwa ataifanya miili yetu kuwa kamili pale dunia hii itakapo angamia. Yatupasa kuwa na tumaini la utukufu ujao.

Akiwa na upeo wa Roho Mtakatifu, Paulo alikuwa na tumaini sawa tulilo nalo sisi. Tunaishi na tumaini hilo pia katika fikra zetu tukisubiri mileniam na Ufalme wa Mbinguni. Wale ambao bado hawajazaliwa upya wataangamia mwisho wa dunia hii, lakini wale waliozaliwa upya mara ya pili watamiliki dunia na mbingu mpya. Tumaini hili bila shaka litatimia. Miili yetu itakuwa kamili na tutaishi na kutawala na Yesu kwa miaka elfu moja katika dunia mpya. Tukiitazamia siku hiyo tutaweza kutumaini na kuishi pasipo kuogopa ulimwengu.

Hebu na tuwe wenye subira na kutulia. Ingawa maisha yetu yamechoka, tumaini letu litatimia na kuwa la kweli kwa sababu tunamwamini Mungu. Wale wasio na tumaini hawana thamani bali ni wafu tayari. Tafadhali uwe na tumaini na kuendelea na ndoto yako kwa kuyaamini maneno ya Mungu.

---

<sup>5</sup> Pale Bwana wetu Yesu atakapo shuka duniani kwa mara ya pili kulingana na ahadi yake, atashuka toka mbinguni na kuwafufua wafu waliokufa katika Kristo kwanza. Kitakacho fuata baada ya hili atawabadilisha watakatifu wote walio hai na walio fufuliwa na kuwapa miili ya milele isiyoharibika na baadaye kukutana na watakatifu hao mwinguni. (1 Wathesalonike 4:16-17, 1 Wakorintho 15:51-53) Ndipo atafanya vitu vyote upya baada ya kumwaga mapigo saba ya hasira yake kwa wenye dhambi walio baki. Baadaye ataweka ufalme wake katika dunia mpya na kutawala miaka elfu moja na wale walioshiriki ufufuo wa kwanza. (Ufunuo 20:4-15) Baada ya mileniamu atawahukumu wafu wote walio baki na kuwatupa motoni. (Ufunuo 20:11-15) Ndipo atakapo waongoza watu wake katika mji wa mbinguni, Jerusalemu mpya na ataweka makazi milele huko. (Ufunuo 21:1-4)

Kama vile msamaha wetu ulivyo wa kweli, badiliko la mili yetu litakuwa ni la kweli na hakika kila kiumbe kitapata uzima wa milele. Tumaini letu pia ni kweli. Uwe na imani na kile unacho amini. Wale walio na tumaini ndio watakao weza kuwa werevu na wenye furaha. Watu hukosa furaha ikiwa hawana tumaini. Wale wasio na ndoto hawana furaha. Tutaweza kuishi maisha yenye furaha kwa sababu tunatumaini la mileniamu na Ufalme wa Mbinguni katika dunia mpya na mbingu mpya.

Wale walio na tumaini ni waaminifu katika kazi ya kuhubiri injili njema. Yatupasa kuwa na tumaini ili tuweze kuihubiri injili katika kipindi hiki cha kukatisha tamaa. Yatupasa kuihubiri injili kwa waliochoka, wasio na tumaini, maskini, na wanyenyekevu. Yatupasa tuwakomoe kwa kuhubiri tumaini juu ya Ufalme wa Mbinguni, ambapo kwa wale waliokwisha samehewa dhambi zao kwa kuamini injili ya maji na Roho wataweza kuingia. Yatupasa kuwahamasisha kuwa na tumaini la ulimwengu wa Mungu utakao kuja ghafla kama mwizi baada ya kipindi hiki cha taabu kuu.

Enyi watumishi na watakatifu mliozaliwa upya, tafadhalini ihubirini injili hii hadi mwisho wa dunia. Tunzeni kwa dhati tumaini lenu la mbinguni. Haijalishi ni kwa jinsi gani dunia inavyokwenda kwa kasi katika kuangamia, wale walio na tumaini kamwe hawato angamia, kwa sababu wana ahadi ya milele baada ya maisha ya duniani. Hakika wanayo maisha ya pili waliyopewa na Bwana. ☒



# **MAHUBIRI 18**

**Ukweli uongozao wanao**

---

**amini kujazwa**

---

**Roho Mtakatifu**

# Dhambi za Dunia



Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Ukweli uongozao wanao amini kujazwa Roho Mtakatifu

< Yoshua 4:23 >

**“Kwa sababu Bwana Mungu wenu aliyakausha maji ya Yordani mbele yenu hata milipokwisha kuvuka, kama Bwana Mungu wenu alivyoitenda bahari ya Shamu aliyoikausha mbele yetu hata tulipokwisha kuvuka.”**

*Tukio la mto wa Yordani  
linatufundisha nini?*

*Linatufundisha kwamba Yesu Kristo aliondoa  
kabisa kifo kitokanacho na dhambi  
na hatimaye hukumu ya  
wanadamu.*

Ningependa sasa nizungumzie injili njema ya kweli inayotuwezesha kupokea uwepo wa Roho Mtakatifu. Baada ya kifo cha Musa, Mungu katuletea Yoshua kuiongoza Israeli. Musa alikuwa ni mwakilishi wa sheria katika Agano la Kale. Ikiwa Musa angelivuka mto wa Yordani akiwa na wana wa Israel na kuingia Kanani pasingelikuwepo na umuhimu wa Yoshua kuwa kiongozi wa watu. Hata hivyo Mungu alimwezesha Musa kufika eneo lile karibu na ardhi ya Kanani na kumzuia asiingie.

Omba kitabu cha bure katika tovuti ya [www.bjnewlife.org](http://www.bjnewlife.org)

## Bwana wetu ametupatia Musa na Yoshua

Musa mwakilishi wa sheria katika Agano la Kale asingeliweza kuwachukua watu na Israeli kuingia Kanani. Kama angelifanya hivyo huku akiwa kiongozi wa sheria angelikwenda kinyume na mpango wa Mungu kwa ajili ya wokovu wetu. Hakuna yeyote awezaye kuwekwa huru kwa dhambi mbele ya sheria ya Mungu kwasababu hakuna yeyote awezaye kufuata sheria kwakuwa sheria ipo kwaajili ya kujua au kufahamu dhambi (Warumi 3:20).

Sababu ya Mungu kumpa mwanadamu sheria ni katika kumpa ufahamu wa dhambi, kuifanya sheria kuwa mwongozo kuelekea kwa Kristo ili aweze kufanywa mwenye haki kwa imani (Wagalatia 3:24). Kwa kuwa sheria haikuwa na jingine zaidi ya mwongozo kumwelekea Yesu Kristo, hivyo watu wanamhitaji Yesu na ndiyo maana ilimpasa kuja ulimwenguni. Kile Mungu alichomwagiza Yoshua ni kuwaamrisha Waisraeli kuvuka mto Yordani na kuingia nchi ya Kanani.

Mungu aliwawezesha kuingia nchi ya Kanani wakiwa na kiongozi wao mpya baada ya kifo cha Musa. Yoshua aliamrisha viongozi wa makundi akisema, *“piteni katika ya matuo, mkawamuru hao watu mkisema, fanyeni tayari vyakula kwa maana baada ya siku tatu mtavuka mto huu wa Yordani ili kuingia na kumiliki nchi awapayo Bwana Mungu wenu mpatekumiliki”* (Yoshua 1:11).

Mungu alimwamuru Yoshua aingie Kanani baada ya kuthibitika kwamba isingewezekana kwa kupitia Musa. Mungu alimwamuru Yoshua akisema, *“Nawe uwaamuru hao makuhani walichukua sanduku la agano, ukawaambie, mtakapofika ukingo wa maji ya Yordani, simameni katika Yordani. Basi Yoshua akawaambia wana wa Israeli njooni huku mkayasikie maneno ya Bwana Mungu wenu. Yoshua*

*akasema kwa jambo hili mtajua kuwa Mungu aliyehai yu kati yenu na yakuwa hatakosha kuwatoa mbeleyenu na mbele ya Mkaanani, Mhiti na Mhivi na Mperizi na Mgirgashi na Mwamoni na Myebusi” (Yoshua 3:8-10).*

Baada ya kifo cha Musa Mungu alimteua Yoshua kuwa kiongozi wa Israeli na kumwamuru aingie nchi ya Kanani na watu wote Israeli. Jina Yoshua maana yake “mwokozi”. Kwa tafsiri nyingine “Yesu” au “Hosea”. Mtumishi huyu wa Mungu Yoshua aliwaamuru makuhani kubeba sanduku la Agano na kuvuka mto Yorudani huku akiwaongoza watu. Pale makuhani hawa waliobeba sanduku walipo tumbukiza miguu yao ndani ya maji (kwa kua mto Yordani humwanga maji yake pwani nyakati wa mavuno) basi maji yale yatokayo juu ya vijito yali simama na kujaa mbali na Adamu mji ulio kando ya Zarelani. Hivyo maji yaliyokuwa ya kimiminika baharini yalikatwa na kuweza kufanya watu wavuke upande wa pili wa Jeriko (Yohana 3:15-16).

Kwa tukio hili Mungu hutufundisha sisi kwamba, alikwisha kutuondolea mbali kifo moja kwa moja kile kitokanacho na dhambi na kufuta hukumu ya mwanadamu. Kwa maneno mengine Yesu Kristo mwokozi wetu alizichukua dhambi zote za wanadamu pale alipo batizwa na Yohana Mbatizaji na kusulubiwa. Kwa njia hii basi, aliokoa wanadamu tokana na dhambi zao kwa kuwaongoza katika nchi ya Kanani amabayo inasimama badala ya Ufalme wa Mungu.

## **Mto Yordani ni mahala mwanadamu alipo takasawa.**

Matukio ya kihistoria yanayo husishwa na kuvuka mto Yordani kama ilivyo andikwa katika Agano la Kale na Agono Jipya, ni mojawapo ya matukio ambayo yana umuhimu

mkubwa ambako ndiko kuliko pelekea tukio la wokovu tokana na laana na hukumu zitokanazo na dhambi za wanadamu.

Mto Yordani kwetu unamaana ya mto wa mauti, na mwisho wa mto huu ni bahari ya Chumvi (hii ni bahari isiyo na uhai wowote ndani yake kwa sababu ya kiwango kikubwa cha chumvi zaidi ya kile cha bahari ya kawaida.) Neno Yordani maana yake “mto pekee ambao hutiririkao, kuelekea kifoni” au “kuzama, kudidimia, kugandamizwa chini, kushuka”. Kwa uwazi hili linatuthibitishia juu ya historia ya dhambi za wanadamu. Katika mto huu, Yesu kwa kupitia ubatizo wake, alimiminiwa dhambi zote zitokanazo na wandamu, na baadaye kufa msalabani na hivyo kupokea hukumu badala yao hao wanadamu.

N wapi tulipokuwa tukielekea sisi ambao ni uzao wa Adamu na Hawa? Kwakuwa viumbe wote huzaliwa na dhambi, hutenda dhambi, na kwa jinsi ya mshahara wa dhambi hizo hujikuta wakielekea mautini. Kwa kipindi chote cha historia ya wanadamu, viumbe wote wamekuwa wakielekea katika kuangamia toka kuzaliwa kwao. Ingawa hujaribu kwa uwezo wote kutawala asili yao ya dhambi, bado hushindwa na ndiyo maana huzidi kuijongea hukumu ya mwisho kwa dhambi zao.

Hata hivyo Mungu alikata mtiririko wa dhambi na hukumu. Mungu alimpa Yoshua mwongozo wa kuwapeleka watu wa Israeli katika nchi ya Kanani kwa kuvuka mto Yordani. Haya ndiyo mapenzi ya Mungu kwa Yoshua. Habari hii inamaanisha kwamba, ili kuweza kuwa huru kwa dhambi, yatupasa kulipa mshahara wa dhambi, ambao ni mauti, na hivyo kwamba kwa njia ya gharama hii ndipo basi tunatakaswa kwa dhambi zetu zote na kuingia mbinguni.

Katika Agano la Kale, mtiririko wa mto ulisimamishwa na ukabadilishwa na kuwa ardhi kavu pale makuhani walipo tumbukiza miguu yao katika mto. Hili ndilo ondoleo la dhambi

ambalo lililotolewa kwa wale tu walio amini injili njema. Hii ndiyo iliyo kuwa injili ya maji na Roho iliyo lipia mshahara wa dhambi za wanadamu na hivyo kuwezesha kupokea uwepo wa Roho Mtakatifu kwa imani.

## **Jemadari Naamani.**

Naamani anaye simuliwa katika 2Wafalme 5, alikuwa ndiye jemadari mkuu wa majeshi na kamanda wa jeshi la Shamu mwenye kueshimiwa na aliye okoa nchi yake kutoka kwa maadui. Pia alikuwa nikiwete aliye na hatima yakupoteza kila kitu kwa sababu ya laana. Lakini hapo baadaye aliweza kuisikia habari njema ambayo ingemwezesha kumwokoia tokana na laana hii. Ilisemekana kwamba angeliweza kuponywa endapo angefunga safari na kwenda kumwona mtumishi na Mungu aliyeishi Israeli. Alikuwa ni msichana mdogo kijakazi ndiyo aliye leta habari hizi. Alimwambia *“Laiti bwana wangu angekuwa pamoja na yule na bii aliyeko Samaria maana angemponya ukoma wake”* (2 Wafalme 5:3).

Ndipo alipo amini habari hizi na kwenda na Israeli. Alipowasili mbele ya nyumba ya Elisha, naye Elisha akamtuma mjumbe kwake *“Enenda ukaoge katika Yordani mara saba na nyama ya mwili wako itakurudia, nawe utakuwa safi”* (2 Wfalme 5:10). Akitarajia muujiza wa uponyaji, Naamani alighadhabika na kuamua kurudi nchini kwake. Hata hivyo kwa sababu ya watumishi wake kumsihi, alikubali kumtii Elisha na kushuka katiaka maji na hivyo kuzamisha mwili wake wote mara saba katika mto Yordani. Ndipo mwili wake uliporudi upya mara moja na kuwa kama mwili wa mtoto mchanga.

Kwa njia hiyo pia nasi tumekuja kujua kwamba, ili tuweze

kusamehewa dhambi zetu zote, yatupasa kuachana na fikra zetu na kukubali kile kilicho andikwa katika biblia. Ndipo tutakapo weza kupokea baraka njema. Yeyote atakaye kuokolewa yampasa kutii maneno ya Mungu na kuyaamini yote.

Biblia inasema kwamba dhambi zote za ulimwengu zilisafisha kwa njia ya injili ya ubatizo wa Yesu Kristo na damu yake. Tusiwe na fikra sawa na zile za Naamani. Kamwe hatutoweza kutakaswa kwa dhambi zetu pasipo kwa njia ya injili ya maji na Roho. Hivyo ili tuweze kusamehewa dhambi zetu zote, inatupasa kuiamini injili njema ya maji na Roho. Kama vile Naamani ilivyo weza kutakasa kwa kuzamisha mwili wake mara saba katika maji, nasi tunaamini kwamba tutaweza kutakaswa dhambi zetu kwa kuamini injili njema ya ubatizo wa Yesu, kusulubishwa kwake msalabani na kufufuka kwa kweli. Yatupasa kuihubiri injili njema kama ilivyo.

Muujiza huu katika mto Yordani, unawakilisha kizazi chote cha Adamu kwa baraka ambayo inaondelea mbali mtiririko wa dhambi zote na kuhitimisha hukumu. Wanadamu wote walifukuzwa toka bustani ya Edeni kwa sababu ya Adamu na Hawa kutenda dhambi kwa kushawishiwa na shetani. Hata hivyo tukio la Yordani ilikuwa ni injili njema ambayo iliwaongoza wanadamu kurudi katika bustani ya Edeni tena.

## **Tukio la mto Yordani.**

Biblia imeandika juu ya habari njema kwamba Yesu alijitwika dhambi zote pale Yordani. *“Kubali hivi sasa kwa kuwa ndivyo ipasavyo kuitimiza haki yote” (Mathayo 3:15).* Biblia inatangaza kwamba dhambi zetu zilitwikwa kwake Yesu pale alipobatizwa katika mto Yordani. Kwa maneno mengine, ubatizo wa Yesu ni tukio lililo katilia mbali mnyororo wa



dhambi uliowafunga wanadamu wote. Hivi ndivyo Yesu alivyoweka kikomo cha dhambi na hatimaye kutoa wokovu kwa malipo ya damu yake msalabani.

Yordani ni mto wa ubatizo ambao husafisha dhambi zetu zote. Tuliweza kutimiza sheria ya Mungu isemayo, “*Mshahara wa dhambi ni mauti*” (*Warumi 6:23*) kwa sababu Yesu amelipa mshahara kwa kubatizwa katika mto Yordani na kufa msalabani. Hii ndiyo injili njema ambayo Bwana wetu ametupatia sisi wanadamu.

Dhambi zote za wanadamu zilianzia kwa Adamu lakini zikakomea katika ubatizo wa Yesu katika mto wa Yordani na damu yake msalabani. Hakuna dhambi iliyobaki kwa shukrani ya ubatizo wa Yesu. Hakika hii ndiyo baraka njema na habari njema. Nasi kwa kuiamini injili hii njema, tumeokolewa na mtiririko wa dhoruba ya dhambi, kutakaswa kwa dhambi zetu na kuweza kusafishwa katika sheria ya ukombozi ya Mungu. Kwa jinsi hiyo, ubatizo wa Yesu na damu yake msalabani ndiyo injili inayo waokoa wanadamu wote. Yatupasa tuamini hili kwa hakika. “*Nakila tendo lisilo tokana katika imani ni dhambi*” (*Warumi 14:23*) asema Bwana Kwa jinsi hiyo pia, tunabarikiwa ikiwa tu tutaamini injili hii njema.

Je, ungali na dhambi moyoni, ikiwa ukweli unadhihirisha kuwa dhambi zote zilitwikwa juu yake Yesu pale alipo batizwa na Yohana? Yesu alizichukua dhambi zote za ulimwengu. Yakupasa ukubaliane na kile kilicho andikwa katika Biblia. Hii ndiyo injili ya ubatizo wake na damu yake msalabani ambayo ndiyo pekee itakayo weza kufuta dhambi yako na kukukinga na kifo pamoja na laana zote. Ubatizo maana yake “kusafishwa, kuzikwa, kutwikwa au kuhamishia”.

Wanadamu wote wataweza kusamehewa dhambi kwa kuamini injili njema iliyoletwa na Yesu. Na ndiyo maana Yesu amejiita yeye kuwa ni “njia ya kwenda mbinguni” Tutaweza

kuingia mbinguni na kuweza kuwa na uzima wa milele kwa kumwamini yeye kuwa ni Bwana aliyetupatia uwepo wa Roho Mtakatifu. Tumetengwa na hukumu zote za dhambi kwa kuamini ubatizo wa damu yake.

Laana imeisha na mto umegeuka kuwa ardhi kavu kwa sababu makuhani walio beba sanduku la agano walitumbukiza miguu yao ndani ya maji kwa imani. Hivi ndivyo Mungu alivyopanga kwa ubatizo wa Yesu na damu yake yote haya yakiwa ndiyo injili njema. Hii ilikuwa ndiyo sheria ya wokovu na pasipo hivyo basi, hakuna wokovu. Wale waminio injili hii njema kwa sasa wataweza kuvuka mto Yordani na kuingia nchi ya Kanani. Maji yalikauka kabisa, kwa jinsi hiyo dhambi zetu zote ulimwenguni ziliwekwa juu yake Yesu na hivyo kupelekea kuhukumiwa kwa niaba yetu. Hii ndiyo injili inayo tupatia uwepo wa Roho Mtakatifu.

Mungu aliyeumba wanadamu hujua kwamba kiwango cha kawaida cha ufahamu wa mtu (IQ) ni kati ya kipimo cha 110 hadi 130. Hivyo hawezi kufanya ukweli huu kuwa mgumu kueleweka ili kumpokea Roho Mtakatifu. Mungu aliziondoa dhambi zetu zote kwa ubatizo wa Yesu na damu yake msalabani. Amefanikisha katika kumpokea Roho Mtakatifu ili kwamba watu wote waweze kujua hili. Pia utakuja kugundua kwamba uwepo wa Roho Mtakatifu huja kwa kuamini injili njema.

Kulingana na kile kilichoandikwa katika biblia, hatutaweza kupokea Roho Mtakatifu kwa njia ya maombi na kutubu. Watu hudhani ya kwamba Roho Mtakatifu ni kitu kitolewacho pale unapofanya aina nyingi za maombi. Lakini kwa kifupi hivyo sivyo ilivyo. Roho Mtakatifu hutolewa kwa wale wanao amini injili njema na hatimaye kufanywa kuwa watoto wa Mungu. Uwepo wa Roho Mtakatifu ni uthibitisho kwamba mtu amekuwa ni mwana wa Mungu. Mungu huwapa

Roho Mtakaifu wale wote wenye kuamini injili njema kama uthibitisho wake.

Ikiwa watu watamwamini Yesu lakini huku hawajui au kuamini injili hii hakika kamwe hatoweza kuwa na uhakika kama kweli dhambi zao zote zilitwika juu yake. Hivyo watu wote ni lazima waijue na kuamini injili ya ubatizo wa Yesu na damu yake msalabani ambayo ndiyo injili njema iliyo futa dhambi zetu zote.

Ni nani anayeshuhudia kwamba Yesu alichukua dhambi zote za ulimwengu? Yohana mbatizaji ndiye ashuhudiaye. Kwa kuwa alimbatiza na Yohana na kubeba dhambi zote za ulimwengu hivi ndivyo Mungu Baba yetu alivyo panga (Warumi 4:13-21, 16:1-30). Ni nani aliyetekeleza mpango huu? Yesu ndiye aliye tekeleza. Ni nani anayeleta uhakika wa kutimizwa kwa mpango huu mwishoni? Roho Mtakatifu ndiye aletaye. Mungu ni Utatu Mtakatifu utimizao ondoleo la dhambi kwa ubatizo na damu ya msalabani na hivyo kutufanya kuwa watoto wake. Roho Mtakatifu huweka makazi ndani yetu na kutupa uhakika yakwamba tumekwisha okolewa toka dhambini pale Yesu alipo timiza mpango wa Mungu.

Je mambo ya ulimwengu huonekana kuwa ni magumu na yakuchanganya? Na ni kwakiasi gani mawazo yako yamechanganyikiwa? Mtu hawezi kuamini injili hii njema ikiwa hatoachana na fikra zake binafsi za mafundisho ya Ukristo wa nyakati hizi ambayo wengi huamini ni yale yasemayo “dhambi za asili zimefutwa lakini zile za kila siku husamehewa pale mtu anapoomba toba”. Hata hivyo hili ni mbali kabisa na ukweli kamili; kwa hakika ni injili ya ulaghai. Ikiwa unaamini hili hutoweza kamwe kuielewa biblia toka mwanzo hadi mwisho, na kwa kadiri muda utakavyo kwenda utakumbana na ugumu zaidi katika maisha ya kumfuata Yesu. Na ndiyo maana katikati ya wakristo wapo wale wenyekuamini

injili tofauti na Mungu tofauti.

Baadhi yao husema kwamba, wamepokea uwepo wa Roho Mtakatifu kwa “maombi”. Inawezekana ikaonekana kuwa ni ukweli, lakini biblia inaelezea kwamba Roho Mtakatifu alitua juu ya Yesu kama huwa pale alipobatizwa na kutoka majini. Hii ndiyo injili ya kweli ambapo Roho mtakatifu huja juu ya wale wote wanao iaini injili.

Kwa nyongeza baadhi ya watu husema kwamba wamepokea Roho Mtakatifu kwa kufanya sala za toba. Je, Roho Mtakatifu hutolewa pale watu wanapofanya sala za toba tu? Mungu ni wa haki. Roho Mtakatifu haji kwasababu yeye kaona huruma kwao. Haijalishi ikiwa watu watalia au kusali kwa bidii, Roho Mtakatifu kamwe hawezi kuja juu yao. Yeye hushuka juu ya wale wote walio amini ya kwamba, Mungu alikwisha timiza mpango wake wa kuwaokoa. Yakupasa uwe makini, nakwamba hutoweza kumpokea Roho Mtakatifu hata kama utakaa kwa muda mrefu na kusali mbele za Mungu. Roho Mtakatifu yuko nje ya mapenzi ya mtu.

Hata maamuzi ya kihistoria ya mwanadamu katika dunia hii huweza kubadilika, lakini injili njema na sheria ya uwepo wa Roho Mtakatifu havibadiliki; hivyo haviwezi kufutika. Ikiwa watu hawaelewi juu ya injili njema ni vigumu kwao kurudi katika matendo ya imani ya kweli. Ni kwasababu hiyo basi watu wengi hawawezi kumpokea Roho Mtakatifu. Utajisikiaje kuangushwa ikiwa umemwamini Yesu lakini hatimaye ukaangamia kwasababu tu hukuwa unajua injili njema? Biblia inasema kwamba kwa baaadhi ya watu injili njema ya Yesu ni kikwazo kwao na mwamba uangushao.

Ikiwa umekwisha elewa juu ya maajabu ya ubatizo wa Yesu kwa Yohana basi hakika utaweza kusamehewa dhambi zako na kuwa na uwepo wa Roho Mtakatifu. Yeye ndiye aliye okoa watu wote kwa kubatizwa kwake, kufa kwake msalabani

na kufufuka kwake. Ukombozi Yesu aliouleta kwetu ulikuwa ndiyo njia ya haki ya wokovu. Amekuwa mwokozi wa kweli wa wenye dhambi wote na kutuhitimishia kwa uwepo wa Roho Mtakatifu.

## **Nipale tu, utakapo amini!**

Imeandikwa katika biblia Agano la Kale, yakwamba, pale makuhani walipo zamisha miguu yao katika mto Yordani, ndipo mto ulipo kauka. Ni maajabu tosha kwa maji kusimama, lakini miujiza mingi ilifuatia. Cha ajabu zaidi ni mto kugeuka kuwa ardhi kavu. Tukio hili lilithibitsha uhakika wa wokovu wa Mungu aliopelekea ondoleao la dhambi kwa njia ya ubatizo wa Yesu na damu yake masalabani. Ardhi kavu inawakilisha vile dhambi zote za ulimwengu vile zingekuja kusemeahewa kwa shukrani ya ubatizo wa Yesu na damu yake msalabani. Dhambi zote zilianzia toka kwa Adamu hadi wanadamu wote lakini laana iliisha kwa ubatizo wa Yesu. Hivyo kile tunacho paswa kufanyani kusamehewa dhambi zetu zote kwa kuwa na imani na hivyo kupokea uwepo wa Roho Mtakatifu. Je unaamini ukweli huu mzuri ambao Yesu alizibeba dhambi zetu zote kwa njia ya ubatizo wake pale mto Yordani?

Inakubidi uamini kwamba Yesu Kristo alibatizwa ili aweze kubeba dhambi za ulimwengu. Kwa nyongeza, inakupasa pia kujua, kuelewa na kuamini kwa jinsi gani umuhimu wa ubatizo wake ulivyo kuwa. Ikiwa makuhani wasingeli ingia Yordani, watu wa Israeli wasingeliweza kuingia kwa urahisi katika nchi ya Kanani. Hatua moja muhimu ya kwanza katika kuingia Kanani ilikuwa ni kuvuka mto Yordani. Hivyo ikiwa tutavuka mto Yordani na sanduku la Agano, ndipo basi tutaweza kuingia nchi ya Kanani. Hii

inatufundisha kwamba mtu aweza kusamehewa dhambi zake kwa kuamini injili ya maji na Roho.

Biblia inasema kwamba ubatizo wa Yesu ilikuwa ni kazi ya Mungu. Hili pia lilitokaea kwa kulinganisha na makuhani. Kama vile maji ya mto Yordani yalivyo simama pale makuhani walipo tumbukiza miguu yao katika maji, nao watu wa ulimwengu wataweza kuokolewa kwa dhambi zao kwa kuamini injili hii.

Uwepo wa Roho Mtakatifu hutunukiwa kwa msingi wa imani ya injili hii njema ya ubatio wa Yesu na damu yake msalabani. Injili hii itakuongoza katika kupokea msamaha wa dhambi na Roho Mtakatifu. Injili hii njema ya maji na Roho ni jambo lisilowekwa kando katika kujipatia uwepo wa Roho Mtakatifu. ☒

# MAHUBIRI 19

## Injili njema Iliyo pasua --- pazia la Hekalu




Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri



# Injili njema Iliyo pasua pazia la Hekalu

< Mathayo 27:45-54 >

**“Basi tangu saa sita palikuwa na giza juu ya nchi yote hata saa tisa. Na kama saa tisa Yesu akapaza sauti yake kwa nguvu akisema, eloi eloi, lama sabakitani? Yaani Mungu wangu, Mungu wangu, mbona umeniacha? Na baadhi yao waliohudhuria waliposikia walisema huyu anamwita Eliya. Mara mmoja wao akaenda mbio akatwaa sifongo akaijaza siki akaitia juu ya mwanzi akamnyweshwa. Wale wengine wakasema, acha natuone kama Eliya atakuja kumwokoa. Naye Yesu akiisha kupaza sauti tena kwa nguvu akaitoa roho yake. Na tazama pazia la hekalu likapasuka vipande viwili toka juu hata chini, nchi ikatetemeka; miamba ikapasuka makaburi yakafunuka ikainuka miili mingi ya watakatifu waliolala. Nao wakiisha kutoka makabuirini mwao baada ya kufufuka kwake waka ingia mji mtakatifu na kuwatokea wengi. Basi yule akida na hao walio kuwa nao pamoja naye wakimlinda Yesu walipoliona tetemeko la nchi na mambo yaliyofanyika wakaogopa sana wakisema, Hakika huyu alikuwa mwana wa Mungu.”**



*Kwa nini pazia la Hekalu la  
Mungu lilipasuka wakati Yesu alipotoa  
Roho yake pale msalabani?*

*Kwa sababu ufalme wa Mungu ulikuja kufunguliwa  
kwa wale wote wenye kuamini ubatizo  
wake na kusulubiwa kwake.*

Ili kuelewa ukweli wa injili hii njema, imempasa mtu kwanza kujua na kuelewa juu ya mpangilio wa utoaji dhabihu ulivyokuwa ukifanywa katika kusamehe watu dhambi zao mbele ya Mungu nyakati zile za Agano la Kale. Yatupasa kujua na kuamini ukweli ufuatao.

Kulingana na dhabihu, upatanisho katika nyakati za mwanzo kama ilivyo andikwa katika Walawi sura ya 16 katika Agano la Kale, kuhani mkuu aliweka mikono yake juu ya kichwa cha mbuzi aliye hai na kumtwika dhambi zote za watu kwa jumla katika mwaka mzima. Ndipo kwa niaba ya Waisraeli, mbuzi huyo ilichinjwa shingo, na kuhani mkuu alichukua kiasi cha damu yake na kunyunyizia juu ya kiti cha rehema. Huu ulikuwa ndiyo upatenisho kwa dhambi zao watu wote wa Israeli. Kwa jinsi hiyo pia wale tu wanao amini tendo la kuwekea mikono, damu na maneno ya Mungu ndiyo watakao weza kuingia Madhabahu Takatifu.

Makuhani kwa wakati wote huenda ndani katika sehemu ya kwanza ya chumba cha hema kwa ajili ya kuhudumu. Lakini kwa ile sehemu ya pili ya chumba, patakatifu pa patakatifu, ni mahali ambapo kuhani mkuu pekee ndiye aliye ruhusiwa kuingia mara moja kwa mwaka, akiwa na damu ambayo aliitoa kwa ajili yake na kwa ajili ya dhambi za watu wote walizotenda kwa kutojua (Waebrania 9:6-7). Kwa jinsi hiyo pia

hata kuhani mkuuu asingeweza kuingia mahali patakatifu pa patakatifu pasipo damu ya sadaka iliyo tayarishwa kwa njia ya kuwekewa mikono kwa imani.

## **Kama ilivyo semwa katika Agano Jipya, Yesu Kristo alikuwa ni sadaka yetu.**

Katika Agano Jipya tumeambiwa kwamba mtu aliweza kuingia katika Ufalme wa Mungu kwa njia ya imani katika ubatizo wa Yesu na damu yake msalabani. Ni wakati gani pazia la hekalu la Mungu lilipo pasuka vipande viwili toka juu hadi chini? Ilikuwa ni wakati Yesu alipo sulubiwa baada ya kuja ulimwenguni nakubatzwa na Yohana.

Sababu gani kulipelekea kwa hili kutokea? Yesu alikuja ulimwenguni akiwa ni sadaka iliyojulikana kama mwanakondoo wa Mungu aliye beba dhambi zote za wanadamu aliposulubiwa. Kuchanika kwa pazia la hekalu ni alama ambayo dhambi zote a wanadamu zilizokuwa zikiwatenga na Mungu zilifutwa kwa njia ya ubatizo wake na damu ya msalaba.

Binafsi Yesu alivunja kizuizi kwa kulipa mshahara wa dhambi ambao ni mauti. Yesu alibatizwa na kusulubiwa ili kuondolea mbali dhambi za ulimwengu. Hii ndiyo sababu ya kupasuka kwa pazia la hekalu la Mungu na kuwa vipande viwili. Kama ilivyo kwa makuhani walipoweza kuingia hemani wakiwa na imani ya kuwekea mikono, leo hii nasi tunaweza kuingaia Ufalme wa Mbinguni kwa shukrani ya imani ya ubatizo wa Yesu na damu yake.

Wakati Yesu aliposulubiwa alipaza sauti kubwa akisema, *“Eloi, Eloi, Lama sabakitani? Yaani, Mungu wangu, Mungu wangu mbona umeniacha?”* (Mathayo 27:46). Mwishoni alipotoa roho yake alisema *“Imekwisha”* (Yohana 19:30). Yesu

aliachwa na Baba yake pale msalabani kwa muda kwa sababu ya dhambi za ulimwengu alizobeba kwanjia ya ubatizo wake kwa Yohana katika mto Yordani.

Alikufa kwa ajili ya wokovu wa wanadamu. Matokeo ya ubatizo wa Yesu na kifo chake msalabani yamewezesha wale wote walio na imani kwake waokolewa. Kwa kuwa tumezaliwa tukiwa wenye dhambi na hatima yetu ni hukumu, Yesu alibatizwa ili kubeba dhambi zetu.

Mlango wa Ufalme wa Mbinguni ulikuwa umefungwa kabisa hadi pale Yesu alipofuta dhambi zetu zote. Yesu alipobatizwa na Yohana na kufa msalabani pazia la hekalu la Mungu lilipasuka vipande viwili kutoka juu hadi chini ili kila atakaye amini injili njema aweze kuingia hekalu la Mungu.

Ninashukrani kwa Bwana kwasababu nina imani katika injili ya maji na Roho. Sasa nitaweza kuingia Ufalme wa Mbinguni kwa njia ya kuamini injili njema ambayo Yesu aliikamilisha kwa njia ya ubatizo na damu. Nisingeweza kufanikiwa katika wokovu kwa uwezo wangu binafsi, mafanikio na juhudi zangu.

Baraka inayo tuwezesha kuingia Ufalme wa Mbinguni haipatikani kwa njia ya maombi, mchango, au kujitolea. Mtu ataweza kuokolewa toka dhambini ikiwa tu ataamini ubatizo wa Yesu na damu yake msalabani. Mtu ataweza kuingia Ufalme wa Mbinguni kwa kuwa na imani katika injili njema tu. Hakuna imani nyingine iliyo muhimu kwa wale wanao mwamini Yesu. Kiingilio cha mbinguni hakitolewi kwa mchango wa kujitolea, juhudi za kidunia au matendo mema. Jambo la kweli ambalo ni muhimu kwa anaye tazamia kuingia mbinguni ni imani ya injili ya ubatizo wa Yesu pale Yordani na damu yake msalabani.

Kwakuamini maji (ubatizo wa Yesu katika mto Yordani) na damu yake (msalabani) kutakuwezesha kuingia katika

Ufalme wa Mbinguni. Mwenye dhambi moyoni huku akimwamini Yesu, anahitaji kuamini jambo moja; injili ya maji na Roho. *“Tena mtaifahamu kweli, nayo hiyo kweli itawaweka huru” (Yohana 8:32).*

Kamwe hatujui muda sahihi wa vifo vyetu laki Yesu hujua yote. Kwakuwa yeye anajua asili yetu ya dhambi vyema, alitakasa dhambi zetu kwa njia ya ubatizo na damu ya msalaba kwa takribani miaka elfu mbili iliyo pita.

## **Yatubidi kuamini Injili njema ambayo ilipasua pazia la Hekalu la Mungu.**

Mwokozi alizaliwa na mwanamwali bikira ili kuokoa wanadamu kwa dhambi zao. Ilikuwa ni kwanjia ya ubatizo akiwa na umri wa miaka 30 pale Yordani, ndipo Yesu alibeba dhambi zetu zote ulimwenguni. Dhambi zote za ulimwenguni zilizosababisha udhaifu na makosa zilisamehewa kwa wema wa Yesu. Ubatizo na damu ni ufunguo wa milele kwa wokovu wa wanadamu wote. Yesu alibatizwa na kumwaga damu yake msalabani na sasa wale wote walio na imani katika injili hii wataweza kuingia Ufalme wa Mbinguni.

Pazia la Hekalu la Mungu lilipasuka pale Yesu alipo ikabidhi roho yake msalabani. Ni kwasababu gani pazia la Hekalu la Mungu lilipasuka vipabde viwili pale alipo kufa msalabani? Ni kwasababu wokovu wa wanadamu ulipatikana kwa kupitia injili njema.

Katika Agano la Kale tunajifunza juu ya hema ya kukutania ya Israeli. Hapa ndimo ilimo kuwemo madhabau ya sadaka ya kuteketezwa kwa moto na bakuli la shaba. Ukipita bakuli hili kwa mbele utakuta hema nyingine na ndani yake baada ya pazia ya hema hii palikuwemo sanduku, hapo ndipo

uwepo na Utukufu wa Mungu ulikuwemo. Pazia hilo lilifumwa kwa umadhubuti wa nyuzi kiasi kwamba farasi wanne wakifungwa pande zake nne na kuvuta kila mmoja upande wake wasingeweza kulichana nyuzi zake. Ingawa Mfalme Suleimani alibadilisha hema hiyo kwa kujenga hekalu, lakini mambo ya msingi hakuyabadilisha na pazia liliendelea kuwepo huku likikinga sehemu kuelekea Patakatifu pa patakatifu. Hata hivyo siku hiyo lilichanika vipande viwili toka juu hadi chini pale Yesu alipo kata roho huku akimwaga damu msalabani. Hii ina shuhudia namna gani ilivyo ukweli wa injili njema na hakika iliyo kamilishwa kwa ubatizo wa Yesu na damu yake.

Mungu aliwabariki wanadamu wote kwa msamaha wa dhambi na uzima wa milele, huku akiwatunukiwa injili njema. Yesu akiwa ni dhabihu, alilipa mshahara wa dhambi pale alipo batizwa na Yohana na kufa msalabani. Biblia inasema “*mshahara wa dhambi ni mauti*” (Warumi 6:23). Kama ilivyo wakati wa Agano la Kale mtu angeliruhusiwa kuingia hekaluni pa Mungu akiwa na damu ya dhabihu na kupokea upatanisho kwa dhambi zake, hivyo ndivyo hata leo hii tunaweza kuja mbele ya Mungu tukiwa na dhabihu ambayo ni Yesu, hivyo kuweza kusamehewa makosa yetu. Huu ni ukweli. Na maneno “*mshahara wa dhambi ni mauti*” yanatuonyesha jinsi ile injili njema ilivyo sahihi.

Njia ya kwenda mbinguni ni kuamini injili njema. Kuchanika kwa pazia la hekalu vipande viwili kunaashiria kufunguliwa kwa Ufalme wa Mungu. Tunapokuja kufahamu na kuamini injili hii kwa kusema, “Oh, Yesu alizichukua dhambi zanguzote. Oh, Yesu alilipa mshahara wote wa dhambi pale msalabani!”, basi hapa ndipo mlango wa Mbinguni utakapo funguliwa kwa ajili yetu. Mbingu sasa ipo wazi kwa wale wote walio kwisha kupokea ukombozi kwa njia ya imani ya ubatizo wa Yesu na damu yake. Damu ya Yesu iliokoa wenye dhambi toka mautini na ubatizo wake ulikuwa ni namna ya kubeba dhambi za wanadamu wote.

Dunia ilitetemeka na miamba kupasuka pale roho ya Bwana ilipowekwa mikononi mwa Mungu akiwa msalabani. Hapo ndipo damu yake ilipo mwagika duniani na kuanza kutiririka kuelekea uwanda wa chini. Pale Yesu alipokufa msalabani, dhambi zote za wanadamu zilifutwa na kufanya injili njema kukamilishwa hivyo kuwezesha wote wale wenye kuamini, kuhesabiwa haki kwa sheria hii ya kuingia Ufalme wa Mbinguni. Huu ndiyo ukweli halisi katika kuzaliwa upya mara ya pili.

Wapo wakufunzi wengi ambao wamefanya uchunguzi wakitaifuta kupinga juu ya Yesu Kristo kuwa mwanadamu kamili. Lakini hawakuweza kudumu katika ulaghai dhidi ya vithibitisho mbalimbali vya kuwepo kwa Yesu. Kati yao wengi walishidwa na hivyo kuacha kupinga kwa kuamini injili ya ubatizo wa Yesu na damu yake. Walikuja kugundua kwamaba, uthibitisho wa Yesu ulikuwa ni dhahiri kiasi cha kushindikana kubisha uwepo wake. Walimkubali Yesu kuwa Mwokozi wao pale walipo jua na kuamini injili njema inayoeleweka kwa tendo la kuzaliwa kwake, ubatizo wake, kifo chake na ufufuo wake, kupaa na kuja kwake mara ya pili.

Hatukushuhudia ubatizo wa Yesu kwa macho yetu. Hatukuona kile kilicho tokea takribani miaka 2,000 iliyo pita. Hata hivyo, kwa njia ya kile kilicho andikwa, yeyote aweza kukutana na injili njema. Yesu alivunjilia mbali kikwazo cha dhambi kati ya Mungu na wanadamu kwa njia ya ubatizo na damu yake na hivyo pazia la Ufalme wa Mungu lilipasuka vipande viwili toka juu hadi chini.

Sasa basi, yeyote anaye amini injili njema, ambayo ilikamilishwa na ubatizo wa Yesu na damu yake ataweza kuingia katika Ufalme wa Mbinguni. Je, unayo imani ambayo ubatizo wa Yesu na damu yake ndiyo injili njema, ufunguo wa kuingia Ufalme wa Mbinguni?

Hata mimi hapo awali nilikuwa ni mwenye dhambi

ambaye nilimtumaini Yesu kuwa Mwokozi lakini sikuwa najua juu ya injili njema. Hata hivyo siku moja nilikuja kusoma juu ya upendo wake usio na masharti kwangu katika Biblia. Nilikuja kuelewa kwamba alibatizwa kwa ajili yangu, alikufa msalabani kwa ajili yangu na kufufuka kwa ajili yangu pia. Yesu alituokoa kwa kubatizwa kwake mto Yordani na kusulubiwa ili kulipa mshahara wa dhambi kwasababu ya upendo wake kwetu. Tunaweza kuingia katika ufalme wa Mbinguni kwa kuamini injili hii njema.

Hii ndiyo haki ya Mungu kwa wanadamu na ni tukio la ukurasa mpya wa historia. Huduma yake yote – kuzaliwa kwake, ubatizo wake katika mto Yordani, kifo chake msalabani na ufufuko wake – vyote hivi ni katika kutuokoa sisi sote na dhambi zetu. Hatima yetu ilikuwa ni motoni baada ya kifo, lakini Yesu alituokoa na moto wa milele na kutupatia injili njema ikiwa ndiyo njia ya kuingia Ufalme wa Mbinguni.

Ndugu wapendwa, wakati Yesu alipokufa msalabani, askari mmoja alimchoma ubavu kwa mkuki na mara damu na maji vikamiminika. Hivi ndivyo ilivyo andikwa katika biblia. Hii inakushuhudia juu ya ukweli wa injili njema ya ubatizo wa Yesu na damu yake.

Je, umekua ukichukulia kwa uzito wa juu imani yako katika damu ya Yesu msalabani ndiyo inayo tosha kukuweka huru na dhambi zako zote? Je, ubatizo wa Yesu hauna umuhimu sana kwako au ni moja kati ya matukio katika wokovu wako? Ikiwa unaamini hivyo nakusihi utubu katika hilo. Imetupasa sasa tuamini injili ya ubatizo wa Yesu na damu yake kwa kukubali kuwa huo ndio ukweli wa Mungu.



## Je ungependa kutakaswa dhambi zako zote?

Kama ilivyo jinsi ile itupasavyo kulipa deni ili tusiwe wadaiwa, pia imetupasa tuwe na imani katika injili njema ya ubatizo wa Yesu na damu yake ili tuweze kutakaswa kwa dhambi zetu zote. Tusitende dhambi tena ya kutoamini injili ya ubatizo wa Yesu na damu yake. Ingawa sisi binafsi hatukumtwika Yesu dhambi zetu, lakini mwakilishi aitwaye Yohana Mbatizaji alitekeleza jukumu hili kwa niaba yetu sote.

Wakati Yesu alipokufa msalabani, baadhi ya makaburi ya watakatifu katika Yerusalemu yalifunuka na siku tatu baadaye alifufuka na kwenda Galilaya. Tukio hili la ajabu hakika kweli lilitokea, lakini watu wengi bado hawakuamini.

Bwana wetu ametutunuku Ufalme wa Mbinguni, sisi wenye haki ambao tulio kwisha pokea ondoleo la dhambi. Tuliokolewa na kuzaliwa upya mara ya pili, si kwa nguvu ya miili yetu au juhudi za kidini, bali kwa njia ya imani katika injili njema. Injili hii si hadithi ya kufikirika. Dhambi zote za ulimwengu zilitwikwa juu yake Yesu pale alipobatizwa. Yeye binafsi hakuwa na dhambi, lakini ilimpasa afe msalabani ili kutupatinisha kwa dhambi zile alizo beba katika ubatizo wake.

Wakati Yesu alipotoa roho yake, dunia ilitetemeka na miamba kupasuka. Wakati huo, Akida na wale waliokuwa naye ambao walikuwa wakiuchunga mwili wa Yesu, walisikia tetemeko na matukio mengine hivyo walihofu sana hata kukiri kwamba, *“Hakika huyu alikuwa ni Mwana wa Mungu” (Mathayo 27:54).*

Yusufu aliyekuwa mtu tajiri toka Armathea aliuchukua mwili wa Yesu, akaufunga kwa kitambaa safi cha kufumwa na kumlaza katika kaburi alilolimiliki yeye. Kuhani Mkuu na Mafarisayo walitoa amri kulinda kaburi hilo hadi siku ya tatu.

Hata hivyo, Yesu alifufuka kuleta uzima mpya kwa wale wote wenye kuamini injili njema. Alikwenda Galilaya alikoahidi

kukutana na wafuasi wake hapo kabla ya kusulubiwa. Mambo yote haya – kuzaliwa kwake, ubatizo, kusulubiwa kufufuka, kupaa na kuja kwake mara ya pili – yalilengwa kwa wale wote wenye kuaimini injili njema. Nami pia nimekua mshuhudiaji ya kwamba Yesu ni mwana wa Mungu na Mwokozi.

## **Ni kwawatu gani injili ya kweli ilihubiriwa?**

Wenye kuamini ubatizo wa Yesu na damu yake hushuhudia injili njema ya kweli. Injili njema inasambaa kwa kupitia ushuhuda wa watu hawa walio okolewa toka dhambini mwao. Mtu anapo wekwa huru tokana na dhambi zake kwa kuamini injili njema, Roho wa Mungu huanza kumjenga hatua kwa hatua na kumpa hata imani madhubuti. Hatimaye mtu huyo hugeuka na kumsifu Bwana. Neno la Mungu hukaa ndani yake na hatimaye hukumbana na kuhuishwa kwa utu wake wa ndani siku hadi siku. Kwa kuona yote haya, ndipo watu hushuhudia wakisema, “Hakika mtu huyu amekombolewa. Amekuwa mkristo wa kweli na mwana wa Mungu”.

Hata shetani mwenyewe hukubali na kusalimu amri kwa injili hii njema akisema, “nimefedheheshwa! Lakini ni kweli kwamba hakuna tena dhambi duniani. Hakuna mwenye dhambi moyoni”. Hivyo shetani kutenda kazi katika fikra za watu wa Mungu, akiingilia maisha yao ya uaminifu. Kazi za shetani ni kuwazuia wasiweze kupokea baraka za kiroho toka injili.

Shetani alikwisha shindwa vita na Yesu kwa hakika. Alifanikiwa kumsulubisha Yesu kwa kuyateka mawazo ya watu na kuyaongoza. Hata hivyo Yesu tayari alikwisha zichukua dhambi za ulimwengu pale alipobatizwa na kufa msalabani na hivyo kulipia mshahara wa dhambi hizo. Kwa sababu hiyo basi, alikamilisha wokovu kwa wote wanao amini injili njema.

Hivyo sasa hakuna tena dhambi duniani. Yesu alizichukua dhambi zote kwa njia ya ubatizo na kuweka hitimisho kwa dhambi zote kwa njia ya ubatizo na kifo chake msalabani akisema, *“imekwisha!”* (Yohana 19:30). Shetani alidhohofishwa nguvu ya kuwashitaki wale wote walio na imani katika injili njema. Yesu alimshinda shetani kwa njia ya kuzaliwa kwake, ubatizo wake, kusulubiwa kwake na kufufuka.

Je, bado wewe unadhambi moyoni? Hapana. Wakristo wataweza kuwa na ushupavu huku wakisema, “sina tena dhambi moyoni” kwa msingi wa imani zao katika injili ya kweli. Mtu anaye amini injili njema ya ubatizo wa Yesu na damu yake hakika hana tena dhambi moyoni.

Sasa basi injili njema imekwisha andikwa mioyoni mwetu. Leo hii tunasimama huru kinyume na dhamira mbaya mbele ya Mungu. Je, ninyi nyote mnamwamnini Yesu kuwa ndiye aliye zichukua dhambi zenu kwa ubatizo wake pale mto Yordani? Ikiwa ndivyo basi shukrani zako kwa Mungu na furaha yako vyote vitakamilika. Kuwa na imani katika injili njema ndiko kutakako tutakasa na kutuweka huru toka dhambi za ulimwengu. Tunamshukuru Mungu.

*“Naye alituokoa katika nguvu za giza, akatuhamisha na kutuingiza katika ufalme wa Mwana wa pendo lake ambaye katika yeye tunaukombozi yaani msamaha wa dhambi”* (Wakolosai 1:13-14). Haleluya Bwana Asifiwe!

Yesu alifungua lango la wokovu kwa njia ya injili njema. Wewe nawe pia yakupasa uondoe kizuizi cha moyo wako mara moja kwa nguvu ya injili njema, kama ilivyo kuwa kwa pazia la Hekalu la Mungu kupasuka vipande viwili ndivyo injili njema ifanyavyo kwa ajili yako na yangu. Tuataweza kuingia katika ufalme wa Mbinguni kwa kuamini injili hii na ndiyo ukweli pekee ambao utakao tuwezesha kufanikisha uwepo wa Roho Mtakatifu ndani yetu. ☒



# MAHUBIRI 20

**Mtu aliye na uwepo wa**  

---

**Roho Mtakatifu ndani**  

---

**yake ndiye aongozaye**  

---

**wengine katika kumpokea**  

---

**Roho Mtakatifu**



Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Mtu aliye na uwepo wa Roho Mtakatifu ndani yake ndiye aongozaye wengine katika kumpokea Roho Mtakatifu

< Yohana 20:21-23 >

“Basi Yesu akawambia tena, Amani iwe kwenu; kama Baba alivyonituma mimi, mimi nami nawapelekea ninyi. Naye akisha kusema hayo akawavuvia akawaambia, pokeeni Roho Mtakatifu wo wote mtakaowaondolea dhambi, wameondolewa; na wo wote matakao wafungia dhambi wamefungwa.”

*Ni mamlaka gani Bwana  
Aliwapa wale wote wenye haki?*

*Aliwapa mamlaka ya kusamehe dhambi  
za yeyote kwa njia ya Injili  
ya maji na Roho.*

Yohana sura 20 inahabari ya ufufuko wa Yesu. Bwana wetu alifufuka tena toka kifoni na kuwaeleza wafuasi wake “Pokeeni Roho Mtakatifu”. Wafuasi wa Yesu walipokea uwepo wa Roho Mtakatifu kama zawadi toka kwake. Yesu

alitoa uwepo wa Roho Mtakatifu na uzima wa milele kwa wale wote wanaoamini ubatizo wake na damu yake iliyo safisha dhambi zao zote. Biblia inasema kwamba ubatizo wa Yesu ni mfano wa wokovu ambapo ubatizo huo uliokoa wanadamu wote kwa dhambi zao (1 Petro 3:21).

## Kwa nini Yesu alibatizwa?

Kwa nini Yesu alibatizwa na Yohana? Jibu la swali hili litaweza kuonekana wazi toka kile Yesu alichosema katika Mathayo 3:15 *“Hivi ndivyo itupasavyo kuitimiza haki yote”*. Hapa neno *“Hivi ndivyo”* maana yake Yesu alichukuwa dhambi zote za ulimwengu pale alipo batizwa. Ubatizo wake ulifanyika kwa namna ile ilivyo kuwa tendo la kuwekea mikono kuliko fanyika katika Agano la Kale. Dhumuni la ubatizo wake lilikuwa ni kumtwika dhambi zote za ulimwengu.

Nini maana ya neno *“haki yote”*? Neno *“ipasavyo”* lina maana gani? *“Haki yote”* maana yake ilimpasa Yesu kuzichukua dhambi zote za ulimwengu kwa njia ya ubatizo wake. Na neno *“Ipasavyo”* linamaana kwamba kwa jinsi hii ndivyo ilivyo sahihi na njia sawia mbele ya macho ya Mungu.

Yesu alichukua dhambi zote za wanadamu kwa njia ya ubatizo wake na kuzifutilia mbali kwa kila amwaminiye. Yesu alibatizwa na kusulubiwa kwa hukumu ya dhambi zao. Hii ndiyo Injili ya ondoleo la dhambi. Haki ya Mungu ni ondoleo la dhambi ambalo lilifuta dhambi zote za wenye dhambi.

Ikiwa watu wataelewa maajabu ya ubatizo wa Yesu kama ilivyo andikwa katika Mathayo 3:13-17 basi wataweza kupokea ondoleo la dhambi na pia kumpokea Roho Mtakatifu. Kila Yesu alichoweza kufanya katika huduma yake ya wazi ni kubatizwa, kusulubiwa na kufufuka. Ni katika kutupatia njia ya



haki kuelekea wokovu, kama ulivyoletwa na Mungu. Kwa njia hii Yesu amekwisha kuwa Mwokozi wetu wa kweli kwetu sisi wenye dhambi. Injili ya ubatizo wake na damu yake ndiyo wokovu ambao ulitakasa dhambi zetu zote.

Watu wataweza kumpokea Roho Mtakatifu ikiwa tu wataijua na kuiamini Injili ya ubatizo wa Yesu na damu yake, kwa sababu ubatizo wa Yesu ulibeba dhambi zetu zote ulimwenguni kwa kumtwika. Kifo chake msalabani kilikuwa ni kwa niaba ya wanadamu wote na ndicho kifo changu pia. Ufufuko wake nao ndiyo ufufuko wangu. Kwa jinsi hii ubatizo wa Yesu na damu yake msalabani ndiyo Injili ya ondoleo la dhambi na kupokea Roho Mtakatifu.

Natumaini utajifunza somo la ubatizo wa Yesu na kuwa na imani nalo na ndipo dhambi zako zitakapofutwa na kumpokea Roho Mtakatifu. Kwa nini Yesu alibatizwa? Ilikuwa ni kubeba dhambi zote za ulimwengu *“Hivi ndivyo itupasavyo kuitimiza haki yote” (Mathayo 3:15)* Amina Haleluya!

Nyakati hizi, baadhi huamini kwamba kunena kwa lugha ndiyo ishara tosha ya kumpokea Roho Mtakatifu. Hata hivyo, uhakika wa kweli juu ya hili ndiyo imani ya thamani katika Injili njema ambayo imeandikwa ndani ya mioyo ya wale wote walio mpokea Roho Mtakatifu bayana.

## **Bwana ametoa mamlaka ya kusamehe dhambi kwa wale wote wenye haki.**

Bwana aliwapa wafuasi wake mamlaka ya kusamehe dhambi akisema *“Wowote mtakao waondolea dhambi, wameondolewa na wo wote mtakao wafungia dhambi wamefungiwa” (Yohana 20:23)*. Hii inamana kwamba pale wafuasi wotakapo ihubiri Injili ya maji na Roho, dhambi za

wale wote watakao isikiliza na kuiamini Injili hiyo zitasamehewa. Hata hivyo, hii haimaanishi kwamba wataweza kusamehe dhambi kwa yeyote bila kujali imani yao katika Injili ya maji na Roho.

Wafuasi wa Yesu wanamamlaka ya kusamehe dhambi ya yeyote kwa njia ya Injili ya maji na Roho tu. Hivyo ikiwa watafundisha kile kilicho andikwa yatupasa kuamini. Yakupasa uamini kwamba Yesu Kristo amekupatia Injili ya maji na Roho ili kufuta dhambi zako zote. Hapo ndipo pekee utakapo weza kupata ondokeo la dhambi na kupokea uwepo wa Roho Mtakatifu. Yesu pia ametupatia nguvu ya kuokoa watu wote kwa dhambi zao kwa njia ya kuihubiri Injili ya maji na Roho.

## **Nguvu ya Mtawala wa Ulimwengu**

Hapo kale sehemu niliyo kuwa nikiishi, ilitupasa kupanda basi kupitia barabara isiyo ya lami. Wakati mwingine basi likikwama na abiria iliwabidi kushuka na kulisukuma kilimani. Siku moja raisi wa Korea alifika katika sherehe za uzinduzi wa mtambo wa umeme wa nguvu za mvuke na kupitia barabara hiyo. Watu walimkaribisha raisi kwa kuifagia barabara hiyo na kuweka miti kandokando pale walipo pata habari ya kuja kwake. Siku ilipowadia, piki piki ziliongozana njiani nyuma yake akifuatiwa raisi ndani ya gari lake. Umati wa watu ulijitokeza kumlaki wakiwa na bendera za taifa mikononi. Ilisemekana kwamba raisi alilalamika akisema, “Barabara hii ina mashimo sana inahitajika kuwekewa lami” Siku chache baadaye barabara hiyo iliwekwa lami.

Nini kilicho tokea hapa? Lalamiko moja tu la raisi lilitosha badiliko hili kubwa la hali ya barabara. Amri ya raisi inayo nguvu kubwa. Hata hivyo, tunafahamu vyema kwamba

injili ya maji na Roho tuliyo pewa na Kristo ni zaidi ya nguvu. Yatupasa kuiamini injili hii ambayo ndiyo yenye nguvu katika kutuweka huru kwa dhambi zetu zote maishani.

## **Mamlaka ya kweli katika kusamehe dhambi.**

*“Wote mtakao waondolea dhambi, wameondolewa nao wote mtakao wafungia dhambi wamefungiwa.”* Wafuasi wa Yesu waliihubiri injili ambayo dhambi zao zote zili samehewa kwa walio isikiliza na kuiamini. Wali waambia watu “Yesu amekwisha zifuta dhambi zenu zote ulimwenguni kwa njia ya ubatizo wake na damu yake. Msifadhaishwe na lolote ingawa hatima yenu ilikuwa ni kutenda dhambi hata mbeleni, tayari Yesu alikwisha zichukua dhambi zenu za kila siku na kumwaga damu yake mslabani baada ya kubatizwa na Yohana. Yesu amewaokoa! Yakupasa muamini hili!”

Wenye dhambi wamepewa ukombozi kwa kuisikia na kuiamini Injili ya maji na Roho kwa kupitia wafuasi wa Yesu. Yesu aliwapa wafuasi wake mamlaka ya kusamehe dhambi kwa njia ya maji na Roho. Kwa kuwa wafuasi hao waliihubiri Injili ya maji na Roho kwa watu wote ulimwenguni basi walioamini waliweza kupokea ondoleo la dhambi. Yesu aliwapa karama hii pamoja na mamlaka ya kusamehe dhambi.

Watu wengi wamekwisha soma vitabu nilivyo kwisha chapisha hapo awali, na tayari wamekwisha okolewa kwa dhambi zao baada ya kuvisoma. Baadhi wamekiri kwamba wamegundua sababu ya kifo cha Yesu pale msalabani ilikuwa ni matokeo ya ubatizo wake uliobeba dhambi za ulimwengu huku waki nukuu *“Bali alijeruhiwa kwa makosa yetu, alichubuliwa kwa maovu yetu” (Isaya 53:5).*

Baada ya ufufuko wake Yesu alisema *“Pokeeni Roho*

*Mtakatifu wowote mtakao waondolea dhambi wameondolewa na wo wote mtakao wafungia dhambi wamefungua” (Yohana 20:22-23).* Tuliishi kwa mfadhaiko, utupu mioyoni na dhambi kabla ya kuaamini ukweli huu.

Hata hivyo sasa tunayo imani katika ubatizo wa Yesu na damu yake na tupo huru kwa dhambi. Nasi inatulazimu kuihubiri Injili hii kwa wengine. Zaidi ya yote, Bwana wetu aliwapa wafuasi wake amani. Aliwapa amani na baraka ya Roho Mtakatifu pia ili tuweze kupokea amani na Roho Mtakatifu toka kwa Mungu. Yatupasa kwanza kupokea ondoleo la dhambi kwa kuamini ubatizo wa Yesu na damu yake msalabani.

Kile kituwekacho huru kwa dhambi ni Injili ya maji na Roho. Hii ndiyo imani ya kiroho ambayo hutupatia baraka za mbinguni. Lakini baraka isiyo rasmi itokanayo na msingi wa mawazo ya kibinadamu hupelekea uharibifu kwake. Yatupasa kutafuta ukombozi kwa kuamini Injili ya maji na Roho na hivyo kuweza kumpokea Roho Mtakatifu. Ili kuwa na imani hii ni lazima kutupilia mbali mawazo ya kidunia na kugeuza imani yetu kuielekea Injili ya maji na Roho.

Ili tuweze kuwa na imani inayo hitajika katika kumpokea Roho Mtakatifu mtu inamlazimu kuikubali Injili ambayo Yesu alibatizwa na kusulubiwa kwa ajili yetu sote. Bwana ametupatia ondeleo la dhambi amani na uwepo wa Roho Mtakatifu kwa sababu tunaamini Injili ya maji na Roho. Aliwapa wafuasi wake uwepo wa Roho Mtakatifu na mamlaka ya kusamehe dhambi kwa yeyote anaye amini Injili ya maji na Roho.

Tunapokea pia Roho Mtakatifu kwa kuiamini Injili hii. Injili ya maji na Roho inewasaidia wengi katika kufanya hivyo. Tunapo ihubiri Injili hii kwa majirani zetu na kwa ulimwengu wote watakao ichukulia moyoni wataweza kumpokea Roho

Mtakatifu. Ikiwa Injili tunayo ihubiri haitoweza watu kumpokea Roho Mtakatifu basi si Injili ya kweli. Kwa upande mwingine ikiwa Injili tunayo iamani itawezesha watu kumpokea Roho Mtakatifu, hakika hiyo ndiyo Injili ya kweli.

Kwa jinsi gani imetupasa kubarikiwa na kushukuru kwa kuwa na Injili hii. Injili ambayo tuliyo ihubiri mimi na wewe ndiyo Injili sahihi na iliyo tukuzwa, lakini kwa bahati mbaya ni vigumu kumpata mtu anaye ifahamu na kuiamini katika nyakati hizi. Hivyo inatupasa kuihubiri kwa bidii ulimwenguni pote na imetubidi kusaidia watu katika kumpokea Roho Mtakatifu.

## **Wale walio danganyika na shetani katika kuikana Injili ya maji na Roho.**

Tunawasaidia hata wale ambao tayari walikwisha mwamini Yesu wengi wao bado hawajampokea Roho Mtakatifu ingawa wamemwamini Yesu. Hivyo tunawasaidia kwa kuwahubiria Injili na hivyo kuwaongoza katika kumpokea Roho Mtakatifu.

Ikiwa mtu bado hajampokea Roho Mtakatifu ingawa ana mwamini Yesu panaweza kuwepo na matatizo katika imani yake. Ni wale tu ambao wamekwisha kumpokea Roho Mtakatifu kwa njia ya imani katika Yesu ndiyo watakao weza kuchukuliwa kuwa ni watu walio na imani ya kweli. Hivyo imetupasa sote kuwa na imani inayo tuwezesha kumpokea Roho Mtakatifu. Yatupasa kuijua Injili ya maji na Roho kwa sababu ndiyo ukweli pekee katika Injili utakao weza kutupa Roho Mtakatifu.

Tunaihubiri Injili ya maji na Roho ili kwamba wengine waweze kumpokea Roho Mtakatifu. Hata hivyo wale

wanaoihubiri Injili hii wanalazimika kukutana na taabu nyingi maishani. Baadhi ya wakrisho hudhani wataweza kumpokea Roho Mtakatifu kwa kuweka jitihada zao binafsi kwa muda mrefu. Watu hawa hukumbana na matukio mengi ya kuchanganyikiwa ambayo hayahusiani kabisa na swala la kumpokea Roho Mtakatifu. Kwa aina hii ya watu inahitajika muda mwingi na kujitolea ili kuweza kuwabainishia kwa njia ya Injili ya maji na Roho.

Ni nani basi asingeamini Injili ya maji na Roho ikiwa kila mtu angedhani kwamba mtu aweza kupokea Roho Mtakatifu kwa njia ya imani katika Injili hii? Shetani ndiye anaye walaghai watu kwa njia tofauti kabla ya Injili ya kweli kuwafikia. Watu aina hii hushangaa na kuona ni kipi zaidi katika kuamini ikiwa tayari wamekwisha jichukulia kwamba wao nao wanaimani katika Injili ya Yesu. Hivyo matokeo yake kuikana na kuikataa Injili ya maji na Roho.

Watu wengi nyakati hizi na miaka hii hawakubali ujumbe wa Injili ya maji na Roho, kwa kuwa shetani amekwisha wapofusha. Matokeo yake hudhani kwamba kumwamini Yesu ni kazi rahisi tu. Hata Injili hii si jambo rahisi hivyo. Injili ya kweli ya maji na Roho imewekewa pazia la Injili ya uongo.

Watu wanafikiria kuwa kuna mtu yeyote anaweza kuingia katika Ufalme wa Mbingu ikiwa wataenda kanisani na wanadai kwamba wana mwamini Yesu. wengi wanaamini kuwa kuishi na Roho Mtakatifu hupewa kupitia juhudi zao wenyewe, kama vile kuomba na kufunga. Walakini, imani kama hizo ni mbali na ukweli wa kupokea Roho Mtakatifu. Wanadhani kwamba kunena kwa lugha na miujiza mingine ni ishara za kumpokea Roho Mtakatifu.

Hivyo ni vigumu kwao kuelewa kwamba ili kuweza kumpokea Roho Mtakatifu ni muhimu kuamini injili ya kweli ya maji na Roho. Hata hivyo Biblia inasema kwamba mtu

ataweza kumpokea Roho Mtakatifu ikiwa tu ataamini neno la Mungu. Mungu ameficha maajabu ya kumpokea Roho Mtakatifu ndani ya maneno yake.

## **Wale wanye kuhitaji uwepo wa Roho Mtakatifu ndani yao.**

Siku moja nilikwenda Taiwan nikiwa na baadhi ya watenda kazi wetu. Watu wa huko walituomba vitabu vinavyo husu Roho Mtakatifu. Hivi ndivyo pia ilitotokea tukiwa Japan na Urusi. Sababu ya watu wengi kuhitaji vitabu juu ya uwepo wa Roho Mtakatifu ni kwamba, watu wa nyakati hizi wana hamu na kiu ya kupokea uwepo wa Roho Mtakatifu. Wengi huamini juu ya Yesu na wakati mwingine hawana uhakika ikiwa kweli wamekwisha mpokea Roho Mtakatifu, kwa sababu hawana uwepo wa Roho Mtakatifu.

Wapo watu wengi wanao mwamini Yesu na kudai kwamba wamekwisha mpokea Roho Mtakatifu. Hata hivyo watu waliokwisha mpokea Roho Mtakatifu moja kwa moja kwa kudumu milele ni wachache. Watu wengi hawawezi kufikia hili ingawa wana mwamini.

Kati ya wakristo wa ulimwenguni wapo wengi wanaodhani wamekwisha kuwa na Roho Mtakatifu. Baadhi utawasikia wakisema kuwa wanakutana na Yesu katika ndoto na baadhi hudai kuwa wanaye Roho Mtakatifu ndani yao kwa sababu eti wameweza kukemea pepo. Kwa jinsi hii basi, wapo wengi ambao imani zao zimejengwa katika msingi wa matukio yao binafsi. Hata hivyo nadra sana kwa watu wa aina hii kuweza kupokea uwepo wa Roho Mtakatifu kwa imani ya Injili ya maji na Roho.

Hapo mwanzo nilishangaa kuona kwamba hakuna vitabu

vyovyote hapa duniani vinavyoelekeza juu ya kupokea uwepo wa Roho Mtakatifu kwa njia ya imani ya Injili ya maji na Roho. Watu wengi wamebaki kuzungumzia matukio yao binafsi na Roho Mtakatifu, lakini kwa nini hakuna vitabu vinavyo husu neno la kupokea uwepo wa Roho Mtakatifu? Vitabu vya aina hii ni vigumu kupatikana ingawa utavitafula kwa marefu na mapana ulimwenguni pote.

Wale wote wanao sisitiza kimakosa kwamba wamekwisha mpokea Roho Mtakatifu hudai kuwa wamekwisha tokewa hata na Yesu mwenyewe binafsi na wamekwisha tembelea Ufalme wa Mbinguni na kupaona motoni kwa ndoto na maono. Husisitiza kwa kusema wameambiwa “Umekuja huku mapema kabla ya muda wako. Umeacha mengi katika kuyakamilisha huko duniani kwenu, hivyo haraka sana rudi uliko toka”. Matukio ya aina hii si rahisi kabisa kutokea, ataweza kweli kuwa ni Yesu wa kweli? Je Yesu angeweza kweli kukutana nao huku wakiwa bado wana dhambi mioyoni mwao? Je Yesu kweli hushikamana na wenye dhambi?

Ni kweli kwamba Wakristo wengi nyakati hizi hawana uwepo wa Roho Mtakatifu ingawa wanajaribu kujiwekea kiwango cha imani ya juu kwake. Hivyo sisi tulio na Roho Mtakatifu imetupasa kueneza Injili ambayo itawapelekea wengine kuweza kupokea karama ya Roho Mtakatifu toka kwa Mungu.

Yatupasa sisi sote kumshukuru na kumsifu Bwana kwa kutupatia Injili ya maji na Roho. Nimekwisha kuwa na furaha ya Roho Mtakatifu wakati anapodumu nami katika kuandika kitabi hiki. Wakati kitabu hiki kinachapishwa wengi mtapokea uwepo wa Roho Mtakatifu kwa njia ya imani zenu katika Injili ya maji na Roho “*Je mlimpokea Roho Mtakatifu mlipo amini?*” (Matendo 19:2) alisema Paulo kwa wafuasi watarajiwa katika Efeso.



Lazima sote tumpokee Roho Mtakatifu. Wakristo ulimwenguni pote wanahamu ya kumpokea Roho Mtakatifu katika nyakati hizi za mikanganyiko ya historia ya dunia. Nahubiri njia ya kibiblia namna ya kumpokea Roho Mtakatifu, kama Roho Mtakatifu aniongozavyo kufanya hivyo. Ili kuishi maisha yenye kuridhika lazima uamini ukweli wa uwepo wa Roho Mtakatifu ndani yako kwani hii ndiyo nafasi yako ya mwisho katika kumpokea Roho Mtakatifu moyoni mwako.

Najisikia msukumo mkubwa katika kueneza Injili ambayo itamsaidia kila mmoja kuweza kumpokea Roho Mtakatifu kwa sababu Yesu Kristo amenipatia Injili ya maji na Roho na kunijaza karama ya Roho Mtakatifu.

## **Watu wa Mataifa nao lazima wawe na imani katika Injili ya maji na Roho.**

Biblia inahusisha namna wafuasi wa Yesu walivyoweza kuwasabishia watu wengine kupokea uwepo wa Roho Mtakatifu. Hata watu wa mataifa nao iliwapasa kuwa na imani sawa na ile ya wafuasi wa Yesu ili nao waweze kumpokea Roho Mtakatifu. Zaidi ya yote, watu wa Mataifa kwa nafasi yao walihitajika kuwa na imani ya Injili ya maji na Roho ambayo mitume walikuwa nayo ili waweze kuingia katika ulimwengu wa Mungu. Hivyo sisi tulio watu wa mataifa yatupasa pia kuamini Injili ya kweli ili tuweze kumpokea Roho Mtakatifu. Mungu alimtuma Petro kwenda kwa Kornelio ambaye alikuwa ni mtu wa Mataifa ili kwamba aweze kupokea nuru ya Injili ya maji na Roho, ambayo ni muhimu kwa ajili ya kumpokea Roho Mtakatifu.

Wayahudi wanao amini walishangaa kusikia kwamba karama ya Roho Mtakatifu pia ilishushwa hata kwa watu wa


mataifa. Petro alipo rudi katika kanisa la Yerusalemu baada ya kuihubiri Injili ya maji na Roho, wote walio kwisha kutahiriwa walimpinga wakisema “Uliingia kwa watu wasiotahiriwa ukala nao” (Matendo 11:3) lakini Petro alielezea yote toka mwanzo hadi mwisho.

Maelezo yake kwa kina yamo katika Matendo 11:5-17, *“Nalikuwa katika mji wa Yafa nikiomba roho yangu ikazimia nikaona maono; chombo kinashukua kama nguo kubwa inatelemshwa kutoka mbinguni kwa pembe zake nne, kikanifikilia. Nikakitazama sana nikifikiri, nikaona wanyama wa nchi wenye miguu minne na wa angani. Ni kasikia na sauti ikiniambia ondoka Petro ukachinje ule, nikasema, Hasha Bwana, kwa maana kitu kilicho kichafu au kilicho najisi hakijaingia kabisa kinywani mwangu. Sauti ikanijibu mara ya pili kutoka mbinguni. Alivyovitakasa Mungu, usivinene wewe najisi. Jambo hili likatendeka mara tatu kisha vitu vyote vikavutwa tena juu mbinguni. Na tazama mara hiyo watu watatu wakasimama mbele ya nyumba tuliyo kuwamo, waliotumwa kwangu kutoka Kaisare. Roho akaniambia nifuatane nao nisione tashwishi, Ndugu hawa sita nao wakaenda pamoja nami tukaingia katika nyumba ya mtu yule akatuelekeza jinsi alivyo mwona malaika aliyesimamia nyumbani mwake na kumwambia. Tuma watu kwenda Yafa akamwite Simoni aitwaye Petro atakaye kuambia maneno ambayo yatakuokoa, wewe na nyumba yako yote. Ikawa nilipoanza kunena Roho Mtakatifu akawashukia kama alivyotushukia sisi mwanzo. Nikalikumbuka neno lile la Bwana Yesu Kristo, mimi ni nani niweze kumpinga Mungu?”*

Petro alisema kwamba, hakwenda katika nyumba ya wasio tahiriwa kula tu bali pia aliwaeleza juu ya Injili ya shukrani kwa mwongozo wa Roho Mtakatifu na waliposikia mambo haya walinyamaza kimya, na kumtukuza Mungu aliye

wapa toba na uzima kwao wote - Kornelio, jamaa yake na watu wa karibu yake.

## **Injili ya Kitume kwa ajili ya kumpokea Roho Mtakatifu.**



Je ni kweli Mitume waliihubiri Injili ya maji na Roho? Yatupasa kwanza kupata uhakika endapo Mtume Petro alikuwa akiamini Injili ya maji na Roho. Katika Biblia Petro alisema “*Mfano wa mambo hayo ni ubatizo, unaowaokoa ninyi pia siku hizi*” (1 Petro 3:21). Mtume Petro kwa uwazi alikuwa akiamini kwamba Yesu aliokoa wenye dhambi na dhambi zao kwa ubatizo wake na kifo chake pale msalabani, pia aliamini kwamba wakati Yesu alipobatizwa (Mathayo 3:15) dhambi zote zilitwikwa juu yake, hivyo alisulubiwa na hatimaye kufufuka ili kutuokoa sisi sote.

Nyakati hizi wapo watu walio na imani kama hii ya Petro. Wale wenye kuhubiri Injili ya maji na Roho ni wale wenye kuihubiri Injili aliyo ihubiri Petro. Ukweli huu unatosha kabisa kuwezesha wanao usikiliza kuweza kupokea uwepo wa Roho Mtakatifu.

Kama ilivyo kwa watu wengi walivyo mpokea Roho Mtakatifu wakati Petro alipo hubiri Injili ya maji na Roho, nasi

pia tunawaona watu wenye kuamini Injili hii na kuweza kumpokea Roho Mtakatifu pale tunapo hubiri ukweli ule ule. Mtu kamwe hampokei Roho Mtakatifu kwa kuamini atakavyo au kwenda mbinguni ikiwa ana mwamini Yesu kuwa ni Bwana tu, bali kwa kuamini Injili njema ya maji na Roho.

Petro wakati mmoja aliwachukulia watu wa Mataifa kwa hadhi ya chini akidhani walikuwa sawa na wadudu watambaao tu kulingana na sheria ya Torati. Walikuwa sawa na wanyama najisi mbele ya Yesu kabla hajatizwa kufa msalabani na kufufuka. Hata hivyo, hao watu wa mataifa waliweza kubarikiwa na uwepo wa Roho Mtakatifu kwa kuamini Injili ya maji na na Roho. Hivyo sauti ilinena na Petro ikisema *“Vilivyo takaswa na Mungu usiviite wewe najisi” (Matendo 10:15).*

Sisi tukiwa watu wa Mataifa hatukuweza kumpokea Roho Mtakatifu, lakini leo hii tutaweza kupokea uwepo wa Roho Mtakatifu kwa kuwa na imani ya Injili ya maji na Roho. Tunapoihubiri Injili kwa subira ya wale walio jawa na fikra zao, mara nyingi tunaweza kuwaona baadaye wanakuja kuamini injili hiyo na hatimaye kumpokea Roho Mtakatifu. Tunaweza kuwasikia pia wakikiri kwamba hawana tena dhambi mioyoni mwao baada ya kuamini ubatizo wa Yesu na damu yake. Hapo ndipo Roho Mtakatifu anapo weka makazi ndani yao.

Lengo letu kuihubiri Injili si kuwafanya watu waelewe tu bali kuwaongoza katika kumpokea Roho Mtakatifu. Ukweli kuwa wale wenye kuamini Injili tunayo ihubiri hupata msamaha wa dhambi zao zote ndiyo muhimu zaidi. Na ukweli wa kupokea uwepo wa Roho Mtakatifu wakati huo ni muhimu zaidi. Hatuihubiri injili kwa watu wa dunia hii tu bali pia kuchukua hatua moja mbele na kuwaongoza katika kumpokea Roho Mtakatifu kwa wakati mmoja.

Yatupasa kuibubiri Injili ya maji na Roho katika mtazamo huu kwa wale wenye uhitaji wake. Ikiwa tutasinyaa baada ya

kuihubiri Injili hii, maana kamili ya juhudi yetu itapotea. Yatupasa kuwa makini kwamba Injili hii ndiyo ipelekayo watu kupokea uwepo wa Roho Mtakatifu. Tunapo ihubiri Injili huku tukiwa na mawazo haya, cheche za Roho Mtakatifu zitasambaa kama moto msituni duniani pote.

Mwinjilisti anapoamini kwamba Injili hii itaweza kuongoza watu wa dunia kumpokea Roho Mtakatifu, hugundua ya kwamba huduma hii si kuhusiana na kushawishi watu kumwamini Yesu Kristo tu bali ni kuwaongoza katika kumpokea Roho wakati huu.

Mtu anapaswa kusikia kwa masikio yake na kuiamini kwa moyo wake wote Injili tunayo iamini ili kuweza kumpokea Roho Mtakatifu. Kwa uwazi Injili tunayo ihubiri ina gusa maisha ya watu. Nguvu ya Injili ni mamlaka na baraka inayo tolewa na Mungu.

Petro alikuwa ni mwinjilisti wa Wayahudi, wakati Paulo alikuwa ni wa mataifa. Wakati Petro akiomba katika chumba cha juu, aliona mbingu ikifunuka na kitu kama kitambaa kikiwa na pembe nne kikitwa mbele yake. Juu yake palikuwa kila aina ya wanyama najisi ambao Biblia imekataza kuliwa.

Petro hakuwahi kula kitu chochote kilicho najisi. Hata hivyo, Mungu alimwamuru achinje na kuwala Petro alikataa akisema *“Hasha Bwana kwa maana sijakula kamwe kitu kilicho kichafu au najisi”* na sauti ikamjibu *“Vilivyotakaswa na Mungu usiviite wewe najisi”* Hii ina maana gain? Mungu hapa anasema, Yesu alikwisha takasa dhambi zote za ulimwengu, hata zile za watu wa mataifa pale alipo batizwa na kufa msalabani.

Kiroho amri hii ya Mungu kutaka achinje na kula wanyama hao najisi ili kuwa ni kumfundisha Petro kwamba, hata watu wa Mataifa wataweza kuwa watoto wa Mungu kwa kumwamini Yesu aliye letwa ulimwenguni, kubatizwa ili

kubeba dhamba zao zote na kusulubiwa ili kuhukumiwa kwa niaba yao.

Petro alikuwa bado akifuata taratibu za sheria badala ya kuyaona haya kwa macho ya imani ya kiroho, hata baada ya kumpokea Roho. Lakini Petro alikiri kosa na kuamini kwamba Mungu tayari amekwisha safisha hata dhambi za watu wa mataifa. Petro alikuja kugundua thamani ya Injili njema kwa undani zaidi. Alishuhudia Roho Mtakatifu akiwashukia wasikilizaji pale alipo hubiri maneno ya Mungu.

Tutawezaje kutambua ikiwa wainjilisti wa nyakati hizi tayari wamekwisha kumpokea Roho Mtakatifu au la? Inategemea ikiwa wanaikubali Injili ya maji na Roho. Mtu yeyote anaye iamini Injili njema pale wakati mwinjilisti anapo hubiri maneno ya Mungu, basi atakuwa kapokea uwepo wa Roho Mtakatifu. Yule Roho Mtakatifu aliye ndani ya moyo wa mwinjilisti huja pia ndani yake na kufanya makazi. Mwinjilisti na msikilizaji wataweza kuwa na usharika kati yao kama urafiki wa kitoto. Wataweza kuona upendo wa Mungu ukiwa nao daima kati yao.

Tunapo ihubiri Injili tunaweza kumwona Roho Mtakatifu akishuka juu ya wale wanao amini mara moja pale tu wanapo amini Injili ya maji na Roho. Hili si tukio la pembeni au baada ya wokovu. Hii ndiyo sababu ya msingi kwa nini tunaihubiri Injili ya maji na Roho. Injili tunayo ihubiri ni ile inayo wawezesha wengine kuweza kumpokea Roho Mtakatifu.

Wale walio na uwepo wa Roho Mtakatifu ni watoto wa Mungu Injili ya maji na Roho si fundisho la kinadharia katika dunia na hivyo tunapo ihubiri kwa wengine wanakuja kuwa na imani, kumpokea Roho Mtakatifu na kuwa watoto wa Mungu. Ni baraka iliyoje! Na ni kazi njema iliyoje! Wale wanao ihubiri Injili hii husaidia kujenga Ufalme wa Mungu. Sisi tunacho weza ni kuibubiri Injili tu, lakini wao hupokea Roho Mtakatifu.

Badhi ya watu hudhani kumwamini Yesu ni jambo moja na kumpokea Roho Mtakatifu ni jingine. Hivyo wakristo huomba wajazwe Roho Mtakatifu. Hata hiyo Biblia yasema kwamba Roho huyo huja juu ya wale walio isikia na kuamini Injili iliyo hubiriwa na mtumishi wa Mungu. Injili tunayo ihubiri huongoza watu kutimiza haja za mioyo yao. Ndiyo maana tunalo jukumu la kuieneza duniani pote. Sisi ni watoto wa Baba na warithi kwake tulio waaminifu kwa agizo kuu.

Yatupasa kuihubiri Injili kwa imani huku tukiwa makini kwamba lengo letu ni kuwezesha watu kumpokea Roho Mtakatifu. Injili hii ni ile ambayo wainjilisti wote lazima waiamini kabla ya kuihubiri kwa wengine. Ndipo wasikilizaji wataweza kumpokea Roho Mtakatifu kwa kuamini. Kwa njia hii ndipo tunapotoa pumzi ya uzima wa milele kwa wote wenye kuimamini. Lengo letu ni kuwezesha wao wakombolewe toka nguvu za giza na kugeukia Ufalme wa Mungu. Wainjilisti ndiyo hubadilisha mwelekeo wa wenye dhambi chini yanguvu za giza kuelekea Ufalme wa Mwana wa Mungu. Ni muhimu sana hii kazi ya kubadilisha wenye dhambi kuwa wana wa Mungu.

Wengi hawajui ufunguo wa kumpokea Roho Mtakatifu na hivyo kujaribu kumpokea kwa juhudi binafsi. Hata hivyo hili litathibitisha kushindikana. Ni imani ya Injili pekee inayo hitajika, kwa kua ndiyo imwekayo huru kwa dhambi zote.

Je, wewe umempokeaje Roho Mtakatifu kwa maombi? Au labda kwa kuwekewa mikono? Hapana, hii si njia sahihi. Tunaweza kumpokea pale tunapo amini Injili ya maji na Roho. Yatupasa kusali na kuihubiri Injili ili watu wa dunia hii wampokee Roho Mtakatifu.

Neno “mtume” maana yake “mtu aliye tumwa na Mungu” Mitume hufanya kazi gani? Huihubiri Injili ya maji na Roho ili watu wapokee Roho Mtakatifu. Je utapenda kushiriki nasi kwa

kazi hii? Wote yatupasa tuwe na uwepo wa Roho Mtakatifu ili  
tuihubiri kwa watu wote. Haleluya! Tuusifu ukweli halisi wa  
Injili ambayo Bwana alitupatia ili tuweze kumpokea Roho  
Mtakatifu. ☒



# MAELEZO YA ZIADA 1

## Shuhuda za Wokovu

---

Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Shuhuda za Wokovu

**Dada Joyce Meyer, USA**

Nilianza kuhudhuria kanisani kutokana na utupu nilio uhisi ndani ya moyo wangu na kushindwa kuridhika katika maisha. Nilizoea kufikiri kwamba ikiwa nitaolewa, nitatosheka kwa kupata watoto, mume aliye na upendo na aina fulani ya maisha yaliyo imara kiuchumi. Hivyo nikaolewa na ingawa maisha yangu hayakuwa ya anasa sana, niliishi maisha niliyo yahitaji. Wengi walisema maisha ya familia yangu yalikuwa ni yakuridhisha lakini moyo wangu bado ulikuwa mtupu na uliosinyaa. Nilidhani kwamba ikiwa nitakwenda kanisani nikimwamini Mungu, nikijichanganya na watu wengi na kujishirikisha katika aina mbali mbali za kazi, maisha yangu yataweza kubadilika. Hivyo nikawa nikihudhuria mara kwa mara kanisani.

Katika kanisa nililokuwa nikihudhuria tulikuwa tukifanya maombi ya usiku kucha kila Ijumaa, katika vipindi hivi tulikuwa tukiambiwa juu ya umuhimu wa kunena kwa lugha na hivyo kuweza kumpokea Roho Mtakatifu kwa njia hiyo. Hivyo kwa dhati nilifanya sala za toba huku nikitumaini kwamba ningenena kwa lugha. Walipofanya tendo la kuwekea mikono wazee wa kanisa waliniambia nirudie maneno “Haleluya haleluya, la-la-la” na hivyo nikafanya kama nilivyo elekezwa.

Wapo wengine walinena kwa lugha, kutoa unabii kuona maono na kupokea karama ya Roho wa kutabiri. Watu wa aina hii walikuwa ni kivutio cha kushangaza na matamanio kwangu na hivyo nikawa nikihudhuria mikutano ya makanisa mbali mbali nikitumaini nami nitafanana nao. Nilifanya kama nilivyo

elekezwa kwa kurudia rudia. “Haleluya, haleluya” haraka haraka lakini sikuweza kufanikiwa lengo langu. Mtu fulani aliniambia sikuweza kufanikiwa kwa sababu sikuweza kufanya ipasavyo ile sala ya toba. Hivyo nilihisi kuwa na dhambi sana kiasi kwamba sala za toba hazikutosheleza mbele ya Mungu hata kumtuma Roho Mtakatifu ndani yangu. Kwa mara nyingine tena nikafanya sala za toba kwa dhati.

Baadaye kitambo nikapata kipawa cha kunena kwa lugha na nikawa nikihudhuria kanisani zaidi. Mume wangu naye akawa Mkristo wa dhati akimwamini Mungu aliyemponya mkewe mgongo kwa kuwa nilishuhudia juu ya hilo kwamba Mungu aliuponya mgongo wangu kwa maumivu yaliyo kuwa ni ya muda mrefu.

Mmoja wa kinadada tuliokuwa tukifanya nao maombi aliweza kutoa unabii nami nilitafsiri kwa niaba yake. Na palikuwemo na dada mwingine aliyekuwa tasa kwa takribani miaka 7 ya mwanzoni mwa ndoa yake. Tulifanya naye maombi mara kwa mara na siku moja wakati fulani kwenye maombi niliona taswira yake akiwa amebeba mtoto mchanga wa kiume. Hivyo nikamweleza “Dada katika nyakati kama hii mwakani utakuwa na mtoto wa kiume” Hakika katika nyakati hizo hizo mwaka uliofuata, dada huyo alijifungua mtoto wa kiume.

Kwa sasa dada huyu naye alikwisha samehewa dhambi zake na kumpokea Roho. Kwa pamoja tulikuwa tukitumikia injili hii. Nikijiangalia huko nyuma yote haya niliyokuwa nikishiriki ni kazi za kichawi kwa kutumia jina la Yesu. Katika nyakati hizo nilikuwa nikiamini kwamba Roho Mtakatifu alikuwa ndani yangu na hivyo nilikuwa nikiwawekea mikono watu wakaponywa na kuwaomba walio pagawa na pepo huku nikisema “Nasema katika jina la Yesu Kristo wa Nazarethi toka pepo!”

Niliamua kuishi maisha yaliyo mpendeza Mungu. Hivyo

kwa kila kipindi cha kwaresma sikupata kifungua kinywa na badala yake niliwagawia masikini na wazee wakongwe walio jirani nami. Nilikwenda mahospitalini na magerezani kupeleka neno la Mungu kwa nafsi zilizopotea. Tuliwaangalia wale walio wagonjwa na mmoja katika ya wakristo tuliokuwa nao aliamua kumrithi mmoja kati ya yatima na kumpeleka shule. Niliwahi kumtunza mgonjwa mmoja aliyekuwa na tatizo la uvimbe katika ubongo. Hata hivyo sikuweza kuwaangalia wagonjwa wote kwa pamoja.

Hivyo nikaanza kusononeka juu ya hili kwa kutubu kila nilipoanza kuwaza kile kilicho andikwa katika 1Wakorintho sura ya 13. Sikuweza chochote bali kujihukumu huku ni nikisema “Lakini hainiletei faida yoyote.” Nilimtembelea yule mgonjwa wa uvimbe wa ubongo kila siku na kumwambia juu ya Yesu na huku nikimuhudumia kwa chakula lakini bado nilihisi hukumu ndani ya moyo wangu kwasababu sikuweza kutekeleza yote niliyo yataka juu yake kwa upendo kamili.

Ndipo maumivu yale ya awali katika uti wa mgongo wangu yaliponirudia tena na ikanilazimu nirudi hospitalini na kufanyiwa upasuaji. Nilichanganyikiwa na kukata tamaa kwa maumivu hayo na kwakile nilicho ona kuwa siwezi kujiponya. Mwili na moyo vilichoka. Nikapata wazimu kiasi cha kupelekwa chumba cha wagonjwa waakili. Sikuweza kutakasika kwa dhambi hata nilipo jitahidi. Nilipojaribu kufanya maombi dhambi za moyo zilinifanya nilie sana hata kuchoka katika kumwamini Yesu.

Nilifanya maombi mbali mbali nikidhani ningeliweza kumpokea Yesu moyoni. Lakini bado sikuwa na uhakika kama nilikwisha samehewa dhambi zangu. Yesu alisema kwamba alikwisha tupatia amani ambayo ulimwengu haukuweza kutupatia na hivyo kijito cha maji ya chemchemi hutiririka toka mioyoni. Lakini licha ya hayo bado moyoni nilikuwa na hamu

kuu hata kuchanganyikiwa. Ilifikia hatua ya kukata tamaa katika kumwamini Yesu na kutamani kufa. Lakini baadaye Mungu alimtuma mtumishi wake aliye na uwepo wa Roho Mtakatifu. Mchungaji huyo alinifundisha injili ambayo ingeniwezesha kumpokea Roho yule aliye ndani yake.

Katika Agano la kale, sadaka ya dhambi ilipotolewa ndipo watu walipopokea msamaha wa dhambi pindi walipo wekewa mikono yao juu ya kichwa cha sadaka hiyo. Ndivyo pia kwa njia hiyo Yesu alibatizwa na Yohana na kubeba dhambi zote za dunia na kuhukumiwa msalabani kwa dhambi hizo ili maana yake wale wote watakao mwamini wataweza kumpokea Roho Mtakatifu.

Wakati yule Mchungaji alipokuwa akizidi kunielezea maneno ya Mungu dhambi zangu zote zilitwikwa juu ya Yesu. Sikuwa tena na dhambi moyoni Nilipo yasikia maneno yake sikuhisi kutetemeka au hisia za joto moyoni, bali moyo wangu ulijawa na amani isiyo kifani na furaha, hivyo kuafiki kwamba tayari nilikwisha mpokea Roho Mtakatifu.

Nilisikia juu ya ubatizo wa Yesu ambao ndiyo ukweli wa wokovu. Tokea hapo na kuendelea ninauhakika kwamba sina dhambi tena moyoni kwa sababu ya maneno ya Mungu. Watu wataweza kumpokea Roho Mtakatifu punde pale wanapokuwa wasio na dhambi moyoni, lakini kwangu hapo awali nilikuwa nikisema kuwa nina Roho Mtakatifu ndani yangu huku nikiwa nadhambi zilizo furika moyoni. Nisingeliweza kuwa mjinga tena kwa kiasi hicho.

Baada ya kumpokea Roho Mtakatifu, alianza kuniongoza kuishi maisha ya kweli namshukuru Bwana kwa kunipa injili ya maji na Roho. Hivyo huniwezesha kumpokea Roho Mtakatifu na bila hivyo ningeliweza kwenda motoni. Niliamini injili hii na hivyo kumpokea Roho Mtakatifu. Namshukuru Mungu kwa ukweli huu. ☒

### **Dada Anne Graham, New Zealand.**

Ninapojaribu kuangalia nyuma katika nyakati zile ambazo nilikuwa bado sijapata msamaha wa dhambi, nafedheheka na kuona haya kwa sababu ya zile tabia zangu, ingawa wakati huo nilikuwa mkereketwa na mtu makini sana. Namshukuru Bwana kwa kunipa msamaha.

Nilikuwa nikihudhuria kanisa moja karibu na nyumbani kwetu toka nilipo kuwa mtoto. Hata hivyo kile nilichokuwa nikitafuta ni kunena kwa lugha. Hatimaye kwa mara ya kwanza nilipohudhuria mafunzo ya ufuasi nikiwa na umri wa ujana, nilipaza sauti nikiita “Bwana!” mara tatu na kusali huku nikitubu dhambi zangu. Ndipo ghafla nikaanza kunena kwa lugha mfano wa kifaransa. Na hii ndiyo waliyokuwa wakiita kunena kwa lugha. Nilijawa na furaha sana niliji vunia dhidi ya rafiki zangu.

Nilipokuwa chuoni, nilihudhuria maombi yote ya mkesha kwa kila wiki na kuhudhuria ratiba zote za kanisa ikiwezekana. Na katika wakati huo nilipofanya sala za toba nilianza kunena kwa lugha ambapo hakuna aliyenielewa. Nilinongoneza “Yesu nakupenda” huku nikifanya maombi machozi yakini bubujika nikitawaliwa na hisia kali. Niliomba niwe nikinena kwa lugha zaidi na kutafsiri unabii katika karama hizo lakini bado moyo wangu ulijawa na utupu na simanzi hivyo kuhisi bado imani yangu ni haba.

Nilihisi ya kwamba ikiwa nilikuwa kweli ni mtoto wa Mungu nisingeliweza kujihisi yatima. Lakini mahusiano yangu na Mungu yalikingwa na dhambi zangu na sikuweza kusimama imara kutokana na utupu niliuhisi punde nilipoona kuwa hata watu wengine niliokuwa nao yaliwapata kama yangu na hivyo nikaamini ningeliweza kuishi kama wao na kufanana nao.

Lakini nilipata kusikia juu ya injili ya maji na Roho

Mtakatifu toka kwa kaka yangu. Maneno katika injili hii yalinieleza ya kuwa wanadamu wote wamezaliwa wakiwa na uovu hivyo basi mambo ya uovu hutoka ndani yao na hata kuwanajisi (Marko7:20-23). Injili hunena ya kwamba, ingawa mtu ataweza kujaribu kutotenda uovu, lakini hushindwa na hata kuingia dhambini na kamwe hatoweza kijitakasa binafsi. Hii ndiyo maana Yesu alikuja ulimwenguni ili kutuokoa. Na ndiyo sababu Yohana akiwa mwakilishi wa wanadamu alimbatiza Yesu na kumtwika dhambi zote za ulimwengu (Mathayo 3:13-17). Yesu alibatizwa ili kubeba dhambi za ulimwengu na alihukumiwa msalabani kwa dhambi hizo.

Injili hii ilinishangaza. Nilikuwa nikisoma neno la Mungu kila siku, lakini kamwe sikufahamu juu ya ukweli huu kwamba tumezaliwa tukiwa na asili ya uovu na pia Yesu alibeba dhambi zetu zote kwa njia ya ubatizo wake. Nilihudhuria kanisani kwa takribani miaka 20 lakini yote niliyo jifunza ni maneno juu ya msalaba wa Yesu tu. Kuishi kwa uadilifu, kutubu kila siku na kumtumikia Mungu kwa uaminifu.

Kwajinsi gani basi nilijaribu kufata mafundisho haya ya kanisa langu! Lakini niligundua kwa kupitia maandiko juu ya injili ya maji na Roho Mtakatifu, yakwamba kwa kuwa tumezaliwa tukiwa na uovu tulishindwa kufuata amri za Mungu lakini injili ya maji na Roho Mtakatifu ilinifundisha ya kwamba Yesu, Mwana wa Mungu alikuja ulimwenguni na kubatizwa na Yohana Mbatizaji ili kuweza kubeba dhambi zote za ulimwengu.

Niliwaza “ikiwa ndivyo basi kila kile nilicho kuwa nikijibidisha kilikuwa ni bure?” Lakini wasiwasi kama huu ulipotea baada ya kusoma biblia niligundua neno “*katika mapenzi haya mmepata utakaso kwa kuotolewa mwili wa Yesu Kristo mara moja tu*” (Waebrania 10:10). Msamaha wa dhambi huu haukuandikwa katika wakati ujao bali katika



wakati uliopita. Imani yangu ilikuwa ni ya wakati ujao hapo awali *“Dhambi zao na uasi wao sikukumbuka tena kabisa basi ondoleo la hayo likiwapo hapana toleo tena kwa ajili ya dhambi”* (Waebrania 10:17-18).

Biblia ina andika ya kwamba dhambi zote zilisamehewa takribani miaka 2,000 iliyo pita pale Yesu alipobatizwa na Yohana na hatimaye kufa msalabani. Ukweli huu upo wazi kabisa. Watu hawaendi mbinguni kwasababu ya sala zao za toba bali kwa kuamini injili ya maji na Roho Mtakatifu na kusamehewa dhambi zao. Mwishowe niligundua kwanini moyo wangu ulikuwa mtupu na nini kilicho kuwa kikiniweka mbali na Yesu. Ilikuwa ni dhambi.

Nilidhani kuwa ikiwa nitanena kwa lugha itakuwa ni ushuhuda tosha wa kwamba nimepokea Roho Mtakatifu, lakini sasa nimegundua yakwamba kwa kuamini ubatizo wa Yesu ulio safisha dhambi zote za ulimwengu (Mathayo 3:15) na damu yake iliyo lipia dhambi hizo ndiko basi njia pekee ya kuweza kupoke kipawa cha Roho Mtakatifu. Roho Mtakatifu wa Mungu ninafsi iliyo takatifu hivyo kamwe haitoweza kuweka makazi katika mioyo ya wenye dhambi, hivyo basi watu wote imewapasa kuamini ubatizo wa Yesu na damu yake hata kupokea msamaha wa dhambi zao. Nilichofanya huko awali kabla ya kuamini haya ilikuwa ni ujanja wa kima zingaombwe tu. Watu huamini ya kwamba kunena kwa lugha ni ushuhuda wa mwonekano wa nje katika kumpokea Roho Mtakatifu, lakini hili ni mojawapo ya ujanja wa shetani.

Wakristo wengi wameangukia katika mtego huu. Hawajui yakwamba tayari wamekwisha danganywa na shetani. Nahuzunika sana kwaajili yao na hivyo ningependa kuwapa ushuhuda huu. Namshukuru Bwana kwa kuniokoa toka upotofu huo. Kama ilivyo andikwa *“Mungu aliwapa roho ya usingizi, macho hata wasione na masikio hata wasisikie hata sikuhi ya*

*leo” (Warumi 11:8).*

Ni wale tu wanye kuamini injili ya maji na Roho Mtakatifu ndiyo watakao weza kunga'mua ukweli na kutenda vile Mungu apendavyo. Nilikuja kugundua ukweli na kuona wazi kile shetani alichonidanganya kwa kupitia injili ya maji na Roho Mtakatifu. Mungu ni Roho wa kweli. Roho Mtakatifu wa Mungu kamwe haji ndani yetu kwa mfano wa pepo wachafu, badala yake Mungu hutuma watumishi wake kutuelekeza wokovu wetu kwa kupitia maneno ya Mungu na hatimaye kutupatia Roho Mtakatifu.

Namshukuru Bwana kwa neema yake kwa kuniokoa toka kwa shetani na mtafaruku wake wa kiroho na kunisaidia kumpokea Roho Mtakatifu. Nilikutana na mtumishi wa Mungu na kuamini maneno ya Mungu hatimaye Mungu akanipatia Roho Mtakatifu kama kipawa. Hakika ninafuraha kwasababu Roho Mtakatifu ni Roho aliyeweka makazi ndani yangu. ☒

# MAELEZO YA ZIADA 2

## Maswali na Majibu

---

Unaweza Kupakua Vitabu vya Kikristo vya Mchungaji Paul C. Jong  
katika Kompyuta, Kompyuta-Kibao, au kwenye Simu-Mahiri

# Maswali na Majibu

Watu wengi ulimwenguni wana hamu ya kuelewa juu ya kupokea uwepo wa Roho Mtakatifu na hivyo wametuma maswali kupitia aina mbali mbali za mawasilino ikiwa pamoja na mtandao wa tovuti. Hapa chini ni baadhi tu ya majibu kupitia maswali ambayao tumeyachukulia kama ndiyo mojawapo yanayo ulizwa mara kwa mara au ndiyo yaliyo muhimu zaidi.

**Swali 1:** Ninamwamini Yesu na nadhani nilikwisha pokea ondoleo la dhambi. Pia naamini kwamba Roho Mtakatifu ameweka makazi ndani yangu. Nafahamu yakwamba mtu aliyeokolewa ni hekalu la Mungu. Kila ninapo anguka na kutenda dhambi, Roho Mtakatifu hunirejesha katika mahusiano na Mungu upya kwa kunihukumu na kunisaidia ili niweze kutubu dhambi zangu ili niweze kupokea msamaha wa dhambi. Nimegundua ya kwamba nisipofanya hivyo, Mungu ataniadhibu. Je ni kweli kwamba Roho Mtakatifu hakai ndani yetu kwa nyakati fulani ikiwa hatuto tubu dhambi zetu na kusamehewa?

**Jibu:** Hakika hivi sivyo ilivyo, Roho Mtakatifu kuweka makazi hakutegemei vile ilivyo juhudi zetu, au hata tukitenda jambo jema au la. Kwa maneno mengine haitegemei mapenzi yetu au matamania yetu. Sasa basi kunategemea kitu gani? Roho Mtakatifu hakai ndani ya mtu kwa sababu eti ametubu dhambi na kusamehewa, badala yake Roho Mtakatifu huweka

makazi ndani ya mtu nyakati zote ikiwa pale mtu huyo amepokea msamaha wa dhambi kwa kuamini Injili ya maji na Roho. Roho Mtakatifu kamwe hatoweza kuweka makazi ndani ya mtu aliye na hata dhambi kiasi kidogo.

Hata hivyo watu wengi hudhani ya kwamba Roho Mtakatifu huweka makazi ndani yao ikiwa pale watakapo tubu dhambi na kuomba msamaha, na ikiwa kinyume basi hatoweza makazi ndani yao. Hakika huu ni upotofu, Biblia inasema Roho Mtakatifu aliwafikia Mitume siku ile ya Pentekoste. Lakini imetupasa kuelewa akilini kwamba waliweza kupokea uwepo wa Roho Mtakatifu ndani yao si kwa sababu ya sala za toba, bali kwa sababu walikwisha samehewa dhambi zao zote baada ya kuamini Injili ya maji na Roho.

Roho Mtakatifu ni Roho wa Mungu na huja juu ya wale wote wenye haki walio takaswa kwa dhambi zao kwa kupokea msamaha wa dhambi zao zote. Kile biblia inachomaanisha kwa neo “Utakatifu” ni “kutengwa toka dhambini”. Kuondoa dhambi kwa kutubu na kusali sala ya toba pale dhambi inapotendeka si msamaha ulio sahihi mbele za Mungu. Je, mtu anaweza kutubu dhambi zote pasipo kusahau nyingine mbele za Mungu?

Ni wale tu wanao amini juu ya ubatizo wa Yesu kwa Yohana na damu yake iliyo mwagika msalabani kulingana na mpango wa Mungu kwa wokovu wao, ndiyo watakao weza kupokea msamaha wa dhambi pamoja na uwepo wa Roho Mtakatifu ndani yao ikiwa ni kipawa cha Mungu. Hata hivyo sababu ya baadhi ya watu wanao jaribu kumpokea Roho Mtakatifu kwa kupitia juhudi zao nikunatokana na wao kushindwa kupokea msamaha halisi wa dhambi ndani ya mioyo yao.

Roho wa kweli wa Mungu haji na kufanya makazi ndani ya watu kwa kupitia toba. Huja moja kwa moja ndani ya pale

wanapopokea msamaha wa dhambi kwa kuamini Injili ya maji na Roho. Jambo hili ni muhimu sana kwa imani ili uweze kupokea uwepo wa Roho Mtakatifu mbele ya Mungu.

Roho Mtakatifu haji kwa kupitia aina zozote za juhudi na matendo kwa upande wetu. Huja juu ya yule anaye amini Injili ya maji na Roho. Tulisamehewa dhambi zetu zote kwa kuamini ya kwamba, Yesu alibeba dhambi zetu zote ulimwenguni kwa kupitia ubatizo wake kwa Yohana pale Yordani takribani miaka 2000 iliyo pita. Roho Mtakatifu ataweza kuweka makazi ndani ya yule atakaye hifadhi aina hii ya imani.

Kamwe hatoweza kuweka makazi ndani ya moyo wa yule aliye na dhambi. Jambo hili ni hakika na kweli ikiwa mtu ataomba uwepo wa Roho Mtakatifu ndani yake kwa kupitia sala za toba kila mara anapo anguka katika dhambi badala ya kuwa na imani ya Injili ya kweli, kamwe hatoweza kupokea Roho Mtakatifu. Hii inadhihirisha ya kwamba bado anadhambi moyoni mwake ingawa anamwanini Yesu.

Shetani ndiye anaye tuhukumu, katika Watumi 8:1 imeandikwa *“sasa basi hakuna hukumu ya adhabu juu yao walio katika Kristo Yesu”*.

Ingawa wapo wanaothubutu kudai kuwa wamekwisha kupokea msamaha wa dhambi na uwepo wa Roho Mtakatifu ndani yao. Ikiwa yeyote bado kusamehewa dhambi zake zote kwa kuamini Injili ya maji na Roho, basi bado dhambi zitaendelea kuwe ndani ya moyo wake. Na hii ndiyo maana imekupasa kuwa na ufahamu ulio sahihi juu ya Injili ya maji na Roho ili kwa hakika uweze kupokea uwepo wa Roho Mtakatifu ndani yako. Ikiwa ungependa kujifunza juu ya Injili ya maji na Roho kwa undani zaidi tungependa kukuelekeza usome mlolongo wa vitabu vya Pauli C Jong kuanzia kile cha kwanza kiitwacho “Je umezaliwa upya kweli kwa maji na kwa Roho?”

**Swali 2:** Je Roho Mtakatifu huweka makazi ndani endapo utaendelea kuamini Injili ya maji na Roho au je kwa wakati mwingine huwa nje pembeni na kuja ndani yako pale unapo omba msaada?

**Jibu:** Roho Mtakatifu ni Msaidizi kwa maneno mengine. Mungu alitupatia sisi sote tulio wa haki kwake neema ya kuzaliwa upya mara ya pili kwa maji na Roho tokea pale Yesu alipo batizwa na Yohana mbatizaji, akafa msalabani na kufufuka (Yohana 15:26). Waefeso 1:13 *“Nanyi pia katika huyo mmekwisha kulisikia neno la kweli, habari njema ya wokovu wenu; tena mmekwisha kumwamini yeye wa kutiwa muhuri na Roho yule wa ahadi aliye Mtakatifu.”* Roho Mtakatifu huja kwa wale wenye haki ambao wamekwisha pokea msamaha wa dhambi kwa kumwamini Yesu Kristo na hivyo moja kwa moja kutiwa muhuri kama watoto wa Mungu.

Katika Yohana 14:16 Bwana alisema *“Nami nitamwomba Bwana naye atawapa Msaidizi mwingine ili akae nanyi hata milele”*. Wafuasi wa Yesu walipokea msamaha wa dhambi zao zote kwa kuamini kwamba Yesu alizibeba dhambi hizo zote za ulimwengu kwa njia ya ubatizo wake, na hii ndiyo kupelekea kwa Yohana Mbatizaji kusema. *“Tazama Mwanakondoo wa Mungu alichukuaye dhambi ya ulimwengu”* (Yohana 1:29).

“Dhambi ya ulimwengu” ni dhambi zote za watu wote ulimwenguni walizo tenda tokea mwanzo hadi mwisho wa dunia. Alikubali kuzibeba dhambi za ulimwengu mara moja, kufa msalabani, alifufuka na kwa jinsi hiyo alitufanya kuwa wenye haki daima. Katika Waebrania 10:12-14 imeandikwa *“Lakini huyu alipokwisha kutoa kwa ajili ya dhambi dhabihu moja idumuyo hata milele aliketi mkono wa kuume wa Mungu tangu hapo akingojea hata adui zake wawekwe kuwa chini ya miguu yake. Maana kwa toleo majo amewakamilisha hata*



*milele hao wanaotakaswa.”*

Bwana alibatizwa na Yohana, alisulubiwa ndipo alifufuka na hivyo kutufanya wenye haki daima. Tulisamehewa dhambi zetu zote mara moja na kuwa watoto wa Mungu kupitia Yesu na ukweli huu hauwezi kufutika hata milele. Wale walio wenye haki kupitia imani hii hawana dhambi moyoni mwao. Ingawa watu hawatoweza kujizua kutenda dhambi kutokana na udhaifu, lakini bado hawana dhambi daima kwa sababu Yesu alikwisha zibeba dhambi zote. Hivyo kamwe hawataweza kuwa wenye dhambi.

Roho Mtakatifu huweka makazi ndani ya mioyo ya wenye haki walio takaswa daima. Hatutoweza kujizua kutenda dhambi kutokana na udhaifu lakini ikiwa tunajikuta tunatenda dhambi mara kwa mara basi karama ya Yesu Kristo aliyetufanya kuwa wenye haki daima itakuwa ni bure, na itamlazimu afe kwa mara nyingine tena baada ya kubeba dhambi hizo. Hii ndiyo dhambi ya kumkufuru Roho Mtakatifu (Waebrania 6:4-8, 10:26-29).

Hivi ndivyo Roho Mtakatifu awekavyo makazi ndani ya wale walio na haki ambao wanapokea msamaha wa dhambi na kuzaliwa upya kwa kuamini Injili ya maji na Roho Paulo alisema, *“Kwa kuwa wewe ni hekalu la Mungu aliye hai. Kama Mungu alisema: Nitaakaa ndani yao na kutembea kati yao. Nitakuwa Mungu wao, nao watakuwa watu wangu”* (2 Wakorintho 6:16).

Roho Mtakatifu wakati wote huweka makazi ndani ya watoto wa Mungu wale walio takaswa dhambi zao daima, neno “Kuweka makazi” hapa halina maana kwamba huwa nje kwa kuzunguka huku na kule na kuja ndani yetu pale tunapo fanya maombi na kumwita, bali “hukaa ndani yetu daima” Hukaa ndani ya wale wote walio kwisha zaliwa upya kwa maji na Roho akiwafundisha mambo yote na kuwaongoza katika kulielewa neno la Mungu (Yohana 14:26).

Hivyo, yeyote asiye na Roho Mtakatifu si wa Mungu (Warumi 8:9). Roho Mtakatifu huweka makazi ndani ya wale wote walio takaswa dhambi zao akiwafundisha mambo yote ya mbinguni na kuwashuhudia ya kwamba wao ni watoto wa Mungu. Si kweli kwamba Roho Mtakatifu hukaa karibu nasi akija kwetu kama thamani ya juhudi zetu binafsi; badala yake hukaa ndani ya watoto wa Mungu walio zaliwa upya kwa maji na kwa Roho.

Hata hivyo watu wengi hawana ufahamu huu na hivyo kujaribu kumpokea Roho huku wakiwa na dhambi mioyoni mwao. Na matokeo yake hudhani ya kwamba huja juu yao pale wanapofanya juhudi binafsi katika maombi ya kutubu na huwaacha pale wanapo tenda dhambi. Na hii ndiyo imani ya wale wote ambao bado hawajapokea msamaha wa dhambi na uwepo wa Roho Mtakatifu. Wale wote walio na imani ya kweli huamini ya kwamba wataweza kumpokea Roho Mtakatifu na kuweka makazi ndani yao ikiwa ni ishara ya zawadi baada ya kusamehewa dhambi zao. Imewapasa watu kuachana na mawazo binafsi na kuirudia imani katika neno la Mungu.

**Swali la 3:** Wazazi wangu wawili walisitiza ya kwamba wao ni wakristo walio zaliwa upya mara ya pili hata kabla hawaja funga ndoa, kwa nyongeza niliishi maisha ya kuifuata dini yetu toka nilipo zaliwa. Nilidhani ya kwamba Roho Mtakatifu amekuwa ndani yangu toka nilipo zaliwa kimwili. Hata hivyo nimechanganyikiwa kwa sababu sina ufahamu wa kibiblia juu ya Roho Mtakatifu kuweka makazi ndani ya mtu, Je, Roho Mtakatifu ni kweli huja na kuweka makazi ndani ya mtu aliye zaliwa upya kwa maji na kwa Roho?

**Jibu:** Ndiyo ni kweli kila mtu huitaji dhambi zake

zisamehewe kwa kuiamini Injili ya maji na Roho ili aweze kumpokea Roho Mtakatifu. Biblia inatueleza ya kwamba “maji” ni mfano wa wokovu (1 Petro 3:21). Hapa maji husimama badala ya ubatizo wa Yesu alio upokea kwa Yohana (Mathayo 3:15).

Kwanza kabisa kila mtu huitaji kusamehewa dhambi zake zote kwa kufahamu maana ya ubatizo wa Yesu ili kuweza kumpokea Roho Mtakatifu, Wagalathia 3:27 inasema “*Maana ninyi nyote mliobatzwa katiak Kristo mmemvaa Kristo. Hapa neno “mliobatzwa katika Kriso” halimaanishi ubatizo wetu wa maji bali maana yake ni kupokea msamaha wa dhambi kwa kuelewa na kuamini sababu ya Yesu kubatizwa na Yohana.*

Kila mtu amezaliwa akiwa na mwili wenye dhambi. Warumi 5:12 inasema “*kwa hiyo kama kwa mtu mmoja dhambi iliingia ulimwenguni na kwa dhambi hiyo mauti na hivyo mauti ikawafikia*” basi watu wote duniani wamezaliwa wakiwa ni wenye dhambi kwa kurithi toka kwa Adamu na Hawa.

Hivyo katika Zaburi 51:5 imeandikwa “*Tazama mimi naliumbwa katika hali ya uovu Mama yangu alinichukua mimba hatiani*”. Katika Isaya 1:14 “*Ole wake taifa lenye dhambi watu wanaochukua mzigo wa uovu wazao wa watenda mabaya watoto wanao haribu*”. Watu wana mbegu ya dhambi toka kuzaliwa waliyoirithi. Watu wote ulimwenguni wameirithi dhambi toka kwa wazazi wao na hivyo kuzaliwa duniani wakiwa wenye dhambi. Kwa maneno mengine miili yetu imefungwa kifungo cha dhambi na kubeba matunda ya dhambi wakati wote wa uhai wetu.

Kwa maana hiyo kwa kudhani kwamba wazazi wote wawili wa kimwili walio zaliwa upya mara ya pili wakiwa na mtoto basi naye atapeokea Roho Mtakatifu, ni jambo la kuchekesha na la kiuchawi kwa imani. Aliye na aina hii ya mawazo akidhani ataweza kumpokea Roho Mtakatifu na

uwepo wake kwa njia binafsi kamwe haito wezekana kupitia aina hii ya imani.

Hivyo kila mtu imempasa kuamini Injili ya maji na Roho aliyo tupatia Yesu. Na hii ndiyo njia pekee ya kumpokea Roho Mtakatifu kwa kuwa ni zawadi ya Mungu. Yesu Kristo, mwana wa pekee wa Mungu alibeba dhambi zote za ulimwengu kwa kubatizwa na Yohana ndipo alihukumikiwa msalabani na baadaye kutufanya sisi wote wenye kumwamini kuwa wenye haki kweli. Huu ni mpango wa Mungu na mapenzi yake kwa mwanadamu na amewapa uwepo wa Roho Mtakatifu kwa wale wote wenye imani kulingana na mapenzi yake.

Kila mmoja hapa ulimwenguni amezaliwa akiwa na dhambi zake. Kwa hivyo itawezekana kupokea karama ya Roho Mtakatifu pale tu mtu apatapo msamaha wa dhambi na kutakaswa kwa kuamini Injili ya maji na Roho. Hivyo kila mtu imempasa kuweka akilini na kuamini kwamba Roho Mtakatifu huja juu yake pale anapo zaliwa upya mara ya pili kwa maji na Roho.

Haji kwa kutegemeana na aina fulani ya matakwa au juhudi tufanyazo bali kuweka kwake makazi kwa ujumla kunatokana na uaminifu wa Mungu aliyeweka ahadi. Kwa usemi mwinginie haji na kufanya makazi kutokana na mwanadamu au mafanikio ya kiroho, kuweka kwake makazi kutawezekana kwa imani kulingana na mapenzi ya Mungu.

Mapenzi ya Mungu yalikuwa ni kumtuma Yesu Kristo, Mwanawe wa pekee duniani ili awaokoe wanadamu wote kwa dhambi za ulimwengu kwa njia ya kubatizwa kwake na Yohana hatimaye akafanya afe msalabani kwa yote haya akaweza kuruhusu Roho Mtakatifu kuweka makazi ndani ya wale wote wenye kuamini, wenye haki walio kombolewa kutokana na dhambi zao zote kwa kutii mapenzi yake na kwa kuamini Injili ya maji na Roho Mtakatifu.

Nasi kwa sababu tumezaliwa na wazazi walio okoka. Hii ni imani ya kishirikina na ya utii usio na sababu ya msingi. Hii ni sawa na kujaribu kumpokea Roho Mtakatifu kwa mapenzi binafsi kinyume na ya Mungu. Hakuna njia nyingine ya ziada bali ni kuamini Injili ya maji na Roho ikiwa mtu atahitaji kuona Roho Mtakatifu anaweka makazi ndani yake.

**Swali la 4:** Bila shaka Roho Mtakatifu hunena na sisi kila siku. Hata wakati wa kanisa la mwanzo, mitume wa Yesu waliweza kufanya miujiza mingi. Bila shaka pia Roho Mtakatifu aliyetenda kazi nyakati hizo bado ndiye yeye atendaye hata sasa kwa njia ile ile. Kwa hiyo basi watu wengi wa Mungu hufanya miujiza katika jina la Yesu kwa mfano kukemea pepo au kuponya magaonjwa na mambo mengine yote katika kuwarejesha watu kwa Yesu. Natumaini kazi hizi kufanywa kwa kupitia Roho Mtakatifu, ikiwa ndivyo ilivyo, nini basi tofauti kati ya Roho Mtakatifu ambaye kwa uweza mkuu alitenda miujiza katika nyakati za kanisa la mwanzo na huyu atendaye miujiza kwa sasa? Je, Mungu si yule yule jana leo na hata sikuzote?

**Jibu:** Ama kwa hakika hakuna tofauti kati ya yule atendaye miujiza nyakati za kanisa la mwanzo na huyu atendaye kazi leo hii. Tofauti pekee iliyopo ni ikiwa watu watendao miujiza katika nyakati hizi endapo wameamini injili ya maji na Roho ama la. Sababu ya hili ni kwamba ingawa Roho wa Mungu nyakati zote ni yule yule pasipo kujali muda au vipindi, tofauti huja endapo mtu anao ufahamu halisi wa Injia halali ya kumpokea Roho Mtakatifu.

Watu wengi nyakati hizi hutenda miujiza pasipo kuwa na

ufahamu wa kibiblia ulio hakika katika kumpokea Roho Mtakatifu. Biblia inatuonyesha katika Matendo 2:38, Yohana 5:2-8 na 1Petro 3:21 kwamba njia pekee ya kumpokea Roho Mtakatifu ni kuamini injili ya maji na Roho. *“Mfano wa mambo haya ni ubatizo unao waokoa ninyi pia siku hizi.”*

Bila shaka Roho Mtakatifu alitenda mambo kama vile kuponya magonjwa na kukemea pepo pale Roho Mtakatifu alipo weka makazi ndani ya mitume katika nyakati hizo za kanisa la mwanzo. Hata hivyo hawakutoza fedha au kutoa sauti kali wakati walipokuwa wakitumia vipawa vya kiroho kama tuonavyo shuhudia nyakati hizi baadhi ya watu wafanyavyo. Mitume walidhihirisha uweza uliomo ndani yao kuwa ni mojawapo tu ya njia ya kufikisha ujumbe wa injili. Zaidi ya yote kuponya magonjwa na kukemea pepo hazikuwa kazi pekee za Roho Mtakatifu katika nyakati hizo za kanisa la mwanzo. Hii ilikuwa ni sehemu ndogo kati ya ile kazi kuu.

Kwa jinsi hiyo basi ni hatari sana kudhani kwamba miujiza na maajabu yote kama vile kuponya magonjwa kukemea pepo na kunena kwa lugha katika ukristo wanyakati hizi ni hakika ya kazi za Roho Mtakatifu. Yatupasa kuamini ya kwamba aina zote za matukio yasiyo ya kawaida tunayo ya shuhudia kwa macho yetu katika ukristo wa nyakati hizi hayatokani na nguvu za Roho Mtakatifu. Bali yatupasa tuweze kung’amua watumishi wa kweli wa Mungu walio na uwepo wa Roho Mtakatifu, dhidi ya wale wasio naye ambao ama kwa hakika wamejawa na mapepo ndani yao. Hata ikiwa mtu ataweza kukemea pepo, kuponya magonjwa na hata kunena kwa lugha ikiwa bado anadhambi moyoni na huku haiamini injili ya maji na Roho, hakika huyo amejawa na pepo wachafu.

Yesu pia alisema katika Mathayo 7:20-23 *“Ndipo kwa matunda yao mtawatambua si kila mtu aniambiaye Bwana Bwana, atakaye ingia katika Ufalme wa Mbinguni, bali ni yeye*

*afanyaye mapenzi ya Baba yangu aliye mbinguni. Wengi wataniambia siku ile Bwana, Bwana hatukufanya unabii kwa jina lako na kwa jina lako kutoa pepo na kwa jina lako kufanya miujiza mingi? Ndipo nitawaambia, Amini sikuwajua ninyi kamwe endokeni kwangu ninyi mtendao maovu.”*

Tusifikiri ya kwamba kutenda miujiza pekee kwa mtu ndiko kunaonyesha kwamba anafanya kwa kupitia kazi za Roho Mtakatifu. Badala yake imetupasa kuchunguza kwa kina endapo mtu huyo anaihubiri injili ya maji na Roho au ikiwa yeye ni mwenye haki kwa kupokea msamaha wa dhambi zake zote. Roho Mtakatifu kamwe hatoweza kuweka makazi ndani ya mtu aliye na dhambi moyoni. Roho Mtakatifu hachangamani na dhambi.

Msamaha wa dhambi katika nyakati za mwanzo ndiyo ulikuwa ukithibitishwa kwa kushuka kwa Roho Mtakatifu. Na ndiyo ilikuwa ni zawadi au kipawa cha Mungu kwa wale wote walio pata ondoleo la dhambi zao zote.

Ingawa watu wengi bado wanadhani ya kwamba kuponya magonjwa kunena kwa lugha na kukemea pepo kwa jina la Yesu bila shaka ni kazi za Roho Mtakatifu. Hili ni kosa na ni imani ya hatari. Yatupasa tuweze kueleza endapo watu hawa wana tenda miujiza ya kweli hata ikiwa mtu anauwezo wa kutenda miujiza mingi kwa jina la Yesu. Lakini ikiwa hajui au hata kuamini injili ya kweli ya maji na Roho, ndipo basi ataweza kuwa mwalimu mwongo. Watu aina hii huangamiza nafsi za watu wengi na kudai fedha ili kutosheleza tamaa zao za kidunia.

Hivyo kazi za mtu aliye na dhambi moyoni si kazi kweli za Roho Mtakatifu bali ni za pepo wa uovu. Roho Mtakatifu aliye tenda kazi nyakati za kanisa la mwanzo na huyu atendaye sasa ni mmoja. Hata hivyo ipo tofauti ya wazi kati ya kazi za Roho Mtakatifu zinazoonekana kwa walio mpokea Roho Mtakatifu na zapepo waovu wanao onekana kwa kupitia manabii wa uongo.

### **Swali la 5: Nini Roho Mtakatifu anachofanya nyakati hizi?**

**Jibu:** Roho Mtakatifu katika nyakati hizi kwa uwazi hufanya kazi ya kutambulisha na kuweka bayana mafundisho ya uwongo kwa kupitia maneno ya Mungu. Yeye ndiye anaye hubiri injili ya maji na Roho, ambayo Bwana ametupatia kwa nafsi zinazokufa kutokana na uovu katika kipindi hiki cha mkanganyiko ili kuokoa.

Yatupasa kuelewa yakwamba wapo manabii wa uongo watendao kazi ndani ya Ukristo siku hizi ulimwenguni pote. Ingawa wanadhambi mioyoni mwao bado wanatenda dhambi, wakinena kwa lugha, wakitenda miujiza ya uongo, na kuona maono. Kwa nafsi zilizo changanyikiwa katika nyakati hizi Roho Mtakatifu aliye msaidizi ana uhakikishia ulimwengu kwa habari ya dhambi, haki na hukumu (Yohana 16:8).

Kabla ya yote, Roho wa kweli huleta hukumu ya dhambi kwa wanadamu. Dhambi katika mtazamo wa Mungu ni kule kutoiamini injili ya maji na Roho aliyotupatia. Yeye huleta hukumu ndani ya mioyo ya wale wote wasio iamini injili njema ya ubatizo wa Yesu kwa Yohana Mbatizaji na damu yake msalabani, huku akionya kwamba ni wenye dhambi na mwisho wao ni motoni.

Pia yeye hushuhudia juu ya haki ya Mungu alivyo mtuma Yesu kuja ulimwenguni akiwa mfano wa mwanadamu ili aweze kubeba dhambi zote za ulimwengu. Roho Mtakatifu husaidia watu wanao mwamini Yesu kupokea msamaha wa dhambi kwa kuamini injili ya maji na Roho, pia kuwaonya wale wote wasio tii injili ya kweli ingawa wanaelewa mapenzi ya Mungu wataweza kuhukumiwa kwa dhambi zao hapo baadaye.

Hapo mwanzo wakati Mungu alipoumba ulimwengu kwa



neni lake, Roho Mtakatifu alishirikiana naye na baadaye kuleta nuru ya kweli katika mioyo iliyo na utupu na kuchanganyikiwa ya wanadamu ili aweze kung'arisha kwa injili ya maji na Roho (Mwanzo 1:2-3). Kwa haya yote Roho Mtakatifu ameweka nuru katika nafsi zilizochanganyikiwa kwa dhambi katika nyakati hizi kupitia haki ya Mungu na hukumu ya dhambi zao.

**Swali la 6:** Je, kunena kwa lugha si ushahidi wa kupokea uwepo wa Roho Mtakatifu? Ni kwavipi basi tutaweza kujua yumo ndani yetu?

**Jibu:** Hatutoweza kuwa na uhakika endapo mtu anaweza kupokea uwepo wa Roho Mtakatifu ndani yake kwakuwa tu ananena kwa lugha. Hata watu walio pagawa na pepo wachafu hunena kwa lugha. Yakupasa uelewe ya kwamba shetani aweza kufanya mtu anene kwa lugha ngeni kwa jina la Yesu Kristo.

Ikiwa tutasema ya kwamba kunena kwa lugha ni ushuhuda wa Roho Mtakatifu kuweka makazi ndani ya mtu, basi hakika hili si sahihi kulingana na uhalisi wa kibiblia na hivyo kupeleka katika dhambi ya kumkufuru Roho Mtakatifu. (1 Wakorintho 12:30) inasema “*wote wana karama za kuponya wagonjwa? wotewanena kwa lugha? wote wafasiri?*” Kwakuwa Roho Mtakatifu ni Roho wa Mungu yeye hawezi kuwa na dhambi ndani yake wala kamwe hawezi kuweka makazi ndani ya mtu mwenye dhambi moyoni.

Imetupasa kutoamini kwamba mtu amempokea Roho Mtakatifu kwasababu tu ameweza kunena kwa lugha, bali yatupasa awali tuchunguze ikiwa mtu huyo amekwisha pokea msamaha wa dhambi kwa kuamini injili ya maji na Roho. Ikiwa mtu fulani atadhani ya kwamba amekwisha mpokea Roho Mtakatifu kwa sababu tu ana aina fulani ya matukio

yasiyo ya kawaida, kama vile kunena kwa lugha, basi upo uwezekano mkubwa kwamba amepotoka katika udanganyifu wa shetani (2 Wathesalonike 2:10). Roho Mtakatifu ni karama ambayo hutolewa na Mungu kwa watu wote walio kwisha kupata msamaha wa dhambi kwa kupitia maneno yake Mungu.

Kwa kukujibu swali lako la pili, Roho Mtakatifu ni Mungu halisi na ni Roho wa kweli. Hivyo yeye hutenda kazi pamoja na injili ya maji na Roho. Yeye hafanyi kazi kulingana na mapenzi ya mwanadamu. Huwaongoza wenye dhambi katika kuamini injili ya maji na Roho, akiwafundisha ukweli wenye haki, na pia akifundisha kwa upole juu ya injili ambayo ndiyo mapenzi ya Mungu pamoja nao. Haji juu ya watu kwa hisia za moto au kutetemesha miili. Mungu amewapa Roho Mtakatifu wale wote wenye haki ambao dhambi zao zimefutwa kwa njia ya utii wao wa injili ya maji na Roho. Amewafundisha kwamba wao wamekuwa watoto wa Mungu. Roho Mtakatifu hushuhudia ndani ya mioyo ya wenye haki kwamba wamekuwa ni watu wasiyo na dhambi na wenye haki kamili kupitia injili ya maji na Roho.

Hivyo ikiwa mtu atanena kwa lugha huku akiwa bado anadhambi moyoni Roho huyo aliye ndani yake hakika si yule Roho Mtakatifu bali ni roho wa shetani. Ikiwa unataka Roho Mtakatifu aweke makazi ndani ya moyo amini injili ya maji na Roho na ndipo basi Bwana atakubariki na uwepo wa Roho Mtakatifu ndani yako.

**Swali la 7: Je wafuasi wa Yesu walimpokea Roho tofauti katika vipindi pasipo kuhusika na msamaha wa dhambi?**

**Jibu:** Swala la kumpokea Roho Mtakatifu si tukio lenye

kupishana kwa muda na ukombozi. Twaweza kuona katika Biblia kwamba wafuasi wa Yesu walikuwa tayari wamekwisha mwamini Yesu kwamba alikwisha beba dhambi zote za ulimwengu kwa njia ya ubatizo wa Yohana hata kabla ya kumpokea Roho Mtakatifu (1 Petro 3:21 *Mfano wa mambo haya ni ubatizo unaowaokoa ninyi pia siku hizi*).

Msamaha wa dhambi maana yake ni wokovu wa dhambi. Kwa maneno mengine ni kutakaswa dhambi zetu zote mioyoni. Siku hizi wakristo wengi wamechanganyikiwa juu ya maana ya msamaha wa dhambi ambao Yesu alitupatia. Watu hawafahamu vile namna ya kupata msamaha wa dhambi. Hudhani ya kwamba tayari wamekwisha pokea ukombozi kwa dhambi zao. Kwa wale walio kwisha pokea msamaha wa dhambi zao wanashuhuda ndani yao. Hata hivyo ikiwa mtu hana ushuhuda wa neno la ukombozi ndani yake basi hakika bado hajampokea Roho Mtakatifu na pia hata msamaha wa dhambi zake zote.

Ikiwa anahisia za kimwili katika kujazwa Roho, hii ni matokeo ya kupotoshwa na hisia zako tu. Shetani hujigeuza na kuwa kama malaika wa nuru (2 Wakorintho 11:14-15, Wagalatia 1:7-9) akimlaghai mtu huyo na kumpotosha toka katika ukweli (Mathayo 7:21-23).

Wale walio kwisha samehewa dhambi zao wanaushuhuda ndani yao kwa sababu wanaamini Injili ya maji na Roho. Katika 1 Yohana 5:4-12 Mungu anamshuhudia Yesu Kristo aliyekuja kwa maji na damu. Zaidi ya yote anasema ikiwa mtu atakubali juu ya Roho fofauti au Injili tofauti (2 Wakorinto 11:4) basi mtu huyo haja pata msamaha wa dhambi au hata Roho Mtakatifu. Watu wataweza kupokea msamaha wa dhambi ikiwa tu watamwamini Yesu Kristo aliyekuja kwa Injili ya maji na Roho Mtakatifu. Ni muhimu katika kupata msamaha wa dhambi. Msamaha wa dhambi ni muhimu kwa ajili ya uwepo wa Roho Mtakatifu.

## **Swali la 8: Nini maana ya kupokea ubatizo wa Roho Mtakatifu?**

**Jibu:** Yatupasa kuelewa sababu ya ubatizo wa Yesu. Paulo alihubiri Injili ya ubatizo wa Yesu kwa baadhi ya Waefeso alipo sikia ya kwamba walikuwa wamebatizwa kwa “ubatizo wa Yohana tu”. Waliweza batizwa katika jina la Yesu Kristo na kupokea Roho Mtakatifu mioyoni mwao kwa kuamini kile Paulo alichosema juu ya ubatizo wa Yesu. Asili ya ubatizo wa Yesu alio upokea toka kwa Yohana na ubatizo huo wa Yohana wa toba ilikuwa ni tofauti. Ubatizo wa Yesu ulikuwa ni kutakasa dhambi ambao ni moja kwa moja unauhusiano na kupokea Roho Mtakatifu.

Sasa basi nini asili ya ubatizo wa Yohana? Alipaza sauti “tubuni enyi wazao wa nyoka! Acheni miungu yenu ya kigeni mnayo itumikia na kumrudia Mungu wa kweli”. Ubatizo wa Yohana ulikuwa ni watoba ambao uliwafanya watu wa mrudie Mungu. Hata hivyo ubatizo wa Yesu alio upata toka kwa Yohana ulikuwa ni kwa nia ya kumtwika dhambi za ulimwengu. Hii ndiyo tofauti kati ya ubatizo wa Yohana na ule wa Yesu kwa Yohana. Ubatizo wa Yesu ulitimiza haki yote.

Sasa basi ubatizo gani ulio timiza haki yote? Ni ubatizo ambao kwa kupitia Yesu ndiyo uliobeba dhambi zote za wanadamu tokea Adamu hadi mtu wa mwisho kuishi ulimwenguni. Kwa maneno mengine, ubatizo wa Yesu kwa Yohana ulikamilisha haki yote.

Kutimiza haki yote maana yake Mungu alimleta Mwana wake abatizwe na Yohana ili kubeba dhambi kwa ajili hiyo kwa kuhukumiwa msalabani Mungu alimfufua Yesu toka kifoni hivyo kutakasa wale wote wenye kumwamini.

Hili lilifanywa kwa ajili ya watu wote. Ubatizo wa Yesu na damu yake msalabani ulituletea wokovu wa milele,

msamaha wa dhambi zetu zote na nafasi ya kuishi na Mungu milele. Hii ndiyo haki ya Mungu upendo na wokovu wa wanadamu wote. Hapa tunaweza kuthibitisha ubatizo wa Roho Mtakatifu ulikamilishwa kwa kupitia ubatizo wa Yesu na damu yake msalabani.

Ili kubatizwa katika jina la Yesu Kristo yatupasa tuwe na ushuhuda wa kuamini kwamba dhambi zetu zote ulimwenguni zilitwikwa juu ya Yesu kwa njia ya ubatizo wake. Kila aliye pokea msamaha wa dhambi kwa kuamini ubatizo wa Yesu na damu yake msalabani itampasa abatizwe katika jina la Yesu Kristo.

Hivyo tunabatizwa ikiwa ni uthibitisho wa imani yetu katika ubatizo wa Yesu na kutumiza ile amri ya Yesu iliyo sema *“Basi enendeni mkawafanye mataifa yote kuwa wanafunzi mkwabatiza kwa jina la Baba na Mwana na Roho Mtakatifu”* (Mathayo 28:19). Yesi alibatizwa na Yohana ili kwamba aweze kubeba dhambi zote za ulimwengu na kwa kuwa huu ndiyo ukweli uongozao watu katika kumpokea Roho mtakatifu, hivyo basi utaweza kuitwa pia ni ubatizo wa Roho Mtakatifu.

### **Swali la 9: Roho Mtakatifu alijidhihirisha vipi katika nyakati fotauti za Agano la Kale na Agano Jipya?**

**Jibu:** Roho Mtakatifu ni Mungu yule yule ukiachilia mbali vipindi vyake. Hivyo asili ya Uungu wake haibadiliki kamwe bila kujali ikiwa tunasoma juu yake wakati wa Agano la Kale au Jipya. Hata hivyo ni kweli kwamba alifanya kazi katika hali ya utofauti wakati wa Agano la Kale na Jipya kwa matakwa ya Mungu ili kuokoa wanadamu kwa dhambi zao.

Katika Agano la Kale Mungu alimwachilia Roho Mtakatifu kwa watu wake kwa njia ya aina yake ili kwamba

waweze kunena maneno yake, kuonyesha mapenzi yake kwa njia ya miujiza na kutenda kazi yake. Mfano Roho wa Bwana alianza kuwa juu ya Samsoni aliye Mwamuzi kwa wakati huo alitenda kazi kuu kwa kupitia yeye, (Waamuzi 13:25, 14:19) kwa maneno mengine Roho Mtakatifu alikuja juu ya wale walio teuliwa halisi wakati wa Agano la Kale.

Hata hivyo wakati wa Agano Jipya kwa kuiweka wakfu siku ya Pentekoste kama mwazo wa kuja kwake Roho Mtakatifu, Mungu alimtuma Roho Mtakatifu kwa kila mtakatifu aliye kwisha pokea msamaha wa dhambi kwa njia ya imani ya injili ya maji na Roho na kuruhusu Roho huyo kuweka makazi ndani yao daima milele.

Hivyo baada ya kuja kwake Roho Mtakatifu katika siku ile ya Pentekoste wenye haki wote ambao dhambi zao zilisamehewa kwa kuamini kwao injili ya kweli wataweza kuwa na uwepo wa Roho Mtakatifu ndani yao. (Matendo 2:38). Petro alikwenda nyumbani wa Kornelio aliyekuwa mtu wa mataifa akida wa kikosi kilichoitwa Kitalia na kumhubiria injili ya ubatizo wa Yesu na damu yake msalabani, wakati Petro alipokuwa akiongelea juu ya injili hiyo kwao, ndipo Roho Mtakatifu akawashukia juu yao wale walio sikia neno (Matendo 10:34-45). Hii inatuthibitishia kwamba katika muda huo waliokuwa wakiisikiliza na kuamini injili ya ubatizo wa Yesu na msalaba wake ambaye Yesu aliikamilisha, waliweza kumpokea Roho Mtakatifu kama zawadi kwao.

Mungu alisababisha Roho Mtakatifu kuweka makazi ndani ya wale wote wenye haki ambao tayari wamekwisha pokea msamaha wa dhambi kwa kuamini injili ya kweli. Roho Mtakatifu katika Agano la Kale amechukua nafasi ya juu katika kuwaongoza watu kwa Yesu Kristo. Roho Mtakatifu katika Agano Jipya anashuhudia haki ya Mungu na kusimama akiwa kama mthibitishaji kwa hilo. Haki ya Mungu maana

yake ni Yesu kusamehe dhambi zote za ulimwengu kwa njia ya ubatizo wake na damu yake msalabani. Na Roho Mtakatifu husimama akiwa kama mthibitishaji wa injili ya wokovu na kusaidia kila aiadiniye.

**Swali la 10:** Niliwahi kuishi kwa muda mrefu na huzuni baada ya tabibu kunifanyia uchunguzi na kugundua kwamba tatizo langu la tumbo lilikuwa ni saratani. Siku moja rafiki yangu Mkristo alinitembelea na kuaniambia ya kwamba kila atakaye hudhuria mkutano wa hadhara katika kanisa lao ataponywa magonjwa ya aina zote. Kwangu mimi niliyekuwa sina imani na Mungu, kwa wakati huo kuponywa kwa ugonjwa kwa nguvu za Mungu ingelikuwa ni jambo zuri na laukweli. Katika siku ya mwisho wa mkutano huo, kila mtu alimjia mtumishi huyo ili kupokea tendo la kuwekewa mikono yake. Aliponiwekea mikono juu yangu aliniambia niseme maneno nisiyo yaelewa na kuniuliza ikiwa na mwamni Yesu Kristo kwa uponyaji wa nguvu zake. Ingawa kusema kweli sikuwa namwamini moyoni nilifedheheka na kujibu ndiyo. Na papo hapo nilihisi kitu kama joto la umeme likipita ndani yangu. Niliweza kuhisi mwilini kuwa saratani emeponywa. Nikaamua kumwamini Bwana muda huo huo na baadaye furaha kuu na amani ilinijia moyoni na nikaanza maisha mapya. Nilianza pia kujitolea kueneza injili. Nadhani huyo alikuwa ni Roho Mtakatifu aliye sababisha yote haya na naamini ya kwamba ameweka makazi ndani ya moyo wangu. Je wewe nawe hudhani kuwa ni hivyo?

**Jibu:** Ama kwa hakika ulipatwa na jambo la ajabu.

Nimekwisha sikia shuhuda nyingi za aina hii toka kwa watu walio jitolea maisha yao kuishi kwa ajili ya Bwana baada ya matukio ya majibu ya sala zao kwa Mungu. Hata hivyo, ningelipenda kukuuliza ikiwa muujiza huo wako usio kwa kawaida utaweza kuwa bila shaka ni uthibitisho wa kwamba umempokea Roho Mtakatifu.

Kwa jambo la hakika, wakristo wengi nyakat hizi wataweza kujibu “Ndiyo” kwa swali hili. Wakati fulani Ukristo wa Magharibi ulikuwa ukianguka katika kipindi cha watu kupenda ya dunia. Kwa kipindi hicho kukaja wakati ulio kuwa ikiitwa “Vugu vugu la Karama za Kipentekoste” (Pentecostal-Charismatic Movement) uliochipuka na Ukristo ukaonekana kuamka ajabu, na hasa katika nchi zisizo endelea na zilizoendelea.

Matokeo yake wakristo wengi waliangukia katika tabia hii ya uamsho ambayo ilitilia mkazo zaidi umuhimu wa matendo ya miujiza isiyo ya kawaida. Wale waliokuwa wakiongoza mikutano hii ya uamsho mara nyingine walipata umaarufu mkubwa wakiwa wainjilisti wa uamsho. Zaidi ya yote kwa kuwa walikua na shuhuda za ajabu zikiwa zao binafsi na kuelezea imani yao kwa njia yao.

Hata hivyo Biblia inasema “Hapana” kwa swali hilo hapo juu. Bila shaka Roho Mtakatifu anao uwezo kweli wa kutenda miujiza isiyo ya kawaida. Ingawa kwa kuwa yeye ni Roho wa kweli (Yohana 15:26) tutaweza kupokea Roho Mtakatifu ikiwa tu kwa njia ya neno la kweli.

Petro alimpokea Roho Mtakatifu siku ya Pentekoste na kwa kifua mbele aliweza kuihubiri injili akisema “*Mungu umemfanya Yesu huyo mliye msulubisha kuwa Bwana na Kristo*”. Ndipo wayahudi walio kuwa wakimsikiliza Petro na Mitume wengine wakajibu wakisema “*Tutendeje ndugu zetu?*” (Matendo 2:36-37) na akawajibu. “*Tubuni mkabatizwe kila*



*mmoja kwa jina la Yesu Kristo mpate ondoleo la dhambi zenu, nanyi mtapokea kipawa cha Roho Mtakatifu. Kwa kua ahadi hii ni kwa ajili yenu na kwa watoto wenu na kwa watu wote walio mbali na kwa wote watakaoitwa na Bwana Mungu wetu wamjie” (Matendo 2:38-39).*

Kwa maneno mengine Mungu alisema bayana kwamba atamleta Roho Mtakatifu kama zawadi kwa wenye haki walio pokea ondoleo la dhambi kwa kuamini injili ya Yesu Kristo. Uthibitisho wa pekee wa Roho Mtakatifu kuweka makazi ndani ya moyo wa mtu ni lile neno la kweli.

Je umekwisha pokea ondoleo la dhambi kwa njia ya injili ya maji na Roho? Ikiwa ndiyo basi utaweza kuwa na uhakika kuwa Roho Mtakatifu umekwisha weka makazi ndani ya moyo wako.

Hata hivyo haijalishi ni tukio gani la ajabu unaloweza kuanalo hapo awali au jambo linalo kushangaza ambalo ulilitenda, lakini bila shaka bado hujaweza kumpokea Roho Mtakatifu ikiwa bado unadhambi moyoni mwako. Sababu ni kwamba huna ushuhuda wa ondoleo la dhambi litokanalo na msingi wa neno la kweli. Kama ilivyo giza kutoweza kuwa na nuru, ndivyo hata Roho Mtakatifu hatoweza kuja ndani ya mwenye dhambi au hata kuweka makazi.

Nilikwisha pokea maswali ya aina mbali mbali yahusuyo jambo hili na utaweza kupata majibu yote kwa njia ya wewe kuamini juu ya ubatizo wa Yesu kwa Yohana na damu yake msalabani. Sasa kila anayeamini juu ya Yesu ataweza kumpokea Roho Mtakatifu ambaye Mungu aliahidi kumwaga katika nyakati hizi za mwisho. Tunamshukuru Bwana Mungu. Haleluyah!

Kitabu hiki kimejaa habari muhimu juu ya Roho Mtakatifu kitaweza kukusaidia kujibu maswali yako ikiwa ungehitaji kujua zaidi juu ya injili ya maja na Roho. Tafadhali

pitia vitabu vya mwanzo vya mwandishi vilivyo katika mlolongo wa vitabu vyako vya Kikristo.

*Je, umezaliwa kweli kwa maji na kwa Roho?*

Seoul: Hephizabah (toleo la Kiswahili)

*Rudi katika Injili ya maji na Roho*

Seoul: Hephzibah (toleo la Kiswahili)

Mungu anakuhitaji wewe uweze kupokea uwepo wa Roho Mtakatifu na hatimaye umsubiri Bwana kuja kwake. Ikiwa unaamini maneno ya Mungu pamoja na mwandishi basi utapokea uwepo wa Roho Mtakatifu na hatimaye kumrudishia Bwana utukufu. ☒


# PAKUA

**Vitabu na vitabu vya sauti vya Mchungaji Paul C. Jong** kwenye simu yako mahiri, kompyuta kibao au PC kwenye wavuti yetu. Unaweza kusoma na kusikiliza mahali popote, hata wakati hauna muunganisho wa mtandao.

 [www.bjnewlife.org](http://www.bjnewlife.org)



Ukurasa wa nyumbani



vitabu

vya

Vitabu pepe





## Rev. PAUL C. JONG

Mwandishi wa kitabu hiki, ambaye pia ni mwanzilishi wa huduma ya New Life Mission, kwasasa anajihusisha na huduma ya uandishi wa nyaraka za Kikristo kwa njia ya vitabu vya kuchapishwa na vya kielektronikali. Kazi zake zimekuwa zikitafsiriwa katika lugha kuu 96 na kusambazwa zaidi ya mataifa 200 duniani kote ambako vimejipatia sifa kwa wasomaji.

Mwandishi alianza kuandika juu ya hisiya zinazo leta utata baada ya kushuhudia mkanganyiko wa mawazo ulio wa kina kati ya Wakristo wengi ambao wamedanganyika kwa kazi za Shetani. Mkanganyiko huu wa kiroho pamoja na maswali yote ambayo hayajapatiwa ufumbuzi yanayo jitokeza bila kuonekana, yote haya nikwakuwa hapajakuweko na mwongozo wa wazi juu ya uwepo wa Roho Mtakatifu. Kitabu hiki kinatunyesha nini juu ya kweli katika uwepo wa Roho Mtakatifu kwa idadi ya Wakristo ulimwenguni pote ambao bado hawaja pokea uwepo huu ingawa walikwisha mwamini Yesu muda mrefu.

Mungu huruhusu Wakristo wengi kupokea uwepo wa Roho Mtakatifu kwa kumulika ulimwenguni na mwenge wa injili katika kipindi hiki muhimu; pale amabapo ulimwengu uanakaribia mwisho wake.

Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

## ***“Kitabu mahususi cha kujifunza njia ya kupokea uwepo wa Roho Mtakatifu”***



**Katika Ukristo swala lililo kuu na lakusumbua ni namna ya kupokea uwepo wa Roho Mtakatifu. Wakristo wengi wana weza kuwa na shahuku juu ya hili katika kujua:**

- ♠ Namna ipi ya kuweza kupokea Roho Mtakatifu?**
- ♠ Je, Roho Mtakatifu huweka makazi ndani yetu ikiwa tutamwomba kwa dhati?**
- ♠ Nitofauti ipi kati ya Roho Mtakatifu wa kipindi cha Kanisa la kwanza na huyu atendaye miujiza katika nyakati hizi**
- ♠ Je, kunena kwa lugha ni ushahidi wa kuwa na uwepo wa Roho Mtakatifu ndani?**
- ♠ Nini uhusiano kati ya “kuzaliwa upya mara ya pili” na “kupokea uwepo wa Roho Mtakatifu”?**
- ♠ Nini maana ya kupokea ubatizo wa Roho Mtakatifu?**

**Kitabu hiki kitakuongoza katika namna iliyo sahihi na wazi kibiblia katika majibu ya maswali hayo yote.**

**- Mwandishi -**